



দারসে হাদীস

(ভলিউম-১)

(১ম ও ২য় খণ্ড একত্রে)

দারসে  
হাদীস

মাওলানা খলিলুর রহমান মুমিন



রাসূল তোমাদের জন্য যা নিয়ে এসেছেন তা  
ধারণ করো এবং যা নিষেধ করেছেন তা থেকে  
বিরত থাকো। (সূরা হাশর:৭)

# দারসে হাদীস

## ভলিউম-১

(১ম ও ২য় খণ্ড একত্রে)

[পরিমার্জিত ও পরিবর্ধিত সংস্করণ]

মাওলানা খলিলুর রহমান মুমিন

---

প্রফেসর'স পাবলিকেশন্স

বড় মগবাজার, ঢাকা

ফোন: ০১৭১১ ১২৮৫৮৬, ০১৫৫২৩৫৪৫১৯

দারসে হাদীস

ভলিউম-১

মাওলানা খলিলুর রহমান মুমিন

প্রকাশক

এ এম আমিনুল ইসলাম

প্রফেসর'স পাবলিকেশন্স

ওয়ারেন্স রেলগেইট, মগবাজার, ঢাকা।

ফোন: ০১৭১১ ১২৮৫৮৬

প্রকাশকাল

ভলিউম আকারে

প্রথম প্রকাশ: এপ্রিল' ২০০৯

দ্বিতীয় প্রকাশ : এপ্রিল ২০১১ ইং

গ্রন্থভূ: প্রকাশক কর্তৃক সংশোধিত

কম্পোজ ও ডিজাইন

প্রফেসর'স কম্পিউটার

মগবাজার, ঢাকা

মুদ্রণ:

মার্জান প্রিন্টিং প্রেস

মগবাজার, ঢাকা

PPBN-019/1

ISBN-984-31-1426-0

মূল্য : একশত বিশ টাকা মাত্র

---

DARS-E-HADISH, VOLUME -01. PUBLISHED BY PROFESSOR'S  
PUBLICATIONS, BORO MOGHBAZAR, DHAKA-1217. PRICE

## নতুন সংস্করণে প্রকাশকের কথা

আলহামদুলিল্লাহ। মাত্র ৩ বৎসরের ব্যবধানে বইটির দুটো সংস্করণ নিঃশেষ হয়ে যাওয়ায় বুঝা যায় সম্মানিত পাঠকবর্গ অত্যন্ত আগ্রহের সাথে বইটি গ্রহণ করেছেন। অতি অল্প সময়ের ব্যবধানে বইটির কয়েকটি মুদ্রণ দ্রুত শেষ হয়ে যাওয়া-ই তার প্রমাণ। সাথে সাথে বিভিন্ন জায়গা থেকে পাঠকবর্গ প্রথম খণ্ডটিকে বর্ধিত আকারে প্রকাশ করার পরামর্শ দিয়েছেন। তাই এ সংস্করণে তিনটি নতুন হাদীস সংযোজন ও প্রয়োজনীয় সংশোধন করা হলো। অনেক পাঠক কয়েকখণ্ড একত্রে প্রকাশ করার পরামর্শ দেন। তার আলোকে আমরা বইটির ১ম ও ২য় খণ্ড একত্রে ভলিউম-১ এবং ৩য় ও ৪র্থ খণ্ড একত্রে ভলিউম-২ আকারে প্রকাশের উদ্যোগ নিয়েছি। এতে বইটির প্রথম খণ্ডে ১৫টি এবং দ্বিতীয় খণ্ডে ১৭টি বিষয়ের উপর দারস প্রকাশ করা হলো। আল্লাহ্ চাহেতো ভলিউমগুলোও পূর্বের মতই পাঠক প্রিয়তা পাবে, ইনশাআল্লাহ।

ক্রমবর্ধমান মূল্য বৃদ্ধির মুখেও আমরা যথা সম্ভব দাম কম রাখার চেষ্টা করেছি। আশা করি পাঠক সমাজ সহজভাবে মেনে নেবেন। আল্লাহ্ আমাদের সহায় হোন এবং হাদীসের আলোকে জীবন গড়ার তাওফীক দান করুন। আমীন।

-এ এম আমিনুল ইসলাম  
প্রকাশক

## প্রথম প্রকাশের ভূমিকা

সমস্ত প্রশংসা মহান আল্লাহর জন্য, যিনি বিশ্বজগতের পালনকর্তা। সহস্রকোটি দরুদ ও সালাম সমস্ত নবী-রাসূলগণের উপর। শেষ নবী মুহাম্মদ (স.), তাঁর পরিবারবর্গ এবং সমস্ত সঙ্গী-সাথীদের উপর।

সাম্প্রতিক কালে বাংলা ভাষায় কোরআন হাদীসের চর্চা উত্তরোত্তর বৃদ্ধি পাচ্ছে এবং এতদসঙ্গে আধুনিক শিক্ষায় শিক্ষিত বিপুল জনগোষ্ঠীর মধ্যেও মাতৃভাষায় ইসলামকে বুঝার অদম্য স্পৃহা জাগছে। ইতিমধ্যে আন্তর্জাতিক খ্যাতি সম্পন্ন অনেকগুলো তাফসীরগ্রন্থ মাতৃভাষায় প্রকাশ হয়েছে। পাশাপাশি নির্ভরযোগ্য হাদীস গ্রন্থগুলোও অনূদিত ও প্রকাশিত হয়েছে। তাফসির গ্রন্থের তুলনায় হাদীসের ব্যাখ্যা-বিশ্লেষণ তেমন একটা হয়নি।

এতদিন আশায় বুক বেঁধে ছিলাম, হয়তো কোন যোগ্যব্যক্তি এ বিষয়ে পদক্ষেপ নিবেন। কিন্তু হতাশ হয়েই আমার এ ক্ষুদ্র প্রয়াস। আমি জানি এটা ধৃষ্টতার নামান্তর। কারণ আমার জ্ঞানের যে বহর তাতে হাদীসের সমুদ্রে প্রবেশের অধিকার আমার নেই। তবুও আমি মনে করি আমার মতোই অনেক ভাই আছেন যারা দারসে হাদীসের বইয়ের জন্য উন্মুখ হয়ে আছেন। তাই আমার ক্ষুদ্র বইখানা যদি তাদের কোন উপকারে আসে তবে শ্রম স্বার্থক জ্ঞান করবো।

বইটি নতুন আঙ্গিকে ভলিউম আকারে প্রকাশ করার জন্য আমি প্রকাশকের নিকট কৃতজ্ঞ। বইটি প্রকাশের ক্ষেত্রে আমি অনেকের কাছে ঋণী। বিশেষ করে মোহতারাম রেজাউর রহমানের নাম উল্লেখ করতে হয়। তাঁর সহযোগিতার কথা ভোলা যায় না।

পরিশেষে মহান রাব্বুল আলামীনের দরবারে আকুল ফরিয়াদ তিনি যেন হাশর ময়দানে মুসিবতের সময় এই বইখানা আমার নাজাতের উসিলা করে দেন। সঙ্গে সঙ্গে প্রকাশ এবং পাঠকসহ সকলের জন্য আল্লাহর দরকারে দোয়া করছি। আমীন।।

বিনীত

খলিলুর রহমান মুমিন

## সূচীপত্র

| বিষয়                                             | পৃষ্ঠা |
|---------------------------------------------------|--------|
| ১. নিয়তের গুরুত্ব                                | ৭      |
| ২. ইসলামের ভিত্তি                                 | ১৩     |
| ৩. পরকালের জবাবদিহি                               | ২৪     |
| ৪. শ্রেষ্ঠ ও নিকৃষ্ট ব্যক্তির পরিচয়              | ৩২     |
| ৫. মানুষের নিকট অপছন্দনীয় অথচ মুমিনের জন্য উত্তম | ৩৬     |
| ৬. আরশের ছায়ায় স্থান লাভকারী                    | ৪০     |
| ৭. দীন হচ্ছে নসীহত                                | ৪৮     |
| ৮. জামায়াতবদ্ধ জীবনের গুরুত্ব                    | ৫৩     |
| ৯. সর্বোত্তম আমল                                  | ৫৮     |
| ১০. ইহলৌকিক ও পারলৌকিক কল্যাণ                     | ৭১     |
| ১১. সৎকাজের আদেশ অসৎ কাজের নিষেধ না করার পরিণাম   | ৭৬     |
| ১২. ইহকাল ও পরকালের তুলনা                         | ৮০     |
| ১৩. পাঁচটি বস্তুর পূর্বে পাঁচটি বস্তুর গুরুত্ব    | ৮৪     |
| ১৪. বিপর্যয়ের মূল কারণ                           | ৮৮     |
| ১৫. ইলম বিলুপ্তির ধারা                            | ৯৪     |

عَنْ عُمَرَ بْنِ الْخَطَّابِ قَالَ قَالَ رَسُولُ اللَّهِ صَلَّى  
اللَّهُ عَلَيْهِ وَسَلَّمَ - إِنَّمَا الْأَعْمَالُ بِالنِّيَّاتِ وَإِنَّمَا لِامْرِئٍ مَّا نَوَى -  
فَمَنْ كَانَتْ هِجْرَتُهُ إِلَى اللَّهِ وَرَسُولِهِ فَهِجْرَتُهُ إِلَى  
اللَّهُ وَرَسُولِهِ وَمَنْ كَانَتْ هِجْرَتُهُ إِلَى دُنْيَا يُصِيبُهَا  
أَوْ امْرَأَةٍ يَتَزَوَّجُهَا فَهِجْرَتُهُ إِلَى مَا هَاجَرَ إِلَيْهِ (بخاری - مسلم)

হযরত উমর ইবনুল খাত্তাব (রা) হতে বর্ণিত, তিনি বলেনঃ “রাসূলুল্লাহ -  
(সা) ফরমায়েছেনঃ সমস্ত কাজ-কর্মই নিয়তের উপর নির্ভরশীল এবং  
প্রতিটি মানুষের জন্য তাই রয়েছে যা সে নিয়ত করেছে। অতএব যে আল্লাহ  
এবং রাসূলের দিকে হিজরত করবে তার হিজরত আল্লাহ এবং তার  
রাসূলের দিকেই (পরিগণিত) হবে। যার হিজরত হবে দুনিয়া লাভের  
উদ্দেশ্যে অথবা কোন নারীকে বিবাহ করার উদ্দেশ্যে তার হিজরত সে  
দিকেই (গণ্য) হবে। যার দিকে সে হিজরত করেছে। (বুখারী, মুসলিম)

### শব্দার্থ

عَنْ - হ'তে। قَالَ - তিনি বলেছেন। إِنَّمَا - নিশ্চয়ই। الْأَعْمَالُ - কৃতকর্ম।  
إِلَى اللَّهِ وَرَسُولِهِ - প্রত্যেক মানুষের জন্য।  
فَمَنْ - যে (ব্যক্তি)। هِجْرَتُهُ - হিজরত করেছে।  
إِلَى اللَّهِ وَرَسُولِهِ - নিয়ত করেছেন।  
إِلَى دُنْيَا يُصِيبُهَا - অতঃপর।  
أَوْ امْرَأَةٍ يَتَزَوَّجُهَا - তাহাকে (স্ত্রী) বিয়ে  
করবে।  
إِلَى مَا هَاجَرَ إِلَيْهِ - তার দিকে।

### বর্ণনাকারীর (রাবীর) পরিচয়

হযরত উমর (রা) এর পিতার নাম খাতাব। মায়ের নাম হান্তামা। তিনি শৈশবে পিতার মেসের রাখালী করতেন। যৌবনে ব্যবসা শুরু করেন এবং যথেষ্ট উন্নতি করেন। তিনি শৈশব হতেই প্রখর মেধাসম্পন্ন ছিলেন। যুদ্ধবিদ্যা, কৃষ্টি, বক্তৃতা ও বংশতালিকা সংরক্ষণ প্রভৃতি বিষয় কৃতিত্বের সাথে আয়ত্ত্ব করেন। হযরত উমর (রা) ছিলেন তাঁর সময়ের শ্রেষ্ঠ কৃষ্টিগীর। মুসলমানগণ আবিসিনিয়া হিজরতের পর তিনি ইসলাম গ্রহণ করেন, তাঁর ইসলাম গ্রহণের ঘটনাও খুব আকর্ষণীয়। কারণ তিনি কাকের থাকাবস্থায় একদিন ছুজুরে পাক (সা) কে হত্যা করতে রওয়ানা হলেন। পথিমধ্যে শুনে পেলেন। তাঁর বোন ফাতিমা বিনতে খাতাব (রা) মুসলমান হয়েছেন। তখন সরাসরি বোনের বাড়ী গিয়ে বোনকে এবং ভগ্নিপতিকে মারধর করেন। এক পর্যায়ে বোনের রক্ত দেখে অনুতপ্ত হন এবং বোন-ভগ্নীপতির নিকট সূরা ত্বাহা শুনে বা দেখে হযরত খাব্বাব (রা) সাথে গিয়ে নবী করীম (সা) এর নিকট মুসলমান হন। তিনি ছিলেন সেই সৌভাগ্যশালী ব্যক্তি যার ইসলাম গ্রহণে আসমানের অধিবাসীগণ উৎফুল্ল হয়েছিলেন। হযরত উমর (রা) এর ইসলাম গ্রহণের পর প্রত্যক্ষভাবে দাওয়াতী কাজ ও আযানের প্রচলন হয়। তিনি ছিলেন ইসলামের একনিষ্ঠ সেবক; একাধারে বীরযোদ্ধা, ফকীহ, মোফাছির, মোহাদ্দিস ও উচ্চ পর্যায়ের একজন মুত্তাকী। তিনি বদর, উহুদ, খন্দকসহ প্রত্যেকটি যুদ্ধেই রাসূল (সা) এর সাথে শরীক হয়েছিলেন। তিনি নবী করীম (সা) এর নিকট নিজ কন্যা হযরত হাফসা (রা) কে বিয়ে দেন, সেই সূত্রে তিনি মহানবী (সা) এর স্বস্তর। খোলাফায়ে রাশেদার দ্বিতীয় খলিফা এবং আশারায়ে মোবাহশারার একজন। হযরত উমর (রা) হতে মোট ৫৩৯ টি হাদীস বর্ণিত হয়েছে।

### হাদীসটির গুরুত্ব

ইসলামে “আকিদাহ” এবং “ইবাদাত” সংক্রান্ত যা কিছু বলা হয়েছে এ হাদীসটি হচ্ছে তাঁর মূলনীতিস্বরূপ। এ হাদীসটি যদিও একমাত্র হযরত উমর (রা) ছাড়া অন্য কোন সাহাবী-ই বর্ণনা করেননি তবুও এটা বিশ্বয়ের ব্যাপার যে, সর্বজন জ্ঞাত ও প্রসিদ্ধ হাদীস সমূহের অন্যতম এ হাদীসটি। বখারী ছাড়াও মুসলিম, আবুদাউদ, তিরমিযি, নাসাঈ, ইবনে-মাজাহ সহ মুসনাদে আহমাদ,



দারা কুতনী, ইবনে হাব্বান, বায়হাকী প্রমুখ মুহাদ্দিসগণ স্ব স্ব কিতাবে লিপিবদ্ধ করেছেন। বুখারী শব্দের সামান্য পার্থক্য সহকারে এ হাদীসটি সাত জায়গায় বর্ণনা করেছেন। (মওলানা আব্দুর রহীম কৃত হাদীস শরীফ ১ম খণ্ড দ্রষ্টব্য।)

### পটভূমি

নবী করীম (সা) এবং মুসলমানগণের উপর যখন কাফেরদের নির্যাতন চরম সীমায় উপনীত হয় তখন আল্লাহর প্রত্যাদেশ (ওহী) অনুযায়ী সকল মুসলমান নর-নারী রাসূলুল্লাহ (সা) এর নির্দেশে মদীনায হিজরত করেন। তখন এক ব্যক্তি শুধুমাত্র একজন মহিলাকে বিবাহ করার জন্য হিজরত করেছিলো। ঐ ব্যক্তির নিকট ঈমান এবং হিজরতের গুরুত্বের চেয়েও বেশী ছিলো মহিলাকে বিয়ের গুরুত্ব। তখন নবী করীম (সা) হাদীসটি বর্ণনা করেন।

### ব্যাখ্যা

(ক) নিয়ত : নিয়ত শব্দের আভিধানিক অর্থ মনের দৃঢ় সংকল্প, অন্তরের গভীর ইচ্ছা, স্পৃহা। শরীয়তের পরিভাষায়-----

هو قصدك الشيء بقلبك وتحري الطلب منك

“তোমাদের মনের দ্বারা কোন জিনিসের প্রতি লক্ষ্য আরোপ করা এবং নিজের দ্বারা বাস্তবায়নের চেষ্টা করা।” (ইমাম খাতাবী)

ফতহুর রব্বানী ২য় খণ্ডে বলা হয়েছে:-

فوجه القلب جهة الفعل ابتغاء وجه الله تعالى  
وامتثالاً لأمره

“খোদার সন্তোষ লাভ ও তাঁর আদেশ পালনার্থে কোন কাজ করার দিকে মনের লক্ষ্য আরোপ ও উদ্যোগ।”

অত্র হাদীস অনুসারে ইমাম শাফেয়ী (রা) বলেনঃ প্রত্যেক কাজে নিয়ত করা অপরিহার্য। তাঁর দলিল “ইন্নামা” শব্দের পর “সিহহাতুন” শব্দটি উহ্য রয়েছে। যেমন

إِنَّمَا صِحَّةُ الْأَعْمَالِ بِالنِّيَّاتِ

অর্থঃ আমল ও ইবাদতের বিশ্বুদ্ধতা নিয়তের উপর নির্ভরশীল। পক্ষান্তরে ইমাম আবু হানিফা (রা) বলেনঃ সকল ইবাদাতে বা কাজে নিয়ত শর্ত নয়। হানাফী ইমামগণ বলেনঃ শব্দের পর -- ثَوَابٌ শব্দটি উহ্য আছে।

অর্থ

إِنَّمَا ثَوَابُ الْأَعْمَالِ بِالنِّيَّاتِ

“ইবাদতের সওয়াব প্রাপ্তি নিয়তের উপর নির্ভরশীল।” ইবাদাত নিয়ত ছাড়াও শুদ্ধ হয়ে যায়। যেমন ওযুতে নিয়ত না করলে সওয়াব পাওয়া যাবে না কিন্তু এ ওযু দ্বারা নামায শুদ্ধ হবে। যাহোক হানাফী ইমামগণের চূড়ান্ত কথা এই যে, ভালো কাজের সওয়াব নিয়তের উপর নির্ভরশীল।

নিয়ত বা উদ্দেশ্যকে কেন্দ্র করেই কাজের গতি প্রকৃতি নির্ণয় হয়। যে কাজ সং নিয়তে বা সং উদ্দেশ্যে করা হবে তা সংকাজ রূপে গণ্য হবে এবং তার বিনিময় আল্লাহর নিকট প্রাপ্য হবে। পক্ষান্তরে ভাল কাজও যদি খারাপ নিয়তে করা হয় তবে আল্লাহর নিকট তা কখনও সংকাজ রূপে গণ্য হবে না, আর এর বিনিময়ও সে পাবে না। এখানে কারো ধারণা হতে পারে, নিয়তের উপর যখন কাজের মূল্যায়ন হয় তখন খারাপ কাজও ভাল নিয়তে করলে তা সংকাজ হিসাবে গণ্য হওয়া উচিত। যেমন অনেকে সুদভিত্তিক ব্যাংকে টাকা রেখে সেখান থেকে প্রাপ্ত সুদের টাকা গরীবদেরকে সওয়াবের নিয়তে দান করে। গভীরভাবে চিন্তা করলে দেখা যায়, যে কাজ স্বয়ং আল্লাহ অথবা তাঁর রাসূল (সা) নিষেধ করেছেন, তা মূলতই খারাপ ও পাপের কাজ। কাজেই কোন পাপের কাজে সং নিয়ত করাটাই একটি পাপ। কারণ আল্লাহ ও তাঁর রাসূল (সা) যেটা খারাপ হিসেবে ঘোষণা করেছেন তা খারাপ মনে করে দূরে থাকাই ঈমানের দাবী। অধিকন্তু এরূপ করলে আল্লাহর দীনকে খেল তামাসার বস্তু মনে করা হয়।

বস্তুতঃ আল্লাহ রাব্বুল আলামীন পরকালে মানুষের বাহ্যিক কৃতকর্মের উপর বিচার করবেন না, নিয়ত বা আন্তরিকতার উপরই বিচার কার্য অনুষ্ঠিত হবে। কেননা আল্লাহতো মানুষের মানসপটে বুদবুদের ন্যায় ক্ষণস্থায়ী যে চিন্তা ভাবনা

স্থান পায় তার খবরও রাখেন। যেমন আল কুরআনে বলা হয়েছেঃ

আল্লাহ তোমাদের অন্তরের অন্তঃস্থলের খবর ও রাখেন।

হাদীসে বলা হয়েছেঃ

عَنْ أَبِي هُرَيْرَةَ رَضِيَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
إِنَّ اللَّهَ لَا يَنْظُرُ إِلَى صَوْرِكُمْ وَأَمْوَالِكُمْ وَلَكِنْ يَنْظُرُ إِلَى قُلُوبِكُمْ  
وَأَعْمَالِكُمْ -

(মসলম)

নিশ্চয়ই আল্লাহ তোমাদের বাহ্যিক আকার আকৃতি ও ধন সম্পদের দিকে চান না বরং তিনি দেখেন তোমাদের মনের অবস্থা ও কাজকর্ম। (মুসলিম)

বুঝা গেল মানুষ মানুষকে প্রতারণা করতে পারে কিন্তু আল্লাহকে প্রতারণা করার ক্ষমতা কারো নেই। তাই সকলকেই যখন তাঁর নিকট ফিরে যেতে হবে তখন সর্বদ্রষ্টা মহান আল্লাহকে স্মরণ করে তাঁর নিকট ফলাফলের প্রত্যাশা রেখেই যাবতীয় কাজকর্ম করা উচিত।

(খ) হিজরতঃ -- (হিজরত) অর্থ ত্যাগ করা বা সম্পর্ক ছিন্ন করা। শরীয়তের পরিভাষায় আল্লাহর সন্তুষ্টি অর্জনের লক্ষ্যে এক স্থান হতে অন্য স্থানে স্থানান্তর হওয়ার নাম হিজরত।

কোন মুসলমান অথবা মুসলমান সম্প্রদায় কোথাও যদি কোন কারণে স্বাধীনভাবে ইসলামের বিধি-বিধান অনুযায়ী জীবন যাপন করতে না পারে, যেমন কোন দেশের প্রশাসন ক্ষমতা কোন মুশরিক বা কাফেরের হাতি থাকায় ইসলামী বিধি- নিষেধ পালনে বাধার সৃষ্টি করে; অথবা কোন সংখ্যাগরিষ্ঠ বিধর্মী সম্প্রদায় বাধা সৃষ্টি করার কারণে পূর্ণাঙ্গ ইসলাম প্রতিষ্ঠার কাজে বিঘ্ন সৃষ্টি হয়, তবে ঐ স্থান হতে অপেক্ষাকৃত ভালো দেশ বা কোন ইসলামী হুকুমতে (যদি থাকে) স্থানান্তর হয়ে দীন কাজকর্ম চালিয়ে যাওয়াই হিজরতের লক্ষ্য। রাসূলুল্লাহ (সা) এর মক্কী জীবনের ১৩ বৎসর কালের কার্যাবলী বিশ্লেষণ করলেই উপরোক্ত বক্তব্য দিবালোকের ন্যায় প্রতিভাত হয়ে উঠবে।

## শিক্ষা

অত্র হাদীস হতে আমরা নিম্নোক্ত শিক্ষাগুলো পাই।

- (১) আল্লাহর দৃষ্টিকে ফাঁকি দিয়ে কোন কাজ করার ক্ষমতা মানুষের নেই।
- (২) ভালো কাজের বিনিময় আল্লাহর নিকট পাওয়া যাবে।
- (৩) প্রতিটি সৎকাজে নিয়তের বিশুদ্ধতা থাকতে যাবে।
- (৪) সৎয়িতে অসৎ কাজ করা যেমন অবৈধ তেমনিভাবে সৎকাজ ও অসৎ নিয়তে করা অবৈধ।
- (৫) দীনের প্রয়োজনে হিজরত করা জায়েয।

### তথ্যসূত্র

- ১। সহীহ আল বুখারী।
- ২। সহীহ আল মুসলিম।
- ৩। রিয়াদুস সালেহীন।
- ৪। ফতহুল বারী।
- ৫। উমদাহুল কারী।
- ৬। হাদীস শরীফ ১ম খণ্ড।
- ৭। সাহারা চিরত ইসলামিকি ফাউন্ডেশন।

عَنْ عَبْدِ اللَّهِ بْنِ عُمَرَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ بَنَى الْإِسْلَامُ عَلَى خَمْسٍ شَهَادَةٌ أَنْ لَا إِلَهَ إِلَّا اللَّهُ وَأَنَّ مُحَمَّدًا عَبْدُهُ وَرَسُولُهُ وَإِقَامُ الصَّلَاةِ وَإِيتَاءُ الزَّكَاةِ وَالْحَجُّ وَصَوْمُ رَمَضَانَ - (بخارى، مسلم)

হযরত আবদুল্লাহ ইবনে উমর (রা) হতে বর্ণিত নবী করীম (সা) বলেছেনঃ “ইসলামের ভিত্তি পাঁচটি স্তম্ভের উপর সংস্থাপিত। যথা— (১) আল্লাহ ব্যতীত কোন ইলাহ নেই এবং মুহাম্মদ (সা) তাঁর বান্দা এবং রাসূল— এ কথা সাক্ষ্য দেয়া। (২) নামায কায়েম করা (৩) যাকাত প্রদান করা (৪) হজ্জ করা এবং (৫) রমযান মাসে রোযা রাখা।” (বুখারী, মুসলিম)

শব্দার্থ :

يُؤَيِّنُ - যে। أَنْ - সাক্ষ্য দেয়া। شَهَادَةٌ - পাঁচ। خَمْسٍ - ভিত্তি করা হয়েছে। بَنَى - তৈর (আল্লাহর) বান্দা। عَبْدُهُ - তাঁর (আল্লাহর) বান্দা। وَرَسُولُهُ - প্রতিষ্ঠিত করা। إِقَامُ - দেয়া।

### রাবীর (বর্ণনাকারীর) পরিচয়

হযরত আবদুল্লাহ (রা) ছিলেন দ্বিতীয় খলিফা হযরত উমর (রা) এর ছেলে এবং নবী করীম (সা) এর সাহাবী। তিনিও পিতার মতো একজন উচ্চ স্তরে আলেম এবং বুজুর্গ ব্যক্তি ছিলেন। তিনি ছিলেন ফকীহ, মোফাচ্ছের ও মুহাদ্দিস। তিনি মর্যাদা ও পূর্ণতার উচ্চ আসনে সমাসীন ছিলেন। তাঁর এ মর্যাদায় অনেকে ঈর্ষা করতেন। ইমাম মালেক (রা) এর মুয়াত্তায় বর্ণিত আছে যে, তিনি শুধু সূরা বাকারার নিম্নেই ১৪ বৎসর গবেষণা চালিয়েছেন। হাদীস শাস্ত্রেও তাঁর দখল ছিলো পূর্ণমাত্রায়।

হযরত আবদুল্লাহ ইবনে ইমর (রা) থেকে মোট ১০৩৬টি মতান্তরে ১৬৩০টি হাদীস বর্ণিত হয়েছে। বুখারী মুসলিমের এক্যমত্যের হাদীস ১৭০টি। এছাড়া

বুখারী ৮১টি এবং মুসলিম ৩১টি হাদীসে ভিন্নমত পোষণ করেন। হিজরী ৭০ সনে ৮০ বৎসর বয়সে তিনি ইন্তেকাল করেন। মহানবী (সা) ছাড়াও তাঁর শিক্ষকগণের মধ্যে ছিলেন হযরত আবুবকর সিদ্দিক (রা) হযরত উমর (রা) (পিতা), হযরত উসমান (রা), হযরত আলী (রা), হযরত আয়েশা সিদ্দিকা (রা), হযরত হাফসা (রা) (বোন), হযরত আবদুল্লাহ ইবনে মাসউদ (রা), হযরত বেলাল (রা), হযরত যায়িদ ইবনে সাবিত (র) প্রমুখ বিখ্যাত সাহাবীগণ।

আবদুল্লাহ ইবনে উমর (রা) এর ছাত্রগণের মধ্যে ছিলেন নাফে (র), হাফস (র), সাঈদ ইবনে যুবায়ের (র) ইকরামা (র), মোজাহিদ (র), তাউস (র), আতা (র) প্রমুখ তাবয়ীগণ।

### বর্ণনাকাল

যেহেতু এ হাদীসে হজ্জের কথা উল্লেখ করা হয়েছে তাই প্রমাণিত হয় যে, অত্র হাদীস ৯ম হিজরীর শেষ দিকে অথবা ১০ম হিজরীতে বর্ণিত হয়েছে। কারণ একথা স্বীকৃত ও প্রমানিত যে ৯ম হিজরীতে হজ্জ ফরজ করা হয়েছে। তাছাড়া নামায, যাকাত ও সওম ইতিপূর্বেই ফরজ ঘোষিত হয়েছিলো।

### হাদীসটির গুরুত্ব

প্রত্যেক বস্তুর একটি মূল বা ভিত্তি থাকে। তেমনি ইসলাম নামক সুবিশাল এবং সুদৃঢ় প্রাসাদের ভিত্তি হচ্ছে হাদীসে উল্লেখিত পাঁচটি বস্তু। এ পাঁচটি ভিত্তির উপর ইসলামের যাবতীয় হুকুম-আহকাম, আকাইদ-ইবাদত, তৌহিদ, রেসালত ও আখিরাত নির্ভরশীল, এখানে একটি কথা ভালো করে বুঝে নেয়া আবশ্যিক। তা হলো অত্র হাদীসে কালেমা, নামায, রোযা, হজ্জ এবং যাকাত এই পাঁচটি বস্তুকে ইসলামের ভিত্তি বা মূল বলা হয়েছে মাত্র। পূর্ণ ইসলাম বলা হয়নি। কোন ব্যক্তি পাঁচটি ভিত্তি স্থাপন করেই যেমন পূর্ণাঙ্গ প্রাসাদের দাবী করতে পারে না তেমনি কোন ব্যক্তি হাদীসে বর্ণিত পাঁচটি কাজ করেই পূর্ণাঙ্গ ইসলাম পালনের দাবী করতে পারে না। অবশ্য একথা সর্বজন স্বীকৃত যে, কোন বস্তুর ভিত্তি যতো মজবুত হবে ঐ বস্তুর পরিপূর্ণ রূপও ততো শক্তিশালী হবে। তদুপ ইসলামের এ পাঁচটি ভিত্তি যতো দৃঢ় ও মজবুত হবে ইসলামের পরিপূর্ণ রূপও ততো সুন্দর ও শক্তিশালী হবে। বস্তুত ইসলামে এ হাদীসটির গুরুত্ব অপরিমীম।

## ব্যাখ্যা

(ক) কালেমার স্বীকৃতি: হাদীসে বলা হয়েছে-“যে সাক্ষ্য দিবে” সাক্ষ্য বা “শাহাদাত” শব্দটি আরবী ভাষায় কয়েকটি অর্থে ব্যবহৃত হয়। একটি অর্থতো হলো কোন বিষয় জেনে বুঝে এবং চিন্তা ভাবনা করে নিজের স্বীকৃতি দেয়া। উল্লেখিত বাক্যটির দু’টো অংশ আছে, প্রথম অংশ হলো আল্লাহকে “ইলাহ” হিসেবে মানা। “ইলাহ” শব্দটি আরবী অনেক অর্থে ব্যবহৃত হয়। যেমন-স্রষ্টা, বিধানদাতা, সার্বভৌম ক্ষমতার অধিকারী, রিজিকদাতা, মৃত্যুদাতা, প্রতিপালনকারী ইত্যাদি। এখানে “ইলাহ” শব্দের সব কয়টি অর্থ একত্রে প্রয়োগ করা হয়েছে। অর্থাৎ জীবনের সকল দিক ও বিভাগে একমাত্র আল্লাহকেই “ইলাহ” মানতে হবে। এই বাক্যের দ্বিতীয় অংশ হলো হযরত মুহাম্মদ (সা) কে রাসূল হিসেবে মানতে হবে। সাথে সাথে এ কথাও মানতে হবে যে, তিনি একজন মানুষ বা বান্দা। আর রাসূল হিসেবে মানার অর্থই হলো তাঁর ২৩ বৎসরের নবুওয়তী জীবনে আল্লাহর নিকট হতে যতো হুকুম আহকাম পেয়েছেন এবং তিনি সেগুলোর যেভাবে ব্যাখ্যা দিয়েছেন, যা (নবী হিসেবে) করেছেন, যা বলেছেন সব কিছু বিনা দ্বিধায় মেনে নেয়া। এখানে তাঁর কোন কথা বা কোন কাজ পূর্ণ অথবা আংশিকভাবে বাদ দেয়ার বা না মানার অধিকার কোন মুসলমানের নেই। উপরোক্ত সমস্ত কথা ও দিক ভালোভাবে জেনে বুঝে স্বীকৃতি দেয়ার কথাই এখানে বলা হয়েছে।

(খ) নামায: মৌখিক কালেমা পাঠ করে মানুষ যে স্বীকৃতি দেয় তার বাস্তব রূপায়ন ঘটে নামাযে। কোন মানুষ ইসলামে প্রবেশ করার পর স্রষ্টার পক্ষ থেকে তার উপর প্রথম দায়িত্ব হচ্ছে নামায। আর একমাত্র এ নামাযই কাফের এবং মুসলমানের মধ্যে পার্থক্যকারী।

মহানবী (সা) বলেছেন: -

بَيْنَ الْعَبْدِ وَبَيْنَ الْكُفْرِ تَرَكَ الصَّلَاةَ (مسلم)

“বান্দা এবং কুফুরীর মধ্যে পার্থক্যকারী হলো নামায।” (মুসলিম)

অন্য হাদীসে বর্ণিত আছে:-

الصَّلَاةُ عِمَادُ الدِّينِ فَمَنْ أَقَامَ الصَّلَاةَ فَقَدْ أَقَامَ الدِّينَ وَمَنْ تَرَكَ الصَّلَاةَ فَقَدْ هَدَمَ الدِّينَ -

“নামায দ্বীনের খুঁটি বা স্তম্ভ ! যে ব্যক্তি নামাযকে প্রতিষ্ঠিত করলো সে দ্বীনকে প্রতিষ্ঠিত করলো; যে নামাযকে পরিত্যাগ করলো সে যেন দ্বীনকে ধ্বংস করে দিলো।”

একটি সুখী সমৃদ্ধশালী সমাজ গড়তে নামাযের ভূমিকা অন্যতম। নামাযই পারে ব্যক্তির জীবন থেকে শুরু করে রাষ্ট্রীয় জীবন পর্যন্ত অন্যায় ও অশ্লীলতাকে রোধ করতে। এ ব্যাপারে স্বয়ং আল্লাহরাক্বুল আলামীন ইরশাদ করেনঃ-----

إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ -

“নিশ্চয়ই নামায অন্যায় ও অশ্লীল কাজ হতে (মানুষকে) বিরত রাখে।”

(সূরা আনকাবুতঃ৪৫)

রাষ্ট্রীয় ও সামাজিক জীবনে ও নামাযের গুরুত্ব অপরিসীম। যেমনঃ-

- (১) **সংঘবদ্ধ জীবনের প্রেরণা ও ট্রেনিং:** মানুষ সামাজিক জীব। সমাজ ও সামাজিকতা ছাড়া কোন মানুষ বাঁচতে পারে না। তাই নামায মানুষকে সংঘবদ্ধ জীবনের প্রেরণা দেয়ার সাথে সাথে নিয়মানুবর্তিতা ও শৃঙ্খলার ট্রেনিং দেয়। যাতে বাস্তব জীবনের অর্থাৎ পরিবার, সমাজ, রাষ্ট্র, অফিস, আদালত, কলকারখানা, যুদ্ধক্ষেত্র প্রভৃতি দিক সুদৃষ্টভাবে মেনে চলা সহজ হয়।
- (২) **ভাতৃত্ববোধ সৃষ্টি:** দৈনিক পাঁচবার মহল্লা বা এলাকার লোকজন একত্র হয়ে জামায়াতের সাথে নামায আদায়ের কারণে একে অপরের নিকটতম ও অন্তরঙ্গ বন্ধু বা প্রতিবেশী রূপে পরিচিতি লাভ করে, ফলে সমস্ত মুসল্লীদের মধ্যেই ভাতৃত্ববোধ এবং সহমর্তিতাবোধ সৃষ্টি হয়।
- (৩) **সাম্যের বাস্তব রূপায়ণ:** নামাযের মধ্যে ধনী-গরীব, আমীর-ফকীর, মনিব-চাকর, বড়লোক-ছোটলোক ইত্যাদির কোন ভেদাভেদ থাকে না। সকলেই কাঁধে কাঁধ মিলিয়ে মহাপরাক্রমশালী আল্লাহ রাক্বুল আলামীনের দরবারে সারিবদ্ধ হয়ে দাঁড়িয়ে যায়। সাম্যের এমন বাস্তব রূপায়ন পৃথিবীতে আর কোথাও নেই।
- (৪) **নেতৃত্ব ও আনুগত্যের সীমা পরিসীমা:** আল্লাহ এবং তাঁর রাসূল (সা) এর আদেশ পালনের জন্য নেতৃত্ব দেন ইমাম সাহেব, আনুগত্য করেন মুসল্লীবৃন্দ। এখানে ইমাম সাহেব কালো কি সাদা, ধনী না গরীব, বেটে না



লম্বা, সুন্দর না কুৎসিত সে প্রশ্ন অবান্তর। যতক্ষণ ইমাম সাহেব আদ্বাহ ও তাঁর রাসুলের (সা) প্রদর্শিত পদ্ধতি অবলম্বন করবেন ততক্ষণ সমস্ত মুসল্লীগণ বিনা দ্বিধায় তাঁর আদেশ (উমববটত) মানবে। ইমাম সাহেব যখনই কোন ভুল করবেন সাথে সাথে মুসল্লীবৃন্দ তাঁর ভুল সংশোধন করে দিবেন। এতে একবিন্দু বাড়াবাড়ি করা হবে না। ইমাম সাহেবও বিনা দ্বিধায় তা মেনে চলতে বাধ্য হবেন। এভাবেই নামাযের মাধ্যমে ইসলামী জামায়াতের নেতৃত্ব ও আনুগত্যের ট্রেনিং দেয়া হয়ে থাকে।

(৫) নামায পবিত্রতা শিক্ষা দেয়ঃ নামাযের পূর্বে ওয়ুকুরে পাক পবিত্র হয়ে অতঃপর নামায পড়তে হয়। হাদীসে আছে-

مِفْتَاحُ الْجَنَّةِ الصَّلَاةُ وَمِفْتَاحُ الصَّلَاةِ الطَّهُّورُ -

“বেহেশতের চাবি নামায এবং নামাযের চাবি ওয়ু (পবিত্রতা)।”

(মুসনাদে আহমাদ)

দৈনিক পাঁচবার নামায মানুষের শরীরের নির্দিষ্ট কিছু অঙ্গ-প্রত্যঙ্গ (যে সমস্ত অঙ্গ প্রত্যঙ্গ সাধারণতঃ খোলা থাকে সেগুলো) দ্বীত করে পবিত্রতা অর্জন করতে হয়। এতে দেহ ও মন উভয়ই ভাল থাকে এবং মনের নির্মলতাও বৃদ্ধি পায়।

(৬) জনমত গঠনে নামাযের ভূমিকাঃ দৈনিক পাঁচ বার নামায পড়ে সাধারণত সমস্ত মুসল্লীগণই দেশের রাজনৈতিক, অর্থনৈতিক ও সামাজিক বিভিন্ন সমস্যাবলী নিয়ে আলাপ আলোচনা করে থাকেন। এ আলোচনাও দেশে কোন ব্যাপারে জনমত গঠনে সহায়ক ভূমিকা পালন করে।

উপরোক্ত আলোচনা হতে বুঝা গেলো, ব্যক্তি জীবন হতে শুরু করে রাষ্ট্রীয় জীবন পর্যন্ত নামাযে গুরুত্ব অপরিণীম। অন্যায় এবং অশ্লীলতার প্রতিরোধেও নামায বলিষ্ঠ ভূমিকা পালন করে।

(গ) যাকাতঃ ইসলামে নামাযের পরই যাকাতের স্থান। কুরআন মজিদেও নামাযের সাথে সাথে যাকাতের কথা বলা হয়েছে। নামাযের মতো যাকাতের গুরুত্বও কোন অংশে কম নয়। কেননা হযরত আবু বকর (রা) যাকাত দানে অস্বীকারকারীদের বিরুদ্ধে জিহাদের হুমকী পর্যন্ত দিয়েছেন। এতে কোন সাহাবী আপত্তি করেননি। এ কথার উপর ইজমা হয়ে গিয়েছে যে, যাকাত অস্বীকারকারীদের বিরুদ্ধে জিহাদ ঘোষণা প্রতিটি ইসলামী রাষ্ট্রের দায়িত্ব ও

কর্তব্য। নামায যেমন শারীরিক ইবাদাত তেমনি যাকাত হলো মালের ইবাদাত। এখানে একটি কথা স্মর্তব্য যে, যাকাত সংগ্রহ ও বন্টন কারো ব্যক্তিগত কাজ নয়, এটা ইসলামী রাষ্ট্র কর্তৃক সংগ্রহ এবং বন্টনের ব্যবস্থা করতে হবে।

যাকাত শব্দটি আরবী “যাকাওয়া” অথবা “জাকী” ধাতু হতে নির্গত। অর্থ বর্দ্ধিত বা পবিত্র। এ কারণেই বলা হয় সম্পদের যাকাত দিলে সম্পদ পবিত্র হয় এবং তার বরকতে সম্পদ বৃদ্ধি পায়। শরীয়াতের পরিভাষায় “নির্দিষ্ট পরিমাণ সম্পদের অতিরিক্ত সম্পদ হলে নির্দিষ্ট হারে বিনিময় ব্যতিরেকে অপরকে এমনভাবে দান করা, যাতে তার ঐ সম্পদে মালিকানা প্রতিষ্ঠিত হয়।”

(মঈনুল মিশকাত : পৃষ্ঠা-১৮)

নিম্ন লিখিত ৮টি খাতে যাকাত বন্টন করতে হবে।

- (১) ফকীরঃ গরীব-দুঃখী (নিকটাত্মীয় বা দূর সম্পর্কিত) যারা জীবিকা নির্বাহে অসামর্থ।
- (২) মিসকিনঃ যারা নিজেদের উপার্জনে চলতে অক্ষম আবার কারো নিকট হাত পাততেও নারাজ-তবে দিলে নেয়। এক কথায় সম্ভ্রান্ত গরীব।
- (৩) যাকাত আদায়কারীঃ যাকাত আদায়কারী, হিসেব সংরক্ষণকারী ও যাকাত বন্টনকারী কর্মচারী। এ ধরনের লোক নিজেরা ফকীর-মিসকীন না হলেও যাকাতের অর্থ হতে তাদের বেতন দেয়া যাবে।

(তাফহীমুল কুরআনঃ ৫ম খণ্ড ৪৭ পৃষ্ঠা)

- (৪) তাজিকি ক্বালবঃ ইসলামের প্রতি আকৃষ্ট করার জন্য অথবা ইসলামী রাষ্ট্রের কোন কল্যাণ সাধনের জন্য অমুসলিমদেরকে দান করা। তারা মালদার অথবা নেতৃস্থানীয় হলেও যাকাতের অর্থ তাদের জন্য খরচ করা বৈধ। নবদীক্ষিত মুসলমানদের জন্যও যাকাতের অর্থ খরচ জায়েয।
- (৫) ঋণগ্রহী বৃত্তিঃ এমন ব্যক্তি যে ঋণ পরিশোধ করলে তার চলতে কষ্ট হয় এবং নেছাবের পরিমাণ সম্পদ তার নিকট থাকেনা এমন ব্যক্তির সাহায্যার্থে যাকাতের অর্থ ব্যয় করা যাবে।
- (৬) জমীতদাস মুক্তির জন্যঃ ইসলাম দাসত্ব প্রথাকে ঘৃণা করে তাই দাসত্বের কলংক মোচনকল্পে যাকাত দেয়া বৈধ ঘোষণা করেছে।
- (৭) মুসাফিরঃ পর্যটক বা ভ্রমণকারী যার টাকা শেষ হয়ে গিয়েছে অথবা কোন কারণে খরচটায় নষ্ট হয়ে গিয়েছে এরূপ লোককে যাকাত দেয়া বৈধ।

(৮) আল্লাহপথঃ আল্লাহর পথের ব্যাখ্যা দিতে গিয়ে আল্লামা মওদুদী (রা) তাঁর বিশ্ব বিখ্যাত তাফসীর গ্রন্থ তাফহীমুল কুরআনে বলেন “আল্লাহর পথ কথটি সাধারণ অর্থবোধক। যেসব নেক ও ভালো কাজে আল্লাহর সন্তোষ রয়েছে তা সবই এর অন্তর্ভুক্ত। ..... কিন্তু পূর্বতম ইমামদের অধিকাংশেরই মত এবং সত্য কথা এই যে, এখানে “আল্লাহর পথ” বলতে “আল্লাহর পথে জিহাদ” বুঝানো হয়েছে। অর্থাৎ সে চেষ্টা ও সাধনা সংগ্রামের চূড়ান্ত লক্ষ্য হচ্ছে কুফুরী ব্যবস্থা চূর্ণ করা, নির্মূল করা এবং তদস্থলে ইসলামকে পূর্ণাঙ্গ রূপে প্রতিষ্ঠিত করা; তাই “জিহাদ ফি সাবিলিল্লাহ”। এ চেষ্টা ও সাধনা সংগ্রামে যারা কার্যত অংশ গ্রহণ করবে তাদের সফর খরচ হিসেবে, যানবাহন সংগ্রহের উদ্দেশ্যে, অস্ত্র-শস্ত্র, সাজ-সরঞ্জাম ও দ্রব্য-সামগ্রী সংগ্রহের জন্য যাকাতের টাকা ব্যয় করা যেতে পারে। --অনুরূপভাবে যারা নিজেদের সমস্ত কর্ম সাধনা ও সমস্ত সময় ও ব্যস্ততা স্থায়ী বা অস্থায়ীভাবে এ কাজের জন্য নিয়োজিত করে, তাদের প্রয়োজন পূরণের জন্যও যাকাতের টাকা হতে সাময়িক বা ক্রমাগতভাবে সাহায্য দেয়া যেতে পারে। (তাফহীমুল কুরআন ৫ম খণ্ড-৪৭ পৃঃ)

সামাজিক ও অর্থনৈতিক মূল্যায়নেও যাকাতের ভূমিকা অপরিণীম।

যেমনঃ-

(১) নৈতিকতার টেনিংঃ মানুষ কালেমার মাধ্যমে আল্লাহকে ইলাহ মানলো তারপর সেই ইলাহর হুকুম মানতে কতটুকু আগ্রহী বা তৎপর তার বাস্তব পরীক্ষা হচ্ছে এ যাকাত। কারণ অর্থলোলুপতা মানুষের চিরন্তন বৈশিষ্ট্য। এর জন্যই জগতের প্রতি মানুষের অন্ধ আকর্ষণ জন্মায়। মানব চরিত্রকে এই কুলুঘিত দিক হতে রক্ষা করার ব্যাপারে যাকাতের তৎপর্য অত্যন্ত বেশী। যাকাত দেয়ার ফলে মানুষের মনে উদারতা জাগে এবং মানুষে মানুষে সহানুভূতির বন্ধন সৃষ্টি হয়।

(ইসলামের সাংস্কৃতিক ইতিহাস, এম আব্দুল্লাহ-পৃঃ ৭১-৭২)

(২) দারিদ্রতা মোচনে যাকাতঃ সমাজে এক শ্রেণীর লোক টাকার পাহাড় গড়ে এবং আরেক শ্রেণীর লোক দারিদ্রের কষাঘাতে তিলে তিলে মৃত্যুর দিকে এগিয়ে যাবে, এ বৈষম্য যাতে না থাকে এজন্যে শরীয়ত প্রণেতা ধনী শ্রেণীকে

প্রথমতঃ উপার্জনে বিধি নিষেধ আরোপ করেছেন এবং সাথে সাথে উপার্জিত

সম্পদ নেছাব পরিমাণে (৫২  $\frac{1}{2}$  তোলা রৌপ্য অথবা ৭  $\frac{1}{2}$  তোলা স্বর্ণ অথবা

প্রচলিত মুদ্রায় সমমূল্যের টাকা প্রয়োজনের অতিরিক্ত হিসাবে ১ বৎসর জমা

থাকা) পৌছলে  $২\frac{১}{২}\%$  (শতাংশ) যাকাত দেবার বিধান ধার্য করে দিয়েছেন।

যাতে সমাজে দারিদ্রতা দূর করে সাম্য ও মানবতাবোধ সৃষ্টি করা সহজতর হয়।

(৩) সম্প্রীতি স্থাপনে যাকাতঃ যাকাতের অর্থ ধনীরা দান করে এবং দুঃস্থ অভাবীগণ ভোগ করে। এতে একদিকে যেমন অর্থনৈতিক সাম্য স্থাপিত হয় অপর দিকে সমাজের সর্ব শ্রেণীর মানুষের মধ্যে সম্প্রীতি ও ভ্রাতৃত্ববোধ বৃদ্ধি পায়।

(৪) যাকাত ইসলামী রাষ্ট্রের অর্থনৈতিক ভিত্তিঃ ইসলামী রাষ্ট্রের বাইতুলমালের প্রধান উৎস হল যাকাত। অন্যান্য উৎস সমূহের মধ্যে ওশর, খেরাজ, ফাই ইত্যাদি উল্লেখযোগ্য।

(৫) অর্থনৈতিক নিরাপত্তা বিধানে যাকাতঃ যাকাতের সুষ্ঠু সংগ্রহ এবং বন্টনের মাধ্যমে অর্থনৈতিক সাম্যতা সৃষ্টি হলে সমাজে ভিক্ষাবৃত্তি, চৌর্যবৃত্তি ও লুণ্ঠন বন্ধ হয়ে সমাজে জানমালের নিরাপত্তা নিশ্চিত হয়। এখানেও যাকাতের ভূমিকা অন্যতম।

মোটকথা যাকাত একদিকে যেমন শ্রেষ্ঠ ইবাদাত অন্যদিকে সামাজিক ও অর্থনৈতিক ক্রিয়াকাণ্ডও তার ভূমিকা ব্যাপক।

(ষ) হজ্জঃ “হজ্জ” শব্দের আভিধানিক অর্থ সংকল্প বা ইচ্ছা পোষণ করা। আর শরীয়াতের পরিভাষায় নির্দিষ্ট সময়ে নির্ধারিত বিধান পালনের জন্য আল্লাহর ঘর যিয়ারতে মক্কা শরীফে যাওয়াকে হজ্জ বলা হয়।

নিম্নলিখিত শর্ত সাপেক্ষে হজ্জ ফরজ হয়।

- (১) মুসলমান হওয়া (ইসলামী রাষ্ট্রের অমুসলিমদের প্রতি হজ্জ ফরজ নয়।)
- (২) জ্ঞানী হওয়া। (পাগল বা জ্ঞানহীন লোকের উপর হাজ্জ ফরজ নয়।)
- (৩) প্রাপ্ত বয়স্ক হওয়া।
- (৪) স্বাধীন হওয়া। (ক্রীত দাস-দাসীর উপর হজ্জ ফরজ নয়।)
- (৫) হজ্জে যাতায়াতের এবং হজ্জকালীন সময়ে পারিবারিক ব্যয়ভার নির্বাহের সামর্থ্য থাকা।
- (৬) যাতায়াতের পথে নিরাপদ হওয়া। এবং
- (৭) নারীদের জন্য মুহরিম সাথী থাকা।

ধর্মীয়, সামাজিক ও রাজনৈতিক ভূমিকায়ও হজ্জের গুরুত্ব কম নয়।

যেমন-

اللَّهُ وَلِيُّ الَّذِينَ آمَنُوا يُخْرِجُهُم مِّنَ الظُّلُمَاتِ إِلَى النُّورِ

“আল্লাহ ইমানদারদের বন্ধু। (তিনি) মানুষকে অন্ধকার হতে আলোর দিকে (অর্থাৎ মুক্তির দিকে) পথ দেখান।” (সূরা আল বাকারাহঃ ২৫৭)

(১) হজ্জ ঈমানকে মজবুত করে: হজ্জের মূল লক্ষ্য হচ্ছে ঈমানী শক্তিকে মজবুত করা। কারণ নিজের কষ্টার্জিত অর্থ দিয়ে পথের জানা অজানা অনেক রকম বাধা-বিপত্তি উপেক্ষা করে, সংসারের মোহ ত্যাগ করে সর্ব শক্তিমান আল্লাহ রাক্বুল আলামীনের আহবানে সাড়া দেয়া, এটা আল্লাহর সাথে বান্দার সম্পর্ক আরও গভীরতর করার এক উৎকৃষ্ট পন্থা। নামায শুধুমাত্র জানের ইবাদাত, যাকাত মালের ইবাদাত এবং হজ্জ জান ও মাল একত্রে উভয়েরই ইবাদাত।

(২) রাসূলে করীম (সা) এর প্রতি ভালোবাসা বৃদ্ধি: হজ্জের বিভিন্ন অনুষ্ঠানাদি মহানবী (সা) এর স্মৃতির সঙ্গে প্রত্যক্ষ পরিচয় করিয়ে দেয়। ফলে প্রতিটি হজ্জকারীর নিকট মহানবী (সা) এর স্মৃতিসমূহ মূর্তমান হয়ে উঠে এবং নবী প্রেমে উজ্জীবিত হয়ে সাহাবা কেরামের মতো বিপদসঙ্কুল পথে প্রতি মুহূর্তে ঝুঁকি নিয়ে ইসলাম প্রতিষ্ঠার পথে অগ্রসর হওয়ার জন্য প্রতিশ্রুত হয় বলিষ্ঠ অঙ্গীকার।

(৩) গুনাহ মার্জনার শ্রেষ্ঠ জায়গা: কা'বা শরীফ পৃথিবীর সকল ইবাদাত গৃহের মধ্যে শ্রেষ্ঠতম ইবাদাত গৃহ। বিশ্বের মুসলমানের কেন্দ্র। তাছাড়া কিছু নিদর্শন আছে, যেখানে মানুষের দু'আ কবুল হয়। এ সমস্ত জায়গায় প্রত্যেক হাজী নিজের কৃতকর্মের (প্রতি) স্মরণ করে মহান আল্লাহর দরবারে ক্ষমা প্রার্থনা করে এবং সুপথে চলার দৃষ্ট শপথ গ্রহণ করে। গুনাহ মাফের এমন শ্রেষ্ঠ জায়গা পৃথিবীতে আর কোথাও নেই।

(৪) সাম্য ও ঐক্যের বাস্তব নমুনা: প্রতি বৎসর হজ্জের সময়ে পৃথিবীর বিভিন্ন দেশ হতে ধর্মপ্রাণ মুসলমানগণ একত্রিত হোন বাইতুল্লাহ জিয়ারতের জন্য। এখানে বিভিন্ন ভৌগলিক পরিবেশের এবং বহু ভাষা-ভাষী মুসলমানের সমাবেশ ঘটে। এখানেও দেখা যায় সাম্য ও ঐক্যের অতুলনীয় দৃষ্টান্ত। কারণ ভৌগলিক, ভাষাগত বংশগত, সম্পদ সংক্রান্ত কোন গৌরব বা অহংকার নেই, সকলেই নির্দিষ্ট এক পোশাক পরিধান করে একই কাতারে দাঁড়ায়।

(৫) বিশ্ব ভ্রাতৃত্ব প্রতিষ্ঠা: হজ্জ উপলক্ষে যখন বিশ্ব মুসলিম একত্রিত হয় তখন তাদের পরস্পরের মাঝে ভাবের আদান-প্রদান হয়, ফলে পারস্পরিক সৌহার্দ্য সহানুভূতি বৃদ্ধি পায়। এমনি করেই বিশ্ব ভ্রাতৃত্ব প্রতিষ্ঠিত হয়।

(৬) মুসলিম রাষ্ট্রসমূহের মধ্যে একতা সৃষ্টি : প্রতি বছর বিভিন্ন মুসলিম রাষ্ট্রসমূহ হতে হজ্জ প্রতিনিধিদল হজ্জব্রত পালনের জন্য একত্রিত হয়। তারা পরস্পর আলোচনা ও ভাবের আদান-প্রদানের মাধ্যমে মুসলিম রাষ্ট্রসমূহের মধ্যে

একতার দৃঢ় বন্ধন তৈরীর প্রয়াস পায়।

সত্যি কথা বলতে কি, বিশ্ব মুসলিম একত্রিত হয়ে সৌহার্দ্য ও ভ্রাতৃত্ববোধ সৃষ্টি করতঃ বিশ্ব প্রভুর ইবাদাতের এমন নজীর পৃথিবীর আর কোথাও পাওয়া যাবে না।

(৬) সাওম বা রোযাঃ “সাওম” শব্দের আভিধানিক অর্থ বিরত থাকা। শরীয়তের পরিভাষায় সোবহে সাদিক হতে সূর্যাস্ত পর্যন্ত পনাহার ও যৌন সন্তোগ থেকে বিরত থাকার নাম সাওম বা রোযা। মুসলমানগণের উপর হিজরী দ্বিতীয় সনে রোযা ফরজ করা হয়। রোযা পূর্ববর্তী উম্মতগণের উপরও ফরজ ছিলো কিন্তু তাদের রোযার সংখ্যা ও ধরণ কিছুটা পার্থক্য ছিলো। প্রত্যেক নবীর উম্মতের জন্য রোযা ফরজ ছিলো, কারণ তাকওয়ায় জীবন যাপনের জন্য রোযা হচ্ছে উত্তম প্রশিক্ষণ। আল্লাহ রাসূল আলামীন বলেনঃ

হে ঈমানদারগণ! তোমাদের পূর্ববর্তী লোকদের মতোই তোমাদের উপর রোযা ফরজ করা হয়েছে, যেন তোমরা তাকওয়ায় নীতি অবলম্বন করতে পারো।” (সূরা আল বাকারাহঃ ১৮৩)

তাকওয়া শব্দের মূল অর্থ বাঁচা বা ভয় করা। পারিভাষিক অর্থে আল্লাহর নিষিদ্ধ কাজকর্ম হতে বিরত থাকা। তাকওয়া শব্দের ব্যাখ্যা দিতে গিয়ে হযরত উবাই ইবনে কা'ব যা বলেছেন, তার সার কথা হচ্ছে- “সংকীর্ণ কাঁটায়ুক্ত জঙ্গলের পথ অতিক্রম করতে জামা-কাপড়ের প্রান্ত ধরে যেভাবে কাঁটার স্পর্শ হতে বেঁচে পথ অতিক্রম করতে হয়, তাই হচ্ছে তাকওয়া।”

মানুষের ব্যক্তি জীবন ও সামাজিক জীবনেও রোযার ভূমিকা অনন্য। যেমন-

(১) সর্বদা অন্তরে আল্লাহর ভয় জাগ্রত করাঃ রোযাদারের মধ্যে সর্বক্ষণ আল্লাহর অস্তিত্ব, সর্বশক্তিমান হওয়া ও সর্বদ্রষ্টা হওয়া সর্বদ্বৈ অনুভূতি থাকে, ফলে এ বিশ্বাস তার মধ্যে দৃঢ় হয় যে, আল্লাহর দৃষ্টিকে ফাঁকি দিয়ে কোন কাজ করার সাধ্য কারো নেই। তাই রোযাদার ক্ষুধা পিপাসায় যতো কষ্টই করুক না কেন নির্দিষ্ট সময় পর্যন্ত পানাহার করে না।

(২) পাপ থেকে বিরত রাখাঃ কোন রোযাদার রোযা রেখে কোন পাপের কাজে লিপ্ত হয় না। কাউকে গালি দেয়না, মিথ্যা কথা বলে না, কারো কুৎসা রটনা করে না, কারো সাথে ঝগড়া বিবাদে লিপ্ত হয় না। এমনি করে সে নিজেকে পাপ কাজ হতে বিরত রাখার প্রশিক্ষণ অর্জন করে রোযার মাধ্যমে।

(৩) সময়ানুবর্তিতার ট্রেনিংঃ রোযার মাধ্যমে মানুষ সময়ানুবর্তিতার ট্রেনিং

পায়। কারণ প্রতিদিন নির্দিষ্ট সময়ে সাহরী খাওয়া, ইফতার করা, খানা খাওয়া, তারাবীহ্ নামায পড়া ইত্যাদি সবগুলো বিষয়ই সময়ানুবর্তিতার প্রশিক্ষণ দেয়। যেনো জীবনের প্রতিটি মুহূর্তের সঠিক ব্যবহারের মাধ্যমেই প্রত্যেক মানুষ পৌছতে পারে তার অভিষ্ট লক্ষ্যে।

(৪) ধৈর্য ও স্থৈর্যের প্রশিক্ষণঃ মানুষ সর্বদা ভোগের নেশায় মত্ত থাকে। সমাজে একজন অবাধে ধন-সম্পদ অর্জন ও ভোগ করবে, আরেকজন ন্যূনতম প্রয়োজন পূরণ করতে ব্যর্থ হবে, ফলে সেও চাবে যে কোন উপায়ে তার চাহিদা পূরণ করতে। সমাজে যদি এ অবস্থা চলতে থাকে তবে সমাজের ভারসাম্য নষ্ট হতে বাধ্য। এজন্য ছোট-বড়ো সব লোকেরই চাহিদা মেটানোর জন্য বিধি-নিষেধ থাকা উচিত। একমাত্র ধৈর্য বা সবরের মাধ্যমেই তা বাস্তবায়ন সম্ভব, মানুষ সাধারণত ক্ষুধা পিপাসা ও যোনাকাজ্জ্বার কারণেই সীমা অতিক্রম করে। তাই রোযা এ তিনটি জিনিস হতে বিরত রেখে ধৈর্যের প্রশিক্ষণ দেয়।

(৫) সহানুভূতির শিক্ষাঃ সমাজে দু'শ্রেণীর লোক বিদ্যমান। ধনী ও গরীব গরীবশ্রেণী চিরদিন দুঃখ-কষ্ট ভোগ করে। অনাহারে অর্ধাহারে দিনাতিপাত করে। পক্ষান্তরে ধনীশ্রেণী দুঃখ-কষ্ট বা অভাব-অনটন কাকে বলে তা বুঝেও না। তাই রোযার মাধ্যমে ধনী স্তরের লোকদেরকে বুঝিয়ে দেয়া হয় যে, ক্ষুধা-তৃষ্ণার জ্বালা কতো তীব্র হতে পারে। যাতে সমাজে গরীব শ্রেণীর মানুষের উপর তারা সহানুভূতির হস্ত প্রসারিত করতে পারে।

বস্তুতঃ রোযা একদিকে যেমন নৈতিক চরিত্র গঠনে প্রশিক্ষণ দেয়; সাথে সাথে সহানুভূতিশীল একটি সমাজেরও বুনியাদ স্থাপন করে।

### তথ্যসূত্র

- ১। সহীহ আল বুখারী।
- ২। সহীহ আল মুসলিম।
- ৩। ডাকহীমুল কুরআন।
- ৪। মা'আরিফুল কুরআন।
- ৫। ইসলামের সাংস্কৃতিক ইতিহাস।
- ৬। মইনুল মিশকাত।
- ৭। মিশকাত শরীফ।
- ৮। রোযার উদ্দেশ্য ও শিক্ষা।
- ৯। সাহাবা চরিত্র, ইসলামী কন্ট্রিভেনশন।

عَنْ بِنِ مَسْعُودٍ عَنِ النَّبِيِّ صَلَّى اللَّهُ عَلَيْهِ وَسَلَّمَ  
قَالَ لَا تَزُولُ قَدَمًا ابْنِ آدَمَ حَتَّى يَسْئَلَ عَنْ خُمْسٍ عَنْ  
عُمُرِهِ فِيمَا أَفْتَاهُ وَعَنْ شَبَابِهِ فِيمَا أَبْلَاهُ وَعَنْ مَالِهِ مِنْ آيِنٍ  
اِكْتَسَبَهُ وَفِيمَا أَنْفَقَهُ وَمَا عَمِلَ فِيمَا عَلِمَ - (ترمذی)

হযরত আবদুল্লাহ ইবনে মাসউদ (রা) রাসূলে করীম (সা) হতে বর্ণনা করেছেন: কিয়ামতের দিন আদম সন্তানকে পাঁচটি প্রশ্নের উত্তর না দিয়ে এক কদমও (স্ব-স্থান হতে) নড়তে দেয়া হবে না। (১) তার জীবনকাল কিভাবে অতিবাহিত করেছে। (২) যৌবনের সময়টাকে কিভাবে ব্যয় করেছে। (৩) ধন-সম্পদ কিভাবে উপার্জন করেছে। (৪) তা কোনপথে ব্যয় করেছে। এবং (৫) সে যৌবনের যতটুকু জ্ঞানার্জন করেছে সে অনুযায়ী আমল করেছে কিনা। (তিরমিযি)

### শব্দার্থ

لَا تَزُولُ - নাড়াতে পারবে না। قَدَمًا - পদদ্বয়। ابْنِ آدَمَ - আদম সন্তান।  
حَتَّى - যতক্ষণ। يَسْئَلَ - জিজ্ঞাসা করবে। عَنْ خُمْسٍ - পাঁচটি বিষয়ে।  
عُمُرِهِ - তার জীবন। أَفْتَاهُ - ধ্বংস করেছে, ব্যয় করেছে। شَبَابِهِ - তার  
যৌবনকাল। أَبْلَاهُ - (এখানে) সে কিভাবে কাটিয়েছে। مَالِهِ - তার  
ধন-সম্পদ। آيِنٍ - কোথায়। اِكْتَسَبَهُ - সে উপার্জন করেছে। فِيمَا -  
কোনখানে। أَنْفَقَهُ - সে ব্যয় করেছে। عَمِلَ - আমল করেছে, কার্যকর  
ব্যবস্থা গ্রহণ করেছে। عَلِمَ - সে শিখেছে।



### বর্ণনাকারীর (রাবীর) পরিচয়

ইসলাম প্রচারের প্রাথমিক অবস্থায় যে কজন মুসলমান হওয়ার সৌভাগ্য লাভ করেছিলেন হযরত আবদুল্লাহ ইবনে মাসউদ (রা) ছিলেন তাঁদের একজন। তিনি আবিসিনিয়ায় হিজরত করেছিলেন এবং নবী করীম (সা) এর মদীনায়ে হিজরতের পর মদীনায়ে চলে আসেন। তিনি সর্বদা রাসূলুল্লাহ (সা) এর খেদমতে নিয়োজিত থাকতেন এবং ছায়ার মতো তাঁকে অনুসরণ করতেন। আবু মুসা আশায্মরী (রা) বলেন, “আমার ইয়েমেন হতে এসে বছরদিন পর্যন্ত ইবনে মাসউদ (রা) কে নবী পরিবারের লোক বলে ধারণা করতাম।”

হযরত আবদুল্লাহ ইবনে মাসউদ (রা) একজন বিজ্ঞ আলেম ছিলেন। তিনি কুরআন, হাদীস, ফেকাহ ইত্যাদি সব বিষয়েই সমান পারদর্শী ছিলেন। মদীনায়ে যে কজন সাহাবী ফতোয়া দিতেন তিনি ছিলেন তাঁদের অন্যতম। কুরআন শিক্ষায় তিনি ছিলেন বিশেষ পারদর্শী। নবী করীম (সা) বলেনঃ “কুরআন শরীফ যেভাবে নাযিল হয়েছে হুবহু সেভাবে যদি কেউ পড়তে চায় সে যেনো আবদুল্লাহ ইবনে মাসউদ (রা) এর নিকট যায়।”

এই জ্ঞানের বিশাল মহীকুহ হিজরী ৩২ সনে মদীনায়ে ইন্তেকাল করেন। তাঁর বর্ণিত হাদীসের সংখ্যা মোট ৮৪৮টি। ইমাম বুখারী ও মুসলিমের ঐকমত্যের হাদীস ৬৪টি, তাছাড়া বুখারী ২১৫টি এবং মুসলিম ৩৫টি হাদীস বর্ণনা করেছেন।

### হাদীসটির গুরুত্ব

আলোচ্য হাদীসে মানুষের নৈতিক চরিত্রের সংশোধনকল্পে আখিরাতে রজাবদিহির অনুভূতি জাগ্রত করার প্রয়াস পেয়েছে। যতক্ষণ পর্যন্ত মানুষের মধ্যে খোদাভীতি ও পরকালে জাবাদিহির অনুভূতি জাগ্রত না হবে ততক্ষণ পর্যন্ত নৈতিক চরিত্রের সংশোধনের আশা করা বৃথা। কারণ আমাদের এ জীবনের পর অনন্তকালের এক জীবন আছে এবং সে জীবনের সাফল্য এবং ব্যর্থতা সম্পূর্ণরূপে নির্ভর করে এ জীবনের কর্মফলের উপর; আর প্রতিটি কর্মেরই সুস্বভাবে বিচার-বিশ্লেষণ করা হবে। একমাত্র এ অনুভূতিই মানুষকে মহৎ হতে বাধ্য করে।

তাছাড়া পার্থিব জীবনের আচার-আচরণ সম্বন্ধেও ইঙ্গিত প্রদান করা হয়েছে এ হাদীসের মধ্যে। তাই প্রতিটি মুসলমানের জীবনে এ হাদীসটির গুরুত্ব অনস্বীকার্য।

### ব্যাখ্যা

১. মানুষকে সৃষ্টি করা হয়েছে শুধুমাত্র আল্লাহর ইবাদতের জন্য। যেমন কুরআনে বলা হয়েছে:---

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ -

“আমি মানুষ আর জ্বীনকে শুধুমাত্র আমার ইবাদতের জন্য সৃষ্টি করেছি।”  
(সূরা আয যারিয়াতঃ ৫৬)

ইবাদাত করতে প্রতিটি মানুষ অথবা জ্বীনকে জন্ম হতে মৃত্যুর পূর্ব পর্যন্ত আল্লাহর দাসত্ব বা গোলামী করার কথা বলা হয়েছে। কারণ “ইয়াবুদুন” শব্দটি “আবদুন হতে নির্গত। আর “আবদুন” শব্দের অর্থ হল গোলাম দাস। কাজেই দাসত্ব বা গোলামী জীবনের কোন একটি সময় বা মুহূর্ত পর্যন্ত সীমিত নয় বরং সমস্ত জীবনব্যাপী এ দায়িত্ব।

অন্যত্র বলা হয়েছেঃ

أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ -

(المؤمنن)

“তোমরা কি মনে করেছো যে, আমরা তোমাদেরকে অকাারণেই সৃষ্টি করেছি, আর তোমাদেরকে কখনই আমার নিকট ফিরে আসতে হবে না? (সূরা আল মুমিনুন-১১৫)

তাই দেখা যাচ্ছে পৃথিবীর চাকচিক্যময় প্রতিটি বস্তু মানুষের পরীক্ষার জন্য সৃষ্টি করা হয়েছে। আর এ পরীক্ষার সফলতা বা ব্যর্থতাকে কেন্দ্র করেই শুরু হবে পরকালের জীবন। সত্যি কথা বলতে কি, ছোট্ট একটি প্রশ্নের উত্তর সমস্ত জীবনব্যাপী বিস্তৃত।

২. প্রতিটি বস্তুরই একটি উৎকৃষ্ট অংশ থাকে আর জীবনের উৎকৃষ্ট অংশ হচ্ছে তার যৌবনকাল। নিম্নোক্ত চারটি গুণের পরিপূর্ণ সমাবেশ ঘটে এ যৌবকালেই।  
যথা-

(ক) চিন্তাশক্তি (Thinking Power)

(খ) ইচ্ছাশক্তি (Will Power)

(গ) মনন শক্তি (Power of soul)

(ঘ) কর্মশক্তি (Physical strength for working capacity)

অতএব দেখা যাচ্ছে ভালো অথবা মন্দ যে কাজই করা হোকনা কেন যৌবনই তার প্রধান উদ্যোক্তা। কারণ মানুষ চুরি, ডাকাতি, জুলুম, নির্যাতন, অহংকার, ব্যাভিচার ইত্যাদি সবকিছুই করে যৌবনকালে। দেখা যায় যৌবনে দুর্ধর্ষ এক লোক বার্বাক্যের কষাঘাতে নেহায়েত গো-বেচারায় রূপান্তরিত হয়। কারণ বার্বাক্য মানুষকে নিরীহ অসহায় করে দেয়। তাই বার্বাক্য যেমন অন্যায় অত্যাচারের পথ রুদ্ধ হয় তদ্রূপ যতো সং নিয়ত এবং চেষ্টাই থাক না কেন বার্বাক্য আসার পর কোন একটি ভালো কাজও সুচারুভাবে সমাপ্ত করা যায় না। এখানেও বার্বাক্য তার প্রধান অন্তরায়। এজন্য যৌবনের এতো গুরুত্ব।

হাদীসে বর্ণিত হয়েছে:---

اَغْتَنِمْ خَمْسًا شَبَابَكَ قَبْلَ هَرَمِكَ -

পাঁচটি বস্তুকে গনীমতের মালের মতোই মনে করো। তার একটি হলো বার্বাক্য আসার পূর্বে যৌবনের। (মিশকাত)

অনেকেই মনে করে যৌবনে যা কিছু মনে চায় করে বার্বাক্য আসার পর আত্মাহূর নিকট তওবা করে সং কাজে মনোনিবেশ করবো। এ ধারণাই মানুষকে বৈরাচারী করে তোলে। তাই হাদীসে এর প্রতিবাদ করা হয়েছে। এইজন্যই পরকালের প্রশ্রবলীর মধ্যে যৌবন সংক্রান্ত প্রশ্রুতি তার অন্যতম।

৩. মানুষ পৃথিবীতে ভোগের জন্য সর্বদা পাগলপারা। তার একটা লক্ষ্য ধন-সম্পদের রূপে সুখের সন্ধান করা। এজন্য চুরি, ডাকাতি, অপরের সম্পদ হরণ, অথবা ধোকাবাজী যা কিছুই হোক না কেন তাতে কোন পরওয়া নেই। আর এভাবে যদি কোন সমাজ চলে তবে সে সমাজের ধ্বংস অনিবার্য। তাই বিশ্বপ্রভু সমাজের ভারসাম্য বজায় রেখে একটি সুখী সমৃদ্ধশালী সমাজ কায়মের লক্ষ্যে ধন-সম্পদ আয় এবং তার ব্যয়ের মধ্যেও শর্তাঙ্গণ করেছেন, যাতে সমাজের কারো কোন অধিকার নষ্ট না হয় এবং সকলেই সমভাবে সম্পদ ভোগ করতে পারে। নিম্নে সম্পদ উপার্জনের মৌলিক বিধি-নিবেধ সম্বন্ধে আলোচনা করা হলো।

- (১) কারো অধিকার নষ্ট করে সম্পদ উপার্জন করা যাবে না। যেমন মিরাসের অংশ না দিয়ে অথবা মোহরের প্রাপ্য টাকা না দিয়ে নিজে ভোগ করা। এতিমের মাল ভোগ করা ইত্যাদি।
- (২) ব্যাভিচার বা কোন প্রকার দেহ ব্যবসার মাধ্যমেও সম্পদ উপার্জন করা যাবে না।
- (৩) চুরি, ডাকাতি, লুণ্ঠন, হত্যা ইত্যাদির মাধ্যমেও জীবিকার্জন বা সম্পদ অর্জন করা যাবে না।
- (৪) কাউকে ধোকা দিয়ে বা ঠকিয়ে ধন সম্পদ অর্জন করা যাবে না।
- (৫) গান-বাজনা, অভিনয় ইত্যাদিকেও জীবিকার পেশা নির্ধারণ করা যাবে না।
- (৬) হারাম মালের দ্বারা ব্যবসার মাধ্যমে। এমন কি হালাল পণ্ড পাখীর মৃতদেহও এর অন্তর্ভুক্ত।
- (৭) হালাল মালের ব্যবসা করলেও নিত্য প্রয়োজনীয় দ্রব্যসামগ্রী মূল্য বৃদ্ধির নিয়তে ৪০ দিনের অধিক জমা রেখে ঐ মুনাফালব্ধ টাকার মাধ্যমে।
- (৮) সুদ অথবা ঘুঘের মাধ্যমে সম্পদ আহরণ বা বর্ধিত করা যাবে না।
- (৯) জুয়া, হাউজি, ভাগ্যগণনা, লটারী ইত্যাদির মাধ্যমেও সম্পদ উপার্জন করা যাবে না।
- (১০) কোন পণ্ড পাখীর দ্বারা খেলা দেখিয়ে।
- (১১) মূর্তি অথবা প্রাণীর ছবির ব্যবসায়ের মাধ্যমেও সম্পদ অর্জন করা না জায়েজ।
- (১২) গুজনে কম দেয়া। ইত্যাদি।

৪. উপরের বিধি নিধেগুলো সামনে রেখে উপার্জন করতে হবে। ব্যয়ের মৌলিক স্বাস্থ্যসমূহ নিম্নে দেয়া হলো।

- (১) ব্যক্তিগত ও পারিবারিক প্রয়োজনে ব্যয় করার অবাধ স্বাধীনতা দেয়া হয়েছে কিন্তু শর্তারোপ করা হয়েছে অপচয় করা যাবে না।
- (২) নেছাবের মালিক হলে যাকাত দিতে হবে।
- (৩) ছদকাহ।
- (৪) নিকটাত্মীয়ের হক।

- (৫) ইয়াতিমের হক।
- (৬) মিসকিন, ভিক্ষুকের হক।
- (৭) আল্লাহর দীনকে প্রতিষ্ঠিত করার জন্য ব্যয় “জিহাদ ফি ছাবিলিল্লাহ”।
- (৮) বিভিন্ন ধরনের কাফফারা আদায়কল্পে।
- (৯) পথিক বা পর্যটকদের হক।

বস্তুতঃ প্রত্যেকটি বনী আদমকেই প্রশ্ন করা হবে যে, উপরোক্ত শর্তবলী পালন করেই সে সম্পদ আয় এবং ব্যয় করেছে কিনা?

৫. বিশ্ববাসীকে লক্ষ্য করে রাসূল আকরাম (সা) এর মাধ্যমে আল্লাহ রাক্বুল আলামীনের প্রথম ফরমান- হলো। ----

اقْرَأْ بِاسْمِ رَبِّكَ الَّذِي خَلَقَ (علق)

“পড় তোমার সেই প্রভুর নামে যিনি তোমাদেরকে সৃষ্টি করেছেন।” (সূরা আলাকঃ১)

আয়াতে কারীমার তাৎপর্য হলো রবকে জানা বা বুঝার উদ্দেশ্যে পড়তে হবে। অন্য কথায় দ্বীনের সঠিক জ্ঞান অর্জন করতে হবে। মহানবী (সা) বলেছেনঃ

طَلَبُ الْعِلْمِ فَرِيضَةٌ عَلَى كُلِّ مُسْلِمٍ -

“মুসলমান প্রতিটি নর-নারীর উপর (দ্বীনের) জ্ঞানার্জন অবশ্য কর্তব্য-ফরজ (মুসলিম)।

স্রষ্টা-সৃষ্টি ও বিশ্বজাহান সম্বন্ধে জ্ঞানার্জনের মাধ্যমেই প্রতিটি লোক তার নিজের এবং স্রষ্টা সম্বন্ধে জানতে ও বুঝতে পারে এবং সেই সাথে আরও বুঝতে পারে স্রষ্টার সাথে সৃষ্টির সম্পর্ক কি আর তার দায়িত্ব ও কর্তব্য কি। এমনভাবে যখন মানুষ তার স্রষ্টাকে জানতে ও বুঝতে পারে তখন স্রষ্টার দেয়া দায়িত্ব-কর্তব্য পালনও তার জন্য সহজ হয়ে যায়। মহান আল্লাহ রাক্বুল আলামীন পবিত্র কালামে ইরশাদ করেনঃ ---

তবে আল্লাহর উপর ঈমান “তাওদ” কে অস্বীকার করেই আনতে হবে। সূরা বাকারায় অন্যত্র বলা হয়েছেঃ

وَمَنْ يُكْفَرْ بِالطَّاغُوتِ وَيُؤْمِنُ بِاللَّهِ فَقَدِ اسْتَمْسَكَ بِالْعُرْوَةِ  
الْوُسْطَىٰ لَا انْفِصَامَ لَهَا - (البقرة)

“যে তাওত (খোদাদ্রোহী শক্তি) কে অস্বীকার করে আল্লাহর উপর ঈমান আনলো সে এমন একটি মজবুত রশি ধারণ করলো যা কখনো ছিন্ন হবার নয়। (সূরা আল বাকারঃ ২৫৬)”

এখানে রশি বলতে ইসলামকে বুঝানো হয়েছে। এ আয়াতে কারীমা হতে বুঝা যায়, পৃথিবীতে দুটো শক্তি আছে। একটি তাওদী বা শয়তানী শক্তি অপরটি আল্লাহর শক্তি। আর যে কান এক শক্তির আনুগত্য অপর শক্তিকে অস্বীকার করেই করতে হবে। এখানেও দেখা যাচ্ছে হক ও বাতিল চেনার একমাত্র মাধ্যম হচ্ছে ইলম বা জ্ঞান। তাই দ্বীনি ইলম শিখতে হবে এবং তদানুযায়ী আমল করতে হবে।

অন্য হাদীসে বলা হয়েছেঃ

النَّاسُ كُلُّهُمْ مَلَكَاءُ إِلَّا الْعَالِمُونَ وَالْعَالِمُونَ كُلُّهُمْ  
مَلَكَاءُ إِلَّا الْعَامِلُونَ -

সমস্ত মানুষই জাহান্নামী একমাত্র আলেম বা জ্ঞানী ব্যক্তি ছাড়া, আর সমস্ত আলেমই জাহান্নামী হরে একমাত্র আমলদায় আলেম ছাড়া। (বুখারী)

অর্থাৎ শুধু জ্ঞানার্জন করাই মুক্তির পথ নয় সাথে জ্ঞানানুযায়ী আমলের ও প্রয়োজন। আর এ ব্যাপারে অবশ্যই রাসূল আলমীনের নিকট জবাবদিহি করতে হবে। এখানে আলেম বলতে মাদ্রাসা থেকে সনদপ্রাপ্ত উচ্চ শিক্ষিতদেরকে বুঝানো হয়নি। ইসলামের হকুম আহকাম সম্পর্কে যারা মৌলিক জ্ঞান রাখেন তাদেরকে বুঝানো হয়েছে।

### শিক্ষাবলী

১। জীবনের প্রতিটি মুহূর্তেই আল্লাহর আনুগত্য করতে হবে।

- ২। জীবনের গুরুত্বপূর্ণ অংশ হলো যৌবন। তার যথাযথ ব্যবহার করতে হবে।
- ৩। ধন সম্পদ আয় এবং ব্যয় আল্লাহুর নির্দিষ্ট সীমার মধ্যে হতে হবে এবং আল্লাহুর সন্তোষ অর্জন হবে একমাত্র লক্ষ্য।
- ৪। ঘোঁনের যথাযথ জ্ঞান অর্জন করতে হবে। এবং
- ৫। জ্ঞানানুযায়ী জীবন যাপন করতে হবে।

### তথ্যসূত্র

- ১। জামেউত তিরমিযি
- ২। সহীহ আল বুখারী
- ৩। সাহাবা চরিত-ইসলামিক কাউন্সেল
- ৪। সুন্নাহ শক্তি ও দুমত্ত প্রতিভা-ডেল কার্ণেগী
- ৫। সুন্না ও আধুনিক স্যাকিং -সাইয়েদ আবুল আলা মওদুদী
- ৬। তাকহীমুল কুরআন-এ
- ৭। বিপকাত শরীফ-

## শ্রেষ্ঠ ও নিকৃষ্ট ব্যক্তির পরিচয়

عَنْ أَبِي بَكْرَةَ أَنَّ رَجُلًا قَالَ يَا رَسُولَ اللَّهِ أَيُّ النَّاسِ  
خَيْرٌ؟ قَالَ مَنْ طَالَ عُمُرُهُ وَحَسُنَ عَمَلُهُ قَالَ أَيُّ النَّاسِ شَرٌّ؟  
قَالَ مَنْ طَالَ عُمُرُهُ وَسَاءَ عَمَلُهُ —

হযরত আবু বাকরা (রা) বর্ণনা করেছেন, এক ব্যক্তি রাসূলুল্লাহ (সা) কে জিজ্ঞেস করলো: হে আল্লাহর রাসূল! শ্রেষ্ঠ ব্যক্তি কে? তিনি বললেন: যার জীবন দীর্ঘ এবং আ'মল সুন্দর। সে আবার জিজ্ঞেস করলো: নিকৃষ্ট ব্যক্তিকে? তিনি বললেন: যার জীবন দীর্ঘ কিন্তু আ'মল খারাপ। (মুসনাদে আহমদ)

### শব্দার্থ

أَيُّ - কোন, কি। قَالَ - বললো। رَجُلًا - পুরুষ, ব্যক্তি। أَنْ - নিশ্চয়ই। خَيْرٌ - শ্রেষ্ঠ, ভালো। مَنْ - কে, যার, যে ব্যক্তি। النَّاسِ - মানুষ, ব্যক্তি। طَالَ - তার জীবন দীর্ঘ। شَرٌّ - নিকৃষ্ট। سَاءَ - তার আ'মল খারাপ।

### বর্ণনাকারীর পরিচয়

নাম নুফাই। উপনাম-আবু বাকরা। পিতার নাম মাসরুহ এবং মায়ের নাম সামিয়্যাহ। তিনি আমীর মুয়াবিয়া (রা) এর গভর্নর যিয়াদের খালাতো ভাই ছিলেন। হযরত আবু বাকরা (রা) প্রথম জীবনে তায়েফের এক নেতৃস্থানীয় ব্যক্তির ক্রীতদাস ছিলেন। রাসূলুল্লাহ (সা) যখন তায়েফ অবরোধ করে ঘোষণা দিলেন, যে সমস্ত স্বাধীন ব্যক্তির স্বৈচ্ছায় এসে আমাদের সাথে মিলিত হবে তারা নিরাপদ এবং যে সমস্ত ক্রীতদাস তাদের মালিককে পরিত্যাগ করে চলে আসবে তাদেরকে মুক্ত করে দেয়া হবে। এ ঘোষণা শোনারাত্র তিনি বাকরাতে (অর্থাৎ দলের মাঝে অথবা সকাল বেলায়) এসে রাসূল (সা) এর নিকট ইসলামের দীক্ষা



নিজে নিজে ধন্য করেন। এজন্য নবী করীম (সা) তাকে আবু বাকরা উপাধী প্রদান করেন। তিনি এ নামেই পরিচিত হোন।

হযরত উমর (রা) এর খিলাফতের পূর্ব পর্যন্ত তিনি মদীনায় ছিলেন। পরবর্তীতে ইরাকের বসরা নগরীতে স্থায়ীভাবে বসবাস করেন। তিনি ছিলেন সরল সোজা সূফী প্রকৃতির লোক। ইবাদাত বন্দেগী, তাকওয়া পরহেজগারীতে তিনি ছিলেন অতুলনীয়।

হিজরী ৪৯ অথবা ৫২ সনে বসরা নগরীতে তিনি ইন্তেকাল করেন। তাঁর থেকে সর্বমোট ১৩২টি হাদীস বর্ণিত হয়েছে। তারমধ্যে ইমাম বুখারী ও ইমাম মুসলিম সম্মিলিত ভাবে বর্ণনা করেছেন ৮টি হাদীস। তাছাড়া স্বতন্ত্রভাবে ইমাম বুখারী ৫টি এবং ইমাম মুসলিম ৩টি হাদীস বর্ণনা করেছেন।

### হাদীসটির গুরুত্ব

মানুষের জীবন একধরনের পুঁজি। ব্যবসায় যেমন পুঁজি বেশী হলে তার লাভও বেশী হয় আবার লোকসান হলেও তার পরিমাণ বেশীই হয়। তদুপ জীবন বা হায়াতের পুঁজিকে যদি সৎকর্মে নিয়োগ করা যায়, তার লাভ অত্যন্ত বেশী হবে পক্ষান্তরে দীর্ঘ হায়াত পাওয়ার পর যদি তা সৎকর্মে ব্যয় না করা হয় তবে তার ক্ষতির পরিমাণ ও অপরিমেয়। দুটো বাক্যের মাধ্যমে হাদীসটি এতো সুন্দরভাবে মানুষের জীবনের লক্ষ্য নির্ধারণ করে দিয়েছে যে, তা সত্যিই অতুলনীয়। তাই বলা যায় ব্যবহারিক জীবনে এ হাদীসটির গুরুত্ব অপরিমীম।

### ব্যাখ্যা

মুসনাদে আহমদে হযরত আবদুল্লাহ ইবনে শাদাদ (রা) থেকে একটি হাদীস বর্ণিত হয়েছে। সে হাদীসটিকে এ হাদীসের ব্যাখ্যা বলা যেতে পারে। হাদীসটি নিম্নরূপঃ

বনু উযরা গোত্রের তিন ব্যক্তি রাসূলুল্লাহ (সা) এর নিকট এসে ইসলাম গ্রহণ করলেন। তিনি সাহাবীদেরকে লক্ষ্য করে বললেনঃ কে এদের (নও মুসলিমদের) জিম্মা নিবে? তালহা বললেনঃ আমি নেবো। অতপর তারা তাঁর কাছে অবস্থান করতে লাগলেন। একদিন নবী করীম (সা) একদল মুজাহিদ (কোন স্থানে) পাঠালেন। তাদের একজন মুজাহিদ দলের সাথে অংশ গ্রহণ করে শাহাদাত বরণ

করলেন। কিছুদিন পর নবী করীম (সা) আরেকটি মুজাহিদ বাহিনী প্রেরণ করলেন। এবার দ্বিতীয় ব্যক্তি এদলে যোগদান করলেন এবং শহীদ হলেন। তৃতীয় ব্যক্তি স্বাভাবিক মৃত্যু বরণ করেন। তালহা (রা) বলেনঃ আমি ঐ তিন ব্যক্তিকে (স্বপ্নে) জান্নাতে দেখতে পেলাম। স্বাভাবিক ভাবে যিনি মৃত্যু বরণ করেছিলেন তাকে একটু বেশী মর্যাদা সম্পন্ন দেখলাম, অতপর শেষে শাহাদাত বরণকারী এবং সর্ব প্রথম শাহাদাত বরণকারীর মর্যাদার ক্রমধারা প্রত্যক্ষ করলাম। এ অবস্থা দেখে আমার মধ্যে সংশয়ের সৃষ্টি হলো। আমি নবী করীম (সা)কে সব কিছু বললাম। তিনি উত্তর দিলেন তাতে তুমি কি কি ব্যাপারে সঠিক নয় বলে মনে করো? আল্লাহর কাছে সেই মুমিনের চেয়ে কেউ শ্রেষ্ঠ নয়, যে দীর্ঘ জীবন ইসলামের মধ্যে তাসবীহ, তাকবীর ও তাহলীল করে অতিবাহিত করে।-

(মুসনাদে আহমদ)

‘জিহাদ ফি সাবিলিল্লাহ’ সর্বোচ্চ মানের ইবাদাত। যিনি এ ইবাদাতে অংশ গ্রহণ করে শাহাদাত বরণ করেন তিনি নিশ্চিত জান্নাতী। তবে শর্ত হচ্ছে যদি কারো কাছে তিনি ঋণের দায়ে আবদ্ধ না থাকেন। তাছাড়া এমন আর কোন ইবাদাতের কথা বলা হয়নি যার বিনিময়ে শহীদদের মতো সরাসরি জান্নাতে যায়। হযরত তালহা (রা) মনে করেছিলেন জিহাদ এবং শহীদদের মর্যাদা যেহেতু বেশী তাই তারা জান্নাতেও অনুরূপ সর্বশ্রেষ্ঠ মর্যাদা লাভ করবেন। কিন্তু তিনি এদিকে চিন্তা করেননি যে, ইবাদাতের মধ্যে শহীদি মর্যাদা শুধু মাত্র একটি কারণেই সর্বশ্রেষ্ঠ তা হচ্ছে এটিই একমাত্র ইবাদত যা একজন শহীদ খালেছভাবে সম্পাদন করলেই তিনি নিশ্চিত জান্নাতী। তাই বলে তিনি জান্নাতে সর্বশ্রেষ্ঠ মর্যাদা লাভ করবেন এমন কথা বলা হয়নি। তাই নবী করীম (সা) তাকে বুঝিয়ে দিলেন যে, কোন ব্যক্তি জিহাদে অংশ নেয়ার জন্য মানসিক দিক দিয়ে সম্পূর্ণ প্রস্তুতি গ্রহণের পরও জিহাদে অংশ গ্রহণ করতে পারলোনা, কিন্তু সে নিজের গোটা জীবন ইসলামের অধীন রাখলো এবং কালেমার দাবী অনুযায়ী জীবনের সকল দিক ও বিভাগকে তাওত ও বাতিলের বন্ধন থেকে মুক্ত করে সম্পূর্ণরূপে আল্লাহর অনুগত হলো, সেই জান্নাতে শ্রেষ্ঠ মর্যাদার অধিকারী হবে। কারণ জীবন যতো দীর্ঘ হবে সৎকাজের পরিমাপও ততো বেশী হবে। ফলে সৎকাজের বিনিময়ে সে সফলতার শীর্ষে অবস্থান করবে। পক্ষান্তরে সুদীর্ঘ জীবন পেয়ে যদি কেউ অসং কাজে লিপ্ত হয় তবে দিন দিন তার আমলনামায় পাপের

বোঝা ভারী হবে। যার পরিণতি তার জন্য অত্যন্ত বেদনাদায়ক হতে বাধ্য। তাই দেখা যায় সুদীর্ঘ জীবন একদিকে যেমন সফলতার সোপান অন্য দিকে তা ধ্বংসের সিঁড়ি। কাজেই দীর্ঘ জীবন লাভ করে কিয়ামতের দিন অনেকে ডান হাতে আমল নামা লাভ করবে আবার অনেকে বাম হাতে আমল নামা লাভ করবে। এ ভাবেই সেদিন শ্রেষ্ঠ ও নিকৃষ্ট ব্যক্তির বাছাই করা হবে।

### শিক্ষাবলী

- ১। মানুষের জীবন বা হায়াত এক প্রকার পুঁজি বা মূলধন।
- ২। যে ব্যক্তি এ পুঁজিকে সৎকর্মে বিনিয়োগ করবে সে সফল হবে।
- ৩। আর যে ব্যক্তি এ পুঁজিকে অসৎকর্ম্যে বিনিয়োগ করবে সে ব্যর্থ হবে।
- ৪। জান্নাতে মর্যাদা নির্ধারিত হবে আমলের বিনিময়ে।
- ৫। তাওত ও বাতিলের বন্ধন মুক্ত হয়ে একনিষ্ঠ ভাবে আল্লাহর অনুগত হওয়াই মুক্তি লাভের পূর্ব শর্ত।

### তথ্য সূত্র

১. মা'আরিফুল হাদীস-মাওলানা মনযুর নুমানী
২. হাদীস বর্ণনাকারী একশত সাহাবী- হক লাইব্রেরী, বাংলা বাজার
৩. আসমাউর রিজাল-আশ্রাকিয়া লাইব্রেরী, বাংলা বাজার
৪. মিশকাত শরীফ

عَنْ مَحْمُودِ بْنِ لَيْبِدٍ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ  
اِثْنَانِ يَكْرَهُهُمَا ابْنُ آدَمَ يَكْرَهُ الْمَوْتَ وَالْمَوْتُ خَيْرٌ لِلْمُؤْمِنِ  
مِنَ الْفِتْنَةِ وَيَكْرَهُ قِلَّةَ الْمَالِ وَقِلَّةُ الْمَالِ أَقْلٌ لِلْحِسَابِ

মাহমুদ বিন লবিদ (রা) থেকে বর্ণিত, নবী করীম (সা) বলেছেনঃ মানুষ দুটো জিনিস অপছন্দ করে। সে মৃত্যুকে অপছন্দ করে অথচ মুমিনের জন্য মৃত্যু ফিতনা থেকে উত্তম। সে সম্পদের স্বল্পতাকে অপছন্দ করে অথচ সম্পদের স্বল্পতা আখিরাতের হিসেবকে সংক্ষিপ্ত করবে। -

(মুসনাদে আহমদ)

### শব্দার্থ

اِثْنَانِ يَكْرَهُهُمَا - দুটো জিনিস অপছন্দ করে। ابْنُ آدَمَ - আদম সন্তান।  
يَكْرَهُ الْمَوْتَ - মৃত্যুকে অপছন্দ করে। الْمَوْتُ خَيْرٌ لِلْمُؤْمِنِ - মৃত্যু মুমিনের  
জন্য উত্তম। مِنَ الْفِتْنَةِ - ফিতনা হতে। يَكْرَهُ - অপছন্দ করে।  
قِلَّةَ الْمَالِ - সম্পদের স্বল্পতা। أَقْلٌ الْحِسَابِ - হিসেব সংক্ষিপ্ত করবে।

### হাদীসটির গুরুত্ব

দীর্ঘ জীবন ও সম্পদের প্রাচুর্যকে মানুষ দুনিয়ার জীবনের সাফল্য মনে করলেও প্রকৃত পক্ষে এ দুটো জিনিস আখিরাতের সাফল্যের পথে প্রতিবন্ধক। এ দুটো এমন জিনিস যা থেকে পরকালীন কল্যাণ লাভ করা সবার দ্বারা সম্ভব হয়না। আর যে বস্তু দিয়ে কল্যাণ লাভ করা যায় না, তা থাকার চেয়ে না থাকাটাই উত্তম। কিন্তু তবুও দেখা যায় এগুলো দিয়ে দুনিয়ার কল্যাণ লাভের

জন্য মানুষ পাগল পারা। সত্যিকার অর্থে একজন মুমিন আখিরাতের কল্যাণের আশার দুনিয়ার সকল কল্যাণকে হাসিমুখে ত্যাগ করতে কখনো দ্বিধা করেনা। তাছাড়া দুনিয়ার সকলপ্রকার কল্যাণই অস্থায়ী-নশ্বর। পক্ষান্তরে আখিরাতের কল্যাণ হচ্ছে চিরস্থায়ী-অবিনশ্বর। সুতরাং প্রকৃত বুদ্ধিমানতো সেই, যে নশ্বর বস্তুর উপর অবিনশ্বর বস্তুকে অগ্রাধিকার দেয়। অত্যন্ত সুন্দরভাবে আলোচ্য এ হাদীসটিতে আখিরাতের গুরুত্বকে তুলে ধরা হয়েছে। এ হাদীসটি ঐ সব লোকের জন্য অত্যন্ত গুরুত্বের দাবী রাখে, যারা পরকাল বা আখিরাতে বিশ্বাসী।

## ব্যাখ্যা

মানুষের আদি নিবাস হচ্ছে জান্নাত। সামান্য কিছু দিনের জন্য তাকে পৃথিবী নামক জায়গায় প্রতিনিধিত্ব করার দায়িত্ব দিয়ে পাঠানো হয়েছে। এ দায়িত্ব পালনের প্রচেষ্টাই হচ্ছে তার এক ধরনের পরীক্ষা। যদি সে এ পরীক্ষায় উত্তীর্ণ হতে পারে তবে তাকে পুণরায় তার আদি আবাসস্থল জান্নাতে পাঠিয়ে দেয়া হবে। সেখানকার সর্বোত্তম আকর্ষণীয় বস্তু হচ্ছে মহান আল্লাহর অকল্পনীয় অপল্প দর্শন।

একজন প্রবাসী যেমন দেশে ফেরার নিমিত্তে এবং আপনজনের দর্শন লাভের অভিপ্রায়ে প্লেনের একটি টিকেটের জন্য অধীর আগ্রহে মরিয়া হয়ে উঠে। ঠিক তেমনভাবে একজন মুমিন তার আসল বাড়ি ফিরে সর্বাধিক প্রিয়জন আল্লাহর দর্শন লাভের জন্য মৃত্যুর প্রতীক্ষায় উন্মুখ থাকে। কারণ প্রবাসীর দেশে ফেরার মাধ্যম যেমন প্লেন বা যান, তদুপ আখিরাত প্রবাসীদের গন্তব্যস্থলে পৌছার একমাত্র মাধ্যম হচ্ছে মৃত্যু। কাজেই এ মৃত্যু তার নিকট ভয়ের নয় কামনার বস্তু। সর্বদা সে মৃত্যুর জন্য আগ্রহ নিয়ে প্রস্তুত থাকে। কিন্তু যারা দুনিয়ায় এসে আসল বাড়ির কথা ভুলে যায়, দুনিয়ার জীবনকে সব চাওয়া পাওয়ার কেন্দ্র মনে করে, তাদের জন্য মৃত্যু এক বিরশ্বনা। সর্বদা মৃত্যুকে তারা পালিয়ে বেড়ায়। তবুও দুর্ভাগ্য মৃত্যু তাদেরকে ছিনিয়ে নিয়ে যায়ই।

দীর্ঘ জীবন পেয়েও যদি সে জীবনকে কাজে লাগানো না যায়। দিনের পর দিন শুধু গুনাহর বোঝা বাড়তে থাকে। তবে তার চেয়ে ঐ জীবন উত্তম, যা দীর্ঘ না হলেও পুণ্য কাজে পরিপূর্ণ।

অধিক সম্পদ মানুষকে স্বেচ্ছাচারী ও লোভাতুর করে তোলে। আখিরাতকে ভুলিয়ে দেয়। বিচারের দিন সে তার হিসেব দিতে হিমশিম খেয়ে যাবে। দুনিয়ায়

দেখা যায়, যার সম্পদ অল্প তার ঝামেলা কম। চোরের ভয় নেই, ডাকাতির ভয় নেই, সম্পদের হিসেব নিকেশ করার জন্য কোন হিসেব রক্ষকের প্রয়োজন নেই। পক্ষান্তরে যার সম্পদ বেশী তার চোরের ভয়, ডাকাতির ভয়, সম্পদের সুষ্ঠু হিসেব রাখা যায় কিনা তার ভয় ইত্যাদি সারাক্ষণ তাকে ব্যতিব্যস্ত করে রাখে। বিভিন্ন সেকটরে সুষ্ঠু হিসেবের জন্য হিসেব রক্ষা অথবা ম্যানেজার নিয়োগের প্রয়োজন পড়ে।

তারপরও এক মুহূর্তের জন্য তার স্বস্তি নেই। অদুপ আখিরাতের হিসেবের সময় যাদের সম্পদ অল্প তাদের ঝামেলা কম হবে এবং যাদের সম্পদ বেশী তাদের ঝামেলা বেশী হবে। আর যার ঝামেলা বেশী হবে তার মুক্তির আশা ততো ক্ষীণ হবে। এ জন্যই নবী করীম (সা) বলেছেন?

إِذَا أَحَبَّ اللَّهُ عَبْدًا حَمَاهُ الدُّنْيَا كَمَا يَحْطِلُ أَحَدُكُمْ يَحْمِي  
سَقِيمَةَ الْمَاءِ -

আল্লাহ যাকে ভালোবাসেন তাকে দুনিয়া থেকে এমন ভাবে রক্ষা করেন, যে ভাবে তোমরা রোগীকে পানি থেকে হেফাজতে রাখো। (তিরমিযি)

কাজেই দেখা যাচ্ছে সম্পদের স্বল্পতা দুর্ভাগ্যের লক্ষণ নয় সৌভাগ্যের প্রতীক। এ সৌভাগ্যবান আল্লাহ তাদেরকেই করেন যাদেরকে তিনি বেশী পছন্দ করেন। এবং যারা ধৈর্যশীল। বেশী পাওয়ার জন্য সীমা লংঘন করে না।

শিক্ষাবলী

- ১। জীবন দীর্ঘ হোক কিংবা ছোট হোক তা পুণ্যময় করে তোলার প্রচেষ্টা করতে হবে।
- ২। সুদীর্ঘ জীবন দুঃখের কারণও হতে পারে।
- ৩। মৃত্যু ভয়ের বস্তু নয় কামনার বস্তু।
- ৪। মানুষ চায় সম্পদের প্রাচুর্যতা কিন্তু সম্পদের স্বল্পতা মুক্তির পথকে সহজ করে দেয়।
- ৫। আখিরাতকে অবিশ্বাস করা কিংবা ভুলে যাওয়াই মৃত্যুকে ভয় পাবার মূল কারণ।

---

তথ্যসূত্র

- ১। মা'আরিফুল হাদীস-মাওলানা মনযুন্নুন্নুমানী
- ২। জামেউত্ত তিরমিযি।
- ৩। মিশকাত শরীফ।
- ৪। তাফহীমুল কুরআন - সাইয়েদ আবুর আলা মওদুদী।
- ৫। মাআ'রিফুল কুরআন - মুফতী মুহাম্মদ শফী।

عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ سَبْعَةٌ يُظِلُّهُمُ اللَّهُ فِي ظِلِّهِ يَوْمَ لَا ظِلَّ إِلَّا ظِلُّهُ إِمَامٌ عَادِلٌ وَشَابٌ نَشَأَ فِي عِبَادَةِ اللَّهِ وَرَجُلٌ قَلْبُهُ مُعَلَّقٌ بِالْمَسْجِدِ إِذَا خَرَجَ مِنْهُ حَتَّى يَعُودَ إِلَيْهِ وَرَجُلَانِ تَحَابَّا فِي اللَّهِ اجْتَمَعَا عَلَيْهِ وَتَفَرَّقَا عَلَيْهِ وَرَجُلٌ ذَكَرَ اللَّهَ خَالِيًا ففَاضَتْ عَيْنَاهُ وَرَجُلٌ دَعَتْهُ امْرَأَةٌ ذَاتُ حَسَبٍ وَجَمَالٍ فَقَالَ إِنِّي أَخَافُ اللَّهَ وَرَجُلٌ تَصَدَّقَ بِصَدَقَةٍ فَأَخْفَاهَا حَتَّى لَا تَعْلَمَ شِمَالُهُ مَا تُنْفِقُ بِمِثْمَنِهِ -

হযরত আবু হুরাইরাহ (রা) বর্ণিত। নবী করীম (সা) বলেছেন: সাত প্রকার লোককে আল্লাহপাক (কিয়ামতের দিন) তাঁর আরশের ছায়ায় স্থান দিবেন। যেদিন আরশের ছায়া ছাড়া অন্য কোন ছায়া থাকবে না। (১) ন্যায়পরায়ণ নেতা। (২) ঐ যুবক যে তার যৌবনকাল আল্লাহর ইবাদাতে কাটিয়েছে। (৩) এমন (নামাযী) ব্যক্তি যার অন্তকরণ মসজিদের সাথে ঝুলন্ত থাকে। একবার মসজিদ হতে বের হলে পুণরায় প্রত্যাবর্তন না করা পর্যন্ত ব্যাকুল থাকে। (৪) এমন দু'ব্যক্তি যারা একমাত্র আল্লাহর মহব্বতে পরস্পর মিলিত হয় এবং পরস্পর পৃথক হয়। (৫) যে ব্যক্তি নির্জনে আল্লাহর ভয়ে চোখের অশ্রু বিসর্জন দেয়। (৬) সম্ভ্রান্ত বংশের কোন সুন্দরী রমণী কোন ব্যক্তিকে ব্যাভিচারে লিপ্ত হবার আহবান জানায় আর ঐ ব্যক্তি শুধুমাত্র আল্লাহর ভয়েই বিরত থাকে। এবং (৭) যে ব্যক্তি এতো গোপনে দান করে যে, তার দান হাত কি দান করলো বাম হাতও তা জানলো না।

(বুখারী, মুসলিম)



## শব্দার্থ

سَبْعَةٌ - সাত। يُظْلِمُهُمُ اللَّهُ - আল্লাহ তাদেরকে ছায়ায় আশ্রয় দিবেন।  
 ظِلُّهُ - ছায়া। لَا - ব্যতীত, ছাড়া। يَوْمَ لَا ظِلَّ - যেদিন কোন ছায়া থাকবেনা।  
 - শَابٌ - শাব্দ। عَابِلٌ - ন্যায় পরায়ণ। - তীর (আরশের) ছায়া। إِمَامٌ - নেতা।  
 - عِبَادَةُ اللَّهِ - মধ্যে। فِي - যুবক। نَشَأَ - অতিবাহিত করা, জন্ম, প্রবৃদ্ধি।  
 - مَعْلُقٌ - তার দিল বা অন্তকরণ। قَلْبُهُ - ব্যক্তি। رَجُلٌ - আল্লাহর ইবাদত।  
 - خَرَجَ - সে বের। إِذَا - যখন। بِالْمَسْجِدِ - মসজিদের সাথে।  
 - يَتَوَدَّدُ - প্রত্যবর্তন করে। حَتَّى - উহা হতে। مِنْهُ - হলা।  
 - تَحَابُّا - পরস্পর ভালোবাসে। رَجُلَيْنِ - দু'ব্যক্তি। وَ - তারদিকে।  
 - تَفَرَّقَا - পরস্পর - اجْتَمَعَا - পরস্পর মিলিত হয়। فِي اللَّهِ - আল্লাহর জন্য।  
 - خَالِئًا - নির্জন, নিরালম্ব। ذَكَرَ اللَّهُ - আল্লাহর স্মরণে।  
 - دَعَتْهُ - তাকে ডেকেছে। قَنَاضَتْ عَيْنَاهُ - অতঃপর চোখের পানি ফেলে।  
 - إِمْرَأَةً - স্ত্রীলোক। حَسْبٍ - সুন্দরী। أَخَافَ اللَّهُ - আল্লাহকে ভয় করি।  
 - لَا تُعْلَمُ - অতঃপর তা গোপন রাখে। فَأَخْفَاهَا - দান করে। تَصَدَّقَ - দান করে।  
 - شِمَالُهُ - তার উত্তর (এখানে জানতে পারে না। مَا تَنَفَّقَ - কি দান করেছে।  
 - بِمِيمَتِهِ - তার ডান হাত দ্বারা।

## রাবীর (বর্ণনাকারীর) পরিচয়

হযরত আবু হুরাইরাহ (রা) এর ইসলাম পূর্ব নাম ছিলো “আবদে শামস”।  
 অর্থ- অরুণ দাস। আবু হুরাইরাহ তাঁর লকব বা উপাধি। একদিন নবী করীম  
 (সা) কৌতুক করে ডাকলেন হে আবু হুরাইরাহ (অর্থাৎ হে ছোট বিড়ালের  
 পিতা!) ব্যাস, সেদিন থেকেই তিনি আবু হুরাইরাহ নামে পরিচিত হলেন।

আবু হুরাইরাহ (রা) হিজরী ৭ম বৎসরে মুসলমান হন। তখন হতে রাসূলুল্লাহ  
 (সা) এর মৃত্যু পর্যন্ত মসজিদে নববীতেই অবস্থান করতেন। তিনি ছিলেন  
 ‘আহলে ছুফাদের’ একজন। ঘর-সংসার ব্যবসা বাণিজ্য বিসর্জন দিয়ে সর্বক্ষণ

মহানবী (সা) এর খেদমতে পড়ে থাকতেন। শুধুমাত্র রাসূলুল্লাহ (সা) কোথাও পাঠালে বা কোন দায়িত্ব দিলে তিনি তৎক্ষণাৎ তা পালন করতেন। তিনি মাত্র সাড়ে তিন বৎসরের মতো সময় রাসূলে করীম (সা) এর সান্নিধ্য পান। এ সময়ের মধ্যেই তিনি যে হাদীস মুখস্থ করেছিলেন কোন সাহাবীই তা পারেননি। এ ব্যাপারে তিনি নিজেই বলেনঃ “একবার আমি রাসূলুল্লাহ (সা) এর নিকট আমার স্মৃতিশক্তি়র ত্রুটি সম্বন্ধে আরজ করলাম। তিনি বললেন, ‘তোমার চাদর বিছাও।’ আমি আমার চাদর বিছালাম। নবী করীম (সা) তাঁর উভয় হস্ত মোবারক দিয়ে কি যেনো ইঙ্গিত করলেন। অতঃপর আমাকে চাদরখানা গায়ে দিতে আদেশ করলেন। চাদরখানা আমি আমার বুকে জুড়িয়ে নিলাম। এ ঘটনার পর আমি আর কিছুই ভুলিনি।”<sup>১</sup> হযরত আবু হুরাইরাহ (রা) ছিলেন জ্ঞান সমুদ্রের অথৈ জল। আব্বাহর রাসূল (সা) নিজেই বলেছেন “আবু হুরাইরাহ জ্ঞানের আধার।”<sup>২</sup>

তিনি হিজরী ৫৯ সনে ৭৮ বৎসর বয়সে ইন্তেকাল করেন। তাঁর বর্ণিত হাদীসের সংখ্যা মোট ৫৩৭৮টি। তাঁর ছাত্রের সংখ্যা প্রায় ৮০০।

### হাদীসটির গুরুত্ব

এ হাদীসে সাতটি গুণ বা বৈশিষ্ট্যের কথা বলা হয়েছে। এ সাতটি বৈশিষ্ট্যই উৎকৃষ্ট। কেননা এমন কোন আমল বা বৈশিষ্ট্য নেই যার বিনিময়ে কঠিন মুসিবতের সময়ে আরশের ছায়ায় স্থান লাভ করা যেতে পারে। শুধুমাত্র উপরোক্ত আমল ছাড়া। আর এ কথাও ঠিক যে, স্বয়ং আব্বাহ রাক্বুল আলামীন যাদেরকে তাঁর আরশের ছায়ায় স্থান দিবেন তারা সত্যিই সৌভাগ্যবান। এ সৌভাগ্য লাভ করতে হলে তাকে হতে হবে অকৃত্রিম মুসলমান। সৌভাগ্য লাভ করতে হলে তাকে হতে হবে অকৃত্রিম মুসলমান। একজন সত্যিকার মুসলমানের দ্বারা স্বেচ্ছায় খোদাদ্রোহী কোন কাজ করার কথা কল্পনাও করা যায় না।

বস্তুতঃ মানুষের ব্যক্তি জীবন হতে শুরু করে রাষ্ট্রীয় জীবন পর্যন্ত প্রতিটি স্তরেই হাদীসটি “আদর্শের মাপকাঠি হিসেবে” দিক-নির্দেশনা দিবে। প্রতিটি মানুষের জীবনেই হাদীসটির গুরুত্ব অপরিণীম।

(১) বুখারী

(২) বুখারী, মুসলিম।

## ব্যাখ্যা

(১) ন্যায়বিচারক নেতার কথা বলে এখানে প্রত্যেকটি দায়িত্বশীল ব্যক্তির কথাই বলা হয়েছে। কেউ পরিবারের নেতা; কেউ সমাজের নেতা, কেউ দেশের নেতা অথবা কেউ কোন দল বা সংগঠনের নেতা, যাই হোক না কেন উক্ত কথা সবার বেলায়ই প্রযোজ্য। কেননা রাসুলে করীম (সা) বলেনঃ

أَلَا كُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ -

“সাবধান। তোমরা প্রত্যেকেই দায়িত্বশীল এবং তোমাদের প্রত্যেকের দায়িত্ব সম্পর্কেই জিজ্ঞাসাবাদ করা হবে।” (বুখারী-মুসলিম)

দেখা যাচ্ছে দায়িত্ব এবং নেতৃত্বের সাথে ন্যায় বিচার বা ইনসাফ ওতপ্রোতভাবে জড়িত। যার যে পর্যায়ের দায়িত্ব বা নেতৃত্বই হোক না কেন তা ইনসাফ ভিত্তিক সম্পাদন করাই হলো ঈমানের দাবী। আর এ দাবী পূরণের মাধ্যমেই দায়িত্বশীল ব্যক্তির অধিনস্তদের মাঝে সৃষ্টি হয় সুখ-সম্প্রীতি। বিনিময়ে মহান আল্লাহও দিবেন এতো বড়ো মর্যাদা। পক্ষান্তরে যে তার এ দায়িত্ব পালনে ব্যর্থ হবে তার অধিনস্তদের মাঝেও সৃষ্টি হবে বিশৃংখলা; অবিশ্বাস, শঠতা ইত্যাদি, ফলে ধীরে ধীরে একটি সুন্দর সমাজ চলে যাবে ধ্বংসের মুখোমুখি। তাই নেতৃত্বে বিপর্যয় সৃষ্টিকারীর জন্য রয়েছে ভীষণ শাস্তি।

নবী করীম (সা) বলেনঃ

مَأْمِنَ وَالِ يَلِي رَعِيَّةً مِنَ الْمُسْلِمِينَ وَهُوَ غَاسٍ لَهُمُ الْإِحْرَمَ  
اللَّهُ عَلَيْهِ الْجَنَّةُ - (بخاری، مسلم)

“যে ব্যক্তি মুসলমানদের যাবতীয় ব্যাপারে দায়িত্বশীল হওয়ার পর তাদের সাথে বিশ্বাসঘাতকতা করবে, আল্লাহ তার জন্য জান্নাত হারাম করে দিবে।” (বুখারী, মুসলিম)

(২) যৌবন মানুষের জীবনের শ্রেষ্ঠ সম্পদ। এ সময়ে মানুষের প্রতিভা, সাহস, বুদ্ধিমত্তা ইত্যাদি গুণের পূর্ণ বিকাশ ঘটে। সাথে সাথে যৌনক্ষুধা এবং ভোগের স্পৃহাও বৃদ্ধি পায় পরিপূর্ণ ভাবে। তখন প্রতিটি মুহূর্তই মানুষকে ভোগের হাতছানি দেয় এবং চতুর্দিকে শয়তান বিছিয়ে রাখে তার মায়া জাল-কুহক। প্রতি মুহূর্তে

হৃদয় কন্দরে বসে মানুষকে দেয় কুমন্ত্রণা। পৃথিবীর প্রতিটি বস্তুকে চাকচিক্যময় করে তুলে ধরে মানুষের চোখের সামনে। এমনি প্রতিকূল পরিবেশে যদি কোন যুবক সবকিছুর আকর্ষণ তুচ্ছ করে মহান আল্লাহ রাব্বুল আলামীনের নিকট নিজেকে উৎসর্গ করতে চায় তবে সেটি হবে তার জীবনে সবচেয়ে বড়ো কুরবানী। এজন্যই আল্লাহও কিয়ামতের দিন তাকে স্বতন্ত্র মর্যাদা দিবেন।

(৩) মসজিদের সাথে সম্পর্ক যুক্ত হৃদয় বলতে জামায়াতে নামায আদায়কারী ব্যক্তিকে বুঝানো হয়েছে। কেননা যারা সর্বদা জামায়াতে নামায আদায় করেন তারা প্রতি মুহূর্তেই নামাযের কথা এবং সময়ের কথা মনে করেন। প্রতিটি মুমিনের নৈতিকতার প্রাথমিক ট্রেনিং হচ্ছে নামায আর ট্রেনিংয়ের জায়গা হলো মসজিদ। কাজেই দেখা যাচ্ছে, যে নিয়মিত ট্রেনিংয়ে অংশগ্রহণ করবে সে অধিক দক্ষতা অর্জন করবে। আর আল্লাহর বিধানের পূর্ণ বাস্তবায়ন একজন দক্ষ মুমিনের দ্বারাই সম্ভব।

তাছাড়া উক্ত কথার আরেকটি ব্যাখ্যা হতে পারে, তখন সমস্ত প্রশাসন ব্যবস্থাই ছিলো মসজিদ কেন্দ্রিক। তাই সকল বিধি-নিষেধ চাই তা ব্যক্তি পর্যায়ে হোক অথবা সামাজিক বা রাষ্ট্রীয় পর্যায়েই হোক না কেন সবকিছু মসজিদ হতে ঘোষণা করা হতো। এজন্য প্রতিটি মুসলমান সর্বদা উন্মুখ হয়ে থাকতো যে, কখন কি ঘোষণা আল্লাহ ও তাঁর রাসূল (সা) এর পক্ষ থেকে দেয়া হবে। আল্লাহ ও রাসূলের মহক্বতই ছিলো মসজিদের প্রতি আকর্ষণের একমাত্র কারণ।

(৪) হাদীসের ভাষা হচ্ছে-“যারা আল্লাহর মহক্বতে পরস্পর মিলিত হয় এবং পৃথক হয়।” একথার দু’টো অর্থ হতে পারে এবং উভয় অর্থই এখানে প্রযোজ্য। প্রথমতঃ উভয়ে আল্লাহর দ্বীনের জ্ঞানার্জনের জন্য অথবা আল্লাহর দ্বীনকে জমিনে প্রতিষ্ঠিত করার জন্য পরস্পর মিলিত হয়ে প্রয়োজনীয় ব্যবস্থা গ্রহণের চেষ্টা প্রচেষ্টা করা এবং এ উদ্দেশ্যেই একে অপরের নিকট হতে পৃথক হওয়া। দ্বিতীয়ত যারা আল্লাহর দ্বীনের পথে আছে তাদেরকে ভালোবাসা এবং যারা আল্লাহর দ্বীনের সাথে কুফুরী করে আর তা থেকে কোন অবস্থাতে বিরত রাখা না যায় তবে

তাদের সাথে সম্পর্ক ছিন্ন করা।

মেন অন্য হাদীসে বলা হয়েছেঃ

مَنْ أَحَبَّ لِلَّهِ وَابْغَضَ لِلَّهِ وَاطَّاعَ لِلَّهِ وَمَنَعَ لِلَّهِ فَقَدْ اسْتَكْمَلَ  
الْإِيمَانَ —

“যে আল্লাহর জন্য ভালবাসলো এবং শত্রুতা করলো, যে আল্লাহর (সন্তুষ্টির) জন্য দান করলো এবং বিরত রইলো, সে যেন নিজের ঈমানকে পরিপূর্ণ করে নিলো।

তবে শর্ত হলো তা হতে হবে সম্পূর্ণরূপে আল্লাহর সন্তুষ্টির জন্য। নিজেদের স্বার্থের জন্য অথবা খেয়াল খুশিমতো হলে হবে না।

(৫) যে ব্যক্তি নির্জনে নিজের গুনাহর কথা চিন্তা করে এবং সর্বশক্তিমান মহাপরাক্রমশালী আল্লাহর ভয়ে ভীত হয়ে নিরালায় অশ্রু বিসর্জন দেয়, তাকে আল্লাহ রাক্বুল আলামীন তাঁর আদালতে আখিরাতে আরশের ছায়ায় স্থান দিয়ে ধন্য করবেন। এর চেয়ে কল্যাণ আর কি হতে পারে।

অন্যত্র বলা হয়েছে-

عَيْنَانِ لَا تَقْسُسُهُمَا النَّارُ عَيْنٌ بَكَتْ مِنْ خَشْيَةِ اللَّهِ وَعَيْنٌ  
بَاتَتْ تَحْرُسُ فِي سَبِيلِ اللَّهِ —

“দু’থাকার চোখকে জাহান্নামের আগুন স্পর্শ করতে পারবে না। প্রথমতঃ যে চোখ আল্লাহর ভয়ে রোদন করে। দ্বিতীয়তঃ ঐ চোখ যা আল্লাহর পথে রাত জেগে পাহারা দেয়।” (বুখারী)

(৬) পৃথিবীতে মানুষের ভোগের সামগ্রী মাত্র দুটি- একটি ধনসম্পদ, অপরটি নারী। কোনটার উপরই লোভ সামলানো সহজ নয়। যদিও বা সম্পদের উপর থেকে লোভ সামলানো যায় তবে নারীর কামনার আগুন থেকে দূরে থাকা তার চেয়েও কঠিন। বিশেষ করে যৌবনের প্রতিটি মুহূর্তেই নারীর সান্নিধ্য পেতে যখন মন ব্যাকুল থাকে। কল্পনার মুকুরে ভেসে বেড়ায় অসংখ্য নারীর মুখ। তখন যদি সম্ভ্রান্ত বংশের কোন সুন্দরী রমণী কু-প্রবৃত্তি চরিতার্থের আহবান জানায়, তবে তা থেকে বিরত থাকা ঈমানের এক কঠিন অগ্নি পরীক্ষা। দেখা যায় সমাজের কোন

আদর্শবান যুবক, তাকে যদিও পৃথিবীর কোন সম্পদের মোহে ফেলা যায় না, তবে নারীর প্রলোভনে ফেলতে একটুও কষ্ট হয়না। কারণ নারীর প্রতি পুরুষের আকর্ষণ চিরন্তনী। তাই মহান আল্লাহ রাব্বুল আলামীন ভোগের বৈধ রাস্তাও দেখিয়েছেন। তবু এ (ব্যভিচারের) পথ হতে বাঁচার একমাত্র মাধ্যম হচ্ছে আল্লাহুর ভয় এবং পরকালে জবাবদিহির অনুভূতি। আর এ অনুভূতি যতো তীব্র হতে তীব্রতর হবে ঈমানের অগ্নি পরীক্ষা ততো সহজ হতে সহজতর হবে। বিনিময়ে আল্লাহুও দিবেন এমন অভাবনীয় মর্যাদা।

(৭) দানের ব্যাপারে পবিত্র কুরআনে বলা হয়েছেঃ

يَا أَيُّهَا الَّذِينَ آمَنُوا اتَّقُوا مِنْ طَبِئَتِ مَا كَسَبْتُمْ - (البقرة)

“হে ঈমানদারগণ। তোমরা যা উপার্জন করো সেই পবিত্র বস্তু হতে (আল্লাহর পথে) দান করো। (আল-বাকার)

তবে শর্ত হচ্ছে দান শুধুমাত্র আল্লাহর সন্তুষ্টির জন্যই হতে হবে, লোক দেখানো দান অথবা নিজের কোন স্বার্থ সিদ্ধির জন্য দানের কোন মর্যাদাই আল্লাহর নিকট নেই।

অপর হাদীসে বলা হয়েছেঃ

إِنَّ اللَّهَ لَا يَنْظُرُ إِلَى صَوْرَتِكُمْ وَأَمْوَالِكُمْ وَلَكِنْ يَنْظُرُ إِلَى قُلُوبِكُمْ وَأَعْمَالِكُمْ -

“নিশ্চয়ই আল্লাহ তোমাদের বাহ্যিক আকার আকৃতি বা ধনমালের দিকে দৃষ্টিপাত করেন না। বরং তিনি দৃষ্টিপাত করেন মনের অবস্থা ও কাজকর্মের দিকে।” (মুসলিম)

দানকারীর মধ্যে নিজের অজান্তেই অনেক সময় রিয়া বা লোক দেখানো মনোভাবের সৃষ্টি হয়। এ রিয়া ঐ পুণ্যকে সম্পূর্ণরূপে ধ্বংস করে দেয়। তাই এ হাদীসে গোপনে দানের উৎসাহ দেয়া হয়েছে।

### শিক্ষাবলী

- (১) নেতৃত্ব আল্লাহ এবং তাঁর রাসূলের পথে হওয়াই বাঞ্ছনীয়
- (২) যৌবনের সমস্ত শক্তি সামর্থ্য আল্লাহর দীন প্রতিষ্ঠার কাজে নিয়োজিত করতে হবে। কেননা বিপ্লব একমাত্র যুবক শ্রেণীর দ্বারাই সংঘটিত হতে পারে।
- (৩) সমাজের সর্বস্তরে নামায কায়েম করতে হবে। বিশেষ করে নিজেকে নামাযের পূর্ণ পাবন্দ করতে হবে।
- (৪) ভালোবাসা এবং শত্রুতার ভিত্তি হবে একমাত্র আল্লাহর সন্তুষ্টি।
- (৫) নফল ইবাদতের মাধ্যমে আল্লাহর নৈকট্য অর্জনের প্রচেষ্টা করতে হবে।
- (৬) পরিপূর্ণ ভাবে আল্লাহ প্রদত্ত পর্দা প্রথার অনুসরণ করতে হবে।
- (৭) গোপনে এবং নিঃস্বার্থভাবে আল্লাহর পথে ব্যয় করতে হবে।
- (৮) জীবনের প্রতিটো কাজ সম্পাদনের একমাত্র লক্ষ্য হওয়া উচিত আল্লাহর সন্তুষ্টি এবং রেজামন্দি।

---

### তথ্যসূত্র

১. সহীহ আল বুখারী
২. সহীহ আল মুসলিম
৩. কুতবুল বারী
৪. তাকহীমুল কুরআন
৫. মাআরিফুল কুরআন
৬. সাহাবা চরিত- ইসলামিক ফাউন্ডেশন
৭. আসহাবে রাসূলের জীবন কথা।

عَنْ تَمِيمِ الدَّارِيِّ أَنَّ النَّبِيَّ صَلَّى اللَّهُ عَلَيْهِ وَسَلَّمَ  
قَالَ الدِّينُ النَّصِيحَةُ ثَلَاثًا قُلْنَا لِمَنْ ؟ قَالَ لِلَّهِ وَلِكِتَابِهِ  
وَلِرَسُولِهِ وَلِأَيِّمَةِ الْمُسْلِمِينَ وَعَامَّتِهِمْ -  
(مسلم)

“হযরত তামীম দারী (রা) হতে বর্ণিত, তিনি বলেন: রাসূলে কারীম (সা) তিনবার বললেছেন—দীন হচ্ছে নসীহত বা কল্যাণ কামনা। আমরা বললাম, (ইয়া রাসূলান্নাহ) কার জন্য এ নসীহত বা কল্যাণ কামনা? প্রতি উত্তরে রাসূলে কারীম (সা) বললেন: আল্লাহর জন্য, তাঁর কিতাবের জন্য, তাঁর রাসূলের জন্য, মুসলমানদের ইমাম বা নেতৃবৃন্দ এবং মুসলিম জনসাধারণের জন্য।” (মুসলিম)

### শব্দার্থ

أَنَّ - নিশ্চয়ই। الدِّينُ - দীন বা জীবন ব্যবস্থা।  
النَّصِيحَةُ - সহমর্মিতা বা কল্যাণ কামনা। ثَلَاثًا - তিনবার। قُلْنَا - আমরা বললাম। لِمَنْ - কার জন্য? قَالَ - তিনি বলেন। لِلَّهِ - আল্লাহর জন্যে।  
وَلِرَسُولِهِ - তার রাসূলের জন্য। وَلِكِتَابِهِ - কিতাবের জন্য।  
وَلِأَيِّمَةِ الْمُسْلِمِينَ - মুসলমানদের নেতার জন্য। وَعَامَّتِهِمْ - সর্বসাধারণ।

### রাবীর (বর্ণনাকারীর) পরিচয়

তাঁর নাম তামীম, দারী তাঁর বংশীয় উপাধী। তাঁর দাদার নাম ছিলো দার। এজন্য তাঁদের বংশের সকলের নামের শেষে দারী শব্দটি যোগ করা হয়। তামীম দারী (রা) এর পিতার নাম আউস দারী। তাঁর পিতা এবং দাদা সকলেই ছিলো খ্রীষ্টান ধর্মবলম্বী। তামীম দারী (রা) ও জীবনের বেশ কিছু অংশ খ্রীষ্টান ধর্মের উপর কাটিয়েছেন। হিজরী নবম সনে তিনি পবিত্র ইসলামে দীক্ষা নেন। এবং



বাকী জীবন তিনি ইসলামের অনুশীলন বাস্তবায়নের জন্য অতিবাহিত করেন।

আল্লাহর সন্তুষ্টিই ছিলো তাঁর জীবনের একমাত্র ব্রত। কথিত আছে- তিনি এক রাকাত নামাযে পূর্ণ কুরআন খতম করতেন।

হযরত তামীমদারী (রা) থেকে সর্বমোট ১৮টি হাদীস বর্ণিত হয়েছে।

### হাদীসটির গুরুত্ব

আলোচ্য হাদীস সম্বন্ধে সহীহ মুসলিম শরীফের ভাষ্যকার ইমাম নববী (রা) বলেন-

هَذَا حَدِيثٌ عَظِيمٌ شَأْنٌ وَعَلَيْهِ مَدَارُ الْإِسْلَامِ -

“এটি বিরাট মর্যাদা ও গুরুত্বপূর্ণ একটি হাদীস। এর উপরই ইসলামের বুনিয়াদ বা ভিত্তি সংস্থাপিত।”

এ হাদীসটি মুসলিম ছাড়াও তিরমিযি, নাসায়ী, আবুদাউদ, দারেমী স্ব স্ব গ্রন্থে স্থান দিয়েছেন। সকলেরই বর্ণনার ভাষা এক ও অভিন্ন। একটি আদর্শ সুন্দর, সুখী সমৃদ্ধশালী সমাজ ও রাষ্ট্র গঠনে হাদীসটি দ্রুত নক্ষত্রের মতোই সঠিক পথের সন্ধান দিবে, প্রতিটি মুমিনকে।

### ব্যাখ্যা

হাদীসে বর্ণিত “নাসিহাতুন” শব্দটি “নুসহ” শব্দ হতে নির্গত। “নুসহা” শব্দের অর্থ হচ্ছে সকল প্রকার ভেজাল মিশ্রণ ও জাল হতে পবিত্র হওয়া। এ শব্দটির আরেকটি প্রতিশব্দ হলো “খালেছ”। মধু যখন মোম ও অন্যান্য আবর্জনা হতে পৃথক করা হয় তখন তাকে বলা হয় “নাসেহ”। আবার মানুষের মন যখন মোনাফেকী হিংসা, বিদ্বেষ ইত্যাদি মুক্ত হয়, তখন বলা হয়:

نَصَحَ قَلْبُ الرَّجُلِ -

“অর্থাৎ লোকটির ভিতর বাহির এবং কথা ও কাজের মিল আছে। পবিত্র কুরআনে “তওবাতুন নুসহা” এ অর্থেই ব্যবহৃত হয়েছে।”

(ক) আল্লাহর জন্যে নসীহাতঃ আন্তরিক ও অকৃত্রিমভাবে আল্লাহর প্রতিটি গুণ বা হিফাজতের ও ক্ষমতার স্বীকৃতি দেয়া এবং আল্লাহর প্রতিটি হুকুম

বাস্তবায়নের প্রচেষ্টা করা। সাথে সাথে আল্লাহর গুণ, ক্ষমতা, অধিকার ইত্যাদির সাথে কোন অবস্থাতেই কাউকে শরীক না করা। এটাই হলো আল্লাহর জন্য নসীহাত এর তাৎপর্য। এর ফলে মানুষ যখন নিজেই নিজের কল্যাণে ব্যাপৃত হবে তখনই একটি সুখী সমৃদ্ধশালী সমাজের ভিত্তি নির্মিত হবে। আর কল্যাণের ব্যাপারে আল্লাহ নিজেই বলেছেনঃ

مَنْ عَمِلَ صَالِحًا فَلِنَفْسِهِ -

“যে ব্যক্তি সৎকাজ বা কল্যাণমূলক কোন কাজ করলো প্রকৃতপক্ষে তা নিজেরই কল্যাণ বয়ে আনলো।”

(খ) আল্লাহর কিতাবের জন্য নসীহতঃ এ কথার অর্থ হচ্ছে আল্লাহর কিতাব অবতীর্ণের মূল কারণ অনুধাবন এবং তা কার্যকরী করার বাস্তব পদক্ষেপ গ্রহণ করা। আর এ উদ্দেশ্য কার্যকরী করার উপায় হচ্ছে তিনটি।

(১) শুদ্ধভাবে কুরআন তিলাওয়াতঃ কুরআন মজীদ তাজবীদ ও তারতীলের সাথে তিলাওয়াত করা।

আল কুরআনে ঘোষণা করা হয়েছেঃ

وَرَتَّلِ الْقُرْآنَ تَرْتِيلًا -

“কুরআনকে বিগুচ্ছতার সাথে ধেমে ধেমে পাঠ কর।” (সূরা আল মুজাখিল)

(২) গভীর মনোনিবেশ সহকারে অধ্যয়নঃ শুধু তিলাওয়াত করলেই হবে না, কুরআনের বিভিন্ন বিষয়াবলীর উপর চিন্তা ও গবেষণা করতে হবে। কারণ একমাত্র কুরআনই হচ্ছে মানব জীবনের সমস্ত সমস্যার ঐশী সমাধান। তাই এর উপর গবেষণা করে মানুষের মৌলিক সমস্যাগুলোর যুগোপযোগী সমাধানের চেষ্টা করা অবশ্য কর্তব্য।

(৩) কুরআনের বিধানকে বাস্তবায়ন করাঃ আল কুরআন শুধুমাত্র ইতিহাস অথবা দর্শনের গ্রন্থ নয়। এটি হচ্ছে মানব সমাজের জন্য একটি পূর্ণাঙ্গ জীবন ব্যবস্থা। তাই আল-কুরআনের অধ্যয়ন ও গবেষণার সাথে সাথে সমস্ত বিধি-বিধানকে কার্যকরী রূপ দেয়া। যেমন কোন রোগী যদি দেশের শ্রেষ্ঠ একজন ডাক্তারের “ব্যবস্থাপত্র” মোতাবেক পদক্ষেপ না নিয়ে শুধুমাত্র ব্যবস্থাপত্রটি বার বার আদ্যোপাশ্রয় পাঠ করে, তাহলে রোগীর সুস্থতার কথা যেমন চিন্তা করা যায়

না তদুপ কুরআনের আইন-কানুন বাস্তবায়ন ছাড়া শুধুমাত্র অধ্যয়ন বা তিলাওয়াত এ ঝাঞ্জা- বিক্ষুব্ধ সমাজে কোন কল্যাণই বয়ে আনতে পারে না।

(গ) রাসুলের জন্য নসীহতঃ রাসুল (সা) এর নবুয়তকে স্বীকার করা এবং তাঁর সমস্ত আদর্শকে প্রতিষ্ঠিত করার প্রচেষ্টা করা। সাথে সাথে পৃথিবীর সব কিছুর উর্ধ্বে তাঁর স্থান দেয়া ও ভালোবাসা। কেননা নবী করীম (সা) নিজেই বলেছেনঃ

لَا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ

(মসলম, অনস রুখ)

وَالنَّاسُ أَجْمَعِينَ -

“তোমাদের মধ্যে কেউ প্রকৃত ইম্মানদার হতে পারবে না যতক্ষণ না তার নিকট তার পিতা, সন্তানাদি ও সমস্ত মানুষ অপেক্ষা আমি অধিকতর প্রিয় হবো।” (বুখারী, মুসলিম)

(ঘ) ইমাম বা নেতৃবৃন্দের জন্য নসীহতঃ অত্র হাদীসে নামাযের বা মসজিদের ইমাম বা নেতাদের কথা বলা হয়নি। তেমনিভাবে মারী-কুরআন সুল্লাহর আইনকে পরিহার করে মানুষের মনগড়া আইনের ধারক ও বাহক তাদের নেতৃত্বের কথাও বলা হয়নি বরং এখানে ইসলামী রাষ্ট্রের আদর্শবাদী খোদাতীক নেতৃবৃন্দের কথাই বলা হয়েছে।

নেতৃবৃন্দের জন্য নসীহত করার অর্থ সর্বদা তাদের আনুগত্য ও সহযোগিতা করা এবং অন্যায় হলে তাদের সমালোচনা করা, সংগণে চলার জন্য পরামর্শ দেয়া। না শুনলে আনুগত্যের হাত গুটিয়ে নেয়া। কেননা স্বয়ং নবী করীম (সা) বলেছেনঃ

عَلَى الْمَرْءِ الْمُسْلِمِ السَّمْعُ وَالطَّاعَةُ فِيمَا أَحَبَّ وَكَرِهَ إِلَّا أَنْ يُؤْمَرَ بِمَعْصِيَةٍ وَإِنْ أَمَرَ بِمَعْصِيَةٍ فَلَا سَمْعَ وَلَا طَاعَةَ -

(মসলম, মুসলিম)

“পছন্দ হোক বা না হোক প্রতিটি মুসলমানের কর্তব্য হচ্ছে নেতার কথা শ্রবণ করা এবং নেতার আনুগত্য করা। কিন্তু যদি কোন নাফরমানী বা গুণাহর কাজের

আদেশ করে তবে অন্য কথা। যদি গুণাহ বা নাফরমানীর আদেশ দেয়া হয় তবে তার কথা শুনা এবং আনুগত্য করা যাবে না।" (বুখারী, মুসলিম)

(৬) সাধারণ মুসলমানের জন্য নসীহতঃ মুসলমান জনসাধারণের জন্যে নসীহত বা সহমর্মিতা বলতে বুঝায় ইহলৌকিক ও পরলৌকিক কল্যাণের জন্য তাদেরকে সদুপদেশ দেয়া এবং মানুষের ক্ষতি বা কষ্ট না হয় সেজন্য সদা সজাগ থাকা। নিম্নোক্ত কয়েক ভাবে এ কাজ সম্পন্ন করা যেতে পারে।

- (১) সাধারণ লোকদের নিকট দ্বীনের দাওয়াত বা তাবলীগ করে তাদেরকে সৎপথের দিকে আহ্বান করা।
- (২) কোন মুসলমান মৃত্যুবরণ করলে তার জানাযা ও দাফন-কাফনে অংশ গ্রহণ করা এবং তার পরিবারবর্গকে সবরের নসীহত করা।
- (৪) কোন মুসলমান বিপদগ্রস্থ হলে ব্যক্তিগতভাবেই হোক অথবা সমষ্টিগতভাবেই হোক তার সহযোগিতা করা।
- (৫) কেউ দাওয়াত দিলে গ্রহণ করা; কারণ এতে পরস্পর সৌহার্দ সৃষ্টি হয়।
- (৬) সাক্ষাত হলে সালাম দেয়া।
- (৭) উপস্থিত বা অনুপস্থিত সর্বাবস্থায় সকল মুসলমানের কল্যাণ কামনা করা।

বস্তুত একটি সুন্দর সমাজ গঠনে অত্র হাদীসটির গুরুত্ব অপরিণীম। কেননা পূর্ণাঙ্গ ইসলামকে একটি সংক্ষিপ্ত আকারে এ হাদীসে शामिल করা হয়েছে।

عَنْ مُعَاذِ بْنِ جَبَلٍ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِنَّ الشَّيْطَانَ ذَنْبُ الْإِنْسَانِ كَذَنْبِ الْغَنَمِ يَأْخُذُ الشَّاذَّةَ وَالْقَاصِيَةَ وَالنَّاحِيَةَ وَإِيَّاكُمْ وَالشَّيْعَابَ فَعَلَيْكُمْ بِالْجَمَاعَةِ وَالْعَامَةِ .  
(مشكاة، احمد)

“হযরত মোয়াজ ইবনে জাবাল (রা) কর্তৃক বর্ণিত। রাসুলুল্লাহ (সা) বলেছেনঃ মেঘপালের নেকড়ে বাঘের মতো শয়তান মানুষের নেকড়ে বাঘ স্বরূপ। যে মেঘপালের মধ্য হতে কোন একটি মেঘ দল হতে আলাদা থাকে অথবা খাদ্যের সন্ধানে একাকী দূরে চলে যায় অথবা যেটি অলসতাবশত দলের একপ্রান্তে পড়ে থাকে, সেটিকে নেকড়ে বাঘ উঠিয়ে নিয়ে যায়। সাবধান! তোমরা কখনো জামায়াত ছেড়ে একাকী দুর্গম পার্বত্য ঝুঁকিপূর্ণ পথে চলে না। সুতরাং সর্বদা জামায়াত বা মুসলিম জনসাধারণের সাথে থাকবে। (মিশকাত, মুসনাদে আহমদ)

### শব্দার্থ

يَأْخُذُ - মেঘ। الْغَنَمُ - মত। ذَنْبُ الْإِنْسَانِ - মানুষ। নেকড়ে বাঘ। - শয়তান।  
- নেয়া। الشَّاذَّةُ - দল হতে বিচ্ছিন্ন হওয়া। الْقَاصِيَةَ - খাদ্যের সন্ধানে  
একাকী দূরে চলে যাওয়া বা কোন জায়গায় একাকী অবস্থান করা।  
النَّاحِيَةَ - অলসতাবশতঃ এক প্রান্তে পড়ে থাকা। إِيَّاكُمْ - অবশ্যই  
তোমরা। الشَّيْعَابَ - ঝুঁকিপূর্ণ দুর্গমপাহাড়ী পথ। عَلَيْكُمْ - তোমাদের উপর।  
بِالْجَمَاعَةِ - জামায়াতের সাথে। الْعَامَةِ - জন সাধারণ।

### রাবীর (বর্ণনাকারীর) পরিচয়

হযরত মোয়াজ্জ ইবনে জাবাল (রা) মদীনার খায়রুল্লজ বংশের বনী সালমা গোত্রে জন্মগ্রহণ করেন। মাত্র ১৯ বৎসর বয়সে আকাবার দ্বিতীয় শপথে অংশগ্রহণ করে ইসলামের সূনীতল জম্মাতলে আসেন। জ্ঞান-বুদ্ধি, ধৈর্য- সাহস, সততা ও ন্যায়নিষ্ঠায় তিনি ছিলেন অপ্রতিদ্বন্দ্বী এক যুবক। তিনি অত্যন্ত বিদ্যোৎসাহী ছিলেন। মহানবী (সা) এর বেদমতে আসার পর তাঁর শিক্ষার দ্বার উন্মোচিত হয় এবং অল্পকালের মধ্যেই তিনি ইসলামের ব্যবহারিক ও তাত্ত্বিক জ্ঞানে পারদর্শিতা অর্জন করেন। তিনি অধিকাংশ সময় রাসূলে করীম (সা) এর সান্নিধ্যে কাটাতেন এবং রাসূলে করীম (সা) ও তাঁকে অত্যাধিক স্নেহ করতেন। হযরত মোয়াজ্জ ইবনে জাবাল (রা) থেকে যে সমস্ত হাদীস বর্ণিত হয়েছে তার অধিকাংশ হলো রাসূলে করীম (সা) কর্তৃক তাঁকে নসীহত কল্পে বর্ণিত হাদীস।

হযরত মোয়াজ্জ (রা) কে আল্লাহ রাক্বুল আলামীন জ্ঞান- বিজ্ঞানে পরিপূর্ণতা দান করেছিলেন। তাঁকে কখনো দেখা যায় ইয়েমেনের গভর্নর; কখনো দেখা যায় রোমের রাষ্ট্রদূত হিসেবে; আবার হযরত আবুবকর (রা) এর উপদেষ্টা পরিষদের সদস্যদের মধ্যেও তিনি একজন। সেনাপতিত্ব, শিক্ষকের দায়িত্বও পালন করেন। বস্তুত তাঁকে যতো রকমের দায়িত্বই দেয়া হয়েছে তা তিনি সুস্থভাবেই পালন করেছেন।

তিনি হাফিজে কুরআন ও উচুস্তরের আলেম ছিলেন। কুরআন, হাদীস ও ইলমে ফেকাহুয় তিনি গভীর জ্ঞান রাখতেন। নবী করীম (সা) যে চারজন সাহাবীকে সাধারণ লোকদেরকে শিক্ষা দেবার দায়িত্বে নিয়োজিত রেখেছিলেন, হযরত মোয়াজ্জ ইবনে জাবাল (রা) ছিলেন তাঁদের একজন। স্বয়ং রাসূলুল্লাহ (সা) ই বলেছেনঃ “আমার সাহাবীদের মধ্যে হারামঃ হালালের জ্ঞান সম্পর্কে মোয়াজ্জই বেশি অভিজ্ঞ।” হযরত মাসউদ (রা) বলেছেনঃ “পৃথিবীতে মাত্র তিনজন (বড়ো) আলিম আছেন, তার মধ্যে মোয়াজ্জ ইবনে জাবাল একজন।”

হযরত মোয়াজ্জ (রা) মাত্র ৩৬ বৎসর বয়সে সিরিয়ার গোর প্রদেশের বাইশান শহরে ইন্তেকাল করেন। তাঁর থেকে মোট ১৫৭ টি হাদীস বর্ণিত হয়েছে। তার মধ্যে ইমাম বুখারী মুসলিমের একমতের হাদীস ২টি।

## হাদীসটির গুরুত্ব

মহান আল্লাহ্ রাসূলুলামীন পবিত্র কালামে ইরশাদ করেনঃ-

وَاَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا -

“তোমরা সকলে মিলে আল্লাহর রজ্জুকে শক্তভাবে ধারণ করো, আর তোমরা পরস্পর বিভিন্ন হয়ে পড়ো না।” (আলে-ইমরান)

এ আয়াতকে সামনে রেখে আলোর হাদীস মূল্যায়ন করলে জামায়াতবদ্ধ জীবনের গুরুত্ব ও জামায়াতবিহীন জীবন যাপনের ভয়াবহ পরিণতি আমাদের সামনে দিবালোকের ন্যায় প্রতিভাত হয়ে উঠে। বিশ্বের সকল মুসলমানের জন্যই জামায়াতবদ্ধ জীবন যাপনে উৎসাহ প্রদানকারী এ হাদীসটি মাইলষ্টোন হিসেবে কাজ করবে।

## ব্যাখ্যা

মুসলমানকে অবশ্যই জামায়াতবদ্ধ জীবন যাপন করতে হবে। চাই তা কোন জনপদেই হোক অথবা কোন সমাজে কিংবা রাষ্ট্রে। এমনকি যদি তিনজন লোকও লোকালয়ের বাইরে জনমানবহীন কোন জায়গায় যায় অথবা যেতে মনস্ত করে সেখানেও একজনকে আমীর নিযুক্ত করে তাঁর অনুসরণপূর্বক জামায়াত কায়ম করতে হবে।

অন্য হাদীসে বলা হয়েছেঃ

لَا يَحِلُّ لثَلَاثَةٍ يَكُونُ بَقْلَةً مِنَ الْأَرْضِ إِلَّا أَمَرُوا عَلَيْهِمْ أَحَدَهُمْ -

(মসন্দ احمد)

“তিনজন লোকও যখন জনমানবহীন মরুভূমিতে থাকবে তখন তাদের একজনকে আমীর বা নেতা নিযুক্ত করে তার অনুসরণ না করে বিচ্ছিন্ন থাকা বৈধ নয়। (মুসনাদে আহমদ)

অন্য হাদীসে হযরত আবু সাঈদ খুদরী (রা) ও আবু হুরাইরা (রা) উভয়েই রাসূলে করীম (সা) হতে বর্ণনা করেন -

إِذَا خَرَجَ ثَلَاثَةٌ فِي السَّفَرِ فَلْيُؤَمِّرُوا عَلَيْهِمْ أَحَدَهُمْ - (ابوداؤد)

“তিনজন লোক যখন কোথাও সফরের নিয়তে বের হবে তখন অবশ্যই একজনকে আমীর বানিয়ে নিবে”। (আবু দাউদ)

সব ক’টি হাদীসেই তিনজন লোকের কথা উল্লেখ করা হয়েছে। কারণ এখানে সর্বনিম্ন পরিমাণের কথাই বলা হয়েছে। সর্বোচ্চ কোন পরিমাণের কথা উল্লেখ নেই। কেননা সব ক’টি হাদীসের বর্ণনায় একথা সন্দেহাতীতভাবে প্রতীয়মান হয় যে, সামান্য তিনজন লোকের বেলায়ই যখন জামায়াত ছাড়া গতান্তর নেই। তখন এর চেয়ে বেশি লোককে তো অবশ্যই জামায়াতবদ্ধ জীবন যাপন করতে হবে। জামায়াত থেকে বিচ্ছিন্ন থাকার পরিণাম অত্র হাদীসে অবশ্য একটু নমনীয় ভাষায় বলা হলেও অন্য হাদীসে আরো কঠিন ভাষায় সতর্ক করে দেয়া হয়েছে। রাসূলুল্লাহ (সা) বলেনঃ

مَنْ خَرَجَ مِنَ الطَّعَةِ وَفَارِقَ الْجَمَاعَةَ فَمَاتَ مَيِّتَةً جَاهِلِيَّةٍ -

“যে ব্যক্তি জামায়াত থেকে বিচ্ছিন্ন হয়ে আনুগত্যের হাত গুটিয়ে নিলো, আর এ অবস্থায় (যদি) মৃত্যুবরণ করে তবে তা হবে জাহিলিয়াতের মৃত্যু।”

সত্যি কথা বলতে কি, যদি কোন সমাজে বা রাষ্ট্রে একজনের নেতৃত্বাধীন জীবন যাপন না করা হয় এবং সবাই স্বৈচ্ছাচারীতায় লিপ্ত হয় তবে ঐ সমাজের শান্তি-শৃংখলা বিনষ্ট হতে বাধ্য। তাই সুন্দর ও সুশৃংখল সমাজ গঠনের প্রথম শর্তই হচ্ছে নেতৃত্ব ও নেতার আনুগত্য।

### শিক্ষাবলী

- (১) জামায়াতবদ্ধ জীবন যাপন করতে হবে।
- (২) যে জামায়াত ছেড়ে একাকী থাকে সে শয়তানের ক্রীড়নকে পরিণত হয়।
- (৩) জামায়াতবিহীন মৃত্যু জাহেলিয়াতের মৃত্যুও হতে পারে।
- (৪) লোকালয়ে অথবা বিজন মরু যেখানেই হোক না কেন নেতৃত্ব এবং আনুগত্যের ধারা ঠিক রাখতে হবে।
- (৫) ঈমানকে প্রতিষ্ঠিত রাখার সহজ পথ হচ্ছে জামায়াতবদ্ধ জীবন যাপন করা।



---

তথ্য সূত্র

১. মশকাত শরীফ।
২. হাদীস শরীফ ১ম খণ্ড
৩. তাফহীমুল কুরআন।
৪. তাফসীরে ইবনে কাসীর।
৫. সাহাবা চরিত, ইসলামিক ফাউন্ডেশন

عَنْ أَبِي ذَرٍّ قَالَ قُلْتُ يَا رَسُولَ اللَّهِ أَيُّ الْعَمَلِ أَفْضَلُ قَالَ  
الْإِيمَانُ بِاللَّهِ وَالْجِهَادُ فِي سَبِيلِهِ -

“হযরত আবুজর গিফারী (রা) থেকে বর্ণিত। তিনি বলেন— একবার আমি রাসূলে কারীম (সা) কে জিজ্ঞেস করলাম: ইয়া রাসূলুল্লাহ! কোন আমল (সবচেয়ে) উত্তম? রাসূলুল্লাহ (সা) বললেন: আল্লাহর উপর ঈমান এবং আল্লাহর পথে জিহাদ।” (বুখারী, মুসলিম)

### শব্দার্থ

قَالَ - তিনি বললেন। قُلْتُ - আমি জিজ্ঞেস করলাম। أَيُّ - কোন।  
الْعَمَلُ - কাজকর্ম/ এবাদত। الْإِيمَانُ - বিশ্বাস। الْجِهَادُ - আল্লাহর দ্বীনকে প্রতিষ্ঠিত করার জন্য প্রচেষ্টা। চাই সেটা যুদ্ধই হোক অথবা অন্য কিছু।  
فِي - মধ্যে। سَبِيلِهِ - তাঁর (আল্লাহর) পথে।

### রাবীর (বর্ণনাকারীর) পরিচয়

হযরত আবুজর (রা) হলেন আদান উপত্যকার গিফার গোত্রের লোক। এ স্থানটি মক্কা হতে সিরিয়া যাবার পথে। এজন্য তাঁকে গিফারী বলা হয়। গিফার গোত্রের লোকদের জীবিকা নির্বাহের মাধ্যম ছিলো বানিজ্য কাফেলাসমূহের নিরাপত্তার বিনিময়ে প্রাপ্ত অর্থ। তাছাড়া ডাকাতি রাহাজানি ও লুটতরাজ করেও তারা জীবিকা নির্বাহ করতো। কিন্তু হযরত আবুজর (রা) শৈশব থেকেই লুটতরাজের কাজকে ঘৃণা করতেন এবং এক আল্লাহুয় বিশ্বাসী ছিলেন। যখন শুনতে পেলেন মক্কায় এক লোক নবুওয়াতের দাবী করছেন এবং তৌহিদের দাওয়াত দিচ্ছেন, তখন তাঁর ভাই আনিস (রা) কে মক্কায় পাঠান ঘটনার সত্যাসত্য যাচাইয়ের জন্য। ভাই এসে যখন বললেন: “আল্লাহর কসম মানুষকে তিনি মহৎ চরিত্রের দিকে আহ্বান করেন, আর এমন সব কথা বলেন যা কোন

কবি বা গণকের কথা বলে মনে হয় না।” একথা শুনে তিনি সামান্য একটি পুটলী নিয়ে মক্কাভিমুখে রওয়ানা হোন এবং হযরত আলী (রা) এর সহায়তায় ইসলাম গ্রহণ করে ধন্য হন।

ইসলাম গ্রহণের দিক থেকে হযরত আবুজর গিফারী (রা) হলেন ৫ম মুসলমান। কেউ কেউ তাঁকে ৪র্থ মুসলমান বলেছেন। তিনি মুসলমান হয়ে নিজ গোত্রে ফিরে যান এবং সেখানেই বসবাস করতে থাকেন। আহুযাব বা খন্দকের যুদ্ধ শেষ হবার পর তিনি মদীনায় আসেন এবং নিরবচ্ছিন্নভাবে রাসূলে কারীম (সা) এর সান্নিধ্যে তাঁর মৃত্যুর পূর্ব পর্যন্ত অবস্থান করেন।

হযরত আবুজর (রা) খুব সরল সোজা প্রকৃতির লোক ছিলেন। সাদাসিদ্ধা জীবন যাপন ও নির্জনতা বেশি পছন্দ করতেন। নিম্নের ঘটনাটি তাঁর সহজ সরল জীবন যাপনের উজ্জ্বল দৃষ্টান্ত। একদিন এক ব্যক্তি হযরত আবুজর (রা) এর বাড়ি আসলেন এবং তাঁর ঘরের চারদিক দেখে গৃহস্থালীর কোন দ্রব্য তাঁর দৃষ্টিতে না পড়ায় জিজ্ঞেস করলেনঃ “আবুজর! আপনার মালামাল কোথায়?” উত্তরে তিনি বললেনঃ আখিরাতে আমার একটি বাড়ি আছে, আমার সমস্ত ভালো ভালো সম্পদ সেখানে পাঠিয়ে দেই।”

তিনি হিজরী ৩১ মতান্তরে ৩২ সনে রাবজার মরুভূমিতে বেচ্ছা নির্বাসিত জীবন যাপনের সময় ইন্তেকাল করেন। তাঁর থেকে মোট ২৮১টি হাদীস বর্ণিত হয়েছে। তার মধ্যে ১২ টি বুখারী-মুসলিম উভয়ে বর্ণনা করেছেন। ২টি বুখারী এবং ১৭টি মুসলিম এককভাবে বর্ণনা করেছেন।

### হাদীসটির গুরুত্ব

এ হাদীসে ইবাদতের দু'প্রান্তিক অবস্থার কথা বর্ণিত হয়েছে। প্রথমটি আল্লাহর উপর ঈমান দ্বিতীয়টি জিহাদ। কেননা পৃথিবীতে যতো সংকাজই কর্ন হোক না কেন, যদি আল্লাহর উপর ঈমান না থাকে তবে তার কোন মূল্যই নেই। আবার ঈমানদারগণ যতো সংকাজই কর্ন না কেন জিহাদের চেয়ে উত্তম কোন সংকাজই নেই। এ দু'প্রান্ত সীমার মধ্যে যতো প্রকার আমল বা কাজ আছে তা সবই ইবাদত। ইসলামে ইবাদতের এ প্রান্তিক দিক - নির্দেশনায় হাদীসটির গুরুত্ব অপরিসীম।

### ব্যাখ্যা

(ক) আল্লাহর উপর বিশ্বাস: আল্লাহর উপর ঈমান বলতে নিম্নোক্ত চারটি বিষয়ের উপর ঈমান আনা বুঝায়। যে ব্যক্তি পূর্ণভাবে চারটি বিষয়ের উপরই ঈমান আনবে সেই হবে পূর্ণ মুমিন। বিষয়গুলো হচ্ছে -

(১) আল্লাহর অস্তিত্বে বিশ্বাস : সমগ্র বিশ্ব জাহানের যে সামান্যতম অংশ আমাদের দৃষ্টিগোচর হয় এবং এ সামান্যতম অংশেই প্রকৃতির রাজ্যে যে সুন্দর ও সুষ্ঠু ব্যবস্থাপনা বা নিয়ন্ত্রণ; কোথাও বিন্দুমাত্র বিশৃংখলা ও বিরোধ নেই। যেখানে কোন স্রষ্টা ছাড়া একটি সামান্য মাটির হাড়ির অথবা একটি কাঠের পিড়ির কথাও কল্পনা করা যায় না, আবার একজন পরিচালক ছাড়া যেখানে ছোট একটি দোকান অথবা একটি ছোট নৌকাও চলতে পারে না, সেখানে এ বিশাল বিশ্বচরাচরও কোন স্রষ্টা এবং পরিচালক ছাড়া সৃষ্টি বা পরিচালিত হতে পারে কি? এ প্রশ্নের উত্তরেই নিহিত রয়েছে স্রষ্টার অস্তিত্বের স্বীকৃতি। এ প্রসঙ্গে স্বয়ং আল্লাহ রাক্বুল আলামীন বলেন:

أَمْ خَلَقُوا مِنْ غَيْرِ شَيْءٍ أَمْ هُمُ الْخَالِقُونَ - أَمْ خَلَقُوا السَّمَوَاتِ  
وَالْأَرْضِ - بَلْ لَا يُوقِنُونَ - أَمْ عِنْدَ هُمْ خَزَائِنُ رِزْقِكَ أَمْ  
هُمُ الْمُصْطَفِرُونَ - (الطود)

“এ লোকগুলো কি সৃষ্টিকর্তা ছাড়া নিজে নিজেই অস্তিত্ব লাভ করেছে, নাকি নিজেরাই নিজেদের সৃষ্টিকর্তা? অথবা পৃথিবী ও আকাশমন্ডলী কি এরাই সৃষ্টি করেছে? সত্যি কথা বলতে কি, এরা কোন কথায়ই প্রত্যাী নয়। (হে নবী) তোমার আল্লাহর রহাাগার কি এদের মুঠোর মধ্যে, না কোন ব্যাপারে তাদের কোন হকুম শাসন চলে?” (সূরা আত্ তুর)

অন্যত্র বলা হয়েছে:

(أَعْرَاف)      أَلَا لَهُ الْخَلْقُ وَالْأَمْرُ

“সাবধান! সৃষ্টি তাঁর। প্রশাসনও চলবে তাঁর।” (সূরা আল আ'রাফ)

(২) আল্লাহর গুণাবলীতে বিশ্বাস : আল্লাহর অস্তিত্বের স্বীকৃতি দেয়ার সাথে সাথেই যে প্রশ্নটি আমাদের সামনে এসে হাজির হয়, সেটি হলো আল্লাহ যখন

আছেন তখন তিনি কি কি গুণ বা বৈশিষ্ট্যের অধিকারী? এ ব্যাপারে মহাশয় আল- কুরআনে আল্লাহ নিজেই নিজের গুণাবলীর সুস্পষ্ট পরিচয় দিয়েছেন। ইরশাদ হচ্ছেঃ

قُلْ هُوَ اللَّهُ أَحَدٌ - اللَّهُ الصَّمَدُ - لَمْ يَلِدْ وَلَمْ يُولَدْ - وَلَمْ يَكُنْ لَهُ كُفُوًا أَحَدٌ - (اخلاص)

“বলো, আল্লাহ এক তিনি (আল্লাহ) কারো মুখাপেক্ষী নন। বরং তার মুখাপেক্ষীই সমস্ত কিছূ। না তাঁর কোন সন্তান আছে আর না তিনি কারো সন্তান। (বস্তুত) তাঁর সমতুল্যও কেউ নেই।

(সূরা ইখলাছ)

مَا اتَّخَذَ اللَّهُ مِنْ وَلَدٍ وَمَا كَانَ مَعَهُ مِنْ إِلهٍ إِذَا لُذِبَ كُلُّ إِلهٍ  
بِمَا خَلَقَ وَلَعَلَّ بَعْضُهُمْ عَلَى بَعْضٍ (ط) سُبْحَانَ اللَّهِ عَمَّا  
يَصِفُونَ - (المؤمن)

“ আল্লাহ কাউকে নিজের সন্তান বানাননি আর দ্বিতীয় কোন ইলাহও তাঁর সাথে শরীক নেই। যদিই বা থাকতো তবে প্রত্যেক ইলাহই তার সৃষ্টি নিয়ে আলাদা হয়ে যেতো। অতঃপর একে অপরের উপর চড়াও হতো। মহান আল্লাহ পবিত্র সে সব কথাবার্তা হতে, যা লোকেরা মনগড়াভাবে বলে।” (সূরা আল মুমিনুন)

অন্যত্র আরো ব্যাপক আকারে তাঁর গুণের পরিচয় দেয়া হয়েছে-

هُوَ اللَّهُ الَّذِي لَا إِلَهَ إِلَّا هُوَ (ج) عَالِمُ الْغَيْبِ وَالشَّهَادَةِ (ج)  
هُوَ الرَّحْمَنُ الرَّحِيمُ - هُوَ اللَّهُ الَّذِي لَا إِلَهَ إِلَّا هُوَ (ج)  
الْمَلِكُ الْقُدُّوسُ السَّلَامُ الْمُؤْمِنُ الْمُهَيْمِنُ الْعَزِيزُ الْجَبَّارُ  
الْمُتَكَبِّرُ (ط) سُبْحَانَ اللَّهِ عَمَّا يُشْرِكُونَ - هُوَ اللَّهُ الْخَالِقُ

الْبَطَارِيُّ الْمُصَوِّرُ لَهُ الْأَسْمَاءُ الْحُسْنَى يُسَبِّحُ لَهُ مَا فِي  
السَّمَوَاتِ وَالْأَرْضِ (ج) وَهُوَ الْعَزِيزُ الْحَكِيمُ - (المشر)

“তিনি আল্লাহ্, তিনি ছাড়া কোন ইলাহ নেই। তিনিই প্রকাশ্য বা অপ্রকাশ্য সকল জ্ঞানের আধার। তিনি রহমান ও রাহীম। তিনি আল্লাহ যিনি ছাড়া কোন ইলাহ নেই। তিনি মালিক - বাদশাহ। পবিত্রতম সত্তা, পূর্ণ শান্তি ও নিরাপত্তা, শান্তি ও নিরাপত্তাদাতা। রক্ষণাবেক্ষণকারী পরিদর্শক, মহাপরাক্রমশালী, নিজের বিধান প্রতিষ্ঠায় কঠোর ও স্বয়ং বড়ত্ব গ্রহণকারী। আল্লাহ মহান পবিত্র সেই শিরক থেকে যা লোকরো করছে। তিনিই তো আল্লাহ যিনি (সমগ্র) সৃষ্টির পরিকল্পনাকারী এবং তার বাস্তবায়নকারী। আর সে অনুপাতে আকার আকৃতি রচনাকারী। তাঁর (জন্ম) উত্তম নাম সমূহ বিদ্যমান। আসমান জমিনের প্রতিটি বস্তুই তাঁর তাসবীহ করে। তিনি মহা পরাক্রমশালী সুবিজ্ঞ বিজ্ঞানী।” (সূরা-আল হাশর)

(৩) আল্লাহর ক্ষমতায় বিশ্বাসঃ আল্লাহ রাক্বুল আলামীন অসীম ও নিরংকুশ ক্ষমতার মালিক। তিনি পৃথিবী সহ সমগ্র সৃষ্টি রাজ্যের স্রষ্টা। তিনি সকল সৃষ্টির প্রতিপালনকারী, জীবন ও মৃত্যুর একমাত্র মালিক। তিনি যাকে চান ইচ্ছিত সম্মান, রাজত্ব ইত্যাদি দিয়ে থাকেন আকাশ যার কাছ হতে (তিনি) ছান রাজত্ব ছিনিয়ে নেন এবং ইচ্ছিত- সম্মান ভুলুপ্তিত করে দেন। আল্লাহ প্রতিটি সৃষ্টির অন্তর রাজ্যে কি হচ্ছে না হচ্ছে সে খবরও রাখেন। সত্যি কথা বলতে কি আল্লাহর ক্ষমতার কথা লিখ শেষ করা যাবে না।

নিম্নের আয়াত কটি হতে সামান্য ধারণা পাওয়া যেতে পারে মাত্র।

مَا فِي السَّمَوَاتِ وَمَا فِي الْأَرْضِ (ط) مَا يَكُونُ مِنْ نَجْوَى  
ثَلَاثَةٍ إِلَّا هُوَ رَابِعُهُمْ وَلَا خَمْسَةٍ إِلَّا هُوَ سَادِسُهُمْ وَلَا آدْنَى  
مِنْ ذَلِكَ وَلَا أَكْثَرَ إِلَّا هُوَ مَعَهُمْ أَيْنَ مَا كَانُوا (ج) ثُمَّ يَبَيِّنُهُمْ  
بِمَا عَمِلُوا يَوْمَ الْقِيَامَةِ (ط) إِنَّ اللَّهَ بِكُلِّ شَيْءٍ عَلِيمٌ -

(المجادلة)

“আসমান এবং জমিনে যা কিছু আছে সব কিছুর (একচ্ছন্দে) মালিক হচ্ছেন আল্লাহ। এমন কখনো হয় না যে, তিনজন লোক কোন পরামর্শ করবে আর আল্লাহ চতুর্থ হবেন না। কিংবা পাঁচজনে গোপন আলাপ করবে আল্লাহ ষষ্ঠ হবেন না। গোপন পরামর্শকারীরা এর কম হোক অথবা বেশি হোক, তারা যেখানেই থাক না কেন আল্লাহ তাদের সঙ্গে থাকবেন। অতঃপর কিয়ামতের দিন জানিয়ে দিবেন তারা কোথায় কি করেছে। কেননা আল্লাহ তো প্রতিটি বস্তু সম্পর্কেই অসীম জ্ঞানের অধিকারী।”

(সূরা মুজাদিলা)

وَعِنْدَهُ مَفَاتِحُ الْغَيْبِ لَا يَعْلَمُهَا إِلَّا هُوَ (ط) وَيَعْلَمُ مَا فِي الْبَرِّ  
وَالْبَحْرِ (ط) وَمَا تَسْقُطُ مِنْ وَرَقَةٍ إِلَّا يَعْلَمُهَا وَلَا حَبَّةٌ فِى  
ظُلُمَاتِ الْأَرْضِ وَلَا رَطْبٍ وَلَا يَابِسٍ إِلَّا فِى كِتَابٍ مُبِينٍ -

(انعام. ৫৭)

“তাঁর (আল্লাহর) নিকট সমস্ত অদৃশ্য লোকের চাবিকাঠি। তিনি ছাড়া আর কেউ তা জানেন না। এবং তিনি আরও জানেন পানিতে বা স্থলে কোথায় কি আছে। তিনি জানেন না এমনভাবে কোন বৃক্ষের একটি পাতাও বৃন্তচ্যুত হয় না। জমিনে অঙ্ককারাচ্ছন্ন পর্দার আড়ালে এমন একটি দানাও নেই যা তাঁর জানার বাইরে। ভিজা অথবা শুষ্ক যা ই হোক না কেন সমস্তই এক উন্মুক্ত কিতাবে লিপিবদ্ধ।”

(সূরা আনয়ামঃ ৫৯)

يُغْشِي اللَّيْلَ النَّهَارَ يَطْلُبُهُ حَثِيثًا (لا) وَالشَّمْسُ وَالْقَمَرُ  
وَالنُّجُومُ مُسَخَّرَاتٌ بِأَمْرِهِ (ط) -

“যিনি রাতকে দিনের উপর বিস্তার করে দেন। অতঃপর দিন রাতের পিছনে দৌড়াতে থাকে। যিনি সূর্য, চন্দ্র ও তারকাসমূহ সৃষ্টি করেছেন এবং সবকিছুই তাঁর আইনে বন্দী।” (আল- আ'রাফ)

(৪) আল্লাহর হুকুম আহকামে বিশ্বাসঃ আল্লাহ যেমন প্রতিটি বস্তু সৃষ্টি করেছেন তেমনিভাবে প্রতিটি বস্তুর জন্যই কিছু বিধি বিধানও দিয়েছেন। আর এ বিধি- বিধান শুধুমাত্র মানুষ এবং জ্বিন ছাড়া আর সবাইকে মেনে চলতে বাধ্য করেছেন কিন্তু মানুষ এবং জ্বিনকে বাধ্য করা হয়নি। তবে তাদেরকে স্বাধীন ইচ্ছাশক্তি এবং বিচারশক্তি দিয়েছেন। যেনো তারা চিন্তা ভাবনা করে সঠিক সিদ্ধান্ত নিয়ে আল্লাহ প্রদত্ত বিধান অনুযায়ী চলতে পারে। আর এ সিদ্ধান্ত নেবার ক্ষমতা অর্পণের মাধ্যমেই আল্লাহ মানুষকে পরীক্ষা করতে চান। মানুষ যেন পথ ভুলে অমাবস্যার অন্ধকারে দিকভ্রান্ত নাবিক অথবা রাতের আধারে পথহারা মরুচরীর মতো বিভ্রান্ত না হয়। সেজন্য মহান আল্লাহ রাক্বুল আলামীন সৃষ্টির প্রথম থেকে সঠিক দিক-নির্দেশনার ঐশীক গ্রন্থ পাঠিয়েছেন এবং তাঁর সঠিক ব্যাখ্যাতা হিসেবে নবী ও রাসূল পাঠিয়েছেন। সে ধারাবাহিকতা শেষ হয়েছে মহাগ্রন্থ আল-কুরআন নাযিল এবং হযরত মুহাম্মদ (সা) এর নবুয়্যাতের মাধ্যমে। মানুষের ব্যক্তি জীবন হতে শুরু করে রাষ্ট্রীয় জীবন পর্যন্ত সমস্ত সমস্যার সমাধান দেয়া হয়েছে আল-কারআন ও হাদীসের মাধ্যমে। মানুষ কিভাবে ঘুমাবে, চলাফেরা করবে, ব্যবসা-বাণিজ্য করবে, লেন-দেন করবে, বিয়ে-সাদী করবে, কিভাবে পিতামাতার হক, আত্মীয় স্বজনের হক, ছেলেমেয়ের হক, বন্ধু-বান্ধবের হক আদায় করবে, কিভাবে রাজনৈতিক ও অর্থনৈতিক ক্রিয়াকর্ম পরিচালনা করবে ইত্যাদি যাবতীয় বিষয়েই মহান আল্লাহ সমাধান ও পথ নির্দেশ দিয়েছেন। এ সমস্ত আইনের শুধুমাত্র মৌখিক স্বীকৃতি দিলেই হবে না বরং সমস্ত আইন-কানুন বাস্তবে কার্যকর করাই হলো আল্লাহর হুকুম আহকামের প্রতি ইমানের তাৎপর্য।

যারা মৌখিক স্বীকৃতি দিয়েই খালাস, তাদের ব্যাপারে মহান আল্লাহর বাণীঃ

وَمَنْ لَّمْ يَحْكَمْ بِمَا أَنزَلَ اللَّهُ فَأُولَٰئِكَ هُمُ الْكَافِرُونَ

“আল্লাহ যা অবতীর্ণ করেছেন সে অনুযায়ী যারা বিচার ফায়সালা করে না তারা কাকের।” (সূরা আল মায়দা)

(খ) আল্লাহর পথে জিহাদঃ “জিহাদ” শব্দটির মূল হচ্ছে । এটাকে দুভাবে পড়া যায় এবং কুরআন মজীদেও দুভাবে এর ব্যবহার হয়েছে। যথা “যুহদ” ও “যাহুদা”। এই শব্দ দুটোর অর্থ হচ্ছে, ব্যাপক চেষ্টা-প্রচেষ্টা ও কঠোর শ্রম”।



সূরা মায়দার ৫৩ নং আয়াতংশে বলা হয়েছে -

أَمْؤَلَاءِ الَّذِينَ أَقْسَمُوا بِاللَّهِ جَهْدَ أَيْمَانِهِمْ (ط) إِنَّهُمْ لَمَعَكُمْ (ط)

“এরা কি সে সব লোক? যারা আল্লাহর নামে কসম করে এ বিশ্বাস জন্মাতো চেষ্টা করতো যে, আমরা তোমাদের সাথেই আছি।” -

الَّذِينَ لَا يَجِدُونَ إِلَّا جُهْدَهُمْ -

“এবং যারা নিজেদের শ্রম মেহনত ছাড়া কোন সামর্থ্য রাখে না।”

আল-জিহাদ শব্দের ব্যাখ্যা দিতে গিয়ে আল্লামা বদরউদ্দীন আইনী (রা) তাঁর বিখ্যাত গ্রন্থ উমদাতুল ক্বারীতে বলেনঃ

“জিহাদের আভিধানিক অর্থ হচ্ছে চেষ্টা প্রচেষ্টা করা, কষ্ট স্বীকার করা। শরীয়তের পরিভাষায় জিহাদ অর্থ হচ্ছে খোদার কালেমার বিজয় ও প্রতিষ্ঠাকল্পে কাফের নিধনের পূর্ণ চেষ্টা করা এবং কষ্ট ক্রেশ স্বীকার করা। এবং আল্লাহর ব্যাপারে জিহাদ হচ্ছে নফসকে কাজে বাধ্য করার জন্য এবং শরীয়তের পথের অনুগামী বানাবার জন্য আর কামনা-বাসনা, স্বাদ-আস্বাদনও পাশবিকতার প্রবল আকর্ষণ হতে নফসকে ফেরানো। নফসকে এ সবেব বিরোধী বানিয়ে দেয়ার জন্য পূর্ণ শক্তি ব্যয়ে প্রচেষ্টা করা।”

(উমদাতুল ক্বারী ১৪ খন্ড পৃঃ ৭৮)

জিহাদ শব্দটি আল-কুরআনের একটি নিজস্ব পরিভাষা। আর এ পরিভাষাটি যেখানেই ব্যবহার করা হয়েছে সেখানেই “ফি সাবলিল্লাহি” বা আল্লাহর পথে কথ্যটির উল্লেখ করা হয়েছে। কারণ জিহাদ হবে একমাত্র আল্লাহর (সন্তুষ্টির) জন্য এবং আল্লাহ প্রদত্ত নিয়মনীতির ভিতরে। জিহাদ আবার তিনটি পর্যায়ে বিভক্ত। যথা-

(১) নফসের সাথে জিহাদঃ সৈমানদার ব্যক্তির প্রথম ও প্রধান জিহাদ হচ্ছে নিজের নফস বা কুপ্রবৃত্তির সাথে। কেননা নফসই মানুষকে বিভিন্ন অপকর্ম সম্পাদনের উৎসাহ ও প্রলোভন দেয়। তাই নফসের এহেন প্রলোভনের হাত হতে বাঁচাকে কুরআনে “হিজরত” বলা হয়েছে। আর এ হিজরতকারীকে বলা হয়েছে

আল “মুহাজির”।

নবী করীম (সা) বলেছেনঃ

الْمُهَاجِرُ مَنْ هَجَرَ مَا نَهَى اللَّهُ عَنْهُ -

প্রকৃত মুহাজির হচ্ছে সে, যে আল্লাহর নিষিদ্ধ যাবতীয় কাজ ও বিষয় পরিত্যাগ করেছে।”

আল-কুরআনে বলা হয়েছে--

إِنَّ الَّذِينَ آمَنُوا هَاجَرُوا وَجَاهَدُوا -

“নিশ্চয়ই যারা ঈমান এনেছে হিজরত (অপকর্ম পরিহার ও প্রয়োজনে দেশ ত্যাগ) করেছে ও জিহাদ করেছে।”

এটা হচ্ছে জিহাদের প্রথম ধাপ বা স্তর। এ স্তর অতিক্রম না করা পর্যন্ত কোন ব্যক্তিই দ্বিতীয় স্তরে উন্নীত হতে পারে না।

(২) শয়তানী আধিপত্যকে উৎখাত করে, আল্লাহর দীন প্রতিষ্ঠার জিহাদঃ যেখানে আল্লাহর দীন প্রতিষ্ঠিত নেই অথবা আংশিক প্রতিষ্ঠিত আছে, সেখানে শয়তানের আধিপত্য ও মানুষের সার্বভৌমত্ব কায়ম হয়। শয়তানী আধিপত্যকে নস্যাৎ করে আল্লাহর সার্বভৌমত্ব প্রতিষ্ঠা করা প্রতিটি ঈমানদারের জন্য অপরিহার্য। কেননা আল্লাহর বিধান প্রতিষ্ঠিত না থাকলে সেখানে পূর্ণ মুসলমান হিসেবে বসবাস করা অসম্ভব। তাই জ্ঞান এবং মাল দিয়ে আল্লাহর দীনকে বিজয়ী এবং প্রতিষ্ঠিত করার জন্য জিহাদ করতে হবে। আর এ কাজ করতে গিয়ে কারো তিরস্কার অথবা নির্যাতনের পরওয়া করা যাবেনা।

আল্লাহ বলেনঃ -

يُجَاهِدُونَ فِي سَبِيلِ اللَّهِ وَلَا يَخَافُونَ لَوْمَةَ لَائِمٍ -

“তারা কোন উৎপীড়কের উৎপীড়নকে একবিন্দু ভয় না করে দৃঢ়তার সাথে আল্লাহর পথে জিহাদ করে।” (সূরা আল মায়দা)

নবী করীম (সা) আরো স্পষ্ট করে বর্ণনা করেছেন যে, --

جَاهِدُوا النَّاسَ فِي اللَّهِ تَبَارَكَ وَتَعَالَى الْقَرِيبَ وَالْبَعِيدَ  
وَلَا تَبَايَلُوا فِي اللَّهِ لَوْمَةً لَأَنَّمْ - وَأَقِيمُوا حُدُودَ اللَّهِ الْحَضَرِ  
وَالسُّفَرِ وَجَاهِدُوا فِي سَبِيلِ اللَّهِ فَإِنَّ الْجِهَادَ بَابٌ مِّنْ  
أَبْوَابِ الْجَنَّةِ عَظِيمٌ يُنَجِّي اللَّهُ تَبَارَكَ وَتَعَالَى بِهِ مِنَ الْغَمِّ  
وَالْهَمِّ

(مسند، الحمد، بيهقى)

“তোমরা সকলে মহান আল্লাহর সন্তুষ্টির জন্য নিকটবর্তী ও দূরবর্তী লোকদের সাথে জিহাদ করো। আর আল্লাহর ব্যাপারে কোন নিম্নক বা উৎপীড়কের উৎপীড়নকে ভয় করো না। বরং তোমরা দেশে-বিদেশে যেখানেই থাকো না কেন আল্লাহর আইন ও দণ্ড বিধানকে কার্যকরী করে তোল। তোমরা অবশ্যই আল্লাহর পথে জিহাদ করবে। কেননা জিহাদ হচ্ছে জাল্লাতের অসংখ্য দরজার জধ্যে একটি অতি বড়ো দরজা। এর সাহায্যেই আল্লাহ্ (জিহাদকারী লোকদেরকে) সকল প্রকার চিন্তা-ভাবনা ও ভয়ভীতি হতে নাজাত দিবেন।”

(মুসনাদে আহমাদ, বায়হাকী)

আল্লাহর দীন পরিপূর্ণভাবে কায়ম হওয়ার পূর্ব পর্যন্ত এ জিহাদ চালিয়ে যেতে হবে। ইরশাদ হচ্ছে:-

وَقَاتِلُواهُمْ حَتَّى لَا تَكُونَ فِتْنَةٌ وَيَكُونَ الدِّينُ كُلُّهُ لِلَّهِ -

(انفال : ৩৯)

তুমি তাদের সাথে লড়াই করে যাও, যতক্ষণ না ফেৎনা বিদূরিত হয়ে যায়, এবং দীন সর্বতোভাবে আল্লাহর জন্য হয়ে যায়। (সূরা আনফাল: ৫০)

(৩) ইসলাম ও মুসলমানদের উপর হস্তক্ষেপকারীদের সাথে জিহাদ: যদি মুসলমানদের উপর কোন বিধর্মী সম্প্রদায় আক্রমণ করে অথবা ইসলামী বিধি-বিধানের বিরোধিতা করে অথবা ইসলামী বিধান জারীর ক্ষেত্রে অন্তরায় হয়ে দাঁড়ায়, তবে তাদের সাথে সশস্ত্রভাবে জিহাদ করতে হবে। আর এ তৃতীয় পর্যায়ে জিহাদকে কুরআন মজীদে কিতাল বলেও অভিহিত করা হয়েছে। বস্তুতঃ জিহাদ

হচ্ছে ব্যাপক অর্থবোধক একটি পরিভাষা। জিহাদ সম্বন্ধে কিছু বর্ণনা পেশ করা হলো। -

الَّذِينَ آمَنُوا يُقَاتِلُونَ فِي سَبِيلِ اللَّهِ وَالَّذِينَ كَفَرُوا يُقَاتِلُونَ  
فِي سَبِيلِ الطَّاغُوتِ -

“যারা ঈমানদার তারা আল্লাহর পথে যুদ্ধ করে, আর যারা কাফের তারা যুদ্ধ করে তাগুতের পথে।”-

يَا أَيُّهَا النَّبِيُّ جَاهِدِ الْكُفَّارَ وَالْمُنَافِقِينَ وَاغْلُظْ عَلَيْهِمْ (ط) -

“হে নবী! মোনাফেক এবং কাফেরদের বিরুদ্ধে জিহাদ করো এবং তাদের সাথে কঠোরতা অবলম্বন করো।”

----- (সূরা তওবা)

فَلْيُقَاتِلْ فِي سَبِيلِ اللَّهِ الَّذِينَ يَشْتَرُونَ الْحَيَاةَ الدُّنْيَا بِالْآخِرَةِ  
وَمَنْ يُقَاتِلْ فِي سَبِيلِ اللَّهِ فَيُقْتَلْ أَوْ يَغْلِبْ فَسَوْفَ نُؤْتِيهِ أَجْرًا  
عَظِيمًا -

“আল্লাহর পথে লড়াই করা উচিত সে সব লোকেরই যারা পরকালের বিনিময়ে দুনিয়ার জীবন বিক্রয় করে দেয়। যারা আল্লাহর পথে লাড়াই করবে এবং নিহত হবে অথবা বিজয়ী হবে তাদেরকে আমরা অবশ্যই বিরাট প্রতিদান দিবো।” (সূরা নিসা)

يَا أَيُّهَا الَّذِينَ آمَنُوا هَلْ أَدُلُّكُمْ عَلَى تِجَارَةٍ تُنْجِيكُمْ مِنْ عَذَابِ  
الْأَلِيمِ - تُوْمِنُونَ بِاللَّهِ وَرَسُولِهِ وَتُجَاهِدُونَ فِي سَبِيلِ اللَّهِ  
بِأَمْوَالِكُمْ وَأَنْفُسِكُمْ (ط) ذَالِكُمْ خَيْرٌ لَّكُمْ - إِنْ كُنْتُمْ مُعْلَمُونَ -  
(صف)

“হে ঈমানদারগণ! আমি কি তোমাদেরকে এমন একটি ব্যবসার কথা বলবো, যা তোমাদেরকে যত্ননাদায়ক আজাব হতে রক্ষা করবে? (আর তা হচ্ছে) তোমরা আল্লাহ এবং তাঁর রাসূলের প্রতি ঈমান আনো এবং নিজের জান ও মাল দিয়ে আল্লাহর পথে জিহাদ করো। এটাই তোমাদের জন্য অতীব উত্তম যদি তোমরা বুঝো।” (সূরা আছছফ)

একদা কোন এক ব্যক্তি এসে রাসূলে কারীম (সা) এর নিকট আরজ করলো: আমাকে এমন একটি আমলের কথা বলে দিন যা (হবে) জিহাদের সমতুল্য। প্রতি উত্তরে নবী করীম (সা) ইরশাদ করলেন:

لَا أَجِدُهُ - هَلْ تَسْتَطِيعُ إِذَا خَرَجَ الْمُجَاهِدُونَ أَنْ تَدْخُلَ  
مَسْجِدَكَ فَتَقُومَ وَلَا تَقُومَ وَتَصُومَ وَلَا تَقْطِرَ قَالَ مَنْ تَسْتَطِيعُ  
(بخاری) ذَالِكَ -

“না, জিহাদের সমতুল্য কোন আমল নেই। তবে মুজাহিদগণ যখন আল্লাহর পথে জিহাদে নেমে পড়ে তখন হতে যদি তুমি মসজিদে পবেশ করে বিরতিহীনভাবে নামায পড়তে থাকো এবং বিরতিহীনভাবে একাধিক্রমে রোযা রাখতে পারো তবে তা জিহাদের সমতুল্য হতে পারে। এ কথা শুনে লোকটি বললো: কোন ব্যক্তিই এমন করতে সক্ষম নয়।” (বুখারী)  
এক ব্যক্তি রাসূলুল্লাহ (সা) এর নিকট এসে জিজ্ঞেস করলো: ইয়া রাসূলুল্লাহ! কোন ব্যক্তি সর্বোত্তম? উত্তরে নবী কারীম (সা) বললেন:

مُؤْمِنٌ يُجَاهِدُ بِنَفْسِهِ وَمَالِهِ فِي سَبِيلِ اللَّهِ - (بخاری، مسلم)

“সেই মুমিন ব্যক্তি, যে নিজের জান ও মাল দিয়ে আল্লাহর পথে সংগ্রাম করে।”  
(বুখারী, মুসলিম)

### শিক্ষাবলী

- (১) তাওহীদ, রেসালাত ও আখিরাতের উপর বিশ্বাস স্থাপন করতে হবে।
- (২) আল্লহুর বিধান ছাড়া অন্য কারো বিধান বা মতাদর্শের অনুসরণ করা যাবে না।
- (৩) নিজের মধ্যে যতটুকু মোনাফেকী আচরণ আছে তা সম্পূর্ণরূপে পরিত্যাগ করতে হবে।
- (৪) কথা ও কাজে পূর্ণ সামঞ্জস্য থাকতে হবে।
- (৫) পূর্ণ শক্তিও সামর্থ্য দিয়ে আল্লহুর দ্বীন কায়েমের চেষ্টা করতে হবে।
- (৬) দ্বীন প্রতিষ্ঠিত হওয়ার পর তাকে প্রতিষ্ঠিত রাখার জন্য প্রয়োজনে সশস্ত্র জিহাদ করতে হবে।
- (৭) জিহাদের চেয়ে উত্তম কোন ইবাদাত নেই।

## ইহলৌকিক ও পারলৌকিক কল্যাণ

عَنِ ابْنِ عَبَّاسٍ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ أَرْبَعٌ مَنْ أُعْطِيَهُنَّ فَقَدْ أُعْطِيَ خَيْرَ الدُّنْيَا وَالْآخِرَةِ قَلْبٌ شَاكِرٌ وَلِسَانٌ ذَاكِرٌ وَبَدَنٌ عَلَى الْبَلَاءِ صَابِرٌ وَزَوْجَةٌ لَا تُبْغِيهِ خَوْفًا فِي نَفْسِهَا وَلَا مَالًا - (بيهقي-شعب الایمان)

“হযরত আবদুল্লাহ ইবনে আব্বাস (রা) হতে বর্ণিত। রাসূলুল্লাহ (সা) বলেছেন: যে ব্যক্তিকে চারটি নেয়মত দান করা হয়েছে তাকে ইহলৌকিক ও পারলৌকিক কল্যাণ দান করা হয়েছে। (১) কৃতজ্ঞ হৃদয় (২) জিকিরে রত রসনা (জিহবা)। (৩) বিপদে ধৈর্যশীল শরীর ও (৪) নিজের ব্যাপারে ও স্বামীর খন সম্পদে খেয়ানত না করতে সংকল্পবদ্ধা নারী।

(বাইহাকী,-শোয়াবুল ইমান, মিশকাত)

### শব্দার্থ

رَبَّعٌ - চার। مَنْ - যে (ব্যক্তি)। أُعْطِيَ مَنْ - সেগুলি দেয়া হয়েছে।  
 خَيْرُ الدُّنْيَا - দুনিয়ার - অতঃপর। فَدُ أُعْطِيَ - তাকে দেয়া হয়েছে।  
 الْآخِرَةِ - পরকাল। شَاكِرٌ - শুকরকারী/কৃতজ্ঞ।  
 لِسَانٌ - জিহবা। ذَاكِرٌ - স্মরণকারী। بَدَنٌ - শরীর।  
 الْبَلَاءُ - বিপদাপদ।  
 زَوْجَةٌ - তার (স্ত্রী) নিজের। نَفْسِهَا - স্ত্রী।  
 مَالًا - না তার মালের।

### রাবীর (বর্ণনাকারীর) পরিচয়

হযরত আবদুল্লাহ ইবনে আব্বাস (রা) এর জন্ম নবী করীম (সা) এর মদীনা হিজরতের তিন বৎসর পূর্বে। তিনি রাসূলে করীম (সা) এর এর চাচা আব্বাস ইবনে মোত্তালিবের পুত্র। নবী করীম (সা)-এর ওফাতের সময় তাঁর বয়স ছিলো মাত্র তের বৎসর। দশ বৎসর বয়সে তিনি পবিত্র কুরআন কণ্ঠস্থ। করেন যদিও তিনি সর্ব কনিষ্ঠ একজন সাহাবী ছিলেন বিধায় রাসূলে করীম (সা) সাহচর্য বেশিদিন লাভ করতে পারেননি তবুও অত্যন্ত মেধা ও প্রচেষ্টার বলে তিনি একজন শ্রেষ্ঠ আলেম হিসেবে পরিগণিত হয়েছিলেন। হযরত আবদুল্লাহ ইবনে আব্বাস (রা) বিভিন্ন সাহাবা কেরামের নিকট গিয়ে দীনের বিভিন্ন বিষয়ে শিক্ষা গ্রহণ করতেন। তাঁর কুরআনী জ্ঞানের সাক্ষ্য স্বরূপ হযরত ইবনে উমর (রা) বলেনঃ “কুরআনের শানে-নযূল সম্বন্ধে ইবনে আব্বাস ছিলেন শ্রেষ্ঠ জ্ঞানী।” এজন্যই তাফসীর সংক্রান্ত এতো হাদীস আর কোন সাহাবী বর্ণনা করতে পারেননি। আবদুল্লাহ ইবনে মাসউদ (রা) বলেনঃ

“আবদুল্লাহ ইবনে আব্বাস হলেন আল-কুরআনের শ্রেষ্ঠ ভাষ্যকার (মোফাশ্শের)।” তিনি যেমন ছিলেন মোফাশ্শিরে কুরআন তেমনি আবার শাইখুল হাদীস। এমনকি বড়ো বড়ো সাহাবী পর্যন্ত তাঁর শিষ্যত্ব গ্রহণ করেছিলেন।

হিজরী ৬৮ সনে ৭১ বৎসর বয়সে তায়েফ নগরীতে তিনি ইন্তেকাল করেন। তাঁর বর্ণিত হাদীসের সংখ্যা মোট ১৬৬০টি। সম্মিলিত ভাবে ইমাম বুখারী ও মুসলিম মোট ৯৫টি এবং একক ভাবে ইমাম বুখারী ১২০টি এবং ইমাম মুসলিম ৪৯টি হাদীস বর্ণনা করেছেন। তবে অধিকাংশ হাদীস হচ্ছে আল-কুরআনের তাফসীর সংক্রান্ত।

### হাদীসটির গুরুত্ব

পৃথিবীতে মানুষকে আল্লাহ যতোই দেন আর মানুষের অভুঞ্জ আত্মা ততোই অধিক পাবার মানসে সর্বদা ব্যাকুল থাকে। এই যে আত্মার ব্যাকুলতা বা লাগামহীনতা এটাকে পৃথিবীর কোন শক্তিই রুখতে পারে না। শুধু মাত্র খোদাতীতি, আল্লাহর প্রতি কৃতজ্ঞ হৃদয়-ই এনে দিতে পারে মানসিক প্রশান্তি, প্রকৃত সুখ। তাছাড়া বান্দা কিভাবে আল্লাহর নৈকট্য অর্জন করবে বা একজন



খোদা প্রেমিকের কি বৈশিষ্ট্যসমূহ থাকা দরকার অত্র হাদীসে তা সুন্দরভাবে ব্যক্ত করা হয়েছে। এ দুটিকোণ থেকে হাদীসটির গুরুত্ব অপরিসীম।

### ব্যাখ্যা

(১) মানুষ প্রকৃত ভৃগুি বা শান্তি পেতে পারে না যতক্ষণ না তার মধ্যে কৃতজ্ঞতা প্রকাশ পাবে। মানুষ যখন কৃতজ্ঞ বা শোকর গুজারী বান্দাহ হয়ে যায় তখন তার সমস্ত মানসিক অস্থিরতা দূর হয়ে হৃদয় মন প্রশান্তিতে ভরে যায়। আর আল্লাহ-রাব্বুল আলামীনও তাঁর নেয়ামতসমূহ বাড়িয়ে দেন।

আল্লাহ বলেনঃ

لَنْ شَكَرْتُمْ لَا زِيدَنَّكُمْ وَلَنْ كَفَرْتُمْ اِنْ عَذَابِي لَشَدِيدٌ -

“তোমরা যদি আমার নেয়ামতের শোকর করো তবে তোমাদের নেয়ামতকে আরো বাড়িয়ে দেবো। আর যদি আমার নেয়ামতের কুফুরী করো তবে জেনে রাখ নিঃসন্দেহে আমার আজাব বড়ো কঠোর।” (সূরা ইব্রাহীম)

(২) জিকির শব্দের অর্থ স্মরণ। এ স্মরণ দু'ভাবে হতে পারে। যেমন (ক) জিকরুল লিছান (খ) জিকরুল ক্বালব।

জিকরুল লিছান হচ্ছে মৌখিক জিকির অর্থাৎ সর্বদা আল্লাহর বিভিন্ন নামসমূহ হ'তে যে কোন নামের স্মরণ অথবা কুরআন তিলাওয়াত। তাসবীহ-তাহনীল, দু'আ-দরুদ ইত্যাদি। এটা হচ্ছে জিকিরের প্রথম স্তর। দ্বিতীয় হচ্ছে জিকরুল ক্বালব অর্থাৎ সর্বদা আল্লাহর ভয় অন্তকরণে চিরজাগ্রত করা। এবং আল্লাহর মর্জি মোতাবেক চলার জন্য মনকে গড়ে তোলা। এমন এক পর্যায়ে মনকে নেয়া যেখানে আল্লাহর সন্তুষ্টি ছাড়া মন অন্য কোন কাজেরই আগ্রহ প্রকাশ করবে না। এমনকি অবচেতন মন পর্যন্ত নিজের অজান্তেই আল্লাহর নাফরমানীমূলক কোন কাজের সাথে বিদ্রোহ করে বসবে। আর সকল কাজের পূর্বেই মন চিন্তা করতে বাধ্য করা হবে যে, কাজটি আল্লাহর মর্জি মোতাবেক হচ্ছে কিনা; কোন নাফরমানী তো হচ্ছে না? ইত্যাদি। জিকিরের ব্যাপারে স্বয়ং আল্লাহ রাব্বুল আলামীন পবিত্র কুরআনে ইরশাদ করেছেনঃ

اَلَا بِذِكْرِ اللّٰهِ تَطْمَئِنُّ الْقُلُوْبُ -

“সাবধান! একমাত্র আল্লাহর জিকিরেই (হচ্ছে) আত্মার প্রশান্তি।”

(৩) বিপদে ধৈর্য্যধারন করা এবং স্থিরচিত্তে চিন্তা-ভাবনা করে কোন সিদ্ধান্ত নেয়া এটা সব চেয়ে বেশি কঠিন কাজ। আল্লাহু নিজেই বলেছেনঃ

وَاسْتَعِينُوا بِالصَّبْرِ وَالصَّلَاةِ إِنَّهَا لَكَبِيرَةٌ إِلَّا عَلَى الْخَاشِعِينَ

“তোমরা নামায এবং ধৈর্য্যের বিনিময়ে আমার নিকট সাহায্য প্রার্থনা করো। তবে শুধুমাত্র খোদাতীর্ক লোকদের ছাড়া অন্যদের জন্য এটা খুব কঠিন (একটি) কাজ।”

মানুষকে চঞ্চল প্রকৃতিতে সৃষ্টি করা হয়েছে, তাই মানুষ কোন বিপদ আপদের মুহূর্তে স্থিরচিত্তে সিদ্ধান্ত নিতে ব্যর্থ হয়। এভাবে ভুল সিদ্ধান্তের কারণে পরে অনুতাপের আগুনে দগ্ধ হতে না হয় তাই মহান আল্লাহু ধৈর্য্যের এতো গুরুত্ব দিয়েছেন। বস্তুত ধৈর্য্য মুমিনের একটি বিশেষ গুণ।

(৪) পৃথিবীতে আল্লাহু প্রদত্ত যতো নিয়ামত আছে তার মধ্যে সর্বোত্তম নিয়ামত হচ্ছে সতী এবং স্বামী পরায়ণা স্ত্রী। কেননা এ স্ত্রীর বদৌলতে যেমন পৃথিবীতে স্বর্গ সুখ অনুভব করা যায়, তেমনি আবার এ স্ত্রীর আচরণেই জীবন দুর্বিসহ হয়ে

উঠে এবং পৃথিবীটাকে জাহান্নামের একটি গহ্বর সদৃশ মনে হয়। তা সরঞ্জামে কায়েনাত রাসূলে খোদা (সা) বলেছেনঃ

“পৃথিবীতে সেই (বেশি) ভাগ্যবান যার ঘরে সতী সাক্ষী স্ত্রী আছে।”

আলোচ্য হাদীসে স্ত্রী লোকেরা নিজের ব্যাপারে খেয়ানত না করা বলতে নিজের সতীত্বের হেফাজতের কথা কলা হয়েছে।

### শিক্ষাবলী

- (১) আল্লাহ যখন যে অবস্থায়ই রাখুক না কেন সর্বদা তাঁর কৃতজ্ঞতা প্রকাশ করতে হবে।
- (২) আল্লাহ ছাড়া আর কারো মুখাপেক্ষী হওয়া যাবে না।
- (৩) বিপদাপদ, জুলুম নির্যাতন, রোগ-শোক সর্বাবস্থায়ই ধৈর্য্য অবলম্বন করতে হবে।
- (৪) আল্লাহ ছাড়া আর কেউ বিপদাপন্ন অবস্থা দূর করতে পারে এ বিশ্বাস না করা এবং এ ব্যাপারে আর কারো সাহায্য প্রার্থী না হওয়া।
- (৫) সর্বদা আল্লাহর জিকিরে রত থাকা।
- (৬) স্ত্রীকে ধীনি প্রশিক্ষণের মাধ্যমে আদর্শ স্ত্রী রূপে গড়ে তোলার প্রচেষ্টা করা।
- (৭) ধীনদার দেখে পাক্ষী নির্বাচন করা।

## সং কাজের আদেশ ও অসং কাজের নিষেধ না করার পরিণাম

عَنِ النَّعْمَانِ بْنِ بَشِيرٍ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَثَلُ الْمُدَّهِنِ فِي حُدُودِ اللَّهِ وَالْوَاقِعِ فِيهَا مَثَلُ قَوْمٍ اسْتَهَمُوا سَفِينَةً فَصَارَ بَعْضُهُمْ فِي أَسْفَلِهَا وَصَارَ بَعْضُهُمْ فِي أَعْلَاهَا فَكَانَ الَّذِي فِي أَسْفَلِهَا يَمُرُّ بِالمَاءِ عَلَى الَّذِينَ فِي أَعْلَاهَا فَتَأْتُوا بِهِ فَاخَذَ فَأَسَا فَجَعَلَ يَنْقُرُ أَسْفَلَ السَّفِينَةِ فَاتَوَهُ فَقَالُوا مَا لَكَ قَالَ تَأْذِيْتُمْ بِي وَلَا بُدَّ لِي مِنَ المَاءِ فَإِنْ أَخَذُوا عَلَى يَدَيْهِ أَنْجَوْهُ وَتَجَّوْا أَنْفُسَهُمْ وَإِنْ تَرَكَوهُ أَهْلَكُوهُ وَأَهْلَكُوا أَنْفُسَهُمْ -

(بخاری)

“হযরত নু‘মান ইবনে বশীর (রা) নবী করীম (সা) হতে বর্ণনা করেন যে, নবী করীম (সা) বলেছেনঃ আল্লাহ যে সীমা নির্দিষ্ট করে দিয়েছেন তার ব্যপরে শিথিলতা প্রদর্শনকারীদের দৃষ্টান্ত হচ্ছে এমন, কোন এক জলযানে একদল আরোহী লটারীর মাধ্যমে নিজেদের স্থান নির্বাচন করেছেন। কিছু জলযানের উপরতলার আরোহী এবং কিছু জলযানের নিচ তলার আরোহী। নিচ তলার আরোহীগণ পানির জন্য উপতলায় যাতায়াত করতে লাগলো। এতে উপর তলার আরোহীগণ বিরক্ত বোধ করে তাদেরকে বাধা দিলো। তখন নিচ তলার আরোহীদের মধ্য থেকে একজন একটি কুঠার নিয়ে জাহাজের তলদেশে ছিদ্র করতে লাগলো। তখন উপরের

আরোহীগণ এসে জিজ্ঞেস করলোঃ তুমি এটা কি করছো? জবাবে লোকটি বললোঃ তোমরা আমাদের উপরে যাতায়াতকে ভালো মনে করো না, তাই পানি পাওয়ার জন্য এ ব্যবস্থা করছি। এ অবস্থায় যদি সকলে মিলে লোকটাকে বিরত রাখে তবে লোকটা এবং জাহাজ ডুবে যাওয়ার হাত হতে রক্ষা পেলো, সাথে অন্যরাও। আর যদি বাধা না দেয় তবে লোকটিও ধ্বংস হলো এবং সকল আরোহীও ধ্বংস হয়ে গেলো" (বুখারী)

### শব্দার্থ

الْمَدِينُ - ধর্মীয় ব্যাপারে শিথিলকারী। فِي حُدُودِ اللَّهِ - আল্লাহর নির্ধারিত সীমা। الْوَاقِعُ فِيهَا - যা নির্দিষ্ট করেছেন। مَثَلٌ - দৃষ্টান্ত। قَوْمٌ - জাতি, সম্প্রদায়, দল। اسْتَهْمُوا - লটারী করলো। سَفِينَةٌ - নৌকা, জলযান, জাহাজ। فَمَصَّارٌ - অতঃপর অবস্থান নিলো। يَفْضَحُهُمْ - তাদের মধ্যে কিছু। اسْقَاهَا - তার (জাহাজের) নিচে। اَعْلَمًا - তার উপর। يَمُرُّ - যাতায়াত। اَخَذَ - আঁত। فَتَنَّاوْا بِهِ - এতে তারা বিরক্ত হলো। بِالنَّارِ - পানির জন্য। نِلُوا - কুঠার/ কুড়াল। يَنْفَرُ - ছিদ্র করতে লাগলো। فَاَسْبَأَ - কি করছো? تَأَذِّيْتُمْ - তোমরা কষ্ট পাও। لَا بُدَّ - অতি প্রয়োজন। نَجَوْا - মুক্তি পেলো। اِنْ - যদি। تَرْكُوهُ - তাকে ছেড়ে দেয়। اَمْلَكُوا - তারা ধ্বংস হয়ে গেলো।

### বর্ণনাকারীর (রাবীর) পরিচয়

নুমান ইবনে বশীর (রা) মদীনার খায়রাজ বংশের লোক। তাঁর পিতা বশীর (রা) ইবনে সা'দ ছিলেন আনসার সাহাবী। হযরত নুমান (রা) হুজুরে পাক (সা) এর ইশ্তিকালের ৬/৮ বৎসর পূর্বে জন্মগ্রহণ করেন। তাঁর পিতাসহ অন্যান্য বিশিষ্ট সাহাবীগণ ছিলেন তাঁর উস্তাদ। আমীর মোয়াবিয়া (রা) তাকে প্রথমে কুফা ও পরে হিমসের গভর্নর নিযুক্ত করেন। ইয়াজিদের মৃত্যুর পর তিনি

সিরিয়াবাসীদেরকে আবদুল্লাহ ইবনে যোবায়ের এর খিলাফত স্বীকার করে নিতে আহবান জানালে হিমসবাসীরা তাকে হিজরী ৬৪৫ সনে শহীদ করেন। তাঁর বর্ণিত হাদীসের সংখ্যা মোট ১২৪টি।

### হাদীসটির গুরুত্ব

আল্লাহ প্রদত্ত সীমা লংঘনকারী ব্যক্তি অথবা সমাজ বা রাষ্ট্র কতো ভয়াবহতার দিকে যেতে পারে তার রূপক দৃষ্টান্ত হচ্ছে নবী কারীম (সা) এর এ বাণীটি। সমাজ বা রাষ্ট্র যখন অন্যায়, জুলুম নির্যাতনে প্রেফতার হয়ে যায় এবং সাধারণ জনগণ যখন তার ন্যায় অধিকারটুকু হারিয়ে ফেলে তখন সমাজের বিবেকবান মানুষের দায়িত্ব কতটুকু এবং কিভাবে তা সম্পাদন করতে হবে তার দিক নির্দেশকারী নবী কারীম (সা) এর এ হাদীসটি।

তাই এ কথা নির্দিধায় বলা যায় যে, এ হাদীসটির গুরুত্ব চিরন্তন।

### ব্যাখ্যা

এটি একটি রূপক হাদীস। এখানে লটারী বলতে মানুষের তাকদীর বুঝানো হয়েছে। জলযান বা জাহাজ বলতে রাষ্ট্র বা সমাজের কথা বলা হয়েছে। রাষ্ট্রের বা সমাজের নেতৃস্থানীয় ব্যক্তিবর্গ এবং সমাজের নিরীহ, নির্যাতিত, নিপেষিত মানুষকে যথাক্রমে উপর তলার ও নিচ তলার আরোহী বলে বুঝানো হয়েছে। আর পানি দ্বারা বুঝানো হয়েছে, মানুষের মৌলিক অধিকারসমূহ।

কেননা সর্বদা আওয়াম বা জনসাধারণ সমাজের বা রাষ্ট্রের নেতৃবৃন্দের নিকট তাদের মৌলিক প্রয়োজন অর্থাৎ অন্ন, বস্ত্র, বাসস্থান, শিক্ষা, চিকিৎসা ইত্যাদির মুখাপেক্ষী। আর এ সমস্ত সমস্যার সমাধানের একমাত্র মাধ্যম হচ্ছে আল্লাহর নির্ধারিত সীমা বা আইন এবং সং প্রশাসকের মাধ্যমে তার বাস্তব রূপায়ন।

একমাত্র আল্লাহর নির্দেশিত এবং রাসূল (সা) এর দেখানো পথেই সমাজের সর্বশ্রেণীর মানুষের অধিকার আদায় করা সম্ভব। অন্যথায় বিপর্যয় অনিবার্য। কারণ আওয়াম নিজেদের চাহিদা পূরণের জন্য বিভিন্ন প্রকার ঘৃণ্য ও অনৈতিক পথ অবলম্বন করে, ফলে নীতিহীনতা ও অবক্ষয় জাতিকে কুড়ে কুড়ে খেয়ে নিঃশেষ করে দেয়। আবার সমাজ বা রাষ্ট্রের পরিচালনার ভার যাদের হস্তে ন্যস্ত তারাও যদি অসৎ এবং খোদা বিমুখ হয় তবে সমাজের সাধারণ মানুষ যতো ভালো

চরিত্রের অধিকারীই হোক না কেন তবুও রাষ্ট্র কখনো কল্যাণের মুখ দেখবে না। এ অবস্থায় প্রতিটি বিবেকবান মানুষের কর্তব্য অন্যায্যকারীদের কালো হাত ভেঙ্গে দিয়ে সৎ লোকদের ক্ষমতায় সমাসীন করা। যদি তা করা না হয় তবে সমাজের প্রতিটি মানুষই ক্ষতিগ্রস্ত হতে বাধ্য। কেননা জাহাজ যদি অথৈ পানিতে ডুবে যায় তবে কোন আরোহী যেমন একাকী বাঁচতে পারে না। তেমনিভাবে রাষ্ট্র যদি ধ্বংসের দিকে যায় তবে ঐ রাষ্ট্রের সার্বিক পরিবর্তন ছাড়া কোন ব্যক্তি বা সমাজই কল্যাণ পেতে পারে না।

নবী করীম (সা) অতীতের কোন এক জাতির ধ্বংসের বর্ণনা দিতে গিয়ে বলেন- “একবার আল্লাহ জালা জাল্লালুহু জিব্রাইল (আ) কে বললেনঃ হে জিব্রাইল! অমুক শহর উল্টিয়ে দাও। প্রতিউত্তরে জিব্রাইল (আ) বললেনঃ

يَا رَبِّ اِنَّ فِيْهِمْ عَبْدَكَ فَلَانَا لَمْ يَعْصِكَ طَرْفَةَ عَيْنٍ۔

“হে প্রতিপালক! সেখানে তোমার এমন এক বান্দাহ আছে যে চোখের একটি পলকের সময় পরিমানও তোমার নাফরমানী করেনি।” আল্লাহ বললেনঃ তাকে সহ উল্টিয়ে দাও। কেননা সে একটি বারও এ ধ্বংসোন্মুখ জাতির কথা চিন্তা করেনি বা জাতিকে বাঁচানোর কোন পেরেশানী তার মধ্যে ছিলো না।” বস্তুত এ ভয়াবহ পরিণতি হতে বাঁচার একমাত্র পথ হচ্ছে সংকাজের প্রতিষ্ঠা ও অসৎ কাজের প্রতিরোধ।

### শিক্ষাবলী

- (১) সৎ কাজের আদেশ দিতে হবে অর্থ্যাৎ সৎ কাজের প্রতিষ্ঠাকল্পে চেষ্টা করা অপরিহার্য।
- (২) অসৎ কাজের মূলোৎপাটন করে সমাজকে পতনের হাত হতে রক্ষা করতে হবে।
- (৩) সমাজের যে কোন স্তরের লোকের বিরুদ্ধেই হোক না কেন কোন ভয় না করে প্রয়োজনে জীবনের ঝুঁকি নিয়ে হলেও একাজ অব্যাহত রাখতে হবে।
- (৪) সমাজ বা রাষ্ট্রের সংশোধনের চিন্তা বাদ দিয়ে নিজেঁকে নিয়ে ব্যস্ত থাকলে বা ব্যক্তিকেন্দ্রিক চিন্তা করলে পরকালে সমূহ ক্ষতির সম্মুখীন হতে হবে।

عَنْ أَبِي مُوسَى قَالَ قَالَ رَسُولُ اللَّهِ صَلَّى اللَّهُ عَلَيْهِ  
وَسَلَّمَ مَنْ أَحَبَّ دُنْيَاهُ أَضُرَّ بِأَخْرَجَتِهِ وَمَنْ أَحَبَّ أَخْرَجَتَهُ أَضُرَّ  
بِدُنْيَاهُ فَاتَّبِعُوا مَا يَبْقَى عَلَى مَا يَفْنَى - (مشكاة)

“আবু মুসা আশয়ারী (রা) থেকে বর্ণিত। রাসূলুল্লাহ (সা) বলেছেনঃ যে ব্যক্তি দুনিয়ার প্রেমে ডুববে সে তার আখিরাতকে ক্ষতিগ্রস্ত করবে। আর যে ব্যক্তি আখিরাতকে ভালবাসবে সে তার দুনিয়ার জীবনে ক্ষতিগ্রস্ত হবে। অতএব হে মানুষ! তোমরা স্থায়ী জীবনকে অস্থায়ী জীবনের উপর প্রাধান্য দাও।” (মিশকাত)

### শব্দার্থ

مَنْ - যে ব্যক্তি। أَحَبَّ - ভালোবাসলো। دُنْيَاهُ - তার দুনিয়াকে।  
أَضُرَّ - ক্ষতিগ্রস্ত করলো। بِأَخْرَجَتِهِ - তার আখেরাতকে। أَثَرًا - গুরুত্ব  
দাও। مَا - যা। يَبْقَى - অবিনশ্বর/চিরস্থায়ী। عَلَى - উপর। يَفْنَى -  
নশ্বর/ক্ষণস্থায়ী।

### বর্ণনাকারী (রাবীর) পরিচয়

প্রকৃত নাম আব্দুল্লাহ। আবু মুসা তাঁর উপনাম। ইয়েমেনের আল-আশায়ার গোত্রের সন্তান ছিলেন বলে তিনি আল-আশায়ারী বলে পরিচিত। পিতার নাম কায়েস এবং মায়ের নাম তাইয়েবা। ইসলামের দাওয়াত পাওয়া মাত্রই তিনি ইয়েমেন থেকে মক্কায় এসে রাসূলুল্লাহ (সা) এর হাতে ইসলাম কবুল করেন। তিনি ছিলেন তাঁর গোত্রের প্রভাবশালী নওজোয়ান এক নেতা। শৈশব হতেই সং ও সত্যবাদীতা ছিলো তাঁর জীবনের বৈশিষ্ট্য। ইসলাম পূর্ব সময়ে তিনি সর্বদা গোত্রের সবার কল্যাণ কামনা করতেন এবং ইসলাম গ্রহণের পর জীবনের শেষ



মুহূর্ত পর্যন্ত উন্মত্তে মুসলিমার মঙ্গল কামনা করেছেন। ধোকা অথবা বাহানা কি জিনিস তা তিনি কল্পনাও করতে পারতেন না। তিনি অত্যন্ত সহজ সরল প্রকৃতির লোক ছিলেন।

আজীবন জ্ঞান সাধনা করাই ছিলো তাঁর জীবনের একমাত্র ব্রত। শুধু মাত্র তিনি জেনেই ক্ষান্ত হননি, অপরকে জানানো তিনি অবশ্য কর্তব্য বা ফরজ মনে করতেন। তাছাড়া ইলমের সাথে আমলের পূর্ণ সামঞ্জস্য ছিলো তার জীবনের অন্যতম বৈশিষ্ট্য। এ প্রসঙ্গে হযরত আলী (রা) বলেছেনঃ “মাথা হতে পা পর্যন্ত আবু মুসা ইলমের রঙ্গে রঞ্জিত।” হজুরে পাক (সা) এর জীবদ্দশায় যে ছয় ব্যক্তি কতোয়া দানের অনুমতি পেয়েছিলেন, তিনি তাঁদের অন্যতম। অবসর সময়ে তিনি কুরআন তিলাওয়াতে মগ্ন থাকতেন। নবী করীম (সা) তাঁর কুরআন তিলাওয়াত খুব পছন্দ করতেন এবং তিনি বলতেন “আবু মুসা হযরত দাউদ (আ) এর সুমধুর কণ্ঠস্বরের কিছু অংশ লাভ করেছে।”

পবিত্র কুরআনের সাথে সাথে হাদীসের খেদমতেও তিনি কম ছিলেন না, কুফায় তিনি নিয়মিত হাদীসের দারস দিতেন। তাঁর থেকে সর্বমোট ৩৬০টি হাদীস বর্ণিত হয়েছে। তার মধ্যে বুখারী এককভাবে ৪৫টি এবং মুসলিম এককভাবে ২৫টি বর্ণনা করেছেন। তিনি হিজরী ৪৪ সনে পবিত্র মক্কা নগরীতে ইন্তেকাল করেন।

### গুরুত্ব

হাদীসটিতে একজন প্রথমশ্রেণীর ঈমানদার মুসলমানের সিদ্ধান্ত কি হওয়া উচিত তা সুন্দরভাবে বর্ণিত হয়েছে। দুনিয়া এবং আখিরাতের স্বন্দের মুহূর্তে সে কি সিদ্ধান্ত নিবে তা হাদীসে স্পষ্ট করে বলে দেয়া হয়েছে। পৃথিবীতে যেখানে মানুষের ভোগের জন্য অসংখ্য ব্যবস্থা বিদ্যমান এবং প্রতিনিয়ত তাকে দিচ্ছে ভোগের হাতছানি। সেখানে এ হাদীসটি মানুষকে পরকালের প্রাধান্যের মাধ্যমে সংযমের লাগাম পরিয়ে দিচ্ছে। বস্তুতঃ প্রতিটি মুমিনের জীবনেই এ হাদীসটির গুরুত্ব অপরিসীম।

### ব্যাখ্যা

দুনিয়া এবং আখিরাতের মধ্যে এমনভাবে সামঞ্জস্য বিধান করতে হবে যেন কোন ব্যক্তি দুনিয়া বাদ দিয়ে বনে জঙ্গলে গিয়ে বৈরাগ্য সাধন না করে। আবার আখিরাতকে বাদ দিয়ে দুনিয়া পূজায় লিপ্ত না হয়। যেমন হাঁস এবং পানি, কারণ হাঁস অধিকাংশ সময় পানিতে থাকে বটে কিন্তু কখনো পানি তার শরীরকে ভিজিয়ে দেয় না। যারা আখিরাতকে বাদ দিয়ে শুধু দুনিয়ার পিছনে দৌড়ায় তাদের কথা বলতে গিয়ে মহান আল্লাহ রাক্বুল আলামীন বলেছেনঃ

اعْلَمُوا أَنَّمَا الْحَيَاةُ الدُّنْيَا لَعِبٌ وَلَهُمْ زِينَةٌ وَتَفَاخُرٌ بَيْنَكُمْ وَتَكَاثُرٌ فِي أَمْوَالٍ وَالْأَوْلَادِ (ط) -

“জেনে রাখো! দুনিয়ার জীবন তো একটা খেলা-মনভুলানোর উপায় এবং বাহ্যিক চাকচিক্য ও তোমাদের পরস্পরের গৌরব অহংকার করা। আর ধন সম্পদ ও সন্তান সন্ততির দিক দিয়ে একজন হতে অপর হয়ে যাওয়ার চেষ্টা মাত্র”।

অন্যত্র বলা হয়েছেঃ

(সূরা হাদীদঃ ২০)

مَنْ كَانَ يُرِيدُ حَرْثَ الدُّنْيَا نُؤْتِهِ مِنْهَا وَمَا لَهُ فِي الْآخِرَةِ مِنْ

(الشورى : ২০)

نَصِيبٍ -

“যে পরকালের ফসল চায়- তার ফসল আমরা বৃদ্ধি করে দেই, আর যে লোক দুনিয়ার ফসল পেতে চায়- আমরা তাকে দুনিয়ায় দিয়ে দেই। পরকালে তার কিছুই অবশিষ্ট থাকবে না” (সূরা আল শুরাঃ ২০)

সূরা তাহা-এ আল্লাহ রাক্বুল আলামীন তাহার মাহবুব বন্দাদেরকে এক দিকে শাস্তনা এবং অপরদিকে উপদেশ দিতে গিয়ে ইরশাদ করেনঃ

وَلَا تَمُدَّنْ عَيْنَكَ إِلَى مِمَّا تَعْتَابِهِ أَزْوَاجًا مِّنْهُمْ زَهْرَةَ الْحَيَاةِ

الدُّنْيَا - لِنَفْسِنَهُمْ فِيهِ (ط) وَدِرْقُ رَبِّكَ خَيْرٌ وَأَبْقَى -

“আর চোখ তুলে দেখবেও না দুনিয়ার জীবনের সেই জাকজমক যা আমরা এদের মধ্য হতে বিভিন্ন লোকদেরকে দিয়েছি। এগুলোতো আমরা দিয়েছি তাদেরকে পরীক্ষার নিমিত্তে। তোমার প্রভুর দেয়া হালাল রিজিক উত্তমও স্থায়ী।” (সূরা ত্বা-হা)

হাদীসে বলা হয়েছে আখিরাতকে ভালবাসলে দুনিয়ার জীবনে ক্ষতিগ্রস্ত হবে, অর্থাৎ আল্লাহর নির্ধারিত সীমার ভিতর থেকে কোন অবস্থাতে দুনিয়ার সমস্ত সুখ ভোগ করা সম্ভব নয়। কেননা দুনিয়াটা একটি সরাইখানা, আর প্রতিটি মানুষই তার মুসাফির। পৃথিবীটা জীবন চলার একটি মঞ্জিল মাত্র।

নবী করীম (সা) মুমিনের জন্য পৃথিবীকে জেলখানার সাথে তুলনা করে

الدُّنْيَا سِجْنٌ لِلْمُؤْمِنِينَ وَجَنَّةٌ لِلْكَافِرِينَ -

“পৃথিবীটা হচ্ছে মুমিনের জন্য জেলখানা এবং কাফেরদের জন্য জান্নাত (স্বরূপ)। এ তো সর্বজনবিদিত যে জেলখানার কোন কয়েদীই পূর্ণ স্বাধীনতা সহকারে সব ধরনের সুখ ভোগ করতে পেরেনা।

আখিরাতকে যারা পূর্ণ বিশ্বাস করতে পারেনি তারা দুনিয়ার সাফল্য ও ব্যর্থতাকেই চূড়ান্ত মনে করে বিধায় হাদীসে ক্ষতিগ্রস্তের কথা বলা হয়েছে। মূলতঃ কোন মুমিনই ক্ষতিগ্রস্ত হতে পারে না, তা দুনিয়াই হোক কিংবা আখিরাতে।

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لِرَجُلٍ وَهُوَ يَعِظُهُ اِغْتَنِمْ  
خَمْسًا شَبَابِكَ قَبْلَ هَرَمِكَ وَصِحَّتِكَ قَبْلَ سَقَمِكَ وَغَنَّاكَ قَبْلَ  
فَقْرِكَ وَفَرَاغَكَ قَبْلَ شِغْلِكَ وَحَيَاتِكَ قَبْلَ مَوْتِكَ - (مشكاة)

“রাসূলুল্লাহ (সা) জনৈক ব্যক্তিকে উপদেশ দিতে গিয়ে বলেছেন: পাঁচটি বস্তুকে পাঁচটি বস্তুর পূর্বে গুরুত্ব দিবে এবং মূল্যবান মনে করবে। (১) বার্ধক্যের পূর্বে যৌবনকে (২) অসুস্থতার পূর্বে সুস্থতাকে (৩) দারিদ্রতার পূর্বে স্বচ্ছলতার। (৪) ব্যস্ততার পূর্বে অবকাশকে এবং (৫) মৃত্যুর পূর্বে জীবনকে।” (মিশকাত)

শব্দার্থ :

يَعِظُهُ - তাকে - وَ - এবং। هَرَمًا - তিনি, সে। اِغْتَنِمْ - একব্যক্তির জন্য। شَبَابِكَ - পাঁচ। خَمْسًا - মূল্যবান মনে করো। صِحَّتِكَ - তোমার যৌবন। قَبْلَ - পূর্বে। هَرَمِكَ - তোমার বার্ধক্য। مَوْتِكَ - তোমার মৃত্যু। سَقَمِكَ - তোমার অসুস্থতা। غَنَّاكَ - তোমার স্বচ্ছলতা। شِغْلِكَ - তোমার দারিদ্রতা। فَرَاغَكَ - তোমার অবকাশ। حَيَاتِكَ - তোমার জীবন। فَاقْرَ - তোমার দারিদ্রতা।

গুরুত্ব

হাদীসটি যদিও নবী করীম (সা) এর উপদেশের ভাষায় বর্ণিত হয়েছে তবুও গভীর দৃষ্টিতে চিন্তাভাবনা করলে বুঝা যায় যে, একজন মুসলিম তার জীবনের লক্ষ্য নির্ধারণ করার পর কিভাবে সে দ্রুততার সাথে লক্ষ্যে পৌছবে তার বাস্তব

ফর্মুলা হচ্ছে এই হাদীসটি। কেননা যদি কোন ব্যক্তির লক্ষ্যে পৌঁছবার দৃঢ়তা ও তৎপরতা না থাকে তবে তার কর্মতৎপর হওয়াই বুদ্ধিমানের কাজ। আলোচ্য হাদীসে এ কথাই বলা হয়েছে।

### ব্যাখ্যা

(১) হাদীসে বার্বাক্যের পূর্বে জীবনকে গুরুত্ব দেয়া হয়েছে, কেননা এ কথা সর্বজন স্বীকৃত যে একজন মানুষের যৌবনই হচ্ছে তার সমস্ত কর্মক্ষমতার উৎস। যেসব মহান ব্যক্তিগণ পৃথিবীতে ইতিহাস সৃষ্টি করে গিয়েছেন তা সবই তাদের যৌবনের ফসল। যৌবন মানুষকে কর্মক্ষম, দৃঢ়চেতা ও সাহসী করে তোলে। এ সময় মানুষ কঠোর পরিশ্রম করতে পারে এবং দুঃখ কষ্ট সহ্য করতে পারে। ফলে সব কাজই সে পরিশ্রম হলেও সুষ্ঠু ভাবে সম্পাদন করতে পারে। এমনকি সকল প্রকার ইবাদাতও। পক্ষান্তরে বার্বাক্যে ভগ্ন স্বাস্থ্য নিয়ে সত্যিকারের মান বজায় রেখে আল্লাহর উবাদাত করা সম্ভব নয়। আর যদি মান মোতাবেক ইবাদাত করা না হয়, তবে তার প্রতিদানও আশানুরূপ হওয়া সম্ভব নয়। আল্লাহর সন্তুষ্টি ও পুরস্কার কঠিন পরিশ্রমের মাধ্যমেই অর্জন করা সম্ভব (আবার যৌবনের তেজ ছাড়া কঠিন পরিশ্রম করা সম্ভব নয়)।

নবী করীম (সা) বলেছেনঃ

أَلَا إِنَّ سِلْعَةَ اللَّهِ غَالِبَةٌ أَلَا إِنَّ سِلْعَةَ اللَّهِ الْجَنَّةُ - (ترمذی)

“যেনে রেখো আল্লাহর সম্পদ অত্যন্ত মূল্যবান-দাম বেশি না দিলে পাওয়া যায় না। আর মনে রেখো আল্লাহর সম্পদ হলো জান্নাত।” (তিরমিযি)

(২) অসুস্থতার পূর্বে সুস্থতাকে গুরুত্ব দেয়া হয়েছে কারণ মানুষের শরীরটা একটা স্বয়ংক্রিয় (ইল্‌মবটখড) যন্ত্র বিশেষ। তাই এ যন্ত্রের একটু ব্যতিক্রম হলেই দেহে বাহ্যিক প্রতিক্রিয়া দেখা দেয়, তার নাম অসুস্থতা। কিন্তু কে কখন অসুস্থ হয়ে যাবে মানুষ তা অনুধাবন করতে অক্ষম। তাছাড়া অসুস্থ শরীরে যেখানে প্রাকৃতিক প্রয়োজনই সারা যায় না সেখানে আল্লাহর ইবাদত করা যাবে কিভাবে? এ জন্যই হাদীসে প্রতিটি সুস্থ মুহর্তের পূর্ণ সদ্ব্যবহার করতে উৎসাহিত করা হয়েছে।

(৩) দারিদ্রের ব্যাপারটাও উপরোক্ত বক্তব্যের অনুরূপ। কারণ স্বচ্ছলতা এবং

অস্বচ্ছলতা এর কোনটাই মানুষের নিয়ন্ত্রণে নেই। এগুলো নিয়ন্ত্রণ করেছেন স্বয়ং বিশ্ব স্রষ্টা আল্লাহ রাব্বুল আলামীন।

মহান আল্লাহ বলেনঃ

(اسرى) **إِنَّ رَبَّكَ يَبْسُطُ الرِّزْقَ لِمَنْ يَشَاءُ وَيَقْدِرُ -**

“তোমার প্রতিপালক যাকে ইচ্ছে করেন তার রিজিক বাড়িয়ে দেন এবং যাকে ইচ্ছে করেন তার রিজিক সংকীর্ণ করে দেন।” (সূরা বনী ইস্রাঈল)

অন্যত্র ধনসম্পদ ও প্রভাব প্রতিপত্তি সম্বন্ধে বলা হয়েছে-

**قُلِ اللَّهُمَّ مَالِكَ الْمُلْكِ تُؤْتِي الْمُلْكَ مَنْ تَشَاءُ وَتَنْزِعُ الْمُلْكَ مِمَّنْ تَشَاءُ وَتُعِزُّ مَنْ تَشَاءُ وَتُذِلُّ مَنْ تَشَاءُ (ط) بِيَدِكَ الْخَيْرِ (ط) إِنَّكَ عَلَى كُلِّ شَيْءٍ قَدِيرٌ -**  
(ال عمران)

“বলো, হে আল্লাহ! সমস্ত রাজ্য ও সাম্রাজ্যের মালিক। তুমি যাকে চাও রাজত্ব দান করো এবং যার নিকট হতে ইচ্ছে করো রাজত্ব ছিনিয়ে নাও। যাকে চাও সম্মানিত করো এবং যাকে চাও লাঞ্ছিত করো। সকল কল্যাণ তোমার হস্তে। নিঃসন্দেহে তুমি সর্বশক্তিমান।” (সূরা আল-ইমরান)।

বস্তৃত আল্লাহ মানুষকে যে অবস্থাতেই রাখুক না কেন সে অবস্থাতেই নিজেকে অপেক্ষাকৃত স্বচ্ছল মনে করতে হবে। কেননা যদি আল্লাহ চান তবে এর চেয়েও ভয়ংকর অবস্থার সম্মুখীন করতে পারেন। তাই আল্লাহ যেভাবেই রাখুন না কেন সর্বাবস্থায়ই মানুষের দান ছদকা করা উচিত। বিশেষ করে স্বচ্ছলতার সময় কৃতজ্ঞতা স্বরূপ বেশী দান করা উচিত।

(৪) মানুষের একটি দুর্বলতা বা প্রবণতা আছে, কোন কাজ তার সামনে এলে মনে করে একটু পরে কাজটি শেষ করবো বা আগামী কাল শেষ করবো ইত্যাদি। কিন্তু দেখা গেলে একটু পরেই তার সামনে আরও গুরুত্বপূর্ণ কাজ উপস্থিত হলো। সেটা শেষ হতে না হতেই আকেটা উপস্থিত। এমনভাবে প্রথম যে কাজটি অনায়াসে করা যেতো সেটা হয়তো আর পরে করার কোন সুযোগই সে পাবেনা। অদুপ আল্লাহর ইবাদাতের ব্যাপারেও যদি কেউ এরূপ মনোভাব পোষণ

করে তার পরিণতিও তেমন হতে বাধ্য। তাছাড়া প্রতিনিয়ত মানুষের যে সময় অতীত হয়ে যাচ্ছে সে সময়তো আর কখনো ভবিষ্যৎ হয়ে আসবে না। তাহলে কি করে এর ক্ষতিপূরণ হতে পারে?

(৫) পৃথিবীতে যতক্ষণ সময় মানুষের অবস্থান সে সময়টুকুকেই আমরা জীবন বলি। যেমন কোন শিশু ভূমিষ্ট হওয়া মাত্র তার জীবন শুরু হলো এবং মৃত্যুর মাধ্যমে তার জীবনের অবসান হলো। এখন কথা হচ্ছে পৃথিবী নামক এ গ্রহটিতে কার অবস্থান কতো সময় তা আমরা কেউ বলতে পারবো না, তাই একথা মনে করেই আল্লাহর ইবাদত করতে হবে যে, এটাই আমার জীবনের শেষ ইবাদত। হাদীসে বলা হয়েছে-

“তোমরা দুনিয়ার কাজ এমন ভাবে করো যেন অনন্তকাল জীবিত থাকবে এবং আখিরাতের কাজ এমনভাবে করো যেনো কালই তুমি মৃত্যুবরণ করবে।”

### শিক্ষাবলী

- (১) যৌবনের পূর্ণ শক্তি ও সামর্থ্য একমাত্র আল্লার সন্তুষ্টির জন্য ব্যয় করতে হবে।
- (২) আল্লাহর সন্তুষ্টি ও পুরস্কার কেবলমাত্র কঠোর নিয়মানুবর্তিতা ও আনুগত্যের মাধ্যমেই পাওয়া সম্ভব।
- (৩) চলমান সময়কেই অপেক্ষাকৃত উত্তম সময় বলে মনে করতে হবে। সংকল্প করা ঠিক নয়- যখনকার কাজ তখন করাই উত্তম।
- (৪) যেহেতু মানুষের মৃত্যুর নির্দিষ্ট কোন সময় নেই সেহেতু জীবনের প্রতিটি মুহূর্তই অত্যন্ত মূল্যবান। মনে করতে হবে একটু পরেই হয়তো আমার জীবনের অবসান হবে।
- (৬) আল্লাহর সন্তুষ্টির জন্য দান-ছদকা করতে হবে, পরিমাণে যাই হোক না কেন।

عَنْ عَلِيٍّ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
يُوشِكُ أَنْ يَأْتِيَ عَلَى النَّاسِ زَمَانٌ لَا يَبْقَى مِنَ الْإِسْلَامِ إِلَّا  
اسْمُهُ وَلَا يَبْقَى مِنَ الْقُرْآنِ إِلَّا رِسْمُهُ مَسَاجِدُهُمْ عَامِرَةٌ  
وَهِيَ خَرَابٌ مِّنَ الْهُدَى عُلَمَاءُ هُمْ شَرٌّ مِّنْ تَحْتَ أَدِيمِ  
السَّمَاءِ مِمَّنْ عِنْدِهِمْ تَخْرُجُ الْفِتْنَةُ وَفِيهِمْ تَعَوُّدُ

(رواه البيهقي في شعب الإيمان)

“হযরত আলী (রা) হতে বর্ণিত – তিনি বলেন, রাসূলুল্লাহ (সা) ইরশাদ করেছেন: ভবিষ্যতে মানুষের সামনে এমন এক সময় আসবে যখন নাম ব্যতিরেকে ইসলামের আর কিছুই অবশিষ্ট থাকবে না। কুরআনেরও অক্ষর ব্যতীত আর কিছুই থাকবে না। তাদের মসজিদ সমূহ বাহ্যিক দিক দিয়ে জাঁকজমকপূর্ণ হবে কিন্তু প্রকৃতপক্ষে হেদায়াত শূন্য হবে। তাদের আলেমগণ হবে আকাশের নিচে (সমস্ত সৃষ্টির মধ্যে) সবচেয়ে নিকৃষ্ট আর তাদের তরফ হতে দ্বীন সম্বন্ধে কিংবা প্রকাশ পাবে, অতঃপর সে ফেতনা তাদের দিকে প্রত্যাবর্তন করবে।” (বায়হাকী)

### শব্দার্থ

يُوشِكُ - খুব তাড়াতাড়ি। أَنْ - যে। يَأْتِي - আসবে।  
عَلَى النَّاسِ - মানুষের উপর। زَمَانٌ - সময়। لَا يَبْقَى - অবশিষ্ট থাকবে না।  
بِالْإِسْلَامِ - ব্যতীত। اسْمُهُ - তার নাম। رِسْمُهُ - বহ্যিক আচরণ (এখানে শুধু তেলওয়াতের কথা বলা হয়েছে)। عَامِرَةٌ - সুরমা অটালিকা।  
خَرَابٌ - হেদায়েত বিহীন। شَرٌّ - ক্ষতিকর। تَحْتَ - নিচে। أَدِيمٌ - গৃষ্ঠ।  
تَخْرُجُ - বের হবে। الْفِتْنَةُ - বিভ্রান্তি। تَعَوُّدُ - প্রত্যাবর্তন।



### বর্ণনাকারীর (রাবীর) পরিচয়

রাসূলে কারীম (সা) এর ঘ্রীনের দাওয়াত দেয়া মাত্র সর্বপ্রথম যে সব সাহাবীগণ ইসলাম গ্রহণ করেছেন হযরত আলী (রা) তাঁদের অন্যতম। তাছাড়া কিশোর বয়সে প্রথম ইসলাম গ্রহণকারী হযরত আলী (রা)। অধিকাংশ বিশেষজ্ঞের মতে তিনি পুরুষদের মধ্যে সর্বপ্রথম ইসলাম গ্রহণকারী। যে দশজন সাহাবী পৃথিবী হতে জান্নাতের সুসংবাদ পেয়েছেন, হযরত আলী (রা) তাঁদের একজন।

ডাক নাম আবুল হাসান। নবী করীম (সা) এর নবুয়ত লাভের ১০ বৎসর পূর্বে মক্কায় তাঁর জন্ম। নবী করীম (সা) এর পরিবারেই প্রতি পালিত হন। তিনি একাধারে রাসূলুল্লাহ (সা) চাচাত ভাই, জামাতা এবং ঘনিষ্ট সহচর। তাবুক যুদ্ধ ছাড়া আর সকল যুদ্ধেই তিনি অংশগ্রহণ করেছেন।

তাবুকের যুদ্ধের সময় রাসূলুল্লাহ (সা) তাঁকে মদীনার দায়িত্বে নিয়োজিত করে যান, তাই যুদ্ধে অংশগ্রহণ করতে পারেননি। হযরত আলী (রা) একদিকে ছিলেন সাহসী যোদ্ধা এবং অপরদিক ছিলেন জ্ঞানের মহাসাগর। দ্বিতীয় খলিফার শাসনামলে তিনি ছিলেন মজলিশে শু'রার সদস্য।

আলী (রা) সম্বন্ধে নবী করীম (সা) বলেনঃ

(ترمذی)      اَنَا مَدِينَةُ الْعِلْمِ وَعَلَىٰ بَابِهَا -

“আমি জ্ঞানের শহর এবং আলী তার দরজা” (তিরমিযি)

হাসান, হোসাইন, ইবনে মাসউদ, আবু মুসা, ইবনে আব্বাস, আবু রাফে, ইবনে উমার, আবু সাঈদ, সুহাইব, য়ায়েদ ইবনে আরকাম, জারীর, আবু জুহাইফা, বারায়ী, আবুত তুফাইল (রা) প্রমুখগণ এবং অনেক তাবেয়ী তাঁর সূত্রে হাদীস বর্ণনা করেছেন।

### হাদীসটির গুরুত্ব

এ হাদীসটিতে ভয়ংকর দিকে মানুষকে পূর্বেই সতর্ক করে দেয়া হয়েছে। যদি এরকম অবস্থার সৃষ্টি হয় তবে তার পরিণতি যে অত্যন্ত মারাত্মক হতে বাধ্য এবং সমাজ বিশৃঙ্খলা ও ফেতনা ফ্যাসাদের শিকার হয়, এদিকে সুস্পষ্টভাবে ইঙ্গিত করা হয়েছে। কাজেই আমরা যদি সুন্দর ও সুস্থ একটি সমাজের আকাংখা করি তবে দিক-দর্শন যন্ত্রের ন্যায়ই এ হাদীসটি পথ নির্দেশ দিবে।

### ব্যাখ্যা

বলা হয়েছে নাম ব্যতীত আর ইসলামের কিছুই অবশিষ্ট থাকবে না, অর্থাৎ ইসলাম পৃথিবীতে এসেছে হক প্রতিষ্ঠার এক বিপ্লবী পয়গাম নিয়ে। মানব রচিত সমস্ত মতবাদের মূলোৎপাটন করে আল্লাহ্ প্রদত্ত মতবাদের প্রতিষ্ঠার জন্য। আমরা দেখেছি, পৃথিবীতে মানব রচিত কোন মতবাদই পূর্ণাঙ্গ ও সার্বজনীন নয়। কিন্তু আল্লাহ্ প্রদত্ত মতবাদ সম্পূর্ণ নির্ভুল, পূর্ণাঙ্গ ও সার্বজনীন। আল্লাহ নিজেই স্বীকৃতি দিয়েছেনঃ

الْيَوْمَ أَكْمَلْتُ لَكُمْ دِينَكُمْ وَاتَّمَمْتُ عَلَيْكُمْ نِعْمَتِي وَرَضِيتُ لَكُمُ

الْإِسْلَامَ دِينًا - (মائدة)

“আজ আমি তোমাদের জন্যে তোমাদের জীবন ব্যবস্থা (দীন) কে পরিপূর্ণ করে দিলাম এবং তোমাদের প্রতি আমার নেয়ামতকে সম্পূর্ণ করলাম এবং তোমাদের জন্যে ইসলামকে জীবন ব্যবস্থা হিসেবে মনোনীত করলাম। (সূরা মায়েদাঃ ৫-৬) আর এ কাজ বাস্তবায়নের দায়িত্ব যাকে দেয়া হয়েছে তিনি হলেন সরদারে দোজাহাঁ হযরত মুহাম্মদ (সা)।

আল্লাহ বলেনঃ

هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى  
الدِّينِ كُلِّهِ -

তিনি তাঁর রাসূলকে সঠিক জীবন বিধান (দীন) দিয়ে এজন্যেই পাঠিয়েছেন, যেন তা পৃথিবীর সকল মতবাদের উপর প্রতিষ্ঠিত করতে পারেন। (সূরা তাওবা) পূর্ণাঙ্গ দ্বীনের প্রভাব জীবনের সমস্ত দিক ও বিভাগ ব্যাপিয়া। শুধুমাত্র নামায, রোযা বা মসজিদ মাদ্রাসার মধ্যে সীমাবদ্ধ নয়। কিন্তু অত্যন্ত পরিভাপের বিষয় এ দ্বীন আমাদের মধ্যে প্রতিষ্ঠিত নেই এবং প্রতিষ্ঠার ব্যাপারে আমাদের তৎপরতা অত্যন্ত সীমাবদ্ধ অধিকাংশ লোক আংশিক দ্বীন নিয়েই সন্তুষ্ট। অথচ এর পরিণতি যে কতো ভয়াবহ তা একবারও কেউ চিন্তা করি না।

ইরশাদ হচ্ছেঃ

اَفْتَوْمِنُوْنَ بِبَعْضِ الْكِتَابِ وَتَكْفُرُوْنَ بِبَعْضٍ فَمَا جَزَاءُ مَنْ  
يَفْعَلُ ذَلِكَ مِنْكُمْ اِلَّا خِزْيٌ فِي الْحَيٰوةِ الدُّنْيَا وَيَوْمَ الْقِيَامَةِ  
يُرْتُوْنَ اِلَى اَشَدِّ الْعَذَابِ -  
(البقرة)

“তোমরা কি আল্লাহর কিতাবের কিছু অংশ মানবে এবং কিছু অংশ পরিহার করবে? যারা এরূপ করবে তাদেরকে দুনিয়ায় লাঞ্ছিত ও অপমানিত করা হবে এবং আখিরাতে তাদেরকে আরো ভয়াবহ আজাবের দিকে তাড়িয়ে নিয়ে যাওয়া হবে।” (সূরা বাকারা)

অন্যত্র বলা হয়েছে-

وَمَنْ اٰضَلُ مِمَّنِ اتَّبَعَ هَوٰهُ بِغَيْرِ هُدًى مِّنَ اللّٰهِ (ط) (قصص)

“তার চেয়ে বড়ো পথভ্রষ্ট আর কে আছে যে আল্লাহর কাছ হতে আগত হেদায়েতের পরিবর্তে আপন প্রবৃত্তির অনুসরণ করলো।” (সূরা কাসাস)  
বস্তুতঃ যেখানে ইসলাম পূর্ণ অবয়বে প্রতিষ্ঠিত নেই বা হতে পারেনি সেখানে ইসলাম নাম সর্বস্ব হিসেবেই আছে।

অক্ষর ব্যতীত কুরআনের আর কিছু থাকবে না, একথা বলতে বুঝানো হয়েছে যে, এমন একটি সময় আসবে যখন মানুষের সাথে কুরআনের তিলাওয়াত ব্যতীত অন্য কোন সম্পর্ক থাকবে না। অথচ আল্লাহ রাক্বুল আলামীন আল কুরআন দিয়েছেন মানুষের জীবনের সকল প্রয়োজন ও সমস্যার সমাধানের জন্য। জীবনে সবকিছুর ফায়সালার ভার দেয়া হয়েছে কুরআনের উপর এবং ফায়সালা গ্রহণ করার দায়িত্ব দেয়া হয়েছে মানুষকে। কাজেই যদি কোন মানুষ কুরআনের ফায়সালা গ্রহণ না করে বা শুধু তিলাওয়াত করলো কিন্তু ফায়সালা গ্রহণ করলো অন্য কোন মানুষের, তাদের ব্যাপারে আল্লাহ বলেনঃ

وَمَنْ لَّمْ يَحْكَمْ بِمَا أَنزَلَ اللَّهُ فَأُولَٰئِكَ هُمُ الْكَافِرُونَ - (مائدة)

যারা আল্লাহর দেয়া বিধান (অর্থাৎ কুরআন) অনুযায়ী বিচার ফায়সালা করেনা তারা কাফের। (সূরা মায়দা)।

আরো দু'টো আয়াতে ফাসেক এবং জালেম বলা হয়েছে। মূলতঃ প্রতিটি মানুষের নিকট কুরআনের দাবী হচ্ছে তিনটি। যথাঃ

(১) সহীহ শুদ্ধভাবে তিলাওয়াত (২) ভালোভাবে তার অর্থ ও ব্যাখ্যা বুঝা এবং (৩) জীবনের সর্বক্ষেত্রে তার যথাযথ প্রয়োগ বা ব্যবহার।

মসজিদের প্রসঙ্গে বলা হয়েছে, মসজিদ সমূহ জাঁকজমকপূর্ণ সুরম্য অট্টালিকা এবং বিভিন্ন রকম কারুকাজ খচিত হবে। কিন্তু তা হেদায়াত শূন্য হবে। অর্থাৎ মসজিদে শুধুমাত্র নামায ছাড়া আর কিছুই অবশিষ্ট থাকবে না। অথচ নবী করীম (সা) এর সময় থেকে খোলাফায়ে রাশেদীনের সময় পর্যন্ত সমস্ত ক্রিয়াকাণ্ড পরিচালিত হতো মসজিদ কেন্দ্রিক। মসজিদের যে মিথারে দাঁড়িয়ে খুৎবা পড়া হতো সেখানে দাঁড়িয়েই যুদ্ধের ঘোষণা এবং পরামর্শ দেয়া হতো, করা হতো বিচার ফায়সালা। রাষ্ট্রীয় সচিবালয় ছিলো মসজিদ। সেখানে যেমন নামাজ পড়া হতো তেমনিভাবে লেখাপড়াসহ অন্যান্য তালিম তরবিয়তও দেয়া হতো। মজার ব্যাপার হলো এতো বড়ো একটি রাষ্ট্র পরিচালনা করেও অন্য কোথাও তার কোন দপ্তর স্থাপিত হয়নি, তাদের সবকিছুই ছিলো মসজিদ কেন্দ্রিক। আর আজ আমাদের দেশে বা সমাজে মসজিদে নামায ছাড়া অন্য কিছুর কথা মুখেও আনা যায় না। যদিও তা শরীয়তের দৃষ্টিতে আপত্তিজনক নয়।

ফরয নামায ছাড়াও নিম্নোক্ত কাজগুলো মসজিদে করা যায়। কিন্তু এ ব্যাপারে আমাদের অনেকের জ্ঞানই সীমিত।

(১) যে কোন নামায পড়া যাবে (২) জিকির করা যাবে। (৩) ইসলামী রাষ্ট্রের মজলিশে শুরা বা পার্লামেন্টের বৈঠক করা যাবে। (৪) যুদ্ধ সংক্রান্ত পরামর্শ বা প্রয়োজনীয় কাজ করা যাবে। (৫) সৎকাজের আদেশ এবং অসৎ কাজের নিষেধ করার জন্য গঠিত কোন সংঘঠনের প্রোথাম করা যাবে। (৬) মসজিদে বসে বিচার অনুষ্ঠান করা যাবে তবে মসজিদের মধ্যে কোন শাস্তি দেয়া যাবে না। (৭) ইমামের নেতৃত্বে মহল্লাবাসীদের এবং মুসল্লীদের খোজ খবর নেয়া এবং তাদের সমস্যাবলী নিয়ে আলোচনা করা যাবে। (৮) বাতিল শক্তি বা সরকারকে

উৎখাত করার জন্য এবং ইসলামী শাসন বাস্তবায়নের জন্য যে সংগঠন বা সংস্থা তৎপর তাদের যাবতীয় কার্যাবলী মসজিদ হতে পরিচালনা করা যাবে। (৯) যাকাত বন্টন, সংগ্রহ, দান-ছদকা ইত্যাদির কার্যক্রম মসজিদকেন্দ্রিক পরিচালনা করা যাবে। (১০) ইতিকাফ এবং কুরআন তিলাওয়াত করা যাবে। (১১) মানুষের জন্য কল্যাণমূলক শিক্ষাও মসজিদে দেয়া যাবে।

আলেমদের ব্যাপারে যে কথা বলা হয়েছে তার তাৎপর্য হচ্ছে। এই যে, কিছু লোক শুধুমাত্র দুনিয়া অর্জনের জন্য শিক্ষা গহণ করবে এবং হালাল-হারামের পরওয়া না করে স্বৈচ্ছাচারিতা শুরু করে দিবে। এমনকি তাদের স্বৈচ্ছাচারিতা বৈধ করণের জন্য কুরআন হাদীসের সমর্থন খোঁজার চেষ্টা করবে। পক্ষান্তরে হাক্কানী উলামাগণ দ্বীনের সঠিক বক্তব্য মানুষের কাছে তুলে ধরার চেষ্টা করবেন, কিন্তু দু'দলের দু'রকম বক্তব্যের কারণে মানুষ বিভ্রান্ত হয়ে বিভিন্ন প্রকার ফেতনা ফ্যাসাদের লিপ্ত হয়ে যাবে এবং তাদের এ ভুলের খেসারত দিবে সমাজের নিরীহ জনগণ।

عَنْ زِيَادِ بْنِ لَيْبِدٍ قَالَ : ذَكَرَ النَّبِيُّ صَلَّى اللَّهُ عَلَيْهِ وَسَلَّمَ  
 شَيْئًا فَقَالَ : ذَلِكَ عِنْدَ أَوَانٍ ذَهَابِ الْعِلْمِ - قُلْتُ يَا رَسُولَ اللَّهِ  
 كَيْفَ يَذْهَبُ الْعِلْمُ ؟ وَنَحْنُ نَقْرَأُ الْقُرْآنَ وَنَقْرَأُ آيَاتَهُ نَا  
 وَيَقْرَأُ آيَاتَهُ نَا آيَاتَهُ هُمْ إِلَى يَوْمِ الْقِيَامَةِ ؟ قَالَ : تُكَلِّتُكَ  
 أُمُّكَ يَا زِيَادُ إِنْ كُنْتُ لَأَرَاكَ مِنْ أَفْقِهِ رَجُلٍ فِي الْمَدِينَةِ  
 أَوْلَيْسَ هَذِهِ الْيَهُودُ وَالنَّصَارَى يَقْرَفُونَ التَّوْرَةَ وَالْإِنْجِيلَ  
 لَا يَعْمَلُونَ بِشَيْئٍ مِمَّا فِيهِمَا - (احمد - ابن ماجه) —

“হযরত যিয়াদ বিন লবিদ (রা) বর্ণনা করেছেন, একবার নবী করীম (সা) কিছু আলোচনা করলেন এবং বললেন এটা (ঘটবে) ইলম উঠে যাওয়ার সময়।

আমি জিজ্ঞেস করলাম: ইয়া রাসূলুল্লাহ! ইলম কিভাবে উঠে যাবে? অথচ আমরা কুরআন পড়ি এবং আমাদের সন্তানদেরকে পড়াই আর তারা তাদের সন্তানদেরকে পড়াবে। এভাবে তো কিয়ামত পর্যন্ত চলবে। রাসূলুল্লাহ (সা) বললেন: হে যিয়াদ। তোমার ধ্বংস হোক। আমি তোমাকে মদীনার জ্ঞানীদের মধ্যে অন্যতম মনে করতাম। তুমি কি দেখোনা, ইয়াহুদীগণ তওরাত এবং খৃষ্টানগণ ইঞ্জিল (বাইবেল) কিভাবে পড়ে কিন্তু (এর মধ্যে যে বিধিবিধান দেয়া হয়েছে) তারা তার কিছুই মানে না।  
 (আহমদ, ইবনে মাজা, তিরমিযিতে অনুরূপ আরেকটি হাদীস বর্ণিত হয়েছে এবং দায়েমী আবু উমামার সূত্রে বর্ণনা করেছেন।)

## শব্দার্থ

এ- ذَلِكَ - কিছু, বস্তু। شَيْئًا - স্বরণ করলেন, বর্ণনা করলেন। نَكَرَ - আমি বললাম। فُلْتُ - সময়। ذَمَابِ الْعِلْمِ - আমরা। نَحْنُ - আমরা। يَذَمُّ الْعِلْمَ - আমরা তা আমাদের সন্তানদেরকে পড়াই। نَقَرَهُ ابْنَاءَنَا - আমাদের সন্তানেরা তাদের সন্তানদেরকে পড়াবে। إِلَى يَوْمِ الْقِيَامَةِ - তোমার ধংস হোক, বোকা কোথাকার, তোমার মার ক্ষতি হোক, হতভাগা, ইত্যাদি। (স্নেহপূর্ণ গালি হিসেবে বাক্যটি ব্যবহৃত হয়)। أَنْ كُنْتُ لَأَرَاكَ - আমি তোমাকে মনে করেছি, আমি তোমার সম্পর্কে ধারণা করেছি। مِنْ - মদীনার। فِي الْمَدِينَةِ - বুদ্ধিমান ব্যক্তি। أَفَقَّ رَجُلٌ - হতে, চেয়ে। أَفَقَّ رَجُلٌ - এটা কি ঠিক নয়, তোমার কি জানা নেই, তুমি কি দেখোনা? ইত্যাদি। الْيَهُودُ - ইহুদীগণ। أَنْصَارِي - খৃষ্টানগণ। يَقْرَهُنَّ - তারা পড়ে। الْتَرَاةُ - ইঞ্জিল কি তাব (বাইবেল)। لَا يَعْمَلُونَ - তারা আমল করেনা, তারা মানে না। بِشَيْءٍ مِمَّا فِيهَا - তার মধ্যে যা আছে তার কোন কিছুই।

## বর্ণনাকারীর পরিচয়

নাম যিয়াদ। কুনিয়াত আবু আবদুল্লাহ। পিতার নাম লবিদ। মদীনার আনসার সাহাবীদের অন্যতম। ইসলাম পূর্ব সময়ে মদীনায় যারা শিক্ষিত ও জ্ঞানী হিসেবে পরিচিত ছিলেন। যিয়াদ হচ্ছেন তাদের অন্যতম। ইসলাম গ্রহণের পর তিনি সর্বদা রাসূল (সা) এর সান্নিধ্য লাভের জন্য ব্যকুল থাকতেন। রাসূল (সা) ও তাঁকে খুব ভালোবাসতেন। তিনি হযরত মুয়াবিয়া (রা) এর শাসনামলে প্রথম দিকে ইন্তেকাল করেন। আওফ ইবনে মালেক (রা), আবু দারদা (রা) প্রমুখ সাহাবীগণ তাঁর থেকে হাদীস বর্ণনা করেছেন।

### হাদীসটির গুরুত্ব

আল-কুরআন হচ্ছে সমস্ত ইলম ও হেদায়েতের উৎস। কোন উৎস থেকে উপকৃত হওয়ার প্রথম শর্ত হচ্ছে ভালোভাবে সে উৎসের সন্ধান লাভ করা এবং তার থেকে উপকৃত হওয়ার পদ্ধতি জানা। মানুষ যখন হেদায়েতের প্রকৃত উৎস সম্পর্কে গাফেল হয়ে যাবে তখন হেদায়েত থেকে অনেক দূরে সরে যাবে। এ অবস্থাকে রূপকভাবে ইলম উঠিয়ে নেয়া বলা হয়েছে। এখানে আরেকটি কথা বলা হয়েছে যে, যে উদ্দেশ্যে কুরআন অবতীর্ণ হয়েছে, শুধু পড়া বা তিলাওয়াতের মাধ্যমে সে হুক আদায় হতে পারেনা। বা আদায় হওয়া সম্ভবও নয়। এ হাদীসটিতে অত্যন্ত গুরুত্বপূর্ণভাবে সে কথাটিই তুলে ধরা হয়েছে। অতএব প্রতিটি মুসলমানের জন্যই এ হাদীসটি অত্যন্ত গুরুত্বপূর্ণ।

### ব্যাখ্যা

স্রষ্টাও সৃষ্টির যোগসূত্র নির্ণয় করে যে বস্তু, কিংবা যার মাধ্যমে স্রষ্টার পরিচয় এবং নিজের দায়িত্ব ও কর্তব্য সম্পর্কে জানা যায় তাই ইলম বা জ্ঞান। আর এ জ্ঞানের অভাবেই আবুল হাকাম (মহাবিজ্ঞ) হয়েছে আবু জাহেল (গভ মুর্থ)। ইসলাম পূর্বযুগে আবুল হাকাম ছিলো মক্কার প্রধান বিজ্ঞ ব্যক্তি। তার মেধা এবং বিজ্ঞতার কারণেই লোকেরা তাকে আবুল হাকাম বা বিজ্ঞের পিতা (অর্থাৎ মহাবিজ্ঞ) বলে সম্বোধন করতো। কিন্তু যখন নবী করীম (সা) স্রষ্টার সাথে সৃষ্টির রহস্য সম্পর্কে বক্তব্য রাখলেন, এবং বললেনঃ মানুষ সহ প্রতিটি সৃষ্টির একমাত্র সৃষ্টিকর্তা আল্লাহ। কাজেই মানুষের দায়িত্ব ও কর্তব্য হচ্ছে শুধু মাত্র তাঁর আনুগত্য ও দাসত্ব করা। তবে শর্ত হচ্ছে, তা হতে হবে মুহাম্মাদুর রাসূলুল্লাহ (সা) এর দেখানো পদ্ধতিতে। এ সহজ সরল কথাটি স্বীকার না করার কারণে তার উপাধি হলো আবু জাহেল বা গভমুর্থ।

জ্ঞানের উৎস হচ্ছে আল কুরআন। কুরআনের সাথে মানুষের সম্পর্ক যতো বেশী হবে জ্ঞানের গভীরতাও ততো বৃদ্ধি পাবে। নবী করীম (সা) বলেছেনঃ

ظَاهِرُهُ آتِنَقُ وَبَاطِنُهُ عَمِيقُ - لَهُ نُجُومُهُ لَا تُحْصَى عَجَائِبُهُ  
وَلَا تَبْلَى غَرَائِبُهُ فِيهِ مَصَائِبُ الْهُدَى وَمَنَارُ الْحِكْمَةِ -



তার (অর্থাৎ কুরআনের) বাইরের দিক অত্যন্ত স্বচ্ছ এবং ভিতরের দিক অত্যন্ত গভীর। তার অনেকগুলো তারকা আছে, তারকা সমূহের উপর আরো তারকা আছে কিন্তু তবুও তার বিস্ময়করতা অসীম - অনায়ত্ত। তার অভিনবত্ব কোন দিনই পুরাতন বা জীর্ণ হয়ে যাবে না।

রইসুল মুফাস্‌সিরিন হযরত ইবনে আব্বাস (রা) বলেছেনঃ

إِنَّ الْقُرْآنَ يُفْسِرُهُ الزَّمَانُ —

নিশ্চয়ই কুরআন যুগের চাহিদা অনুযায়ী ব্যাখ্যা প্রদান করে।

হযরত আলী (রা) বলেছেনঃ

كِتَابَ اللَّهِ تَبْصِرُونَ بِهِ وَتَنْطِقُونَ بِهِ وَتَسْمَعُونَ بِهِ وَيَنْطِقُ  
بَعْضُهُ بِبَعْضٍ وَيَشْهَدُ بَعْضُهَا عَلَى بَعْضٍ —

আল্লাহর এ কিতাব দিয়েই তোমরা দেখবে এবং এর সাহায্যে তোমরা কথা বলবে। আর এর মাধ্যমেই তোমরা শুনবে। (এটি এমন এক কিতাব, যার) এক অংশ আরেক অংশের সাহায্যে কথা বলে। কিছু অংশ আবার কিছু অংশের সত্যতার সাক্ষ্য দেয়।

অর্থাৎ তোমাদের দেখা কথা বলা ও শুনা তথা সমস্ত ব্যাপারে সঠিক পথ নির্দেশনা দিবে আল কুরআন। এবং কুরআন থেকে পথ নির্দেশনা পেতে বেশী কষ্ট ও করতে হয়না। কারণ কোন জায়গা দূর্বোধ্য মনে হলেও অপর জায়গায় তা সহজবোধ্য করে দেয়া হয়েছে। তাছাড়া এর নির্দেশনা যে সঠিক ও নির্ভুল তা খুদ কুরআনই সাক্ষ্য প্রদান করে। নবী করীম (সা) বলেছেনঃ

إِنَّ الْقُرْآنَ يُفْسِرُ بَعْضُهَا بَعْضًا —

নিশ্চয়ই কুরআনের এক অংশ আরেক অংশের ব্যাখ্যা প্রদান করে।<sup>১</sup>

এখন এই কুরআনকে যদি কেউ হেদায়েতের উৎস মনে না করে এবং কুরআনের পথ নির্দেশনা তথা আদেশ নিষেধ না মেনে শুধুমাত্র তিলাওয়াতের মধ্যে সীমাবদ্ধ রাখে, তবে তা ইলম বিলগির নামাস্তুর মাত্র। কুরআন তিলাওয়াতে অবশ্যই সওয়াব আছে। তবে শুধুমাত্র তিলাওয়াত করার জন্য আল্ কুরআন অবতীর্ণ করা হয়নি। কিন্তু যখন কুরআনকে তিলাওয়াতের মধ্যে সীমাবদ্ধ রাখা হবে তখন ইলম উঠে যাবে। ইলম উঠে যাওয়া মনেই হেদায়েতের রাস্তা থেকে দূরে চলে যাওয়া। হেদায়েতের পথ থেকে দূরে চলে যাওয়ার পরিণতি হচ্ছে জাহান্নাম। আলোচ্য হাদীসে ইঙ্গিত করা হয়েছে যে, তওরাত ও ইঞ্জিল আসমানী কিতাব। কিন্তু তা বিকৃত করা হয়েছে। তারপরও সেখানে যে সমস্ত হুকুমে ইলাহী ছড়িয়ে আছে সেগুলো তারা অনুসরণ করার পরিবর্তে শুধুমাত্র তিলাওয়াত করে থাকে। ফলে তারা হেদায়েতের রাস্তা থেকে দূরে চলে গিয়েছে। এবং তাদের পরিণতি জাহান্নাম। এজন্য নবী করীম (সা) আলোচ্য হাদীসের মাধ্যমে প্রতিটি মুসলমানকেই সাবধান করে দিয়েছেন যাতে মুসলমানগণ এ রোগে আক্রান্ত হয়ে না পড়ে। হযরত আলী (রা) থেকে বর্ণিত এক হাদীসে বলা হয়েছে, রাসূলুল্লাহ (সা) বলেছেন:

অচিরেই মানুষের নিকট এমন একটি সময় আসবে যখন নামে মাত্র ইসলাম থাকবে। কুরআনও থাকবে কিন্তু তার শব্দগুলো (তিলাওয়াত) ছাড়া আর কিছুই থাকবে না। (বাইহাকী)

আমাদেরকে গভীর ভাবে ভেবে দেখতে হবে যে, আমরা এ হাদীসের আওতায় পড়ে যাই কিনা? জবাব যদি ইতিবাচক হয় তবে মনে করতে হবে আমাদের ধ্বংস অনিবার্য। পরিত্রাণের একমাত্র উপায় হচ্ছে কুরআনকে বুঝে পড়া এবং সেই আলোকে ব্যক্তিজীবন, সমাজ ও রাষ্ট্রকে পরিচালনা করা। এর কোন বিকল্প নেই।

---

(১) হাদীসের উদ্ধৃতিগুলো যাওপানা মুহাম্মদ আবদুর রহীমের আল কুরআনের আলোকে শিরক ও তাওহীদ নামক গ্রন্থ থেকে হয়েছে।

### শিক্ষাবলী

- ১। কোন চিঠি বা নির্দেশনামার নির্দেশগুলো কার্যকরী না করে বার বার পাঠ করায় যেমন কোন কল্যাণ হতে পারে না তদ্রূপ কুরআনের আলোকে জীবন যাপন না করে শুধু তিলাওয়াত করলেও কোন কল্যাণ পাওয়া সম্ভব নয়।
- ২। কুরআন হচ্ছে সমস্ত হেদায়েত ও জ্ঞান বিজ্ঞানের উৎস।
- ৩। জ্ঞানী তারা, যারা কুরআনের প্রতিটি নির্দেশ মেনে চলার জন্য আশ্রান চেষ্টা করেন আর যারা এর বিপরীত জীবন যাপন করে তাদেরকে জাহেল বলা হয়েছে।
- ৪। ইয়াহুদী নাসারা আলেমদের নিকট আল্লাহর হুকুম (কিছু অংশ) বর্তমান থাকা সত্ত্বেও যেমন তারা বিপথগামী-ভ্রষ্ট। তেমনি ভাবে মুসলিম সমাজে কুরআন বর্তমান থাকলেও তারা বিপথগামী বা ভ্রষ্ট হয়ে যেতে পারে।

### তথ্যসূত্র

- ১। মিশকাত শরীফ।
- ২। উলুসুল ইমান।
- ৩। মুয়াত্তা-ইমাম মুহম্মদ (রহ)।
- ৪। আল কুরআনের আলোকে শির্ক ও তাওহীদ, মাওঃ আবদুর রহীম।



রাসুল তোমাদের জন্য যা নিষেধ এসেছেন তা  
ধারণ করো এবং যা নিষেধ করেছেন তা থেকে  
বিরত থাকো। -আল কুরআন

## দারসে হাদীস-২

(পরিমার্জিত ও পরিবর্ধিত সংস্করণ)

## দ্বিতীয় খণ্ডের বিষয়সূচী

| বিষয়                                  | পৃষ্ঠা |
|----------------------------------------|--------|
| ১। প্রকৃতি ও প্রশান্তি                 | ১০৩    |
| ২। মু'মিন ও মুসলিমের পরিচয়            | ১০৮    |
| ৩। পবিত্রতা, সদকা ও সবার               | ১১৯    |
| ৪। আব্বাহর পথে দান                     | ১৩১    |
| ৫। যাকাতের গুরুত্ব                     | ১৩৯    |
| ৬। মুসলমানদের পারস্পরিক সম্পর্ক        | ১৫০    |
| ৭। অনুমতি প্রার্থনা                    | ১৫৮    |
| ৮। সালাম হচ্ছে পরস্পর ভালোবাসার ভিত্তি | ১৬৩    |
| ৯। গীবত (পরনিন্দা)                     | ১৬৮    |
| ১০। পরিত্যাজ্য কয়েকটি দোষ             | ১৭৩    |
| ১১। ক্রয় বিক্রয়ের বাধ্যবাধকতা        | ১৮০    |
| ১২। পাপের শাস্তি                       | ১৮৯    |
| ১৩। ইসলামী আন্দোলন না করার পরিণাম      | ১৯৭    |
| ১৪। সংগঠন, নেতৃত্ব ও আনুগত্য           | ২০৪    |
| ১৫। ইসলামে বাইয়াতের গুরুত্ব           | ২১৬    |
| ১৬। বিপদাপদ গুনাহের কাফ্ফারা স্বরূপ    | ২২৫    |
| ১৭। নবী প্রেমের স্বরূপ                 | ২৩৩    |

## প্রকৃত প্রশান্তি

عَنْ زَيْدِ بْنِ ثَابِتٍ رَضِيَ اللَّهُ عَنْهُ قَالَ سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ مَنْ كَانَتْ الدُّنْيَا نَيْتَهُ فَرَّقَ اللَّهُ عَلَيْهِ أَمْرَهُ وَجَعَلَ فَقْرَهُ بَيْنَ عَيْنَيْهِ وَلَمْ يَأْتِهِ مِنَ الدُّنْيَا إِلَّا مَا كُتِبَ لَهُ وَمَنْ كَانَتْ الْآخِرَةُ نَيْتَهُ جَمَعَ اللَّهُ أَمْرَهُ وَجَعَلَ غِنَاهُ فِي قَلْبِهِ وَأَتَتْهُ الدُّنْيَا وَهِيَ رَاغِبَةٌ - مرغيب و مرغيب

“যায়িদ বিন সাবিত (রা) বর্ণনা করেছেন। তিনি বলেছেন, আমি নবী করীম (সা) কে বলতে শুনেছিঃ

যে ব্যক্তি দুনিয়াকে নিজের উদ্দেশ্য ও লক্ষ্য হিসাবে গ্রহণ করবে, আল্লাহ তার মনের স্বস্তি ও শান্তি ছিনিয়ে নিবেন। সে সর্বদা অর্থ সংগ্রহের লালসার শিকারে পরিণত হবে। কিন্তু দুনিয়ায় ততোটুকুই সে লাভ করতে পারবে যতোটুকু তার জন্য নির্দিষ্ট করে রাখা হয়েছে। আর যাদের লক্ষ্য ও উদ্দেশ্য হবে আখিরাতে; আল্লাহ তাদের স্বস্তি ও শান্তি দান করবেন এবং অর্থ লালসা হতে মনকে হিফাজত রাখবেন। দুনিয়ার যতোটুকু তার জন্য নির্দিষ্ট আছে ততোটুকু তো অবশ্যই পাবে।” (তারগীব ও তারহীব, যাদেরাই, মিশকাত)

## শব্দার্থ

নَيْتٌ - উদ্দেশ্য বানাবে। - فرَّقَ اللَّهُ عَلَيْهِ أَمْرَهُ - আল্লাহ তার মনের স্বস্তি ছিনিয়ে নিবেন। (শাব্দিক অর্থ হচ্ছে আল্লাহ সকল কাজে তার থেকে পৃথক থাকবেন।) - جَعَلَ فَقْرَهُ بَيْنَ عَيْنَيْهِ - সে সর্বদা অর্থ সংগ্রহের লালসার শিকারে পরিণত হবে। (শাব্দিক অর্থ হচ্ছে- তার চোখে তাকে দরিদ্র করে দিবে।)

جَمَعَ اللَّهُ أَمْرَهُ - ঐ সকল ছাড়া যা তার জন্য নির্দিষ্ট আছে। لَا مَا كُنِيَ لَهُ  
 آتَاهُ تَارَ دِلَهِ سُبْحَتِ وَ شَاطِئِ دَانِ কুরবেন। جَعَلَ غِنَاهُ فِي قَلْبِهِ -  
 অর্থ লালসা হতে তার মনকে হিফাজত রাখবেন। أَتَتْهُ الدُّنْيَا وَهِيَ رَغِيْمَةٌ -  
 যতোটুকু তার জন্য নির্দিষ্ট আছে ততোটুকু তাকে দেয়া হবে।

### রাবীর (বর্ণনাকারী) পরিচয়

যায়িদ নাম। কুনিয়াত আবু সাঈদ, আবু খায়েজাহ এবং আবু আবদুর রহমান।  
 পিতার নাম সাবিত বিন জাহ্বাক। মায়ের নাম নাওয়ার বিনতে মালিক। নবী  
 করীম (সা) হিজরতের এক বৎসর পূর্বে হযরত মাসয়াব ইবনে উমাইর (রা) কে  
 মদীনায় প্রশিক্ষক রূপে পাঠিয়েছিলেন। তাঁর দাওয়াতে আওস ও খায়রাজ গোত্রের  
 যে সকল মহাআগণ ইসলাম গ্রহণ করেছিলেন, হযরত যায়িদ ছিলেন তাদের  
 অন্যতম। মাত্র ১১ বৎসর বয়সে তিনি ইসলাম গ্রহণ করেন। তিনি বিভিন্ন ভাষায়  
 সমান পারদর্শী ছিলেন। ইবরানী, সুরইয়ানী, হাবশী, কিবতী, রোমক ও আরবী  
 ইত্যাদি ভাষায় সমান পারদর্শী ছিলেন। চতুর্থী মেধা ও যোগ্যতার কারণেই নবী  
 করীম (সা) তাকে কাতেবে ওহী বা ওহী লেখকদের দলে অন্তর্ভুক্ত করেন। তিনি  
 শুধু ওহী ই লিখতেন না বরং তিনি ছিলেন নবী করীম (সা) এর ব্যক্তিগত সচিব।  
 বিভিন্ন দেশের রাজা বাদশাহদের নিকট হতে যে সকল পত্রাবলী আসতো, তা  
 তিনি অনুবাদ করে নবী করীম (সা) কে শুনাতেন এবং তাঁর পক্ষ থেকে উত্তর  
 দিতেন।

হযরত আবু বকর (রা) কুরআন সংকলনের জন্য যে কমিটি গঠন করেন তার  
 নেতৃত্ব দেন হযরত যায়িদ ইবনে সাবিত। হযরত উমর (রা)এর খিলাফত কালে  
 কালে তিনি লেখক, মজলিসে শুরা সদস্য এবং মদীনা মুনাওয়ারার প্রধান  
 বিচারপতি নিযুক্ত হন।

তিনি হিজরী ৪৫/৪৬ সনে ৫৬ বৎসর বয়সে মদীনায় ইন্তেকাল করেন। তাঁর  
 বর্ণিত হাদীসের সংখ্যা ৯২টি। বুখারী ও মুসলিমের ঐকমত্যের হাদীস ৫টি।



### গুরুত্ব

পৃথিবীতে মানুষ যতো চেষ্টাই করুক না কেন তার জন্য যতোটুকু রিজিক বরাদ্দ আছে তার চেয়ে একটি দানাও সে বেশী পাবে না। তাই আখিরাতকে বাদ দিয়ে দুনিয়ার পিছনে দৌড়ানো কোন বুদ্ধিমানের কাজ নয়। কেননা আখিরাতের কল্যাণের লক্ষ্য যদি সে কাজ করে তবে দুনিয়া হতেও সে বঞ্চিত হবেনা। সেজন্যই হাদীসে বলা হয়েছে-প্রতিটি মানুষের একমাত্র লক্ষ্য হওয়া উচিত আখিরাত। কারণ আখিরাতের সাথে দুনিয়া জড়িত। কিন্তু দুনিয়া যদি কোন ব্যক্তির লক্ষ্য হয় তবে সে নির্খাত আখিরাত হারাবে। কেননা দুনিয়ার সাথে আখিরাত জড়িত নয়।<sup>১</sup> বস্তুত একজন মানুষের দুনিয়া ও আখিরাত সম্বন্ধে তার চিন্তা ভাবনা কি হওয়া উচিত তা হাদীসে স্পষ্ট করে বলে দেয়া হয়েছে।

### ব্যাখ্যা

প্রতিটি মানুষের ভাগ্যনিপি (তাকদীর) নির্দিষ্ট। মানুষের ভাগ্যনিপিতে যা আছে তা অবশ্যই ঘটবে। তবে মানুষের ইচ্ছে এবং চেষ্টার স্বাধীনতা দেয়া হয়েছে। আর আল্লাহ শুধুমাত্র ইচ্ছে এবং চেষ্টার স্বাধীনতার বিচারই করবেন। হাদীসে বর্ণিত হয়েছে- পৃথিবীতে যার জন্য যতোটুকু সম্পদ নির্দিষ্ট রয়েছে তার বেশী কোন অবস্থাতেই অর্জন করা যাবে না। কাজেই যে পৃথিবী নশ্বর এবং যেখানে অবস্থান কাল একজন পথচারী বা মুসাফিরের চেয়ে বেশী নয়, সেখানে আরাম আয়েশ বা ধন-ঐশ্বর্যের গুরুত্ব কোথায়? তবু দেখা যাচ্ছে- সে নশ্বর বস্তুর জন্যই প্রতিটি মানুষ জীবনপাত করছে। অথচ আমরা সবাই জানি, যেদিন মৃত্যু আমাদেরকে পৃথিবীর মোহ-মামা, আরাম-আয়েশ সবকিছু হতে-তাড়িয়ে দিবে মহাকালের দিকে, সেদিন সব কিছুই পড়ে থাকবে। ছেলে মেয়ে এবং অন্যান্য

(১) অর্থাৎ দুনিয়াকে বাদ দিয়ে আখিরাত অর্জন সম্ভব নয় কেননা নবী করীম (সা) বলেছেন -

“পৃথিবী হচ্ছে আখিরাতের শস্য ক্ষেত্র” পক্ষান্তরে আখিরাতকে বাদ  
 الدُّنْيَا مَزْرَعَةُ الْآخِرَةِ

দিয়ে দুনিয়া অর্জনের চেষ্টা করা সম্ভব।

আত্মীয় স্বজন ভোগ করবে সমস্ত সম্পদ।

নবী করীম (সা) বলেনঃ

إِنَّ الدُّنْيَا حُلُوتٌ خَضِرَةٌ وَإِنَّ اللَّهَ مُسْتَخْلِفُكُمْ فِيهَا فَيَنْظُرُ كَيْفَ تَعْمَلُونَ  
-مسلم-

“দুনিয়া সবুজ মনোরম চাকচিক্যময় করে তাতে তোমাদের প্রতিনিধিত্ব দিয়েছেন। যেন তিনি দেখতে পারেন তোমরা কিরূপ আমল করো।” (মুসলিম)

إِنَّ لِكُلِّ أُمَّةٍ فِتْنَةً وَفِتْنَةُ أُمَّتِي الْمَالُ -ترمذی-

“প্রত্যেক জাতির জন্য একটি ফিতনা (পরীক্ষার বস্তু) আছে। আমার উম্মতের ফিতনা হচ্ছে সম্পদ।” (তিরমিযি)

الْكَيْسُ مَنْ دَانَ نَفْسَهُ وَعَمِلَ لِمَا بَعْدَ الْمَوْتِ وَالْعَاجِزُ مَنْ اتَّبَعَ  
نَفْسَهُ هَوَاهَا -وَتَمَّتْ عَلَى اللَّهِ- ترمذی

“বুদ্ধিমান- জ্ঞানী সেই ব্যক্তি, যে আত্মসমালোচনা করলো এবং মৃত্যুর পরের জীবনের জন্য আমল করলো। আর দুর্বল কাপুরুষ সে ব্যক্তি, যে তার নফসকে স্বার্থে ও কামনা-বাসনার অনুসারী করে দিয়েছে। অথচ আল্লাহর অনুগ্রহের আশা করে বসে আছে।” (তিরমিযি)

মহান আল্লাহ রাব্বুল আলামীন বলেনঃ

اعْلَمُوا أَنَّهَا الْحَيَاةُ الدُّنْيَا الْعِبْرَةُ وَلَهُوَ وَزِينَةُ وَتَفَاخُرٌ بَيْنَكُمْ وَتَكَاثُرٌ  
فِي الْأَمْوَالِ وَالْأَوْلَادِ -الحديث-

“জেনে রাখো। দুনিয়ার জীবনটা হচ্ছে একটি খেলা-মন ভুলানোর উপায় এবং বাহ্যিক চাকচিক্য মাত্র, তোমাদের পরস্পরের গৌরব অহংকার আর ধন সম্পদ ও সম্ভান সম্ভতির দিক দিয়ে একে অপরের চেয়ে অগ্রসর হয়ে যাওয়ার চেষ্টা মাত্র।” (সূরা আল-হাদীদ)

সব কিছু জেনে বুঝেও যারা দুনিয়ার জীবন নিয়ে সমুদ্র হতে চায় তাদের ব্যাপারে আল্লাহর ফরমান হচ্ছেঃ

مَنْ كَانَ يُرِيدُ حَرْثَ الْآخِرَةِ نَزِدْ لَهُ فِي حَرْثِهِ وَمَنْ كَانَ يُرِيدُ حَرْثَ  
الدُّنْيَا نُؤْتِهِ مِنْهَا وَمَا لَهُ فِي الْآخِرَةِ مِنْ نَصِيبٍ . الشورى .

“যদি কেউ পরকালীন ফসল চায় তার ফসল আমরা বৃদ্ধি করে দেই। আর যে লোক দুনিয়ায়ই তার ফসল পেতে চায় তাকে আমরা দুনিয়া হতেই দান করি। কিন্তু পরকালে তার কোন অংশই থাকবে না।” (সূরা আস-শুরা)

দুনিয়া সন্ধানী এবং আখিরাত সন্ধানীর মধ্যে একটি মৌলিক পার্থক্যের কথা হাদীসে বলা হয়েছে। তা হচ্ছে দুনিয়া সন্ধানী কখনো তৃপ্তি বা মানসিক প্রশান্তি পায় না পক্ষান্তরে আখিরাত সন্ধানী সর্বাবস্থায় তৃপ্তি এবং মানসিক প্রশান্তির সাথে থাকে।

### শিক্ষাবলী

- (১) দুনিয়া নশ্বর এবং আখিরাত অবিনশ্বর।
- (২) দুনিয়ার মোহে আবিষ্ট হওয়া বুদ্ধিমানের কাজ নয়।
- (৩) নির্দিষ্ট রিজিক আল্লাহ অবশ্যই প্রদান করবেন, কিন্তু মানুষের চেষ্টায় তার পরিমাণ বাড়ানো যায়না।
- (৪) মানুষ যখন দুনিয়ার দিকে ঝুকে পড়ে তখন আল্লাহ তার স্বস্তি ও মানসিক প্রশান্তি ছিনিয়ে নেন।
- (৫) পক্ষান্তরে যারা পরকালকে অগ্রাধিকার দিবে আল্লাহ তাদেরকে মানসিক প্রশান্তি দান করবেন। এবং সেই সাথে নির্দিষ্ট রিজিক ও তারা লাভ করবে।
- (৬) পরকালের মুক্তি ও সাফল্য নির্ভর করে দুনিয়ার কর্মতৎপরতার উপর।

عَنْ أَبِي هُرَيْرَةَ رَضِيَ اللَّهُ عَنْهُ قَالَ : قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : مَنْ  
يَأْخُذْ عَنِّي هَؤُلَاءِ الْكَلِمَاتِ فَيَعْمَلْ بِهِنَّ أَوْ يَعْلَمْ مَنْ يَعْمَلُ بِهِنَّ قُلْتُ : أَوْ  
يَأْخُذْ بِرَسُولِ اللَّهِ ، فَأَخَذَ بِيَدِي فَقَدْ خَسَا ، فَقَالَ : اتَّقِ اللَّهَ تَكُنْ عَبْدَ النَّاسِ  
وَأَوْضِ بِمَا قَسَمَ اللَّهُ لَكَ تَكُنْ آغْنَى النَّاسِ ، وَاحْسِنِ إِلَى جَارِكَ تَكُنْ  
مُؤْمِنًا ، وَاجِبٌ لِلنَّاسِ مَا تُحِبُّ لِنَفْسِكَ تَكُنْ مُسْلِمًا وَلَا تَكْثِرِ الضَّحْكَ  
فَإِنَّ كَثْرَةَ الضَّحْكِ تُمَيِّتُ الْقَلْبَ .  
مُسْكُوَةٌ .

"হযরত আবু হুরাইরা (রা) কর্তৃক বর্ণিত— একদিন রাসূলুল্লাহ (সা) ইরশাদ করেনঃ আমার এ কথা কে গ্রহণ করবে ও সেভাবে আমল করবে এবং যারা আমল করতে চায় তাদেরকে শিক্ষা দিবে? আমি আরজ করলাম, ইয়া রাসূলুল্লাহ! আমি এজন্যে প্রস্তুত আছি, আমাকে বলুন।

রাসূল (সা) আমার হাত ধরলেন এবং এই পাঁচটি কথা বললেনঃ

(১) আল্লাহর নাফরমানী হতে বিরত থাকো সবচেয়ে বড়ো আবেদন হতে পারবে।

(২) আল্লাহ তা'আলা তোমার জন্য যতোটা রিজিক নির্ধারণ করেছেন তাতে তৃপ্ত ও সন্তুষ্ট থাকো, সব থেকে বেশী অভাবমুক্ত হতে পারবে।

(৩) নিজ প্রতিবেশীর সঙ্গে সদ্ভাবহার করো, মু'মিন হতে পারবে।

(৪) নিজের জন্য যা পছন্দ করো অন্যের জন্যও তাই পছন্দ করো, তাহলে তুমি মুসলিম হবে।

(৫) বেশী হেসো না; বেশী হাসলে মানুষের হৃদয় মরে যায়।" (মিশকাত, যাদেরাহ)

### শকার্ধ

فَيَمْلِكُ الْكَلِمَاتُ -এ সমস্ত। هُوَ -কে গ্রহণ করবে? مَنْ يَأْخُذُ -অতঃপর আমল করবে। أَوْ -অথবা। يُعَلِّمُ -শিক্ষা দিবে। فُلْتُ -আমি বললাম। أَنَا -আমি। فَأَخَذَ بِيَدِي -অতঃপর আমার হাত ধরলেন। فَتَدُّ -এবং বর্ণনা করলেন। اتَّقِ اللَّهَ -আল্লাহকে ভয় করো। خَمْسًا -পাঁচটি বিষয়ে। أَحْسِنَ -তুমি হতে পারবে। أَعْبَدَ النَّاسَ -মানুষের মধ্যে (বেশী) অভাবমুক্ত। أَحَبُّ النَّاسِ -মানুষের জন্য -সহাবহার করো। جَارِكَ -তোমার প্রতিবেশী। تُحِبُّ -তুমি পছন্দ করো। مَا -যা। بِنَفْسِكَ -তোমার নিজের পছন্দ করো। تَكْرُرُ -বেশী। الْفُسْطُ -হাসা। ثَمِيَّتُ الْقَلْبِ -হৃদয়ের মৃত্যু হবে।

### বর্ণনাকারীর (রাবীর) পরিচয়

আবু হুরাইরা (রা) মুসলিম জাহানে অতি পরিচিত একটি নাম। হিজরী সপ্তম সনে মুহাররম মাসে তিনি মদীনায়ে আপমন করেন। ইতোপূর্বে বিখ্যাত সাহাবী তুকাইল ইবনে আমর আদ দাওসীর হাতে তিনি ইসলাম গ্রহণ করেন। তাঁর ইসলাম পূর্ব নাম ছিলো আবদে শাম্স বা অরুশ দাশ। রাসূলে আকরাম (সা) সে নাম পরিবর্তন করে আবদুর রহমান রাখেন।

আবু হুরাইরা তাঁর লকব বা উপাধি। একদিন নবী করীম (সা) দেখেন- তাঁর জামার আস্তিনের মধ্যে একটি বিড়ালের বাচ্চা খেলা করছে। একবার আস্তিনের ভিতর প্রবেশ করে আবার বাইরে বের হয়। এ ঘটনা দেখে তিনি কৌতুক করে ডাকলেন: 'হে আবু হুরাইরা'। (অর্থাৎ যে ছোট বিড়ালের পিতা!) ব্যাস সেদিন থেকেই তিনি আবু হুরাইরা নামে পরিচিত হলেন। মাত্র সাড়ে তিন বৎসর তিনি নবী করীম (সা)এর সাহচর্য পান, তবু হযরত আবু হুরাইরা (রা) কর্তৃক সর্বাধিক হাদীস বর্ণিত হয়েছে।

রাসূলুয়্যাহু (সা) থেকে এতজ বেশী হাদীস বর্ণনার ব্যাপারটি অনেকে সন্দেহের

চোখে দেখতো। তাই তিনি বলেনঃ ‘তোমরা হয়তো মনে করেছো আমি খুব বেশী হাদীস বর্ণনা করি। আমি ছিলাম রিক্ত হস্ত-দরিদ্র। পেটে পাথর বেঁধে সর্বদা রাসূলে আকরাম (সা) এর সাহচর্যে কাটাডাম। আর মুহাজিরগণ ব্যস্ত থাকতো ব্যবসা বানিজ্য নিয়ে এবং আনসারগণ ব্যস্ত থাকতো ধন সম্পদ রক্ষনা বৈশ্বকেনে।’

চরম দারিদ্র ও দূরাবস্থার মধ্যে আবু হুরাইরাকে বেশী দিন থাকতে হয়নি। নবী করীম (সা) এর ওফাতের পর চতুর্দিকে হতে প্রবাহমান গতিতে গণিমতের মাল মুসলমানদের হাতে আসতে থাকে। তখন আবু হুরাইরা (রা) বাড়ি, ভূ-সম্পত্তি, স্ত্রী ও সম্ভান সবকিছুরই অধিকারী হন।

হযরত আবু হুরাইরা ছিলেন জ্ঞান সমুদ্রের অশেষ জল। আব্বাহুর রাসূল (সা) নিজেই বলেছেনঃ ‘আবুহুরাইরা জ্ঞানের আধার।’ (বুখারী)। জ্ঞানের এ চলন্ত বিশ্বকোষ হিজরী ৫৯ সনে ৭৮ বৎসর বয়সে ইহধাম ত্যাগ করে মহান শ্রষ্টার সান্নিধ্যে চলে যান। তাঁর বর্ণিত হাদীসের সংখ্যা মোট ৫৩৭৪ টি।

### গুরুত্ব

উল্লেখিত হাদীসটিতে মাত্র পাঁচটি কথা বলা হয়েছে। কথা কয়টি হয়তোবা ছোট কিন্তু তার তাৎপর্য অনেক। এক কথায় বলতে গেলে বলতে হয়, ইসলামের পূর্ণাঙ্গ চিত্র অঙ্কিত হয়েছে ছোট এ হাদীসটিতে। এ হাদীসটি জীবনে বাস্তবায়ন করাই হচ্ছে ইসলামকে বাস্তবায়ন করা বা ইসলামের উপর প্রতিষ্ঠিত থাকা। সবী করীম (সা) যে সমস্ত হাদীস সংক্ষিপ্ত ভাষায় পূর্ণ ইসলামের চিত্র অঙ্কিত করেছেন এ হাদীসটি তার অন্যতম। যদি কেউ মনে করে যে, সে একমাত্র এ হাদীসের উপরই আমল করবে তবে তার নাজাতের জন্য এ হাদীসটিই যথেষ্ট। বস্তুত এ হাদীসের গুরুত্ব লিখে শেষ করা যাবে না।

### বর্ণনার সময়কাল

সম্ভবত এ হাদীসটিকে রাসূলুল্লাহ (সা) ৮ম হতে ১০ম হিজরীর মধ্যে কোন এক সময় বর্ণনা করে থাকবেন। কেননা আমরা সবাই জানি হযরত আবু হুরাইরা (রা) সপ্তম হিজরীর শেষ দিকে ইসলাম গ্রহণ করেন। তাই এর আগে তো এ হাদীসটি বর্ণনা করার প্রশ্নই ওঠেনা। তাছাড়া গভীরভাবে হাদীসমূহ অধ্যয়ন করলে দেখা যায় মক্কা বিজয়ের পর হতে ওফাতের পূর্ব পর্যন্ত এ সময়ের মধ্যেই

ইসলামের ব্যাখ্যায় সংক্ষিপ্ত ও গভীর তাৎপর্যপূর্ণ এবং মর্মস্পর্শী হাদীসমূহ নবী করীম (সা) বেশী বর্ণনা করেছেন। অত্র হাদীসটি তার মধ্যে একটি। আর এটি তো ঐতিহাসিক সত্য যে, হিজরী ৮ম সনে মক্কা বিজয় হয়েছে।

## ব্যাখ্যা

(১) আবেদ (عَابِدٌ) শব্দটি عِبَادَةٌ - (ইবাদতুন) শব্দ হতে গঠিত হয়েছে।

عَابِدٌ - কর্তৃকারক। عِبَادَةٌ - শব্দের অর্থ হচ্ছে গোলামী, দাসত্ব, আনুগত্য, বশেগী, আরাধনা ইত্যাদি। আর عَابِدٌ - শব্দের অর্থ হচ্ছে, গোলাম, দাস, আনুগত্য, আরাধনাকারী, ইবাদাতকারী।

কুরআন ও সুন্নাহ বলা হয়েছে- আল্লাহু প্রদত্ত সীমার মধ্যে যারা অবস্থান করে তারা মু'মিন এবং আল্লাহু প্রদত্ত সীমা যারা লংঘন করে তারা কাফের। আল্লাহুর নাফরমানী অর্থ আল্লাহু ও তাঁর রাসূল প্রদত্ত সীমা অতিক্রম করে চলা। আল্লাহুর ইবাদাত বা আনুগত্যের দু'টি দিক আছে একটি ইতিবাচক অপরটি নেতিবাচক।

ইতিবাচক (Positive) দিকগুলো হচ্ছে আল্লাহুর আদেশসমূহ যা আল কুরআন ও রাসূল (সা) এর সুন্নাহ বিদ্যমান। তার প্রতিটি আদেশকে বিনা বিধায় মানা এবং সে অনুযায়ী জীবন যাপন করার নামই হচ্ছে ইবাদত বা আনুগত্য। এই কথাগুলোই আল্লাহুর ভাষায় বলা হয়েছে এভাবে।

وَمَنْ يُسَلِّمْ وَجْهَهُ إِلَى اللَّهِ وَهُوَ مُحْسِنٌ فَقَدِ اسْتَمْسَكَ بِالْعُرْوَةِ الْوُثْقَىٰ  
وَإِلَى اللَّهِ عَاقِبَةُ الْأُمُورِ

যে ব্যক্তি নিজেকে আল্লাহুর নিকট সোপর্দ করে দেয় এবং কার্যত সংকার্যশীল হয়, সে বাস্তবিকই ভরসার যোগ্য একটি আশ্রয় শক্ত করে ধরলো। আর সব

(১) ইবাদাত সর্বোত্তম বিতারিত জানতে হলে পড়ুন- সাইয়েদ আবুল আশা মওদুদী (র) এর 'ইসলামের ৪টি মৌলিক পরিভাষা' ও 'নামায রোযার যাবিকত' এর ইবাদাত অংশ।

ব্যাপারেই চূড়ান্ত ফয়সালা আল্লাহর হাতে নিবদ্ধ। (সূরা লোকমানঃ২২)

আর নেতিবাচক (Negative) দিকগুলো হচ্ছে আল্লাহর নিষেধসমূহ। যা আল কুরআন ও রাসূল (সা) এর সুন্নাহ বিদ্যমান।

প্রতিটি ইতিবাচক দিক বা আদেশসমূহ মানা যেমন অবশ্য কর্তব্য (ফরজ)। ঠিক তেমনিভাবে প্রতিটি নেতিবাচক দিক বা নিষেধসমূহ মানাও অবশ্য কর্তব্য (ফরজ)। নিষেধসমূহকে ইসলামের সীমা বলা হয়েছে। আল্লাহর একটি আদেশ মানলে যতোটুকু সওয়াবের অধিকারী হওয়া যায় ঠিক তেমনি একটি নিষেধ হ'তে বিরত থাকার বিনিময়েও ততোটুকু সওয়াব পাওয়া যাবে। আর যদি নিষেধসমূহ না মানা হয় তবে ইতিবাচক (Positive) সমস্ত কাজই নিষ্ফল হয়ে যাবে। মহান আল্লাহ বলেনঃ

وَمَنْ يُكَفِّرْ بِالْإِيمَانِ فَقَدْ حَبِطَ عَمَلُهُ وَهُوَ فِي الْآخِرَةِ مِنَ الْخُسْرَيْنِ

যে ব্যক্তিই ঈমানের নীতি অনুযায়ী চলতে অস্বীকার করবে তার জীবনের সমস্ত (ভালো) কাজ নিষ্ফল হয়ে যাবে এবং পরকালে সে দেউলিয়াদের অন্তর্ভুক্ত হবে। (সূরা আল মায়দাঃ ৫)

কাজেই দেখা যাচ্ছে- আল্লাহর নাফরমানী থেকে বাঁচা বা ইসলামের সীমা লংঘন না করা, এর চেয়ে বড়ো কোন ইবাদাতই হতে পারে না। কেননা যদি আল্লাহর নাফরমানী না করে সীমার ভিতরে অবস্থান করা যায় তবে আদেশসমূহ মানাও তার জন্য খুব সহজ হয়ে যায়। এ কথাগুলোই নবী করীম (সা) সংক্ষিপ্ত অথচ তাৎপর্যপূর্ণ একটি বাক্যে সুন্দরভাবে ব্যক্ত করেছেন।

(২) পৃথিবীতে যতো প্রাণী আছে তার প্রত্যেকের রিজিকের দায়িত্ব আল্লাহর। আবার প্রত্যেকের রিজিকের নিয়ন্ত্রকও হচ্ছেন আল্লাহ। মহান আল্লাহ বলেনঃ

وَكَايِّنَ مِنْ دَابَّةٍ لَّا تَحْمِلُ رِزْقَهَا ۗ اللَّهُ يَرْزُقُهَا إِيَّاهُمْ ۚ وَهُوَ السَّمِيعُ الْعَلِيمُ



কতো জন্তু জানোয়ারই এমন আছে যারা নিজেদের রিজিক নিজেরা বহন করেন। আল্লাহুই তাদের রিজিক দান করেন। আর তোমাদের রিজিক দাতাও তিনিই। তিনি সব কিছু জ্ঞান এবং দেখেন। (সূরা আল আনকাবুতঃ ৬০)

অন্যত্র বলা হয়েছে-

وَالْأَرْضُ يَدُّ دَنَهَا وَالْقَيْنَا فِيهَا بَوَاسِي وَانْبَتْنَا فِيهَا مِنْ كُلِّ شَيْءٍ مَوْزُونًا  
وَجَعَلْنَا لَكُمْ فِيهَا مَعَايِشَ وَمَنْ نُسَمِّهِ لَهُ يَرْزُقْكُمْ وَإِنْ مِنْ شَيْءٍ  
الْأَعْيُنُ لَا حِزَابُ لَهُ وَمَا نُنَزِّلُ إِلَّا بِعَدْرِ مَعْلُومٍ •

আমরা জমিনকে বিস্তৃত করেছি, তাতে পাহাড় গেড়ে দিয়েছি এবং সব জাতের উদ্ভিদ যথাযথভাবে মাপা ঝোপা পরিমাণে সৃষ্টি করেছি। আর সেখানে জীবিকার উপকরণ সংগ্রহ করে দিয়েছি তোমাদের জন্য এবং সেই সব মাংসলুকের জন্যও। যাদের রিজিকদাতা তোমরা নও। কোন জিনিসই এমন নেই, যার সম্পদের স্থূল আমাদের নিকট বর্তমান নেই। (সূরা আল হিজরঃ ১৯-২১)

হাদীসে বলা হয়েছে-

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَا أَيُّهَا النَّاسُ اتَّقُوا اللَّهَ وَاجْتَنُوا  
الطَّلَبَ فَإِنَّ تَفْسَاكُمُ تَمُوتُ حَتَّى تَسْتَوِيَ رِزْقُهَا وَإِنْ ابْطَأَ عَنْهَا، فَاتَّقُوا  
اللَّهَ وَاجْتَنُوا فِي الطَّلَبِ خَذًى وَمَا حُلَّ وَدَعُوا مَا حُرِّمَ •

রাসূলুল্লাহ (সা) ইরশাদ করেছেনঃ হে লোক সকল! তোমরা আল্লাহ তা'আলাকে ভয় করো ও তার নাফরমানি থেকে বিরত থাকো, জীবিকা সন্ধানে অবৈধ পন্থা অবলম্বন করোনা। কোন ব্যক্তি তার জন্য নির্ধারিত সমস্ত রিজিক না পাওয়া পর্যন্ত মরবে না। যদিও তা পেতে কিছুটা বিলম্ব হয়। সুদ্বারাং আল্লাহকে ভয় করো এবং রিজিক সন্ধানে উত্তম পন্থা অবলম্বন করো। হালালভাবে জীবিকা

অর্জন করো এবং হারামের ধারে কাছেও যেও না। (ইবনে মাজা, যাদেদরাহ)

কুরআন সুন্নাহর আলোকে রিজিক বা জীবিকা বলা হয় ঐ বস্তুকে যা আল্লাহ তার সৃষ্টির জন্য নির্দিষ্ট করে রেখেছেন, সৃষ্টিকূল তা স্বীয় চেষ্টার মাধ্যমে সংগ্রহ করে নেয়। অন্য কথায় বৈধ উপায়ে পরিশ্রমের মাধ্যমে বান্ধাই যা উপার্জন করে তাই রিজিক। অবৈধ কোন পন্থায় উপার্জিত সম্পদ রিজিকের অন্তর্ভুক্ত নয়। কেননা তার সাথে কারো না কারো হক জড়িত থাকে। কাজেই অপরের হক নষ্ট করে উপার্জিত সম্পদ রিজিক হতে পারে না।

আহাড়া আল্লাহ যার জন্য যতোটুকু রিজিক নির্দিষ্ট করে রেখেছেন ততোটুকু সে অবশ্যই পাবে এবং ভোগ করতে পারবে। তার চেয়ে সামান্য পরিমাণও বেশী ভোগ করার বা পাবার কোন ক্ষমতা তার নেই। যেমন কোন ব্যক্তি অগাধ ধন সম্পদের মালিক কিন্তু সে ব্লাড প্রেশার বা ডায়াবেটিকের মতো জটিল ব্যাধির শিকার। দেখা যায় এতো সম্পদের অধিকারী হয়েও তার নিজের জন্য যে খাদ্য বরাদ্দ তা খুবই সামান্য বা নগণ্য। এখানে তার মন চাইলেও বরাদ্দ বাড়ানোর ক্ষমতা তার নেই। অথবা একজন ধনকুবের অপারেশনকৃত রোগী। ডাক্তার বললো, চিকন চালের মত হচ্ছে তার খাদ্য। সে কোন অবস্থাতেই অন্য খাবার খেতে পারে না। এখানেও আমরা দেখতে পাই আল্লাহ কর্তৃক নির্ধারিত রিজিকের বেশী সে লাভ করতে পারছে না।

তাই সর্বদা সবকিছু বিসর্জন দিয়ে আল্লাহ কর্তৃক নির্দিষ্ট সীমা লংঘন করে রিজিক লাভের চেষ্টা করা বাতুলতা মাত্র। আল্লাহর উপর অওয়াকুল করে তার নির্দিষ্ট সীমার মধ্যে থেকে রিজিক লাভের চেষ্টা করাই বুদ্ধিমানের কাজ। এখন যে ব্যক্তি এ সিদ্ধান্তের উপর অটল থাকবে তার অভাব অনটন ও মানসিক অস্থিরতা থাকতে পারে না।

(৩) কুরআন ও সুন্নাহ প্রতিবেশীর হক সম্বন্ধে অত্যন্ত গুরুত্ব দেয়া হয়েছে। প্রতিবেশী বলা হয়, যে কাছাকাছি বা পাশাপাশি বসবাস করে কিন্তু নিকটাত্মীয় নয়। সে মুসলিম না হয়ে অমুসলিমও হতে পারে তাতে কিছু যায় আসে না। কুরআনে অথবা হাদীসে প্রতিবেশীর মুসলিম হওয়ার ব্যাপারে কোন শর্তারোপ করা হয়নি। রক্ততে গেলে মুদ্রামেলাতী জেনেদণী প্রথম প্রতিবেশীকে দিয়েই শুরু হয়। ইসলাম চার গোটা সমাজ ভ্রাতৃত্ব বন্ধনে আবদ্ধ হোক। তাই প্রতিবেশীর সাথে সুসম্পর্কের ব্যাপারে এতো বেশী গুরুত্ব দেয়া হয়েছে। কেননা গোটা

সমাজে আমরা প্রত্যেকেই কারো না কারো প্রতিবেশী হিসাবেই অবস্থান করি। আর যদি সবাই ইসলামী নীতিতে ডাढ़ত্ব ও ঐক্য গড়ে তুলতে পারি তবে সম্পূর্ণ সমাজই একটা বৃহত্তর পরিবারের অন্তর্ভুক্ত হবে। এর বিপরীতধর্মী কাজ করা কুফরীর শামিল। অন্য কথায় সমাজে শান্তি-শৃংখলা বিনষ্টকারী মুমিন নয়। নবী করীম (সা) বলেনঃ

وَاللّٰهُ لَا يُؤْمِنُ وَاللّٰهُ لَا يُؤْمِنُ وَاللّٰهُ لَا يُؤْمِنُ قِيلَ مَنْ يَا رَسُولَ  
اللّٰهِ قَالَ الَّذِي لَا يَأْمَنُ جَارَهُ بَوَائِقَهُ -

আল্লাহর কসম! সে মু'মিন নয়। আল্লাহর কসম! সে মু'মিন নয়। আল্লাহর কসম! সে মু'মিন নয়। জিজ্ঞেস করা হলোঃ ইয়া রাসূলুল্লাহ! কে সে? হজুর বললেন, সেই ব্যক্তি যার প্রতিবেশী তার অনিষ্ট হ'তে নিরাপদ নয়। (বুখারী, মুসলিম)

আল্লাহর রাসূল (সা) “সে ব্যক্তি মুমিন নয়” শুধু একথা বলেই শেষ করেননি। অপর এক-হাদীসে বলা হয়েছে ঐ ব্যক্তি জান্নাতেও প্রবেশ করতে পারবে না।

لَا يَدْخُلُ الْجَنَّةَ مَنْ لَا يَأْمَنُ جَارَهُ بَوَائِقَهُ -

যার প্রতিবেশী তার থেকে নিরাপদ নয় সে জান্নাতে প্রবেশ করতে পারবে না। (মুসলিম)

প্রতিবেশীর সাথে শুধু ভালো আচরণ করাই যথেষ্ট নয়। সুখে-দুঃখে তার ষোভাখবর নেয়াও ইমানের অন্তর্ভুক্ত। হযরত আবদুল্লাহ ইবনে আব্বাস (রা) বলেনঃ আমি রাসূল (সা) কে একথা বলতে শুনেছি যে-

لَيْسَ الْمُؤْمِنُ الَّذِي يَشْمَعُ وَجَارَهُ جَانِعٌ إِلَى جَنْبِهِ -

যে ব্যক্তি তৃষ্টি সহকারে পেটপুরে খায় অথচ পাশেই তার প্রতিবেশী ক্ষুধার্ত থাকে সে ঈমানদার নয়। (মিশকাত)

অন্য এক হাদীসে আছে-

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا طَبَخْتَ مَرَقَةً فَاكْثِرْ مَاءَهَا  
وَتَعَا هَدَجِيرَانِكَ -

আল্লাহর রাসূল (সা) বলেছেনঃ যখন তুমি তরকারী রান্না করবে তখন তাতে কিছু পানি বেশী দিও, যেন তুমি তোমার প্রতিবেশীর খবর নিতে পারো। (মুসলিম)

(৪) অন্য হাদীসে আছে-

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ وَالَّذِي نَفْسِي بِيَدِهِ لَا يُؤْمِنُ  
عَبْدٌ حَقَّ يَتَعَبُ لِأَخِيهِ مَا يَحِبُّ لِنَفْسِهِ -

রাসূলুল্লাহ (সা) বলেছেনঃ যে মহান সত্ত্বার হাতে আমার প্রাণ, আমি তার কসম করে বলছি- কোন ব্যক্তিই প্রকৃত ঈমানদার হতে পারবে না যতোকণ না সে নিজের জন্য যা পছন্দ করে তা তার অপর ভাইয়ের জন্য পছন্দ করবে। (বুখারী, মুসলিম)

অর্থাৎ প্রতিটি ব্যক্তি যেমন চায় তার জান-মাল, ইজ্জৎ-আব্রু অপরের অনিষ্ট হতে নিরাপদ থাকুক। সমাজে তার প্রভাব-প্রতিপত্তি, মর্যাদা প্রতিষ্ঠিত হোক। সবাই তার সাথে সততাপূর্ণ ব্যবহার করুক। তার সাথে যেন কেউ খোকারাজী না করে ইত্যাদি। ঠিক তেমনিভাবে অপর ভাইয়ের ব্যাপারেও যেন তার তরফ হতে ঐ সমস্ত বস্তুর গ্যারান্টি থাকে এটিই ইসলামের দাবী। কেননা নবী করীম (সা) বলেন

بِحَسْبِ إِمْرٍ مِنَ الشَّرِّ أَنْ يَحْقِرَ أَخَاهُ الْمُسْلِمَ -

কোন ব্যক্তির জন্য হবার জন্য এতোটুকুই যথেষ্ট যে, সে তার মুসলিম ভাইকে তুচ্ছজ্ঞান করে। (মুসলিম)

مَلْعُونٌ مَنْ ضَارَّ مُؤْمِنًا أَوْ مَكْرِبَهُ -

যে ব্যক্তি কোন মু'মিনের ক্ষতি সাধন করে অথবা কারো সঙ্গে ধোকাবাজি করে, সে অভিশপ্ত। (তিরমিযি)

কোন মুসলমানকে যদি কোন ভাবে কষ্ট দেয়া হয় অথবা জ্বর ক্ষতি সাধন করা হয় তবে ঐ মুসলমানের পক্ষ হয়ে স্বয়ং আল্লাহ বাদী হয়ে যান।

مَنْ ضَارَّ النَّاسَ بِهِ وَمِنْ شَأْنِ اللَّهِ بِهِ -

যে ব্যক্তি কোন মুসলমানের ক্ষতি সাধন করে আল্লাহ তার ক্ষতি করবেন। আর যে ব্যক্তি কোন মুসলমানকে কষ্ট দিলো আল্লাহ তাকে কষ্ট দিবেন। (তিরমিযি, ইবনে মাজা)

তাই নবী করীম (সা) বলেছেনঃ

الْإِسْلَامُ مَنْ سَلِمَ الْمُسْلِمُونَ مِنْ لِسَانِهِ وَيَدِهِ -

(প্রকৃত) মুসলিম হচ্ছে সেই ব্যক্তি, যার মুখ ও হাত থেকে সমস্ত মুসলমান নিরাপদ। (বুখারী, মুসলিম)

মুসলমানের গোটা সমাজকে যদি দেহ হিসেবে কল্পনা করা হয় তবে ভ্রাতৃত্ববোধ ও ঐক্য হচ্ছে তার প্রাণ। এ জন্যেই পরস্পর সহানুভূতি, সহমর্মিতা ভ্রাতৃত্ব প্রতিষ্ঠার জন্য ইসলামে এতো জোর দেয়া হয়েছে।

(৫) প্রাণীকূলের মধ্যে প্রফুল্ল অবস্থায় একমাত্র মানুষই হাসির মাধ্যমে নিজের উৎফুল্লতাকে বাইরে প্রকাশ করে থাকে। এটি মানুষের একটি বৈশিষ্ট্য। হাসি যদিও একটি ভালো অভ্যাস তবু তার একটি বৈধ সীমা আছে। সর্বদা খিলখিল করে হাসা অথবা অটহাসি দেয়া উচিত নয়। নবী করীম (সা) সর্বদা মুচকি হাসি হাসতেন।

অত্র হাদীসে হাসি বলতে সর্বদা আমোদ প্রমোদে লিপ্ত থাকা বুঝানো হয়েছে। কেননা যে ব্যক্তি সর্বদা আমোদে মশগুল থাকে তার অন্তর কঠিন হয়ে যায়, ফলে সে আখিরাতের কথা ভুলে যায়। যেহেতু মানুষকে এক অনিশ্চিত যাত্রা পথের পথিক বানানো হয়েছে। ফেলা হয়েছে কঠিন পরীক্ষায়। সে জানে না পরীক্ষার ফলাফল তার অনুকূলে না প্রতিকূলে যাবে। তাই সর্বদা পরীক্ষায় উত্তীর্ণ হওয়ার জন্য প্রচেষ্টা অব্যাহত রাখতে হবে এবং সর্বশক্তিমান মেহেরবান আল্লাহর

রহমতের জন্য দু'আ করতে হবে। এ দায়িত্বানুভূতি যার মধ্যে প্রবল, তাকে কখনো বেশী উৎফুল্ল দেখা যাবে না। আল্লাহ্‌ও পরামর্শ দিচ্ছেন- “তাদের কম হাসা এবং বেশী কাঁদা উচিত”। পরকালে মুক্তি প্রাপ্তদের যে বৈশিষ্ট্যসমূহ বর্ণনা করা হয়েছে তার মধ্যে নয় ও বিনয়ী হওয়া এবং নির্জনে চোখের পানি ফেলাও অন্যতম একটি বৈশিষ্ট্য বলে উল্লেখ করা হয়েছে।

### তথ্য সূত্র

- ১। তাকহীমুল কুরআন- সাইয়েদ আব্দুল আলী মওদুদী (রহ)
- ২। হাদীস শরীফ- মাওঃ আবদুর রহীম (রহ)
- ৩। যাদেরাহ- মাওঃ জলীল আহসান নদভী
- ৪। সহীহ আল বুখারী
- ৫। সহীহ আল মুসলিম
- ৬। মিশকাত শরীফ

## পবিত্রতা, সদকা ও সবার

عَنْ أَبِي مَالِكٍ الْأَشْعَرِيِّ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
الطُّهُورُ شَطْرُ الْإِيمَانِ وَالْحَمْدُ لِلَّهِ تَمْلَأُ الْمِيزَانَ وَسُبْحَانَ اللَّهِ وَالْحَمْدُ لِلَّهِ  
تَمْلَأُ أَوْتَانِ مَا بَيْنَ السَّمَوَاتِ وَالْأَرْضِ وَالصَّلَاةُ نُورٌ وَالصَّدَقَةُ  
بِرْهَانٌ وَالصَّبْرُ ضِيَاءٌ وَالْقُرْآنُ حُجَّةٌ لَكَ أَوْ عَلَيْكَ كُلُّ النَّاسِ يَفْعُو بِأَقْبَاعِهِ  
نَفْسَهُ فَبِعَقِبَتِهَا أَوْ مَوْبِقِهَا -  
- سُكُوءٌ بِجِوَالِهِ مَسَامٌ -

‘হযরত আবু মালেক আশযারী (রা)হ’তে বর্ণিত-নবী করীম (সা) বলেছেনঃ তাহারাতে (পবিত্রতা) হচ্ছে ইমানের অর্ধেক। আলহামদু লিল্লাহ (সমস্ত প্রশংসা আল্লাহর) মানুষের আমলের পাল্লা পূর্ণ করে এবং সুবহানাল্লাহ ওয়াল হামদু লিল্লাহ (আল্লাহ পবিত্রতম সত্তা এবং সমস্ত প্রশংসা একমাত্র তাঁর) আসমান এবং জমিনের মধ্যবর্তী যা আছে তা পরিপূর্ণ করে দেয়। নামায আলোক স্বরূপ। দান-সাদকা হচ্ছে (দাতার ইমানের) দলিল। সবার হচ্ছে জ্যোতি। কুরআন হচ্ছে তোমার পক্ষে অথবা বিপক্ষে প্রমাণ। প্রত্যেক মানুষ ভোরে উঠে আপন আত্মার সাথে দ্রুত-বিক্রয় করে। আত্মা হয় তাকে মুক্ত করে, না হয় তাকে ধ্বংস করে।’ (মুসলিম, মিশকাত)

## শব্দার্থ

পূর্ণ করে। - تَمْلَأُ - অর্ধেক অংশ। - شَطْرُ - পবিত্রতা। - الطُّهُورُ  
জমিন, - الْأَرْضُ - আসমানসমূহ। - سَمَوَاتُ - দুয়ের মধ্যে। - بَيْنَ - নিষ্টি। - مِيزَانُ  
ব্রহ্মান-সদকা। - الدَّانُ - আলো। - نُورُ - নামায। - الصَّلَاةُ - পৃথিবী।  
- দলিল, প্রমাণ। - حُجَّةٌ - জ্যোতি। - ضِيَاءٌ - ধৈর্য। - الصَّبْرُ - তোমার।  
- অতঃপর। - فَبِأَقْبَاعِهِ - প্রত্যেক মানুষ। - كُلُّ النَّاسِ -

তার-মিত্তে : করে। **نَفْسًا** - নিজের আত্মার সাথে। **مُعْتَقًا** - তার মুক্তিদানকারী। **أَوْ** - অথবা। **مُؤْتَقًا** - তার ধ্বংসকারী।

### হাদীসটির গুরুত্ব

পূর্ববর্তী হাদীসে যেমন বলা হয়েছে- “সমস্ত কাজের বিনিময় তার নিয়ত অনুযায়ী হয়ে থাকে” তেমনিভাবে নিয়তের সাথে সাথে দেহ ও মনের পবিত্রতা ইমান এবং আমলে সালেহুর প্রধান ও অন্যতম শর্ত। তাছাড়া জিকির, সালাত, সাদাকাত, সবর ও কুরআনের ভূমিকা কতটুকু তা সুন্দরভাবে অত্র হাদীসে বিধৃত হয়েছে। সত্যি কথা বলতে কি, ইবাদাতের বিভিন্ন গুরুত্বপূর্ণ দিক প্রসঙ্গে এ হাদীসে যেভাবে একাধিকমে বর্ণিত হয়েছে তা অন্যান্য হাদীসে পরিস্ফুট হয় না। এমনকি মিশকাত শরীফের সংকলক তিনিও উক্ত হাদীসটিকে “কিতাবুতাহারাত” অধ্যায়ের সর্ব প্রথম স্থান দিয়েছেন। সামান্য শাসনিক পার্থক্য সহকারে বুখারী, হুমাইদী ও দারেমী স্ব-স্ব গ্রন্থে এ হাদীসটি বর্ণনা করেছেন।

### ব্যাখ্যা

-- শব্দের অর্থ হচ্ছে পবিত্রতা-পরিচ্ছন্নতা। ইসলামে দেহ ও মনের পবিত্রতাকে একত্রে তাহারাতে বলা হয়। বিভিন্ন ক্ষেত্রে পবিত্রতা অর্জনের জন্য বিভিন্ন পদ্ধতি নির্ধারণ করা হয়েছে। যেমন দৈহিক পবিত্রতা অর্জনের জন্য গোসল এবং আত্মিক পবিত্রতা অর্জনের জন্য জিকির, সবর, সালাত ইত্যাদি। আত্মিক পবিত্রতাকে ইহসান এবং তাযকীয়ায়ে নফস বলা হয়। তাহারাতে বা পবিত্রতা প্রধানত দু'প্রকার। (১) তাহারাতে যাহেরী (২) তাহারাতে বাতেনী।

### তাহারাতে যাহেরী

শরীর, পোশাক, স্থান ইত্যাদি বিভিন্ন প্রকার নাপাকী হতে পবিত্র রাখা।

(১) দারসে হাদীস ১ম খণ্ড দ্রষ্টব্য।



তাহারাতে কাতেনীঃ ইসলামের পরিপন্থী আকীদাহ্ বিশ্বাস ও খারাপ চিন্তাধারা জ্বতে আত্মাকে পবিত্র রাশা। যেমন- (ক) জীবনের সর্বক্ষেত্রে আল্লাহকে ইলাহ মানা। অর্থাৎ আকাশমন্ডল ও পৃথিবীর মধ্যে যা কিছু আছে সবার সৃষ্টি কর্তা হচ্ছেন একমাত্র আল্লাহ। তিনিই প্রতিপালক, মাবুদ, বিধানদাতা, জীবন-মৃত্যু, সুখ-দুঃখ, ভালো-মন্দের মালিক। রিজিকের প্রশস্ততা ও সংকীর্ণতা দানকারী। মহা-পরাক্রমশালী রাজাধিরাজ। প্রাকৃতিক ও পরিধিত আর্বভৌম সত্তা।

وَهُوَ الَّذِي فِي السَّمَاءِ إِلَهٌ وَفِي الْأَرْضِ إِلَهٌ وَهُوَ الْعَلِيمُ الْعَلِيمُ

“তিনিই মহান সত্তা যিনি আসমানেও ইলাহ এবং জমিনেও ইলাহ। তিনি সর্বজ্ঞ ও মহা বিজ্ঞানী। (আয যুখরুফ)

وَمَا كَانَ مَعَهُ مَن إِلَهٍ إِذَا أَذْهَبَ كُلَّ إِلَهٍ بِمَا خَلَقَ وَلَعَلَّ بَعْضُهُمْ عَلَى بَعْضٍ

“আর তিনি ছাড়া দ্বিতীয় কোন ইলাহ তার সাথে শরীক নেই। যদিই বা থাকতো তবে প্রত্যেক ইলাহই তার সৃষ্টি নিয়ে আলাদা হয়ে যেত। অতঃপর একে অপরের উপর চড়াও হতো। (সূরা আল মুমিনুন)

(খ) আল্লাহ ব্যতীত আর কাউকেই নিজের পৃষ্ঠপোষক কার্যসম্পাদনকারী, প্রয়োজন পূরণকারী, বিপদ দূরকারী, ফরিয়াদ শবণকারী এবং সাহায্যদাতা ও রক্ষাকর্তা মনে করা যাবে না। কেননা আল্লাহ বলেন-

إِنَّ الَّذِينَ يَدْعُونَ مِن دُونِ اللَّهِ عِبَادٌ أَمْثَلُكُمْ فَادْعُوهُمْ فَلْيُصِيبُوا

كُفْرًا كَتُمَّ صُدُقِينَ -

আল্লাহকে ছাড়া তোমরা যাদেরকে (বিপদ মুক্তির জন্য) ডাকো, তারা তোমাদের মতোই (অক্ষম) বান্দা মাত্র। যদি তোমরা সত্যি মনে করো যে, তারা তোমাদেরকে বিপদ হতে মুক্তি দিতে পারে, তবে তাদেরকে তোমরা ডেকে

দেখো তো দেখি তারা কোন প্রতিউত্তর দেয় কিনা? (সূরা আল আ'রাফ)

(গ) আল্লাহ্ ছাড়া আর কারো কোন কিছুই ক্ষতি অথবা কল্যাণ করার কোন ক্ষমতা নেই। সুতরাং আল্লাহ্ ছাড়া অন্য কাউকে ভয় ও কারো উপর নির্ভর করা যাবে না।

وَإِن يَمَسُّكُمُ اللَّهُ بِضُرٍّ فَلَا كَاشِفَ لَهُ إِلَّا هُوَ وَإِن يَمَسُّكُمُ بِخَيْرٍ فَهُوَ عَلَىٰ كُلِّ شَيْءٍ قَدِيرٌ -

-بِنِعَامِ-

“আল্লাহ যদি তোমার কোন অপকার বা ক্ষতি করেন তবে তিনি ছাড়া আর কেউ তা দূর করতে পারে না। আবার তিনি যদি তোমার কোন উপকার বা কল্যাণ করতে চান তবে তাও তিনি করতে সক্ষম। কেননা তিনি তো সর্ব শক্তিমান। (সূরা আল আন'আম)

(ঘ) আল্লাহ ব্যতীত আর কারো নিকট কোন দু'আ বা প্রার্থনা কল্যাণ হবে না। এবং তাদের সুপারিশে আল্লাহর ফায়সালা পরিবর্তন হতে পারে এতখানি প্রভাবশালী বা শক্তিশালীও কেউ নেই। কারণ আল্লাহর রাজ্যে সকলেই ক্ষমতাহীন প্রজা মাত্র।

وَلَا تَدْعُوا مِمَّنْ دُونِ اللَّهِ مَالَا يَنْفَعُكَ وَلَا يَضُرُّكَ فَإِن فَعَلْتَ فَإِنَّكَ

-يُونِسُ-

إِذَا مَنِ الظَّالِمِينَ -

“আল্লাহকে ছেড়ে এমন কোন সত্ত্বাকে ডেকো না। যারা না পারে তোমার কোন ক্ষতি করতে এবং না পারে কোন কল্যাণ করতে।” (সূরা ইউনুসঃ ১০৬)

“আল্লাহ্ ছাড়া আর এমন কে আছে যে বিপন্ন ব্যক্তির ডাকে সাড়া দিতে পারে এবং তার বিপদ দূর করতে সক্ষম?”

(৬) আল্লাহ্ ছাড়া আর কারো কাছে মাথা নত করা যাবে না। কারো উদ্দেশ্যে মানত মানা যাবে না। কারণ আল্লাহ্ ব্যতীত ইবাদাত (দাসত্ব-আনুগত্য ও উপাসনা) পাবার অধিকারী আর কেউ নেই। স্বয়ং আল্লাহ্ রাসূল আলামীন বলেনঃ

وَمَا اتَّقُوا مِنْ نَفَقَةٍ أَوْ نَذْرَةٍ مِنْكُمْ تَذَرُوكَ اللَّهُ يَعْلَمُ وَمَا لِلظَّالِمِينَ مِنْ أَنْصَارٍ  
(البقرة)

“তোমরা যা কিছু খরচ করো অথবা মানত করো তার সব কিছুই আল্লাহ্ জানেন। বস্তুত জালেমদের জন্য কোন সাহায্যকারী নেই। (সূরা আল-বাকারা) নবী করীম (স) বলেনঃ

لَا تَذَرُوا فَإِنَّ النَّذْرَ لَا يَقْنِي مِنَ الْقَدَرِ شَيْئًا-

“তোমরা মানত মানবে না কেননা মানত মানুষের তাকদীরকে পরিবর্তন করতে পারে না।”

আল্লাহ্ বলেন-

وَقَضَىٰ رَبُّكَ أَلَّا تَعْبُدُوا إِلَّا إِيَّاهُ - (سورة اسرى)

“তোমার প্রভু এ ব্যাপারে ফায়সালা করে দিয়েছেন যে, তিনি ছাড়া আর কারো ইবাদাত করা যাবে না।” (সূরা বনী ইসরাঈল)

(৮) আল্লাহ্ ছাড়া আর কাউকে আইন প্রণেতা, বিধানদাতা মানা যাবে না এবং আল্লাহ্র আনুগত্য ও তার দেয়া আইন পালনের ক্ষেত্রে কোনরূপ টালবাহানার আশ্রয় নেয়া যাবে না। তাদের আইন কানুন প্রমাণের (কুরআন হাদীসের) ভিত্তিতে প্রতিষ্ঠিত নয় এমন কোন আইন-কানুন বা বিধি নিষেধ মেনে নিতে অস্বীকার করতে হবে। আল্লাহ্ বলেনঃ

## إِلَّا لَهُ الْخَلْقُ وَالْأَمْرُ

“সাবধান! সৃষ্টি যার আইন কানুনও চলবে তার”

অন্যত্র বলা হয়েছেঃ

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ - (ال عمران)

“যে ব্যক্তি ইসলাম ছাড়া অন্য কোন দীন বা বিধানের সন্ধান করবে, তা কখনো গ্রহণ করা হবে না।” (সূরা আলে-ইমরান)

আল্লাহ আরো বলেনঃ

وَمَنْ لَّمْ يُحْكَمْ بِمَا أَنْزَلَ اللَّهُ فَأُولَئِكَ هُمُ الْكَافِرُونَ - (مائدة)

“যারা আল্লাহ প্রদত্ত বিধান অনুযায়ী বিচার কায়সাল্য করে না তারা কাকের”।

(হ) বিশ্বের একমাত্র বাদশাহর (আল্লাহর) পক্ষ হতে বিশ্বের সকল মানুষের প্রতি সর্বশেষ নবী মুহাম্মদ (সা) এর মাধ্যমে একমাত্র নির্ভুল হিদায়াত ও আইন বিধান প্রেরিত হয়েছে এবং এ হিদায়াত ও আইন বিধান অনুযায়ী কাজ করে পূর্ণাঙ্গ বাস্তব নমুনা কামেম করার জন্যই মুহাম্মদ (সা) কে নিযুক্ত করা হয়েছে। নিম্নোক্ত আয়াত ক’টি তার প্রমাণ। ইরশাদ হচ্ছেঃ

هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَ عَلَى الْبَيِّنَاتِ

(توبة: ৩৩, فتح: ১৮, صف: ১৭)

كُلِّهِ

“জিনিই সেই সত্তা যিনি তার রাসূলকে হিদায়াত ও আনুগত্যের একমাত্র বিধান বা মতাদর্শ সহ পাঠিয়েছেন। যেন (রাসূল) তাকে (ঐ বিধানকে) সমস্ত মতাদর্শের বা বিধানের উপর বিজয়ী করতে পারেন।” (সূরা তওবাঃ ৩৩ ফাতাহঃ ২৮, ছফঃ ৯)

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ - (احزاب)

“নিঃসন্দেহে তোমাদের জন্য উত্তম আদর্শ হচ্ছে আল্লাহর রাসুলের আদর্শ।”  
(সূরা আল আহযাব)

(نَسَا) مَنْ يُطِيعِ الرَّسُولَ فَقَدْ أَطَاعَ اللَّهَ.

“যে ব্যক্তি রাসুলের আনুগত্য করলো সে যেন আল্লাহর আনুগত্য করলো।”  
(সূরা আন নিসা)

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ

“হে নবী লোকদের বলে দিন যে, তোমরা যদি আল্লাহর ভালোবাসা পেতে চাও তবে আমাকে অনুসরণ করো। তবেই আল্লাহ তোমাদেরকে ভালোবাসবেন।  
(সূরা আল বাকারা)

উপরোক্ত আলোচনার প্রেক্ষিতে আমরা নিম্ন লিখিত সিদ্ধান্তসমূহে উপনীত হতে পারি।

(১) মানুষকে নিজের স্বাধীন ইচ্ছা ও নফসের কামনার অনুসরণ পরিত্যাগ করতে হবে এবং আল্লাহকে ইলাহ মেনে জীবনের সকল ক্ষেত্রে শুধুমাত্র তাঁর দাসত্ব ও আনুগত্য করতে হবে।

(২) পৃথিবীর কোন বস্তুর উপরই নিজের কোন মালিকানা প্রতিষ্ঠিত করা যাবে না। এমনকি নিজের শরীরের কোন অঙ্গ-প্রত্যঙ্গ, মানসিক ও দৈহিক শক্তি সামর্থ ইত্যাদির বেলায়ও না। সবকিছুকে আল্লাহর মালিকানাধীন ও তাঁর কাছে হতে প্রাপ্ত আমানত মনে করতে হবে।

(৩) সকল কাজ-কর্ম, আচার-আচরণ, আকিদাহ-বিশ্বাস ইত্যাদি সবকিছুর জন্যই আল্লাহ রাক্বুল আলামীনের নিকট দায়ী থাকতে হবে।

(৪) জীবনের প্রতিটি মুহূর্তেই নিজের পছন্দ অপছন্দের উপর আল্লাহর পছন্দ অপছন্দকে অগ্রাধিকার দিতে হবে।

(৫) জীবনের যাবতীয় চেষ্টা প্রচেষ্টার মূল লক্ষ্য হতে হবে একমাত্র আল্লাহর সন্তুষ্টি।

(৬) আল্লাহ ছাড়া আর কারো বান্দাহ বা দাস হওয়া যাবে না এবং নিজের নফসের খাহেশ ও দেশে প্রচলিত প্রথাসমূহ অন্ধভাবে অনুসরণ করা যাবে না।

(৭) আল্লাহ ছাড়া আর কাউকেও সাহায্যকারী, বিপদ হতে উদ্ধারকারী ও অনিষ্টকারী বলে স্বীকার করা যাবেনা।

(৮) আল্লাহু ছাড়া আর কারো নিকট কোন দু'আ অথবা সাহায্য প্রার্থনা করা যাবে না।

(৯) স্বীয় নৈতিক চরিত্র আচার-ব্যবহার এবং সামাজিক, সাংস্কৃতিক, অর্থনৈতিক ও রাজনৈতিক কর্মকাণ্ড, তথা জীবনের সকল সমস্যার সমাধান কেবলমাত্র আল্লাহুর দেয়া বিধান বা শরীয়ত মোতাবেক সমাধান করতে হবে।

(১০) ইসলামী চর্চা ছাড়া যতো রকম বিপরীত চর্চা আছে তা সম্পূর্ণরূপে পরিত্যাগ করতে হবে।

(১১) মুহাম্মাদুর রাসুল্লাহ (সা) এর নিকট হতে যে হিদায়াত ও আইন বিধান প্রামাণ্য সূত্রে পাওয়া যাবে তা দ্বিধাহীন ও অকুণ্ঠচিত্তে গ্রহণ করতে হবে।

(১২) তার উপস্থাপিত আদর্শ ও প্রদত্ত শিক্ষার বিপরীত যা কিছু আছে তা সবই ভুল এবং অবশ্যই পরিত্যাজ্য।

(১৩) মানুষের জীবনের প্রতিটি কাজ-কুরআন ও সুন্নাহ মোতাবেক সম্পাদন করতে হবে এবং কুরআন সুন্নাহকে নির্ভুল জ্ঞানের উৎস মনে করতে হবে।

(১৪) আল্লাহুর রাসূল (সা) ছাড়া আর কারো স্বয়ংসম্পূর্ণ নেতৃত্ব মানা যাবে না। কেননা অন্য কারো আনুগত্য হবে আল্লাহুর কিতাব এবং রাসূলের সুন্নাহুর অধীন।

(১৫) রাসূল (সা) এর জীবন চরিতকে কুরআনের বাস্তব ব্যাখ্যা এবং সকল ব্যাপারে সত্যের একমাত্র মাপকাঠি হিসাবে মনতে হবে। আর প্রত্যেককেই এ মাপ কাঠিতে যাচাই ও পরখ করে যে যে ধরনের মর্যাদার অধিকারী তাকে সে মর্যাদা দান করতে হবে।

(১৬) হযরত মুহাম্মদ (সা) আল্লাহুর সর্বশেষ রাসূল ও নবী।

(১৭) মুহাম্মদ (সা) এর নবুয়্যাতের পর কোন ব্যক্তির এমন কোন মর্যাদা মেনে নেয়া যাবে না, বার আনুগত্য করার অথবা না করার সাথে ঈমান ও কুফরের ফায়সালা হতে পারে।

(১৮) তাঁর মাধ্যমে যে বিধান দেয়া হয়েছে তা সম্পূর্ণ নির্ভুল, পরিপূর্ণ ও চিরন্তনী।

(১৯) পৃথিবীতে কোন ব্যক্তিকে এমনভাবে ভক্তি করা অথবা ভালোবাসা যাবে না, যে রাসূল (সা) এর সাথে ভক্তি বা ভালোবাসার ক্ষেত্রে প্রতিদ্বন্দ্বী হতে পারে।

(২০) এমন একটি সমাজ ও রাষ্ট্র ব্যবস্থা কায়মের জন্য সর্বাঙ্গিক প্রচেষ্টা করতে হবে যাতে আল্লাহর সার্বভৌমত্বের উপর প্রতিষ্ঠিত এবং আইন-বিধান রচনার মৌলিক অধিকার কেবলমাত্র আল্লাহর জন্যই স্বীকৃত ও ঘোষিত হয়।

উপরোক্ত আলোচনা হতে একথা দিবালোকের ন্যায় স্পষ্ট হয়ে গিয়েছে যে, ইসলামে শারীরিক ও মানসিক পবিত্রতার গুরুত্ব অপরিসীম। এজন্যই হাদীসে পবিত্রতাকে ঈমানের অর্ধেক বলা হয়েছে।

হাদীসে বলা হয়েছে-আলহামদু লিল্লাহ বললে আমলের পাল্লা পরিপূর্ণ হয়ে যায়। এখানে প্রশ্ন আসে সওয়াবের আকার আকৃতি নিয়ে। কেননা কোথাও কোথাও সওয়াবের সংখ্যার কথাও উল্লেখ করা হয়েছে। আবার এখানে পরিমাণের কথা বলা হয়েছে। আরবী শব্দ হচ্ছে **مِيزَانٌ** আরবী ভাষায় **মিযান** (মিযান) বলতে সকল প্রকার পরিমাপন যন্ত্রকেই বুঝায়।

আমরা পৃথিবীতে বিভিন্ন পরিমাপের ক্ষেত্রে বিভিন্ন যন্ত্র এবং ভিন্ন ভিন্ন একক ব্যবহার করি। যেমন বিদ্যুৎ পরিমাপের জন্য এম্পিয়ার মিটার বা ভোল্ট মিটার, বায়ুচাপ মাপার জন্য ব্যারোমিটার, আর্দ্রতা - উষ্ণতা পরিমাপের জন্য হাইড্রোমিটার, দেহের তাপমাত্রা পরিমাপের জন্য থার্মোমিটার ইত্যাদি যন্ত্র ব্যবহার করে থাকি। সৃষ্ট জীবের পক্ষেই যদি অদৃশ্য বস্তুর পরিমাণ সম্ভব হয় তবে বিশ্ব স্রষ্টা সর্ব শক্তিমান আল্লাহ কেন পারবেন না অদৃশ্য বস্তুর পরিমাপ করতে? আল্লাহ সেদিন কোন ধরনের একক বা কোন ধরনের যন্ত্র ব্যবহার করে বান্দার আমল পরিমাপ করবেন তা আল্লাহই ভালো জানেন। তবে একথা নিশ্চিত বলা যায় যে, সে দিনের পরিমাপন যন্ত্র এবং পরিমাপাংক প্রতিটি মানুষই বুঝতে সক্ষম হবে।

আলোচ্য হাদীসে নামাযকে নূর বা আলো হিসেবে উল্লেখ করা হয়েছে। এর কয়েকটি অর্থ হতে পারেঃ

(১) অন্ধকার কবরে নামায মু'মিনের জন্য আলোক বর্তিকারূপে কাজ করবে। সেদিকে ইঙ্গিত করে নামাযকে নূর বা আলো বলা হয়েছে।

(২) কিয়ামতের ময়দানে মানুষ যখন চতুর্দিকে অন্ধকারে পথ বুজতে থাকবে তখন মু'মিনের নামায তাকে আলোর সন্ধান দিবে। যেমন কুরআনে আল্লাহ বলেছেনঃ

(الحديد)

يَسْقِي نُورَهُمْ بَيْنَ أَيْدِيهِمْ وَبِأَيْمَانِهِمْ

“মু'মিনগণের নূর তাদের সম্মুখে ও ডানে আন্দোলিত হতে থাকবে”।

(সূরা আল-হাদীদ)

(৩) জাগতিক ক্ষেত্রে যেমন অন্ধকারে পথ চলার সম্বল আলো। আলো সঙ্গে থাকা অবস্থায় অন্ধকার রাস্তায় পথহারা হওয়ার আশংকা থাকে না, তেমনি নামাযের দ্বারাও মানুষ আধ্যাত্মিক পথ চলার ক্ষেত্রে বিপথগামী হওয়ার আশংকা থাকে না। অন্যায় ও পাপাচার হতে বেঁচে থাকা তার জন্য সহজ হয়। যেমন আল্লাহু ইরশাদ করেছেনঃ

إِنَّ الصَّلَاةَ تَنْفِي عَنِ الْفَحْشَاءِ وَالْمُنْكَرِ

“নিশ্চয়ই নামায অন্যায় ও অশ্লীল কাজ হতে বিরত রাখে।” এ জন্যই নামাযকে রূপক অর্থে নূর বা আলোর সাথে তুলনা করা হয়েছে।

(৪) তদ্রূপ এ নূর বলতে কিয়ামতের ময়দানে নামাযীর অঙ্গ-প্রত্যঙ্গে দৃশ্যমান নূর ও ঔজ্জ্বল্যও অর্থ হতে পারে। যা নামাযী ব্যক্তির অঙ্গসমূহে দেখা যাবে। যেমন কুরআনে বলা হয়েছেঃ-

سَيَأْتِيهِمْ فِي وُجُوهِهِمْ مِنْ أَثَرِ السُّجُودِ

“তাদের মুখমন্ডলে সিজদার আলামত সমূহ তাদের পরিচয় বহন করবে।”<sup>১</sup>

সাদকাকে দলীল রূপে আখ্যায়িত করার তাৎপর্য এই যে, (সূরা আল ফাতহ)

(১) ব্যক্তি তার কষ্টার্জিত সম্পদ আল্লাহুর পথে খরচ করার দ্বারা এ কথাই

প্রতীয়মান হয় যে, সে একজন মু'মিন ব্যক্তি। যদি তার ঈমান না থাকতো তবে সে আল্লাহুর পথে সম্পদ ব্যয় করতো না বরং সম্পদের মোহে পড়ে কুপণতা প্রদর্শন করতো। সুতরাং ঈমানের পক্ষে দলিল বা প্রমাণ স্বরূপ বলেই সাদকাকে দলিল বলা হয়েছে।

(১) তানবীকুল মেশকাত পৃ-৩০৩



(২) কিংবা এর অর্থ সাদকা দান করা আল্লাহর প্রতি তার ভালোবাসার দলিল। কারণ যদি তার অন্তরে আল্লাহর প্রেম ভালোবাসা না থাকতো তবে সে নিজের কষ্টার্জিত সম্পদ আল্লাহর আদেশে তার সন্তুষ্টি অর্জনের নিমিত্তে ব্যয় করতো না।

(৩) অথবা এর অর্থ এটিও হতে পারে যে, বান্দাহ কিয়ামতের ময়দানে আল্লাহর প্রশ্নের উত্তরে তার সম্পদ সে যে সংপক্ষে ব্যয় করেছে এ দাবীর সমর্থনে সাদকাকে প্রমাণ হিসেবে পেশ করবে এবং বলবে আমি আমার সম্পদকে সংপক্ষে ব্যয় করেছি।<sup>২</sup>

সবর বা ধৈর্যের সংজ্ঞা দিতে গিয়ে ইমাম নববী (রহ) বলেন- “সবরের অর্থ হলো আল্লাহর ইবাদত বন্দেগীতে ধৈর্যধারণ করা। তাঁর অবাধ্যাচরণ হতে বেঁচে থাকার ক্ষেত্রে নফস ও শয়তানের কুমন্ত্রনার মোকাবেলায় ধৈর্যের পরিচয় দেয়া। জাগতিক দুঃখ-কষ্ট, আপদ-বিপদ ও যাবতীয় প্রতিকূলতায় ধৈর্য ধারণ করা”<sup>৩</sup>

নামাযের ক্ষেত্রে ব্যবহার করা হয়েছে **نُؤْز** বা আলো। এবং সবর বা ধৈর্যের ক্ষেত্রে ব্যবহার করা হয়েছে **ضِيَاء** বা জ্যোতি। আল্লামা জামাখশারী (রহ) এর মতে **نُؤْز** ও **ضِيَاء** এর মধ্যে কিছুটা পার্থক্য আছে। যেমন সাধারণ আলোকেই **نُؤْز** বলা হয়। পক্ষান্তরে অধিকতর প্রখর আলোকে বলা হয় **ضِيَاء**। এখানে প্রশ্ন হতে পারে যে, নামায সমস্ত ইবাদাতের মূল হওয়া সত্ত্বেও তার জন্য **نُؤْز** এবং সবরের জন্য প্রখর ঔজ্জ্বল্যের অর্থদানকারী **ضِيَاء** শব্দটি ব্যবহৃত হয়েছে। এর হেতু কি? তার উত্তর হচ্ছে এই যে, এখানে সর্বর শব্দটি ব্যাপকার্থে ব্যবহৃত হয়েছে। শরীয়তের যাবতীয় বিধি-নিষেধ পালনে ধৈর্যধারণ এর অন্তর্ভুক্ত। কাজেই সমস্ত বিধিনিষেধ মেনে চলার দ্বারা অর্জিত জ্যোতি একটি মাত্র বিধান নামায পালন করার তুলনায় অধিক হওয়া অযৌক্তিক কিছুই নয়।

মতান্তরে কেউ কেউ সবর দ্বারা সাওম বা রোযা অর্থ করেছেন। আর যদি সবর **صَبْر** দ্বারা রোযা অর্থ হয় তবে সে ক্ষেত্রে নামাযের তুলনায় রোযার জ্যোতি অধিক হওয়ার তাৎপর্য হচ্ছে, রোযাদার ব্যক্তি দীর্ঘ সময় ধরে পানাহার ও

(২) তানবীকুল মেশকাত পৃঃ ৩০৩

(৩) তানবীকুল মেশকাত পৃঃ ৩০৩

জৈবিক চাহিদা পূরণ হতে বিরত থেকে, তাকে যে পরিমাণ কষ্ট সহিষ্ণুতার পরিচয় দিতে হয় নামাযের কষ্ট সেই তুলনায় কম বিধায় রোযার ক্ষেত্রে অধিক জ্যোতি হওয়া সম্পূর্ণ যুক্তিযুক্ত।

কুরআন তোমার পক্ষে অথবা বিপক্ষে দলিল বলতে বুঝানো হয়েছে যে, যদি ব্যক্তি, সমাজ ও রাষ্ট্রীয় জীবনে কুরআনের অনুশাসন মেনে চলা হয় তবে কুরআন তার জন্য পরকালীন মুক্তির ব্যাপারে দলিল হবে। আর যদি এর বিপরীত কাজ করা হয় অর্থাৎ কুরআনী আইন মেনে না চলা হয় তবে বিপক্ষে দলিল হবে। এতটুকুই জাহান্নামী হওয়ার জন্য যথেষ্ট হবে। এ অর্থেই **أَلَا** তোমার পক্ষে এবং **عَلَيْكَ** তোমার বিপক্ষে শব্দ দু'টি ব্যবহার করা হয়েছে।

আপন আত্মার ক্রয়-বিক্রয় রূপকার্থে বর্ণিত হয়েছে। তাৎপর্য হচ্ছে-সকালে উঠে মানুষ কি সিদ্ধান্ত নিবে? কুরআন ও সুন্নাহ মোতাবেক দিনটি অতিবাহিত করবে না নিজের খেয়াল খুশী মতো? সে সিদ্ধান্ত মানুষের উপর। যেহেতু অনেকগুলো দিনের সমষ্টি তার জীবন, তাই প্রতি দিনের কর্মফলের সমষ্টির ভিত্তিতেই হবে তার পরকালের ফায়সালা।

عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَقُولُ الْعَبْدُ  
مَالِي مَالِي وَإِنِّي لَمِنْ مَالِهِ ثَلَاثٌ مَا أَكَلْتُ فَاغْنَىٰ أَوْ لَبِسْتُ فَاغْنَىٰ أَوْ أَعْطَيْتُ فَاغْنَىٰ  
وَمَا سِوَىٰ ذَلِكَ فَهُوَ ذَاهِبٌ وَتَارِكٌ لِلنَّاسِ - (مسلم، زاد راہ)

“হযরত আবু হুরাইরাহ (রা) বর্ণনা করেন— নবী করীম (সা) বলেছেনঃ বান্দাহ বলে এ আমার সম্পদ, এ আমার সম্পদ। কিন্তু প্রকৃতপক্ষে সম্পদে তার মাত্র তিনটি অংশ আছে। যা সে খেয়েছে তা শেষ হয়ে গেছে। যা সে পরেছে তাও লুপ্ত হয়ে গেছে। যা আব্বাহর রাস্তায় খরচ করেছে শুধুমাত্র সেটুকুই আব্বাহর নিকট জমা রয়েছে। এছাড়া আর যা কিছু আছে তা তার নয়। তা সে নিজের উত্তরাধিকারীদের জন্য রেখে যাবে এবং নিজে খালি হাতে চলে যাবে।” (মুসলিম)

### শব্দার্থ

مِنْ - তার জন্য। إِنَّمَا لَهُ - আমার সম্পদ। مَالِي - বান্দাহ। الْعَبْدُ - হ'তে। مَالِهِ - তার মালের। ثَلَاثٌ - তিনটি অংশ। مَا أَكَلْتُ - যা খেয়েছে। فَابْلَى - তা শেষ হয়ে গিয়েছে। أَوْ - অথবা। لَبِسْتُ - সে পরেছে। فَانْفَى - তা সঞ্চয় করেছে। فَاعْتَصَى - সে দান করেছে। عَطَى - শেষ হয়ে গিয়েছে। ذَاهِبٌ - যাওয়া। نَازِبٌ - আসা। هُوَ - অতঃপর। فَ - এ। ذَلِكَ - যা, ব্যতীত। سِوَى - ছাড়া, ব্যতীত। لِلنَّاسِ - মানুষের জন্য। تَارِكٌ - সে ত্যাগকারী।

### রাবীর পরিচয়

(অত্র পুস্তকের ২নং হাদীস দ্রষ্টব্য)

### গুরুত্ব

অন্যান্য ইবাদাতের মতো আল্লাহর পথে অর্থ ব্যয়ও একটি ইবাদাত।

কিন্তু মানুষ অর্থ ব্যয়ের ব্যাপারেই বেশী কৃপণতা করে। তাই নবী করীম (সা) স্পষ্টত দেখিয়ে দিয়েছেন যে, মানুষ নিজ হাতে কল্যাণমূলক কাজে যা কিছু ব্যয় করে তা ছাড়া বাকী সমস্তই নষ্ট হয়ে যায় অথবা পরিত্যক্ত হয়ে অপরের ভোগের সামগ্রী হয়ে যায়। পরকালের পাথেয় শুধু ঐটুকু যা সে স্বহস্তে আল্লাহর রাস্তায় দান করে। তাই প্রতিটি মানুষের ব্যবহারিক জীবনেই এ হাদীসটির গুরুত্ব অপরিণীম।

### ব্যাখ্যা

ইসলামে সঞ্চয় করতে যতোটুকু উৎসাহ না দেয়া হয়েছে, অর্থ ব্যয় করতে তার চেয়ে বেশী উৎসাহ দেয়া হয়েছে। বিলাসিতা বা আরাম আয়েশের জীবন যাপন করে দু'হাতে অর্থ লুটানোকে ইসলাম অপছন্দ করে। ইসলাম চায় তার প্রয়োজনের অতিরিক্ত সম্পদ যেন সমাজের কল্যাণমূলক কাজে অথবা দারিদ্র মোচনে সুষ্ঠুভাবে ব্যয় হয়। আর এই ব্যয়ই হক্ক প্রকৃতপক্ষে আল্লাহর পথে ব্যয়। কেননা আল্লাহুতো কোন বান্দাহর নিকট হতে নিজে স্বশরীরে এসে কোন দান গ্রহণ করেন না। তাই অভাবী, পথিক-মুসাফির, ইকামাতে দ্বীনের মুজাহিদদেরকে দিলে কিংবা অন্যান্য সমাজ কল্যাণমূলক কাজে অর্থ সম্পদ ব্যয় করলে তা প্রকারান্তরে আল্লাহুই গ্রহণ করেন এবং তার বিনিময় দিয়ে থাকেন। বান্দার নামায, রোযা, হজ্জ্ব ইত্যাদি যেমন ইবাদাত, সৎকাজে অর্থ ব্যয়ও তেমনি ইবাদাতের অন্তর্ভুক্ত।

মহান আল্লাহ বলেনঃ-

وَأَنْفَقُوا خَيْرًا لِّنَفْسِكُمْ وَمَنْ يُّوقِ شَحْنَفِهِ فَأُولَٰئِكَ هُمُ الْمُفْلِحُونَ

ব্যয় করতে থাকো। এটি তোমাদের জন্যই কল্যাণ। যারা স্বীয় আত্মাকে কৃপণতা ও সংকীর্ণতা থেকে মুক্ত রেখেছে তারাই প্রকৃত সফলকাম। (সূরা আত তাগাবুনঃ ১৬)

وَمَا تُفْقُوا مِنْ خَيْرٍ يُوَفِّ إِلَيْكُمْ وَأَنْتُمْ لَا تُظْلَمُونَ ۝

এবং যা তোমরা কল্যাণমূলক কাজে ব্যয় কর আল্লাহ পুরাপুরিভাবে তার বিনিময় দিয়ে দিবেন। এ ব্যাপারে (কারো প্রতি) কোন জুলুম করা হবে না। (সূরা আল বাকারাহঃ ২৭১)

অন্যত্র বলা হয়েছে

وَمَا أَنْفَقْتُمْ مِنْ شَيْءٍ فَهُوَ يُخْلِفُهُ ۝ وَهُوَ خَيْرُ الرَّازِقِينَ ۝

তোমরা যা কিছু খরচ করে ফেলো তার জায়গায় তিনি আরও বৃদ্ধি করে দেন। কেননা তিনিই হচ্ছেন উত্তম রিজিকদাতা। (সূরা আসসাযাহঃ ৩৯)

পৃথিবীতে মানুষের বড়ো দুশমন হচ্ছে শয়তান। সেই শয়তান সর্বদা মানুষকে দরিদ্রতার ভয় দেখায় এবং ধন-সম্পদকে আকর্ষণীয় করে মানুষের সামনে তুলে ধরে। আল্লাহ বলেনঃ

الشَّيْطَانُ يَعِدُكُمُ الْفَقْرَ وَيَأْمُرُكُمْ بِالْفَحْشَاءِ وَاللَّهُ يَعِدُكُمْ مَغْفِرَةً مِنْهُ وَفَضْلًا ۝

শয়তান তোমাদেরকে দরিদ্রতার ভয় দেখায় এবং কার্পণ্যের ন্যায় লজ্জাকর কাজের আদেশ দেয়। কিন্তু আল্লাহ তোমাদের নিকট মাগফিরাত ও অতিরিক্ত দানের ওয়াদা করেন। (আল বাকারাহঃ ২৬৮)

সূরা আল হুমায়্য বলা হয়েছেঃ

الَّذِي جَمَعَ مَالًا وَعَدَّدَ - يَحْسَبُ أَنَّ مَالَهُ أَخْلَدَ - كَلَّا لَيُبَدِّلَنِي الْخُطْمَ - وَمَا أَدْرَاكَ مَا الْخُطْمَةُ - نَارُ اللَّهِ الْمَوْقُودَةُ - الَّتِي تَطَّلِعُ عَلَى الْأَفْئِدَةِ -

যে লোক ধন-সম্পদ সংগ্রহ করে এবং তা গুনে গুনে (হিসেবে) রাখে। সে মনে করে তার ধন-সম্পদ চিরদিন তার নিকট থাকবে। কক্ষনো নয়। সে ব্যক্তি তো চূর্ণ-বিচূর্ণকারী স্থানে নিষ্কিণ হবে। তুমি কি জান, সেই চূর্ণ-বিচূর্ণকারী স্থানটি কি? আল্লাহর আগুন। প্রচন্ডভাবে উত্তপ্ত উৎক্ষিপ্ত যা অন্তর পর্যন্ত স্পর্শ

করবে। (সূরা আল হুমাযাঃ ২-৭)

আল্লাহর পথে দান করাকে আল্লাহ ব্যবসায়ে বিনিয়োগের সাথে তুলনা করেছেন এবং সাথে সাথে এ কথাও বলে দিয়েছেন যে, ব্যবসায়ে বিনিয়োগে লাভ-ক্ষতি উভয়টাই হতে পারে কিন্তু আল্লাহর পথে বিনিয়োগে ক্ষতি হওয়ার সম্ভাবনা তো নেই ই বরং কয়েকগুণ বেশী লাভের নিশ্চয়তা আছে। ইরশাদ হচ্ছেঃ

وَاتَّقُوا مَارَزَقْنَاكُمْ سِرًّا وَعَلَانِيَةً يَرْجُونَ تِجَارَةً لَّنْ تَبُورَ لِيُؤْفِقَهُمْ  
أَجُورَهُمْ وَيَزِيدَهُم مِّنْ فَضْلِهِ ۚ

যারা আমার প্রদত্ত রিজিক থেকে গোপনে প্রকাশ্যে ব্যয় করে - তারা এমন একটি ব্যবসায়ের আশা রাখে, যা কোনক্রমেই ক্ষতির সম্ভাবনা নেই। আল্লাহ তাদেরকে এর বিনিময়ে পুরোপুরি ফল প্রদান করবেন এবং মেহেরবানী করে তাদেরকে কিছু বেশী দান করবেন। (সূরা আল ফাতিরঃ ২৯-৩০)

কিভাবে দানের বিনিময় জ্যামিতিক হারে বৃদ্ধি পায়, সূরা বাকারায় তার দৃষ্টান্ত তুলে ধরা হয়েছে। বলা হয়েছে

مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَتَتْ  
سَبْعَ سَنَابِلَ فِي كُلِّ سَنَابِلَةٍ مِّائَةٌ حَبَّةٌ ۚ وَاللَّهُ يُضَاعِفُ لِمَن يَشَاءُ وَاللَّهُ  
وَاسِعٌ عَلِيمٌ

যারা আল্লাহর রাস্তায় খরচ করে, তার দৃষ্টান্ত হচ্ছে, এমন একটি বীজ যা থেকে সাতটি শীষ উৎপন্ন হয়। আবার প্রতিটি শীষে একশ' করে দানা হয়। তবে আল্লাহ যাকে চান (এর চেয়েও) বহুগুণ বাড়িয়ে দেন। আল্লাহ তো প্রাচুর্য দানকারী, সর্বজ্ঞ। (সূরা আল বাকারঃ ২৬১)

অন্যত্র মহান আল্লাহ বলেনঃ

وَمَا لَكُمْ أَلَّا تُنْفِقُوا فِي سَبِيلِ اللَّهِ وَلِلَّهِ مِيرَاثُ السَّمَوَاتِ وَالْأَرْضِ ۚ

তোমাদের কি হলো, তোমরা আল্লাহর পথে ব্যয় করছো না; অথচ আল্লাহ হচ্ছেন আকাশ ও পৃথিবীর উত্তরাধিকারী। (সূরা আল হাদীদঃ ১০)

আল্লাহু আকাশ ও পৃথিবীর উত্তরাধিকারী এ কথাটির দু'টি অর্থ হ'তে পারেঃ প্রথমতঃ এ ধন-সম্পদ তোমার নিকট চিরস্থায়ী নয়। একদিন অবশ্যই এ সম্পদ তোমার হস্তচ্যুত হবে।

দ্বিতীয়তঃ তুমি নিষ্কিন্ধায় খরচ করতে থাকো কারণ সব কিছুর মালিক আল্লাহ। ইচ্ছে করলে তিনি অনেক অনেক গুণ বেশী ফেরত দিবেন।

মজার ব্যাপার হচ্ছে পৃথিবীতে মানুষ কুপণতা করে। দান করতে চায়না কিন্তু হাশরের দিন যখন মানুষ জাহান্নামের ভয়াবহ অবস্থা দেখবে তখন এ পৃথিবীর দ্বিগুণ পরিমাণ সম্পদও যদি তাকে দেয়া হয় তবে তার বিনিময়ে হলেও জাহান্নামের ভয়াবহ আজাব হতে মুক্তি পেতে চাইবে। এ অবস্থার কথা স্বয়ং আল্লাহুই বলে দিয়েছেন। ইরশাদ হচ্ছেঃ-

لَوْ أَن لَّهُمْ مَا فِي الْأَرْضِ جَمِيعًا وَمِثْلَهُ مَعَهُ لَيَفْتَدُوا بِهِ مِنْ عَذَابِ  
يَوْمِ الْقِيَامَةِ مَا تُقْبَلُ مِنْهُمْ وَلَهُمْ عَذَابٌ أَلِيمٌ

সে দিন যদি সমগ্র পৃথিবীর ধন-দৌলতও তাদের করায়ত্ত্ব হয় এবং তার সাথে আরো অতগুলো একত্র করে দেয়া হয় এবং সমস্তই যদি ফেদিয়া (জরিমানা) হিসেবে দিয়ে কিয়ামতের দিন আজাব হতে রক্ষা পেতে চায়। তবু তাদের নিকট হতে তা কবুল করা হবে না। তাদের জন্য আছে যন্ত্রণাদায়ক আজাব।

(সূরা আল মায়দাঃ ৩৬)

মানুষ মৃত্যুর মুহূর্তেই দান-সদকার ব্যাপারে উপলব্ধি করতে পারবে এবং তখন আল্লাহর নিকট অবকাশও চাইবে। কিন্তু তা মঞ্জুর করা হবে না। তাই মহান আল্লাহ বলেনঃ

وَانْفِقُوا مِنْ مَّا رَزَقْنَاكُمْ مِنْ قَبْلِ أَنْ يَأْتِيَ أَحَدَكُمُ الْمَوْتُ فَيَقُولَ  
رَبِّ لَوْلَا أَخَّرْتَنِي إِلَىٰ أَجَلٍ قَرِيبٍ ۖ فَأَصَّدَّقَ ۚ وَكُنَ مِنَ الصَّالِحِينَ

আমরা তোমাদেরকে যে রিজিক দিয়েছি তা খেতে ব্যয় করো-ঐ অবস্থার পূর্বে, যখন তোমাদের কারো মৃত্যুর সময় এসে উপস্থিত হয়। তখন সে বলতে থাকে- “হে আমার রব! তুমি আমাকে আরও একটু অবকাশ দিলে না কেন? তাহলে আমি দান-সদকা করে নেক চরিত্রবান লোকদের মধ্যে গণ্য হয়ে যেতাম।” (সূরা আল মুনাফিকুনঃ ১০)

পূর্বোল্লিখিত আয়াতে আল্লাহর পথে দানকে ব্যবসায় মূলধন বিনিয়োগের সাথে তুলনা করা হয়েছে। কিন্তু যার হাতে মূলধন প্রদান করা হবে তার বিশ্বস্ততা সম্বন্ধেও ধারণা থাকা উচিত। এ ব্যাপারেও মহান আল্লাহ রাব্বুল আ'লামীন হাদীসে কুদসীর মাধ্যমে তার বিশ্বস্ততার গ্যারান্টি দিয়েছেনঃ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ فِيمَا يَرَوِي عَنْ رَبِّهِ عَزَّ وَجَلَّ  
أَنَّهُ يَقُولُ يَا بَنَ آدَمَ أَفْرَغْ مِنْ كَنْزِكَ عِنْدِي وَلَا حَرَقَ وَلَا غَرْقَ وَلَا سَرَا  
أَوْفِيكَهُ أَحْوَجَ مَا تَكُونُ إِلَيْهِ-

নবী করীম (সা) প্রবল পরাক্রান্ত প্রভুর কথা উল্লেখ করে বলেছেন যে, আল্লাহ বলেনঃ হে আদম সন্তান! তুমি নিজের সঞ্চয়কে আমার কাছে জমা রেখে নিশ্চিত হয়ে যাও। (আমার কাছে জমা রাখলে) আঙনে পোড়বেনা, বন্যায় ভাসিয়ে নিবে না

এবং চোরেও চুরি করবে না। যেদিন তুমি সবচেয়ে বেশী এর মুখাপেক্ষী হবে সেদিন আমার কাছে রক্ষিত এ সম্পদ পুরাপুরি তোমাকে দিয়ে দেবো। (তাবারানী, যাদেরাহ)

অপর একটি হাদীসে কুদসীতে বলা হয়েছে-

انْفِقْ يَا بَنَ آدَمَ انْفِقْ عَلَيْكَ-

(১) হাদীসে কুদসী বলা হয় ঐ হাদীসকে যা নবী করীম (সা) সরাসরি আল্লাহ থেকে বর্ণনা করেছেন। অর্থাৎ আল্লাহ বলেন- এ কথা বলে হাদীস বর্ণনা করেছেন। হাদীসে কুদসীকে 'ওহীয়ে গায়েরে মাতুল' ও বলা হয়।



হে আদম সন্তান! তুমি দান করতে থাকো, আমিও তোমাকে দান করবো।  
(বুখারী, মুসলিম)

হযরত আসমা বিনতে আবু বকর (রা) বলেন যে, নবী করীম (সা) আমাকে বলেছেন, হে আসমা!

أَنْفَقِي وَلَا تَحْصِي فَيَحْصِيَ اللَّهُ عَلَيْكَ وَلَا تَوْرِي فَيُورِي اللَّهُ عَلَيْكَ إِنَّهُ  
مَا اسْتَطَاعَتْ -

তুমি দান করতে থাকবে হিসেবে করবে না। অন্যথায় আল্লাহও তোমাকে দেয়ার ব্যাপারে হিসেবে করবেন। আর সম্পদ ধরে রাখবেনা তাহলে আল্লাহও তোমার ব্যাপারে ধরে রাখবেন। তোমার শক্তি অনুসারে সামান্য হলেও দান করো। (বুখারী, মুসলিম)

হযরত ইবনে আব্বাস (রা) কর্তৃক বর্ণিত, তিনি বলেন যে, নবী করীম (সা) বলেছেনঃ

مَا نَقَصَتْ صَدَقَةٌ مِنْ مَالٍ وَمَا مَدَّ عِبْدٌ يَدَهُ بِصَدَقَةٍ إِلَّا أُقْبِلَتْ فِي  
يَدِ اللَّهِ قَبْلَ أَنْ تَقَعَ فِي يَدِ السَّائِلِ -

দান করলে সম্পদ কমে না। যখন কোন বান্দাহ কোন প্রার্থীকে দান করার জন্য হাত বাড়িয়ে দেয় তখন প্রার্থীর হাতে দান পৌছানোর পূর্বেই তা আল্লাহর হাতে পৌছে যায়। (তাবারানী)

দান-সদকা শুধু আখিরাতেই কল্যাণ দিবে না। এর বিনিময়ে দুনিয়ার মান মর্যাদাও আল্লাহ বৃদ্ধি করে দেন। নবী করীম (সা) বলেছেনঃ

مَا نَقَصَتْ صَدَقَةٌ مِنْ مَالٍ وَمَا زَادَ اللَّهُ عَبْدًا بِعَفْوٍ إِلَّا عِزًّا وَمَاتُ وَاهٍ  
أَحَدٌ لِلَّهِ إِلَّا رَفَعَهُ اللَّهُ -

দান-খয়রাতে সম্পদ কমে না এবং ক্ষমার মাধ্যমে আল্লাহ মানুষের ইজ্জত-সম্মান বাড়িয়ে দেন। আর যে ব্যক্তি আল্লাহর উদ্দেশ্যে বিনয়ী হয় আল্লাহ তাকে

উন্নত করেন। (মুসলিম)

“একবার নবী করীম (সা) সাহাবীদের উদ্দেশ্যে বললেনঃ তোমাদের মধ্যে কি কেউ নিজের সম্পদের চেয়ে অপরের সম্পদকে বেশী মহব্বত করে? সাহাবীগণ বললেনঃ ইয়া রাসূলান্নাহু! তা কি করে সম্ভব? নবী করীম (সা) বললেনঃ তোমাদের নিজের সম্পদ হচ্ছে তাই, যা তোমরা আল্লাহর পথে দান কর। আর অপরের সম্পদ হচ্ছে, তোমাদের মৃত্যুর পর যা ওয়ারিশগণ বন্টন করে নিবে।”

### শিক্ষাবলী

- (১) অপচয় করা যাবে না।
- (২) কৃপণতাও করা যাবে না।
- (৩) আল্লাহর সন্তুষ্টি অর্জনের সহজতর পথ হচ্ছে দৈহিক ইবাদতের সাথে সাথে আর্থিক কুরবানী।
- (৪) যতো প্রকার ইবাদাত আছে তার মধ্যে মাত্র দু'টো ইবাদাতেই সরাসরি আল্লাহ জিহাদারী নেন। একটি হচ্ছে সওম এবং অপরটি হচ্ছে আল্লাহর পথে দান।
- (৫) আল্লাহর পথে দান করলে আত্মার সংকীর্ণতা ও কৃপণতা দূর হয়।
- (৬) আল্লাহর পথে দানকারী ব্যক্তির মর্যাদা আল্লাহ বাড়িয়ে দেন- দুনিয়ায় এবং আখিরাতে।

---

### তথ্যসূত্র

- (১) তাফহীমুল কুরআন-সাইয়েদ আবুল আ'লা মওদুদী (রহ)।
- (২) যাদেয়াহ-আদ্বামা জলিল আহুসান নাদভী
- (৩) ইনশ্বাক কি সাবিলিল্লাহ-মাওঃ মতিউর রহমান নিজামী
- (৪) তাফসীরে ইবনে কাসীর
- (৫) সহীহ আল-বুখারী
- (৬) সহীহ মুসলিম।

عَنْ أَبِي هُرَيْرَةَ رَضِيَ اللَّهُ عَنْهُ قَالَ لَمَاتُوا فِي رَسُولِ اللَّهِ صَلَّى اللَّهُ عَلَيْهِ وَسَلَّمَ  
 اسْتَخْلَفَ أَبُو بَكْرٍ بَعْدَهُ وَكَفَرَ مَنْ كَفَرَ مِنَ الْعَرَبِ قَالَ عُمَرُ بْنُ الْخَطَّابِ  
 لِأَبِي بَكْرٍ كَيْفَ تَقَاتِلُ النَّاسَ وَقَدْ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
 أُمِرْتُ أَنْ أَقَاتِلَ النَّاسَ حَقَّ يَقُولُوا لَا إِلَهَ إِلَّا اللَّهُ فَمَنْ قَالَ لَا إِلَهَ إِلَّا اللَّهُ  
 عَصِمَ مِنِّي مَالَهُ وَنَفْسَهُ إِلَّا بِحَقِّهِ وَحِسَابِهِ عَلَى اللَّهِ قَالَ أَبُو بَكْرٍ وَاللَّهِ  
 لَا أَقَاتِلُنَّ مَنْ فَرَّقَ بَيْنَ الصَّلَاةِ وَالزَّكَاةِ فَإِنَّ الزَّكَاةَ حَقُّ الْبَالِ وَاللَّهُ لَوْ  
 مَنَعُونِي عَقْلًا كَانُوا يُؤَدُّونَهُ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ لَقَاتَلْتَهُمْ  
 عَلَى مَنْعِهِ فَقَالَ عُمَرُ بْنُ الْخَطَّابِ قَوْلُ اللَّهِ مَا هُوَ إِلَّا أَنْ رَأَيْتَ اللَّهَ قَدْ شَرَحَ  
 صَدْرَ أَبِي بَكْرٍ لِلْقِتَالِ فَعَرَفْتُ أَنَّهُ الْحَقُّ -

“হযরত আবু হুরাইরা (রা) বর্ণনা করেছেনঃ নবী করীম (সা) যখন ইন্তেকাল করলেন এবং হযরত আবু বকর (রা) খলিফা নির্বাচিত হলো, আর আরবের কিছু লোক কাফির হয়ে গেলো। তখন হযরত উমর ইবনুল খাত্তাব (রা) হযরত আবু বকর (রা) কে বললেনঃ আপনি এ লোকদের বিরুদ্ধে কিভাবে যুদ্ধ করবেন? অথচ নবী করীম (সা) বলছেনঃ লোকেরা যতোক্ষণ লা-ইলাহা ইল্লাল্লাহু (আল্লাহু ছাড়া আর কোন ইলাহ নেই) মেনে না নিবে ততোক্ষণ আমি তাদের বিরুদ্ধে যুদ্ধ করার জন্য আদিষ্ট হয়েছি। যদি কেউ লা ইলাহা ইল্লাল্লাহু স্বীকার করে, তবে তার ধন-সম্পদ ও জ্ঞান-মাল আমার নিকট পূর্ণ নিরাপত্তা লাভ করবে। অবশ্য ইসলামের হক কখনো ধার্য্য হলে অন্য কথা। তাদের হিসেব গ্রহণের দায়িত্ব আল্লাহর উপর ন্যস্ত। তখন হযরত আবু বকর (রা) বললেনঃ আল্লাহর কসম! যে

লোকই নামায যাকাতের মধ্যে পার্থক্য সৃষ্টি করবে তার বিরুদ্ধেই আমি যুদ্ধ করবো। কেননা যাকাত হচ্ছে মালের হক। আল্লাহর কসম। তারা যদি রাসূলের (সা) সময় যাকাত বাবদ দিতো এমন একগাছি রশিও দেয়া বন্ধ করে, তবে অবশ্যই আমি তা না দেয়ার কারণে তাদের বিরুদ্ধে লাড়াই করবো। তখন উমর ইবনুল খাত্তাব (রা) বললেনঃ আল্লাহর শপথ। এটা আর কিছু নয়। আমার মনে হলো আল্লাহ যেন আবু বকরের অন্তর যুদ্ধের জন্য উন্মুক্ত করে দিয়েছেন। আরও বুঝতে পারলাম যে, এটাই ঠিক। (অর্থাৎ আবু বকরের (রা) সিদ্ধান্তই সঠিক)।” (বুখারী, মুসলিম, তিরমিযি, নাসায়ী, আবুদাউদ, মুসনাদে আহমদ)

### শব্দার্থ

بَعْدَهُ - যখন - تَوَفَّى - ইন্তেকাল করলেন। اسْتَخْلَفَ - খলিফা নির্বাচিত হলেন। لَأُ - তারপর। كَفَّرَ - কাফের হয়ে গেলো। مِنَ الْعَرَبِ - আরবের (কিছু) লোক। حَتَّى - আমি আদিষ্ট হয়েছি। أُمِرْتُ - কিতাবো। تَقَاتِلُ - যুদ্ধ করবেন। كَيْفَ - যতোক্ষণ। عَصِمَ - নিরাপত্তা লাভ করবো। مِنِّي - আমা হ'তে। وَآلِهِ - পৃথক - فَرَّقَ - যো - مَنْ - আমি যুদ্ধ করবো। لَأَقَاتِلُنَّ - আবশ্য। আল্লাহর কসম। مَتَّعُونِي - لو - মালের হক। حَقُّ الْمَالِ - দু'য়ের মধ্যে। بَيْنَ - করবো। رَأَيْتُ - তারা দিতো। يُؤْتُونَ - রশি। عَقَالًا - আমাকে (দিতে) নিষেধ করে।

### ঐতিহাসিক পটভূমি

রাসূলে আকরাম (সা) এর ইন্তেকালের পর আরবের কয়েকটি গোত্র মুরতাদ হয়ে যায়। তবে এর ধরণ ছিলো ভিন্ন ভিন্ন। যেমন- (১) কিছু ছিলো যারা ইসলামকে পুরোপুরি বিসর্জন দিয়ে কুফরী অবস্থায় প্রত্যাবর্তন করেছিলো এবং কাফেরদের সাথে মিলেমিশে একাকার হয়ে গিয়েছিলো।

(২) একদল আবার মুসায়লামাতুল কাজ্জাব ও আসওয়াদুল আনাসীর মিথ্যা নবুওয়ত দাবীকে সত্য বলে মেনে নিয়েছিলো।

(৩) একদল ছিলো যারা নামায ও যাকাতের মধ্যে পার্থক্য করতো। তারা নামাযকে ফরয মনে করতো কিন্তু যাকাত আদায় করা ফরয মনে করতো না। তারা মনে করতো যাকাত আদায় করার অধিকার একমাত্র নবী করীম (সা) এর। কাজেই তাঁর তিরোধানের পর এ অধিকার আর কারো নেই। তাদের ভুল বুঝাবুঝির মূলে হচ্ছে নিম্নোক্ত আয়াতটি-

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا-

হে নবী! তাদের ধন-মাল হতে যাকাত গ্রহণ করো যেন এর সাহায্যে তাদেরকে পবিত্র ও পরিশুদ্ধ করতে পারো। (সূরা আত তাওবাঃ ১০৩)

এটি ছিলো তাদের একটি মারাত্মক ভুল। কেননা আয়াতে নবী করীম (সা) কে উল্লেখ করে বলা হলেও তা ছিলো একটি সাধারণ হুকুম। যা হোক যাকাত না দেয়ার পরিণতি কি হতে পারে হযরত উমর (রা) এর মতো বিচক্ষণ ও বীশক্তি সম্পন্ন ব্যক্তিও প্রথম বুঝে উঠতে পারেননি। কিন্তু পরক্ষণেই তিনি তার ভুল বুঝতে পারলেন এবং হযরত আবু বকর (রা) এর প্রশংসা করলেন।

### যাকাত ফরয হওয়ার সময় কাল

যাকাত কখন ফরয করা হয়েছে, সে সম্পর্কে মতানৈক্য বিদ্যমান। অধিকাংশের মতে যাকাত হিজরী দ্বিতীয় সনে ফরয করা হয়েছে রোযা ফরয করার পূর্বে। আবার কেউ বলেন হিজরী দ্বিতীয় সনে ফরয করা হলেও তা রোযা ফরয করার পরে যাকাত ফরয হয়েছে। ঐতিহাসিক ইবনুল আসীর বলেছেন, যাকাত ফরয হয়েছে নবম হিজরীতে। কিন্তু বেশ কিছু হাদীস সাক্ষ্য দেয় যে, যাকাত নবম হিজরীর বহু পূর্বেই ফরয করা হয়েছে। তবে আল্লামা ইবনে আসীর তার তাফসীরে লিখেছেনঃ

“যাকাত ফরয হওয়ার হুকুম মক্কা শরীফে নাযিল হয়েছে। তবে কোন জিনিসে কি পরিমাণ যাকাত দিতে হবে তা বিস্তারিত বিধান অবতীর্ণ হয়েছে মদীনায়।”

উপরোক্ত কথার সমর্থনে আল্লামা ইবনুল আরাবীরও সমর্থন পাওয়া যায়, তার বিখ্যাত তাফসীর ‘আহ্কামুল কুরআন’ এ। সেখানে বলা হয়েছেঃ

আল্লাহ তা‘আলা যাকাত ফরয করেছেন মূলতঃ মক্কা শরীফেই কিন্তু তা ছিলো

মোটামুটি ফরয করার কাজ। এতে যাকাত যে ফরয এ বিশ্বাসটা দৃঢ় হলো। তবে তার কার্যকারিতা স্থগিত রাখা হয়। এর ধরণ, পরিমাণ ও সময় সম্পর্কে তখন মক্কী জীবনে কিছুই বলা হলো না। পরে মদীনায় ইসলাম সুপ্রতিষ্ঠিত হলে যাকাত সংক্রান্ত যাবতীয় বিধান জারী করা হলো এবং তা বাস্তবায়নও করা হলো। এটি এমন একটি মীমাংসার কথা যা কুরআনী বিধানের মূলনীতি জানা লোক ছাড়া অন্য ব্যক্তির বুঝতে পারে না। (আহকামুল কুরআন, দ্বিতীয় খণ্ড ৭৫২ পৃঃ)

### ব্যাখ্যা

যাকাত : زكاة শব্দের আভিধানিক অর্থ বৃদ্ধি, পবিত্রতা, পরিচ্ছন্নতা। যেমন আল-কুরআনে বলা হয়েছেঃ

قَدْ أَفْلَحَ مَنْ تَزَكَّىٰ-

যে লোক পবিত্রতা-পরিচ্ছন্নতা লাভ করেছে। সেই সম্পূর্ণ কল্যাণ লাভ করতে পেরেছে। (সূরা আল আ'লা-১৪)

ইসলামী পরিভাষায় যাকাত বলা হয়- প্রয়োজনের অতিরিক্ত সম্পদ যদি নিসাব<sup>১</sup> পরিমাণ হয় এবং তা এক বৎসর কাল অতিক্রম করে তবে ঐ সম্পদ হতে শতকরা ২½ ভাগ হারে আদায় করে ইসলামী রাষ্ট্রের যাকাত তহবীলে<sup>২</sup> জমা দান অথবা নির্দিষ্ট খাত সমূহে বন্টন করা।

### যাকাত নামকরণের কারণ

যেহেতু যাকাতের দ্বারা আত্মার ও মালের পরিপূর্ণতা ঘটে এবং মূলতঃ সম্পদের বৃদ্ধি (বরকত) ঘটে এ জন্য যাকাত নামকরণ করা হয়েছে।

- (১) বর্ষ ৫৯৬ হি, রৌপ্য ৫২½ তরির অথবা বর্ষ রৌপ্য মিলিয়ে ৫২½ তরির রৌপ্যের মূল্য পরিমাণ হলে (অর্থাৎ বর্তমান বাজার মূল্য-সাড়ে দশ হাজার টাকা) তাকে নৈসাব বলা হয়।
- (২) যেখানে ইসলামী রাষ্ট্র নেই সেখানে যদি এমন কোন ইসলামী সংগঠন থাকে যারা যাকাত উঠিয়ে নির্দিষ্ট খাতে ব্যয় করে তবে তাদের মাধ্যমে যাকাত আদায় করা উচিত। অবশ্য নিজে বন্টন করলেও যাকাত আদায় হয়ে যাবে।

## যাকাতের সম্পর্ক ঈমানের সাথে

যে পাঁচটি বস্তুকে ইসলামের মূল স্তম্ভ বলে ঘোষণা করা হয়েছে যাকাত তার অন্যতম। কাজেই যাকাত অস্বীকার করা মানেই হচ্ছে ইসলামের একটি স্তম্ভ (রুকন) কে অস্বীকার করা। আর ইসলামের কোন ভিত্তিকে অস্বীকার করা ইসলামকে অস্বীকার করারই শামিল। এমনকি আল-কুরআনে মুমিনের পরিচয় দিতে গিয়েও যাকাতের কথা উল্লেখ করা হয়েছে। যেমনঃ

وَالْمُؤْمِنُونَ وَالْمُؤْمِنَاتُ بَعْضُهُمْ أَوْلِيَاءُ بَعْضٍ يَأْمُرُونَ بِالْمَعْرُوفِ  
وَيَنْهَوْنَ عَنِ الْمُنْكَرِ وَيُقِيمُونَ الصَّلَاةَ وَيُؤْتُونَ الزَّكَاةَ

ঈমানদার নারী ও পুরুষ একে অপরের বন্ধু ও সাহায্যকারী। তাদের বৈশিষ্ট্য হচ্ছেঃ তারা সৎকাজের আদেশ দেয়, অসৎ কাজের প্রতিরোধ করে, সালাত কায়েম করে এবং যাকাত আদায় করে। (সূরা আত তওবাঃ ৭১)  
এমন কি ইসলামে প্রবেশ করে মুমিন হতে হলে এবং মুমিনদের কাতারে প্রবেশ করতে হলেও যাকাত আদায়কারী হতে হবে। ইরশাদ হচ্ছেঃ

فَإِنْ تَابُوا وَأَقَامُوا الصَّلَاةَ وَآتَوُا الزَّكَاةَ فَخِذُوا مِنْهُمْ فِي الدِّينِ ط

তারা যদি (কুফর ও শিরক থেকে) তওবা করে ও সালাত কায়েম করে এবং যাকাত দেয় তবে তারা তোমাদের ধীনি ভাই (সূরা আত তওবাঃ ১১)

যাকাত অন্যান্য নবীর উম্মতের উপরও ফরজ ছিলো

নামায এবং রোযার মতো যাকাতও পূর্ববর্তী নবীদের উম্মতের উপর ফরয ছিলো।  
নিম্নোক্ত আয়াতসমূহ হতে তার প্রমাণ পাওয়া যায়।  
হযরত ইব্রাহিম (আ) সম্পর্কে বলা হয়েছেঃ

وَجَعَلْنَا هَارُونَ إِمَامًا يَهْدُونَ بِأَمْرِنَا وَأَوْحَيْنَا إِلَيْهِمْ فَعَلِ الْخَيْرَاتِ وَأَقَامَ

## الصَّلَاةُ وَإِيتَاءُ الزَّكَاةِ

আমরা তাদের ইমাম বানিয়ে দিলাম। তারা আমার নির্দেশ অনুযায়ী হেদায়েত দান করছিলো, আর ওহীর মাধ্যমে আমরা তাদেরকে সংকাজের, সালাত কায়েমের এবং যাকাত আদায়ের নির্দেশ দিয়েছিলাম। (সূরা আল আশিয়াঃ ৭৩) ইসা(আ) এর একটি কথা কুরআনে উদ্ধৃত হয়েছে এ ভাষায়ঃ

وَأَوْصَانِي بِالصَّلَاةِ وَالزَّكَاةِ مَا دُمْتُ حَيًّا

আমি যতোদিন বেঁচে থাকবো, আল্লাহ আমাকে সালাত কায়েম ও যাকাত আদায়ের নির্দেশ দিয়েছেন। (সূরা মারিয়ামঃ ৩১)

হযরত ইসমাইল (আ) সম্পর্কে বলা হয়েছেঃ

وَكَانَ يَأْمُرُ أَهْلَهُ بِالصَّلَاةِ وَالزَّكَاةِ

আর সে তার আহলকে সালাত কায়েম ও যাকাত দেয়ার নির্দেশ দিত। (সূরা মারিয়ামঃ ৫৫)

### যাকাত দান নয়, অধিকার

যাকাত ধনীদের পক্ষ থেকে দান নয় বরং আল্লাহ প্রদত্ত গরীবের অধিকার। কাজেই যাকাত দাতার যেমন একথা মনে করার অবকাশ নেই যে, আমি অমুককে মেহেরবানী করেছি। ঠিক তেমনিভাবে যাকাত গ্রহিতাও যেন নিজের মনকে ছোট না করে যে, আমাকে অমুক মেহেরবানী করেছে। বরং মনোবল এরূপ হওয়া উচিত যে, আমার অধিকার আমাকে দিয়েছে মাত্র। আমার প্রতি করুণা করেনি। কারো কাছ হতে নিজের পাওনা নিতে যেমন কেউ কুষ্ঠিত হয়না। ঠিক তেমনি ভাবে যাকাত গ্রহিতা যাকাত নিতেও কুষ্ঠিত হওয়া উচিত নয়। আল্লাহ নিজেই বলছেনঃ

وَفِي أَمْوَالِهِمْ حَقٌّ لِّلسَّائِلِ وَالْمَحْرُومِ

আর তাদের ধন-সম্পদে অভাবী ও প্রার্থনাকারীদের অধিকার আছে। (সূরা আফ যারিয়াত ১৯)



### যাকাত আল্লাহু প্রেমের বাস্তব রূপায়ণ

সমাজে অনেক লোক আছে যারা মৌখিক ভাবে অপরের জন্য জীবন দিয়ে ফেলে কিন্তু প্রয়োজনে সামান্য কটি টাকা দিয়েও উপকার করতে রাজী নয়। ঠিক এমনভাবে কিছু মেকী আল্লাহু প্রেমিক আছে যারা তাসবীহু তাহলীল নামায জিকির আজকার ইত্যাদি দৈহিক ইবাদাতের চরম পরাকাষ্ঠা প্রদর্শন করে কিন্তু সাহেবে নেসাব হলেও যাকাত দিতে টালবাহানা করে। যেমন সঠিকভাবে হিসাব করলে যাকাত হবে কয়েক হাজার বা লক্ষ টাকা কিন্তু সে অনুমান করে সামান্য কিছু দিয়েই দায় মুক্ত হ'তে চায়। আবার কিছু লোক আছে যারা দৈহিক ইবাদাতের মাধ্যমে আল্লাহকে পেতে চায় কিন্তু তার নির্দেশ মোতাবেক খরচ করতে চায়না। তাই আল্লাহ দেখতে চান তাঁর ভলোবাসার দাবী মৌখিক না বাস্তবিক। এজন্যেই দৈহিক ইবাদাতের সাথে সাথে আর্থিক ইবাদাতের কথা বলা হয়েছে। পৃথিবীতে যদি একজন মানুষ একজন মানুষের প্রেমে সবকিছু বিসর্জন দিতে পারে তবে সত্যিকারের একজন আল্লাহ প্রেমিক কেন তার সম্পদের কিছু অংশ আল্লাহকে দিতে পারবে না?

### যাকাত সম্পদ ও আত্মাকে পরিশুদ্ধ করে

যাকাত আদায়ের মাধ্যমে অন্তর ও সম্পদ যে পরিশুদ্ধি লাভ করে তা স্বয়ং আল্লাহু রাব্বুল আলামীন নিজেই বলেছেনঃ

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا-

তাদের নিকট হতে তুমি যাকাত গ্রহণ করো। এর ফলে তাদের আত্মা ও সম্পদ পরিশুদ্ধ হবে। (সূরা আততওবাঃ:১০৩)

নবী করীম (সা) বলেনঃ

إِنَّ اللَّهَ لَمُفْرِضُ الزَّكَاةِ الْإِلَّيْطِيبِ مَا بَقِيَ مِنَ الْأَمْوَالِ-

আল্লাহু যাকাত ফরয করেছেন কেবলমাত্র এ জন্যে যে, যাকাত প্রদানের পর অবশিষ্ট সম্পদ তার মালিকের জন্য পবিত্র ও পরিশুদ্ধ করে দিবেন। (আবু দাউদ)

### যাকাত না দেয়া মুশরিকদের কাজ

যাকাত না দেয়া যে বড়ো অপরাধ তা নিম্নোক্ত আয়াত হতে স্পষ্ট বুঝা যায়।  
কেননা যাকাত প্রদান না করাকে কাফির মুশরিকদের আমলের অনুরূপ বলা  
হয়েছে। ইরশাদ হচ্ছেঃ

وَيُلْهِمُ الشِّرْكَاءَ الَّذِينَ لَا يُؤْتُونَ الزَّكَاةَ -

মুশরিকদের জন্য ধ্বংস অনিবার্য, কারণ তারা যাকাত দেয় না। (সূরা হা মীম  
আস সাঈদাঃ৫-৬)

### যাকাত না দেয়ার পরিণতি

যাকাত না দেয়ার পরিণতি কতো ভয়াবহ তা নিম্নোক্ত আয়াত হতে জানা যায়।  
ইরশাদ হচ্ছেঃ

وَالَّذِينَ يَكْنِزُونَ الذَّهَبَ وَالْفِضَّةَ وَلَا يَنْفِقُونَهَا فِي سَبِيلِ اللَّهِ فَبِشْرِ  
هُمُ بَعْثَابٍ أَلِيمٍ يَوْمَ يُخْمَىٰ عَلَيْهِمْ فِي نَارِ جَهَنَّمَ فَتُكْوَىٰ بِهَا جِبَاهُهُمْ  
وَجُنُوبُهُمْ وَظُهُورُهُمْ هَذَا مَا كُنْتُمْ تَكْنِزُونَ

যারা স্বর্ণ-রৌপ্য সঞ্চয় করে রাখে কিন্তু আল্লাহর পথে খরচ করে না। হে নবী!  
তুমি তাদেরকে যন্ত্রণাদায়ক আজাবের সুসংবাদ দাও। এমন একদিন আসবে  
যেদিন এ সোনা রূপার উপর জাহান্নামের আগুন উত্তপ্ত করা হবে এবং তা দিয়ে  
লোকদের কপাল, পাজর ও পিঠে ছাকা দেয়া হবে। আর বলা হবে, এগুলো হচ্ছে  
সেই সম্পদ যা তোমরা পৃথিবীতে জমা করে রেখেছিলে। এখন তোমাদের জমা  
করা সম্পদের স্বাদ গ্রহণ করো। (সূরা আততওবাঃ৩৪-৩৫)

নবী করীম (সা) বলেছেনঃ

مِمَّنْ أَحَدٌ لَا يُؤَدِّي زَكَاةَ مَالِهِ إِلَّا مِثْلَ لَهْ يَوْمَ الْقِيَامَةِ شَجَاعٍ أَقْرَأَ  
حَتَّى يَطُوقَ بِهِ فِي عُنُقِهِ -

যে লোক তার ধন-সম্পদের যাকাত আদায় না করবে তার ধন-সম্পদ কিয়ামতের দিন সাপের আকৃতি নিবে। অতঃপর সাপটি তার গলায় পেচিয়ে দেয়া হবে। (ইবনে মাজাহ)

মুসনাদে আহমাদের এক হাদীসে আছেঃ

فَاِذَا رَأَوْهُ فَرِمَتْهُ فَيُنَادِيهِ رَبُّهُ خُذْكَ تَزَكَّى الَّذِي حَبَّاتُهُ فَاَنَا عَنْهُ  
اَغْنِيْ مِنْكَ فَاِذَا رَأَاهُ الْاَبَدُ لَهُ مِنْكَ سَلَكٌ يَدُّ فِيْهِ فَقَضَمَهَا قَضَرُ  
الْفُحْلِ-

যখন সে সাপটি দেখতে পাবে তখন পালানোর চেষ্টা করবে। এ সময় রাব্বুল আলামীন ডেকে বলবেনঃ তুমি পৃথিবীতে যে সম্পদ জমা করে রেখেছিলে আজ তা গ্রহণ করো। আমি দায়মুক্ত। শেষ পর্যন্ত যখন সে দেখবে তা থেকে তার মুক্তি নেই, তখন সে তার হাত ঐ সাপের মুখের ভিতর ঢুকিয়ে দিবে। নিমিষে সে হাতখানা সাপে খেয়ে ফেলবে বলদ যেমন ঘাস চিবিয়ে খেয়ে ফেলে।

উপরোক্ত আয়াত ও হাদীসে যদিও দু'ধরনের আজাবের কথা বলা হয়েছে, মূলত দু'ধরনের আজাবই তাকে দেয়া হবে। অথবা পালানুষ্ঠানে সে আজাব দেয়া হবে।

### যাকাত ট্যাক্স নয়

অনেকে যুক্তি দেখান যাকাত এক প্রকার ট্যাক্স কিন্তু একটু গভীরভাবে চিন্তা করলেই বুঝা যায় যে, যাকাত ট্যাক্স নয়। কেননা ট্যাক্স আদায় করা হয় দেশের প্রতিটি নাগরিকের নিকট হতে। চাই সে ধনী হোক বা গরীব হোক পক্ষান্তরে যাকাত আদায় করা হয় ধনী সাহেবে নেসাবদের নিকট হতে। আবার ট্যাক্স সরকার যে কোন কাজে ব্যয় করতে পারেন কিন্তু যাকাতের অর্থ নির্দিষ্ট আটটি খাত<sup>৩</sup> ছাড়া অন্য কোথাও ব্যয় করা যায় না। তাছাড়া ট্যাক্স ইবাদাত নয় কিন্তু যাকাত প্রদান করা ইবাদাত।

ইসলামে যাকাতের মর্যাদা এতো বেশী যে তা আদায় করা না করার উপর ঈমানের প্রশ্ন জড়িত। এ জন্যেই হযরত আবু বকর (রা) যাকাত

(৩) আটটি খাতের বর্ণনা দেখুন দারসে হাদীস-১

অস্বীকারকারীদের বিরুদ্ধে যুদ্ধ ঘোষণা করেছিলেন। যাকাত অস্বীকারকারীগণ যে আল্লাহুর নিকট মুসলিম হিসাবে গন্য হয় না তার প্রমাণ হযরত আবদুল্লাহু ইবনে মাসউদ (রা) এর নিম্নোক্ত হাদীসটিঃ

أَمْرُنَا بِإِقَامَةِ الصَّلَاةِ وَإِيتَاءِ الزَّكَاةِ وَمَنْ لَمْ يُزَكِّ فَلَا صَلَوةَ لَهُ وَفِي  
رِوَايَةٍ فَلَيْسَ بِمُسْلِمٍ يَنْفَعُهُ عَمَلُهُ -

আমাদেরকে নামায কায়েম করার এবং যাকাত দেয়ার নির্দেশ দেয়া হয়েছে। যে ব্যক্তি নামায পড়ে কিন্তু যাকাত দেয় না তার নামায আল্লাহুর নিকট গৃহীত হবে না।

অন্য এক বর্ণনায় আছে-ঐ ব্যক্তি মুসলমান নয় তাই কিয়ামতের দিন তার কোন আমলই কোন ফল দিবে না। (তাবারানী)

### শিক্ষাবলী

- (১) নামায -রোযা ইত্যাদি যেমন দৈহিক ইবাদাত ঠিক তেমনভাবে যাকাত হচ্ছে মালের ইবাদাত।
- (২) কোন গোষ্ঠী বা দল যাকাত দিতে অস্বীকার করলে ইসলামী রাষ্ট্র তাদের বিরুদ্ধে যুদ্ধ ঘোষণা করতে পারে।
- (৩) বাহ্যিক অবস্থার প্রেক্ষিতে ইসলামী হৃদ কার্যকরী করা হয় আভ্যন্তরীণ অবস্থা আল্লাহুর উপর সোপর্দ।
- (৪) মোর্তাদকে হত্যা করা বৈধ।
- (৫) ইজতিহাদের মাধ্যমে কর্মনীতি ও আইন প্রণয়ন ইসলামী রাষ্ট্রের সরকারের নৈতিক দায়িত্ব।
- (৬) ইসলামী রাষ্ট্রের সরকার প্রধানগণ তাদের অনুসৃত কর্মনীতির জন্য জনসাধারণের নিকট জবাবদিহি করতে বাধ্য।

---

 তথ্য সূত্র

- (১) হাদীস শরীফ (২য় বর্ড)- মাওঃ আব্দু রহীম (রহ)
- (২) যাকাত- সাওম ই'তেকাফ- মাওঃ আঃশহীদ নাসিম
- (৩) সুদ ও আধুনিক ব্যাংকিং-সাইয়েদ আবুল আ'লা মওদুদী (রহ)
- (৪) মিশকাত শরীফ
- (৫) তাফহীমুল কুরআন- সাইয়েদ আবুল আ'লা মওদুদী (রহ)

عَنِ النَّعْمَانِ بْنِ بَشِيرٍ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ تَرَى الْمُؤْمِنِينَ فِي تَرَاحِيهِمْ وَتَوَادِّهِمْ وَتَعَاطُفِهِمْ كَمَثَلِ الْجَسَدِ إِذَا اشْتَكَى عُضْوٌ دَعَى لَهُ سَائِرُ الْجَسَدِ بِالسَّهْرِ وَالْحُمَى - (بخاری، مسلم)

হযরত নুমান ইবনে বশীর (রা) থেকে বর্ণিত, রাসুলুল্লাহ (সা) বলেছেন: তোমরা মু'মিনদেরকে পারস্পরিক দয়া, ভালোবাসা এবং হৃদয়তা প্রদর্শনের ক্ষেত্রে একটি দেহের ন্যায় দেখতে পাবে। দেহের কোন অঙ্গ যদি অসুস্থ হয়ে পড়ে তবে অপর অঙ্গগুলোও জ্বর এবং নিদ্রাহীনতা দ্বারা তার ডাকে সাড়া দিয়ে থাকে। (বুখারী, মুসলিম)

### শব্দার্থ

تَرَى - তোমরা দেখবে। تَرَاحِيهِمْ - পারস্পরিক দয়া। تَوَادِّهِمْ - পরস্পর বন্ধুত্ব। إِذَا - দেহের ন্যায়। كَمَثَلِ الْجَسَدِ - অগুণ্ণহ পরায়ণ হওয়া। تَعَاطُفِهِمْ - যখন। اشْتَكَى - দুঃখ পাওয়া। عُضْوٌ - অঙ্গ। دَعَى - প্রতিক্রিয়া হওয়া। لَهُ - তার জন্য। سَائِرُ الْجَسَدِ - শরীরের অবশিষ্টাংশ। بِالسَّهْرِ - জ্বাংহত/হশিয়ার। الْحُمَى - জ্বর।

### রাবীর পরিচয়

হযরত নু'মান ইবনে বশীর (রা) মদীনার খাজরাজ বংশের লোক। তাঁর পিতা বশীর (রা) ইবনে সা'দ ছিলেন আনসার সাহাবী। হযরত নু'মান (রা) হুজুরে পাক (সা) এর ইন্তেকালের ছয় বৎসর মতান্তরে আট বৎসর পূর্বে জন্মগ্রহণ করেন। তাঁর পিতাসহ অন্যান্য বিশিষ্ট সাহাবীগণ ছিলেন তাঁর উস্তাদ।

তিনি হযরত আলী (রা) এবং হযরত মুয়াবিয়া (রা) এর মতানৈক্যের সময় মুয়াবিয়া (রা) এর পক্ষ অবলম্বন করেন। হযরত মুয়াবিয়া (রা) তাকে প্রথমে

কুফা ও পরে হিমসের গভর্ণর নিযুক্ত করেন। হযরত মুয়াবিয়ার (রা) ইস্তিকালের পর তিনি ইয়াজিদের আনুগত্য স্বীকার করেন। ইয়াজিদের মৃত্যুর পর সিরিয়াবাসীদেরকে আবদুল্লাহ ইবনে যুবায়ের (রা) এর খিলাফত স্বীকার করে নিতে আহবান জানালে হিমসবাসীরা তাঁকে হিজরী ৬৪ সনে শহীদ করেন।

তাঁর বর্ণিত হাদীসের সংখ্যা ১২৪টি।

ইমাম বুখারী এবং মুসলিম সহ অন্যান্য মুহাদিসগণ হযরত নু'মান ইবনে বশীর (রা) এর বর্ণিত হাদীস স্ব-স্ব গ্রন্থে লিপিবদ্ধ করেছেন।

### হাদীসটির গুরুত্ব

আল্লাহ রাব্বুল আ'লামীন পবিত্র কালামে ইরশাদ করেন

إِنَّمَا الْمُؤْمِنُونَ إِخْوَةٌ -

নিঃসন্দেহে প্রত্যেক মু'মিন একে অপরের ভাই।

আল্ কুরআনের ছোট্ট ও সংক্ষিপ্ত বাক্যাংশে আল্লাহ স্পষ্ট করে হৃদয়গ্রাহী ভাষায় বর্ণনা করেছেন যে, একজন মু'মিনের সাথে অপর একজন মু'মিনের সম্পর্ক কেমন হওয়া উচিত বা আল্লাহ তাদের সম্পর্ক কেমন দেখতে চান। উল্লেখিত হাদীসটি যেন এ আয়াতের পূর্ণাঙ্গ ব্যাখ্যা। বুখারী এবং মুসলিম ছাড়া অন্যান্য হাদীস গ্রন্থেও এ হাদীসটি বর্ণিত হয়েছে।

### ব্যাখ্যা

একটি সুখী সমাজ গড়তে হলে সমাজের প্রতিটি মানুষের মধ্যে ভাতৃত্ববোধ ও সহানুভূতি সৃষ্টি করা একান্ত অপরিহার্য। যেহেতু ইসলাম একটি আদর্শ সমাজের ভিত রচনা করতে চায় তাই প্রথমেই সমাজের প্রতিটি মানুষের সুখ-দুঃখ, হাসি-কান্না, সুবিধা-অসুবিধা ইত্যাদি বিষয়ে একে অপরের সাথে শরীক হয়ে হৃদয়তা সৃষ্টির উৎসাহ দেয়। যে সমস্ত কাজ এ সম্পর্কের ফাটল ধরায় ইসলাম সেগুলোকে হারাম ঘোষণা করেছে। সাধারণত নিম্ন লিখিত কার্যাবলী একে অপরের সাথে বিচ্ছেদ, হিংসা-দ্বेष ইত্যাদি সৃষ্টি করে সম্পর্কে ফাটল ধরায়ঃ

(১) কারো অধিকারে হস্তক্ষেপঃ নবী করীম (সা) বলেছেনঃ

আয়াত-

مَنْ أَتَطَعَ حَقَّ امْرِئٍ مُسْلِمٍ يَمِينِهِ فَقَدْ أَوْجَبَ اللَّهُ لَهُ النَّارَ  
حَرَّمَ عَلَيْهِ الْجَنَّةَ-

যে ব্যক্তি কসম খেয়ে কোন মুসলমানের অধিকার (হক) নষ্ট করেছে আল্লাহু তার জন্য জাহান্নাম অবধারিত করে রেখেছেন এবং জান্নাতকে হারাম করে দিয়েছেন। মুসলিম শরীফে হযরত আবু হুরাইরাহু (রা) হতে বর্ণিত আছে যে, একবার নবী করীম (সা) সাহাবীদের উদ্দেশ্যে প্রশ্ন করলেন, তোমরা কি জানো দরিদ্র কে ? (অন্য হাদীসে আছে দেউলিয়া) সাহাবীগণ বললেনঃ যে ব্যক্তির ধন-সম্পদ নেই সে- ই দরিদ্র। তখন হুজুরে পাক (সা) বললেনঃ আমার উম্মতের মধ্যে আসল দরিদ্র হচ্ছে সে ব্যক্তি যে কিয়ামতের দিন নামায, রোযা ও যাকাতের ন্যায় আমল নিয়ে আসবে এবং সেই সঙ্গে কাউকে গালি দেয়া, কারো উপর অপবাদ দেয়া, অন্যায়ভাবে কারো মাল খাওয়া, কারো রক্তপাত করা এবং কাউকে মারধোর করার আমলও নিয়ে আসবে। অতঃপর একজন মজলুমকে (ডেকে এনে) তার নেকী দিয়ে দেয়া হবে। তারপর দ্বিতীয় মজলুমকে নেকী দিয়ে দেওয়া হবে। এভাবে চূড়ান্ত ফায়সালার পূর্বে তার নেকী যদি শেষ হয়ে যায় তবে হকদারদের পাপ এনে তার উপর চাপিয়ে দেয়া হবে এবং তাকে জাহান্নামে নিক্ষেপ করা হবে।

(২) অন্যকে তুচ্ছ মনে করাঃ একজন মুমিন কখনো তার অপর ভাইকে তুচ্ছ মনে করতে পারে না। কারণ অপরকে তুচ্ছ মনে করার অর্থ হচ্ছে নিজেকে নিয়ে অহংকার করা। হাদীসে বর্ণিত হয়েছেঃ

হাদিস---

وَأَعْجَابُ الْمَرْءِ بِنَفْسِهِ وَهِيَ أَشَدُّ مِنْ  
(بِهِتَى)

একটি ধ্বংসকারী বস্তু হচ্ছে নিজেকে নিজে বড়ো মনে করা। আর এটি হচ্ছে নিকৃষ্টতম অভ্যাস। (বাইহাকী)

অপর হাদীসে সরাসরি বলা হয়েছে-

হাদীস--

بِحَسَبِ امْرِئٍ مِّنَ الشَّرِّ اَن يَحْقَرَاخَاهُ الْمُسْلِمُ (مسلم)



“কোন ব্যক্তির গুণাহ্‌গার হবার জন্য এটুকুই যথেষ্ট যে, সে তার (কোন) মুসলিম ভাইকে নীচ জ্ঞান করে। (মুসলিম)

(৩) কাউকে অযথা লজ্জা দেয়াঃ মানুষ পৃথিবীতে সবকিছু নীরবে হজম করলেও আত্ম সম্মানে আঘাত লাগে এমন কিছু সে বরদাশত করতে রাজী নয়। তাই এক মুসলমান অপর মুসলমানকে তার সাক্ষাতে অথবা অন্য লোকের মাধ্যমে কোন কৃত কর্মের ব্যাপারে তিরস্কার করা অথবা লজ্জা দেয়া কোনক্রমেই উচিৎ নয়। এমনকি অনেকে নিজের স্ত্রীকে পর্যন্ত সামান্য খুটিনাটি ব্যাপারে তিরস্কার করে এবং লজ্জা দেয়। একথা আমরা কখনো ভেবে দেখিনা যে, কোন লোক অজ্ঞতা বশত কোন খারাপ কাজ করলে, অতঃপর তার দৃষ্টি আকর্ষণ করতে পারলে এমনিই সে লজ্জিত হয়। তার উপর তাকে তিরস্কার করা সম্পূর্ণ অমানবিক এবং অযৌক্তিক।

(৪) কটুকথা বা গালাগালঃ কোন ভাইকে তার সাক্ষাতে অথবা অজ্ঞাতে গালাগালি করা কিংবা কটু কথা বলা সম্পূর্ণ হারাম। নবী করীম (সা) বলেনঃ

لَا يَدْخُلُ الْجَنَّةَ الْجَوَّازُ الْجَعْفَرِيُّ - (الْبُذَائِدِيُّ يَهْتَقُ)

কোন কটুভাষী ও বদ-স্বভাব বিশিষ্ট ব্যক্তি জান্নাতে প্রবেশ করতে পারবে না। (আবু দাউদ, বাইহাকী)

অপর হাদীসে আছে-

হাদীস----

لَيْسَ الْمُؤْمِنُ بِالطَّعَّانِ وَلَا بِاللَّعَّانِ وَلَا الْفَاشِّ وَلَا الْبِذِيِّ -

কোন মুমিন বিদূষকারী, লানৎকারী, অশ্লীল ভাষী এবং বাচাল হতে পারে না। (তিরমিযি)

(৫) জান-মালের নিরাপত্তাঃ প্রত্যেক মুসলমানের উপর অপর মুসলমানের সবচেয়ে বড়ো হক বা অধিকার হচ্ছে তার জান- মালের নিরাপত্তা। আদ্বাহ বলেনঃ-

وَمَنْ يَقْتُلْ مُؤْمِنًا مُتَعَمِّدًا فَجَزَاءُ جَهَنَّمَ خَالِدًا فِيهَا وَغَضِبَ

(النساء: ৭৩)

اللَّهُ عَلَيْهِ وَلَعْنَهُ وَاعْدَلَهُ غَذَابًا عَظِيمًا •

তারপর যে ব্যক্তি কোন মুমিন ব্যক্তিকে জেনে বুঝে হত্যা করবে, তার শাস্তি হচ্ছে জাহান্নাম। সেখানে সে অনন্তকাল অবস্থান করবে। তার উপর আল্লাহর গজব ও অভিসম্পাত। এবং তার জন্য কঠিন শাস্তি নির্দিষ্ট করে রেখেছেন। (সূরা আনু নিসাঃ৯৩)

(৬) গীবতঃ গীবত বলা হয় কোন ব্যক্তির কোন দোষ তার অগোচরে অন্যের নিকট বলা। গীবতের মাধ্যমে অপর ভাইয়ের ইজ্জত-সম্মানের উপর সরাসরি আঘাত হানা হয়। তাই ইসলাম এটাকে হারাম ঘোষণা করেছে। আল-কুরআনের সূরা হজুরাতে আল্লাহ গীবতকে মৃত ভাইয়ের মাংস খাওয়ার সাথে তুলনা করেছেন।

(৭) চোগলখুরীঃ এটি হচ্ছে গীবতের অন্য রূপ। চোগলখুরী বলা হয় কোন ব্যক্তির বিরুদ্ধে সত্য-মিথ্যা বলে তার কোন বন্ধু বা ভাইয়ের কান ভারী করা। এটা সমাজে ভ্রাতৃত্বের ফাটল ধরানোর সব চেয়ে বড়ো হাতিয়ার। হযরত হুজাইফা (রা) বলেন- আমি নবী করীম (সা) কে বলতে শুনেছি যে, চোগলখোর বেহেশতে যাবে না।

(৮) অপরের দোষ খুঁজে বেড়ানোঃ এ সম্পর্কে রাসূলে আকরাম (সা) বলেছেনঃ

وَلَا تَسْعَوْا عَوْرَاتِهِمْ فَإِنَّ مَنْ يَسْبِعْ عَوْرَةَ أَخِيهِ الْمُسْلِمِ يَسْبِعْ  
لِلَّهِ عَوْرَتَهُ وَمَنْ يَسْبِعْ لِلَّهِ عَوْرَتَهُ يَفْضَحْهُ وَلَوْ فِي جَوْفِ رَحْلِهِ - (ترمذی)

“মুসলমানদের দোষ খুঁজে বেড়িও না; কারণ যে ব্যক্তি তার মুসলিম ভাইয়ের গোপন দোষ ও গুনাহ খুঁজতে থাকে, আল্লাহ তার গোপন দোষ ফাঁস করতে লেগে যান। আর আল্লাহ যার দোষ প্রকাশ করতে লেগে যান, তাকে তিনি অপমান করেই ছাড়েন- সে তার ঘরের মধ্যেই লুকিয়ে থাকুক না কেন।”

(তিরমিযি)

(৯) উপহাস করাঃ কোন ব্যক্তির অপর কোন ব্যক্তির সাথে উপহাস বা ঠাট্টা-বিদ্রুপ করা ঠিক নয়। কারণ এতে অনেক সময় মনোমালিন্যের সূত্রপাত হয় এবং তিক্ততা বৃদ্ধিপায়। রাসূলে খোদা (সা) বলেনঃ

لَا يَحِلُّ لِلْمُسْلِمِ أَنْ يَرُوَّعَ مُسْلِمًا - (احمد، ابوداؤد، طبرانی)

কোন মুসলমানকে হাসি তামাশার মাধ্যমে উত্থাপিত করা মুসলমানের পক্ষে হালাল নয়। (আহমদ, আবুদাউদ, তিরমিযি)

(১০) নিছক অনুমানের ভিত্তিতে কাউকে কিছু বলাঃ নবী করীম (সা) বলেছেনঃ-

إِيَّاكُمْ وَالظَّنَّ فَإِنَّ الظَّنَّ أَكْذَبُ الْحَدِيثِ - (بخاری، مسلم)

তোমরা অনুমান পরিহার করো। কেননা অনুমান হচ্ছে নিকৃষ্টতম মিথ্যা কথা। (বুখারী, মুসলিম)

(১১) অপবাদ দেয়াঃ কোন মুসলমানকে জেনে-শনে অপবাদ দেয়া সম্পূর্ণ হারাম। আল্লাহ বলেনঃ-

কোরান---

وَمَنْ يَكْسِبْ خَطِيئَةً أَوْ إِثْمًا ثُمَّ يَرْمِ بِهِ بَرِيئًا فَقَدِ احْتَمَلَ بُهْتَانًا وَإِثْمًا مُبِينًا - (النساء)

যে ব্যক্তি কোন গুনাহ বা নাফরমানী করলো এবং তারপর এক নিরপরাধ ব্যক্তির উপর তার অপবাদ আরোপ করলো, সে এক মহাশ্রুতি এবং স্পষ্ট গুনাহকেই নিজের মাথায় চাপিয়ে নিলো। (সূরা আন-নিসা)

(১২) ক্ষতি সাধন করাঃ নবী করীম (সা) বলেছেনঃ

হাদীস---

مَلْعُونٌ مَنْ ضَارَّ مُؤْمِنًا أَوْ مَكْرِبًا - (ترمذی)

যে ব্যক্তি কোন মুমিনের ক্ষতি সাধন করে অথবা কারো সংগে ধান্নাবাজী করে, সে অভিশপ্ত। (তিরমিযি)

অপর এক হাদীসে বর্ণিত আছে--

হাদীস ---

مَنْ ضَارَّ ضَارَّ اللَّهُ بِهِ وَمَنْ شَأَى شَأَى اللَّهُ بِهِ - (ترمذی، ابن ماجه)

যে ব্যক্তি কোন মুসলমানের ক্ষতি করলো, আল্লাহ তার ক্ষতি করবেন। আর যে ব্যক্তি কোন মুসলমানকে কষ্ট দিলো আল্লাহ তাকে কষ্ট দিবেন। (তিরমিযি)

(১৩) মনোকষ্ট দেয়াঃ কোন মানুষের সাথে এরকম কোন আচরণ না করা যাতে সে মনে কষ্ট পায়। কোন বান্দাহকে কষ্ট দিলে স্বয়ং আল্লাহকেই কষ্ট দেয়া হয়।

আর আল্লাহকে কষ্ট দেয়ার পরিণাম জাহান্নাম ছাড়া আর কিছুই নয়। রাসূলুল্লাহ (সা) বলেছেনঃ-

مَنْ أَذَى مُسْلِمًا فَقَدْ أَذَى اللَّهَ - (طبرانی)

যে ব্যক্তি কোন মুসলমানকে কষ্ট দিলো, সে আল্লাহকেই কষ্ট দিলো। (তাবারানী)  
(১৪ কাউকে বিকৃত নামে ডাকা: মহান আল্লাহ রাসূল আলামীন ইরশাদ করেনঃ-

আয়াত---

وَتَنَابَزُوا بِالْأَلْقَابِ بِئْسَ اسْمُ الْفُسُوقِ بَعْدَ الْإِيمَانِ - (مَجَرَات)

আর কাউকে বিকৃত নামে ডেকো না কেননা ইমানের পর বিকৃত নাম ধরে ডাকা হচ্ছে ফাসেকী। (সূরা আল হুজুরাত)

(১৫) ধোকা দেয়া: কথাবার্তা অথবা লেনদেনের মাধ্যমে কোন মুসলমানের অপর কাউকে ধোকা দেয়া হারাম। এটি এক ধরনের খেয়ানত। আর খেয়ানত হচ্ছে মোনাফেকীর বৈশিষ্ট্য। হাদীসে আছে-সব চাইতে বড়ো খেয়ানত হচ্ছে এই যে, তুমি তোমার ভাইকে কোন কথা বললে সে তোমাকে সত্যবাদী মনে করলো। অথচ তুমি তাকে মিথ্যে কথা বললে। (তিরমিযি)

(১৬) হিংসা: মানুষ নিজের চেয়ে অপর কাউকে একটু ভালো দেখলে, মনে হিংসা বা পরশীকাতরতার এক ঘৃণ্য ব্যাধি বাসা বাধে। এটিকে ইসলাম সম্পূর্ণ রূপে হারাম করে দিয়েছে। কেননা ধন-দৌলত, টাকা-পয়সা, ইজ্জত-সম্মান, প্রভাব-প্রতিপত্তি এগুলো হচ্ছে আল্লাহর বিশেষ মেহেরবানী। কাউকে কম দেন কাউকে আবার বাড়িয়ে দেন। এটিও আল্লাহর তরফ হতে একটি পরীক্ষা বিশেষ। কাজেই এ ব্যাপারে হিংসা পোষণ করা মানেই তাকদীরের উপর অবিশ্বাস করা। আর আকীদাহ হতে বিচ্যুত হওয়ার পরিণতি হচ্ছে সমস্ত আমল বরবাদ হয়ে যাওয়া। নবী করীম (সা) বলেন --

إِيَّاكُمْ وَالْحَسَدَ فَإِنَّ الْحَسَدَ يَأْكُلُ الْحَسَنَاتِ كَمَا تَأْكُلُ النَّارُ الْحَطَبَ - (ابودাؤد)

তোমরা হিংসা থেকে বেচে থাকো। কারণ আগুন যেমন লাকড়ীকে খেয়ে ফেলে তদুপ হিংসা নেকীকে খেয়ে ফেলে। (আবু দাউদ)

উপরোক্ত কু অভ্যাসগুলো মানুষের মধ্যে দূর করে এর বিপরীত অভ্যাসগুলো রপ্ত করার পরই আমরা হাদীসে উল্লেখিত একটি সমাজের কথা চিন্তা করতে পারি। যা কোন দেশ বা জাতি অথবা ভৌগলিক সীমারেখার দ্বারা আবদ্ধ নয়। একজন মুমিন পৃথিবীর যে প্রান্তেই বাস করুক না কেন পৃথিবীর অপর প্রান্ত হতে আগত একজন মুমিনের পরিচয় হওয়া মাত্রই সে অন্তরের গভীরে তার ভালোবাসা অনুভব করবে। আবার শত শত মাইলের ব্যবধান হলেও কোন এক মুমিনের দুঃখ-কষ্টের খবর পাওয়া মাত্রই অপর মুমিন তার সে ভাইয়ের দুঃখ কষ্টের বেদনা তার মনের মধ্যে অনুভব করবে। যেমন নাকি আমরা শরীরের যে কোন অঙ্গ প্রত্যঙ্গে আঘাত পাওয়া মাত্র তার প্রতিক্রিয়া সমস্ত দেহে পেয়ে থাকি।

عَنْ أَبِي سَعِيدٍ الْخُدْرِيِّ قَالَ أَتَانَا أَبُو مُوسَى قَالَ إِنَّ عُمَرَ أَرْسَلَ  
إِلَيَّ أَنْ أُرِيَهُ فَأَتَيْتُ بَابَهُ فَسَلَّمْتُ ثَلَاثًا فَلَمْ يَرِدْ عَلَيَّ فَرَجَعْتُ فَقَالَ مَا  
مَنْعَكَ أَنْ تَأْتِيَنِي فَقُلْتُ إِنَِّّي أَتَيْتُ فَسَلَّمْتُ عَلَى بَابِكَ ثَلَاثًا فَلَمْ تَرُدُّوا عَلَيَّ  
فَرَجَعْتُ وَقَدْ قَالَ لِي رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا اسْتَأْذَنَ أَحَدُكُمْ  
ثَلَاثًا فَلَمْ يُؤْذِنْ لَهُ فَلْيَرْجِعْ فَقَالَ عُمَرُ أَوْفِرْ عَلَيْهِ الْبَيْتَ قَالَ أَبُو سَعِيدٍ  
فَقَبْتُ مَعَهُ فَذَهَبْتُ إِلَى عُمَرَ فَشَهِدْتُ - (بخاری، مسلم)

হযরত আবু সাঈদ খুদরী (রা) বর্ণনা করেছেনঃ একবার আমার কাছে আবু মুসা আশয়ারী (রা) আসলেন এবং বললেন, হযরত উমর (রা) এক ব্যক্তিকে পাঠিয়ে আমাদের ডেকেছিলেন। আমি (তঁার ডাকে সাড়া দিয়ে) তঁার দরজায় পৌঁছলাম এবং (অনুমতির জন্য) তিনবার সালাম দিলাম। কিন্তু আমার সালামের কোন জবাব এলো না। তখন আমি ফিরে এলাম। অতঃপর (অন্য সময়) উমর (রা) আমাকে বললেন, আমাদের কাছে আসতে তোমাকে কিসে বাধা প্রদান করলো? জবাবে আমি বললাম, আমি এসেছিলাম এবং আপনার দরজায় দাঁড়িয়ে তিনবার সালামও করেছিলাম। কিন্তু কেউ আমার সালামের জবাব দেয়নি। তাই আমি ফিরে এসেছি। কেননা রাসূলুল্লাহ (স) আমাকে বলেছেন যে, যখন তোমাদের মধ্যে কোন ব্যক্তি তিনবার অনুমতি প্রার্থনা করেও অনুমতি না পায়, তবে সে যেন ফিরে আসে। হযরত উমর (রা) একথা শুনে এ হাদীসের অনুকূলে সাক্ষ্য চাইলেন। তখন আমি (রাবী আবু সাঈদ খুদরী) হযরত আবু মুসা আশয়ারী সহ হযরত উমর (রা) এর নিকট গেলাম এবং সাক্ষ্য দিলাম যে হাদীসটি সঠিক। (বুখারী, মুসলিম)

### শব্দার্থ

আমাকে। - 'إِلَيَّ' - পাঠিয়েছিলো। - 'أَرْسَلَ' - আমার কাছে আসলো। - 'أَتَانَا'

بَابِهِ - যেন তার নিকট আসি। فَأَتَيْتُ - অতঃপর আমি আসলাম।  
 -তীর দরজায়। فَسَلَّمْتُ - অতঃপর আমি সালাম দিলাম। ثَلَاثًا - তিন বার।  
 فَوَجَعْتُ - অতঃপর আমাকে কোন জবাব দেয়া হলো না। فَلَمْ يَرُدُّ عَلَيَّ  
 -তখন আমি ফিরে আসি। مَا مَنَعَكَ - কোন জিনিস তোমাকে বাধা করলো?  
 -তখন আমি বললাম। إِنِّي - নিশ্চয়ই আমি। لِي - আমাকে। إِذَا - যখন।  
 فَلَمْ يُؤْذَنْ - অনুমতি প্রার্থনা করা। أَحَدَكُمْ - তোমাদের মধ্যে কেউ। اسْتَأْذَنَ  
 -যদি অনুমতি না পায়। لَهُ - তার জন্য। فَلْيَرْجِعْ - তবে সে যেন ফিরে যায়।  
 -অতঃপর। فَذَمَبْتُ - প্রমাণ। الْبَيِّنَةُ - তার উপর। عَلَيْهِ - প্রতিষ্ঠিত করা। اِقِمِ  
 আমি গেলাম। فَشَهِدْتُ - অতঃপর আমি সাক্ষ্য দিলাম।

### রাবীর পরিচয়

আসল নাম সা'দ ইবনে মালেক। কুনিয়াত আবু সাঈদ। মদীনার খায়রাজ গোত্রের বনু খুদরা শাখার সন্তান বলে নামের শেষে খুদরী যোগ করা হয়। তাঁর পিতা ওহুদ যুদ্ধে শহীদ হন। হযরত আবু সাঈদ খুদরী বয়সের স্বল্পতার কারণে বদর ও ওহুদ যুদ্ধে অংশ নিতে পারেননি। কিন্তু পরবর্তীকালে সকল যুদ্ধেই তিনি নবী করীম (সা) এর সাথে অংশ গ্রহণ করেন। তিনি হাফিযে হাদীস এবং শীর্ষস্থানীয় একজন আলেম ছিলেন। বহু সাহাবী এবং তাবেয়ীগণ তাঁর নিকট হতে হাদীস বর্ণনা করেছেন। ৮৪ বৎসর বয়সে তিনি মদীনায় ইন্তেকাল করেন। তাঁর বর্ণিত হাদীসের সংখ্যা মোট ১১৭০টি।

### হাদীসটির গুরুত্ব

আল্লাহু রাব্বুল আ'লামীন বলেনঃ--

আয়াত --

يَا أَيُّهَا الَّذِينَ آمَنُوا لَا تَدْخُلُوا بُيُوتًا غَيْرَ بُيُوتِكُمْ حَتَّى تَسْتَأْذِنُوا سَلَامًا  
 عَلَى أَهْلِهَا

(النور: ২৮)

হে ঈমানদারগণ! নিজেদের ঘর ছাড়া অন্য লোকদের ঘরে প্রবেশ করো না, যতোক্ষণ পর্যন্ত ঘরের লোকদের নিকট হতে অনুমতি না পাবে এবং ঘরের লোকদের প্রতি সালাম না পাঠাবে। (সূরা আন নূরঃ৭)

আলোচ্য হাদীস দ্বারা উপরোক্ত আয়াতে কারীমার মনোজ্ঞ ব্যাখ্যা প্রদান করা হয়েছে। সামাজিক জীবনে এ হাদীসটির গুরুত্ব অপরিসীম।

### ব্যাখ্যা

কোন ব্যক্তিই চায় না যে তার ঘরের মধ্যে অথবা বাড়ীর মধ্যে অপর কোন লোক কোন অনুমতি ব্যতিরেকে সরাসরি প্রবেশ করুক। সে মুসলিম হোক কিংবা অমুসলিমই হোক না কেন। সমাজে এমন লোকেরও অভাব নেই, যে নিজে এবং পরিবারের প্রতিটি সদস্যই অর্ধনগ্ন হয়ে চলাফেরা করতে পছন্দ করে। তবু বিনা অনুমতিতে কোন আগন্তুক তার গৃহে প্রবেশ করুক এটা সে কোন মতেই বরদাশত করতে পারে না।

তাছাড়া প্রতিটি বিবেকবান মানুষই সাক্ষ্য দিবে যে, অপরের গৃহে প্রবেশ করার পূর্বে গৃহকর্তার অনুমতি নেয়া প্রয়োজন। তবে প্রশ্ন হলো অনুমতি কিভাবে নিতে হবে? সমাজে বিভিন্নভাবে এ রেওয়াজ চালু আছে। কোথাও গলা খাঁকড়ানো বা কাশির মতো শব্দ করে নিজের অস্তিত্বের ঘোষণা দিয়েই অপর গৃহে প্রবেশ করে। আবার কোথাও গৃহকর্তাকে নাম ধরে ডেকে বা অন্য কোন ভাবে সম্বোধন করে তারপর প্রবেশ করে। কিন্তু এসব ক্ষেত্রেও আসল সমস্যা থেকেই যায়। কারণ নিজের অস্তিত্বের ঘোষণা দিয়ে সাথে সাথে প্রবেশ করার কারণে গৃহের অন্যান্য সদস্য সদস্যগণ বেশীর ভাগ ক্ষেত্রে অপ্রস্তুত অবস্থায় থাকে এবং লজ্জার সম্মুখীন হয়। তাই ইসলাম একটি সুন্দর ও সার্বজনীন ব্যবস্থা প্রবর্তন করেছে। তা হচ্ছে কোন আগন্তুক অপরের গৃহে প্রবেশের পূর্বে তিনবার সালাম দিবে অর্থাৎ আস্ সালামু আলাইকুম বলবে। যদি গৃহকর্তার অথবা গৃহের অন্য কোন সদস্যের সাড়া পাওয়া যায়, তবে তার অনুমতি সাপেক্ষে ঐ গৃহে প্রবেশ করা যাবে। অন্যথায় ফিরে আসতে হবে। তিনবার সালাম দেয়ার তাৎপর্য হচ্ছে এই যে, প্রথমতঃ একবার অথবা দু'বার সালাম গৃহের অভ্যন্তরে কোন সদস্যের কর্ণগোচর নাও হতে পারে কিন্তু তিনবার সালাম দিলে একবার না একবার অবশ্যই গৃহকর্তার কর্ণগোচর হবে। দ্বিতীয়তঃ একবার সালাম দিলে যদিও বা গৃহের সদস্যদের দৃষ্টি



আকর্ষণ হয় তবুও অনেকে সামলে নিতে একটু সময় নেয়। তারপর সে আগভুক্তের অভ্যর্থনার ব্যবস্থা করে। দ্বিতীয় অথবা তৃতীয় সালামের অবকাশে সে এ ব্যবস্থাগুলো সম্পূর্ণ করতে পারে। ইসলাম শুধুমাত্র অপরিচিত ব্যক্তির জন্যই এ আইন করেনি বরং পরিবারের সাবালক প্রতিটি পুরুষের জন্যই এ আইন প্রযোজ্য। মহান আল্লাহ বলেনঃ-  
আয়াতঃ---

وَإِذَا بَلَغَ الْأَطْفَالُ مِنْكُمُ الْحُلُمَ فَلْيَسْتَأْذِنُوا كَمَا اسْتَأْذَنَ الَّذِينَ مِنْ قَبْلِهِمْ

(النور: ৫৯)

আর তোমাদের ছেলেরা যখন বুদ্ধির পরিপক্বতা পর্যন্ত পৌছবে তখন অবশ্যই যেন তারা অনুমতি নিয়ে প্রবেশ করে। যেমন তাদের বড়োরা অনুমতি নিয়ে আসে। (সূরা আন-নূরঃ৫৯)

মুয়াত্তা ইমাম মালেকের সূত্রে বর্ণিত হাদীসে আছে-একবার এক ব্যক্তি নবী করীম (সা) কে জিজ্ঞেস করলোঃ আমি নিজের মায়ের কাছে যেতেও অনুমতি চাইবো? হুজুর (সা) বললেনঃ হ্যাঁ। লোকটি বললোঃ আমি এবং আমার মা একই ঘরে একই সাথে বাস করি। রাসুলুল্লাহ (সা) বললেনঃ যখন তার কাছে যাবে অনুমতি নিয়ে যাবে। তখন লোকটি বললোঃ আমি আমার মায়ের পরিচর্যাকারী, তাই বার বার যাতায়াত করতে হয়। হুজুর (সা) বললেনঃ তুমি কি তোমার মাকে উলঙ্গ দেখতে পছন্দ করো? লোকটি বললোঃ না। তখন নবী করীম (সা) বললেনঃ তবে অনুমতি নিয়ে তার কাছে যাবে।”

যারা সর্বদা একই গৃহে এক সাথে বসবাস করে এবং সর্বদা এক ঘর থেকে অন্য ঘরে যাতায়াত করে তাদের জন্যও তিন সময়ের নিষেধাজ্ঞা আছে।  
আল্লাহ রাব্বুল আলামীন বলেনঃ

يَا أَيُّهَا الَّذِينَ آمَنُوا لَيْسَ أَذْنَكُمْ الَّذِينَ مَلَكَتْ أَيْمَانُكُمْ وَالَّذِينَ لَمْ يَلْغُوا الْعِلْمَ مِنْكُمْ ثَلَاثَ مَرَّاتٍ مِنْ قَبْلِ صَلَاةِ الْفَجْرِ وَحِينَ تَضَعُونَ

شَايَكُمْ مِنَ الظَّهِيرَةِ وَمِنْ بَعْدِ صَلَوةِ الْعِشَاءِ ثَلَاثُ عَوَاتٍ لَكُمْ

(النورঃ)

হে ঈমানদারগণ! তোমাদের মালিকানাধীন স্ত্রী - পুরুষ আর তোমাদের সেই সব বালক যারা এখনো বুদ্ধির পরিপক্বতা পর্যন্ত পৌছেন , (তারা) তিনটি সময় যেন অবশ্যই অনুমতি নিয়ে তোমাদের নিকট আসে । ফজরের নামাযের পূর্বে । দ্বিপ্রহরে যখন তোমরা কাপড় খুলে রাখো (এবং বিশ্রাম কর) আর ইশার নামাযের পর । এই তিনটি সময় তোমাদের পর্দা করার সময় । (সূরা আন-নূরঃ ৫৮)

হযরত আবু মুসা আশয়ারী (রা) উচ্চ মর্যাদা সম্পন্ন সাহাবী ছিলেন। তার বর্ণিত হাদীসও হযরত উমর (রা) সাক্ষ্য ছাড়া গ্রহণ করেননি। কারণ তিনি দু'টো জিনিস প্রমাণ করতে চেয়েছেন। প্রথমতঃ বেদায়াতী ও মিথ্যা হাদীস বর্ণনাকারীদের বাধা প্রদান। অর্থাৎ হযরত উমর (রা) এর একথা শুনলে তারা এই ভেবে শংকিত হয়ে পড়বে যে, হযরত আবু মুসা আশয়ারী (রা) এর ন্যায় বিশিষ্ট সাহাবী কর্তৃক বর্ণিত হাদীসই যখন উমর (রা) সাক্ষ্য ব্যতীত গ্রহণ করেননি। তখন আমাদের মিথ্যা ও বানানো হাদীস কিরূপে গ্রহণীয় হবে? দ্বিতীয়তঃ তিনি প্রমাণ করতে চেয়েছেন যে, একমাত্র কুরআন ছাড়া আর কোন কিছুই বিনা যাচাই বাছাইয়ে মানা যাবে না। সাক্ষ্য চেয়ে আবু মুসা আশয়ারী (রা) কে সন্দেহ পোষণ করেননি। কারণ কোন কথার সাক্ষ্য চাওয়া ঐ কথাকে মিথ্যা প্রতিপন্ন করেনা। তাছাড়া হাদীসে রাসূল একজনের চেয়ে একাধিক জন বর্ণনা করা অতি উত্তম।

### শিক্ষাবলী

- ১। অপরের বাড়ীতে প্রবেশের পূর্বে সালামের মাধ্যমে অনুমতি নিতে হবে।
- ২। নিকটাত্মীয় যে কেউ হোক না কেন অনুমতি ছাড়া কোন ঘরে প্রবেশ করা উচিত নয়।
- ৩। ছেলে-মেয়ে প্রাপ্ত বয়স্ক হ'লে অনুমতি নিয়ে গৃহে প্রবেশ করতে হবে।
- ৪। ফজরের পূর্বে, দুপুরের সময় এবং এশার নামাজের পর কারো ঘরে প্রবেশ করা ঠিক নয়। একান্ত যদি প্রবেশ করতেই হয় তবে অনুমতি নিতে হবে।
- ৫। কুরআন ছাড়া আর সবকিছুই যাচাই করে গ্রহণ করতে হবে।

عَنْ أَبِي هُرَيْرَةَ ۖ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا  
تَدْخُلُونَ الْجَنَّةَ حَتَّى تَوْمِنُوا وَلَا تَوْمِنُوا حَتَّى تَحَابُّوا أُولَا دَلِكُمْ عَلَى شَيْءٍ  
إِذَا فَعَلْتُمُوهُ تَحَابَبْتُمْ أَفْشُوا السَّلَامَ بَيْنَكُمْ۔

হযরত আবু হুরাইরা (রা) হ'তে বর্ণিত – তিনি বলেন, নবী করীম (সা) বলেছেনঃ তোমরা ততোক্ষণ পর্যন্ত জান্নাতে যেতে পারবে না যতোক্ষণ পর্যন্ত তোমরা মু'মিন না হও। আর তোমরা ততোক্ষণ পুরোপুরি মু'মিন হতে পারবে না যতোক্ষণ না তোমাদের পরস্পরের মধ্যে ভালোবাসার সম্পর্ক স্থাপিত হবে। আমি কি তোমাদেরকে এমন একটি কাজের কথা বলবো না যা করলে তোমাদের পরস্পরের মধ্যে ভালোবাসার সৃষ্টি হবে? তোমরা সালামের প্রচলন করবে। অর্থাৎ পরিচিতি কি অপরিচিতি সকলেই পরস্পর সালাম করবে। (মুসলিম)

### শব্দার্থ

حَتَّى -যে পর্যন্ত। -তোমরা প্রবেশ করবে না। لَا تَدْخُلُونَ  
أُولَا -আমি কি বলবো না? دَلِكُمْ -পরস্পরকে ভালবাসবে। تَحَابُّوا  
-তোমাদেরকে সুসংবাদ। إِذَا -যখন। أَفْشُوا -বিস্তার।  
تَحَبَّبْتُمْ -তোমরা একে অপরেরকে  
উহা (এখানে সালাম)। -তোমরা করবে।  
-তোমাদের মধ্যে। بَيْنَكُمْ -প্রচলন কর/বৃদ্ধি কর। أَفْشُوا

### হাদীসটির গুরুত্ব

মানব সভ্যতার প্রারম্ভ হতেই একে অপরের সাথে দেখা-সাক্ষাতের সময় পরস্পর বিভিন্ন সন্ধ্যাষণের মধ্য দিয়ে ভাব বিনিময় করতো। বিভিন্ন জাতি নিজেদের আদর্শ ও রুচি অনুযায়ী ভিন্ন ভিন্ন সন্ধ্যাষণ ব্যবহার করে। হিন্দু সম্প্রদায়

নমস্কার, আদাব ইত্যাদি শব্দ ব্যবহার করে। আবার ইংরেজ সম্প্রদায় Good morning (ভুভ সকাল), Good evening (ভুভ সন্ধ্যা), Good night (ভুভ রাত্রি), Good bye (ভুভ বিদায়) ইত্যাদি শব্দ প্রয়োগ করে নিজেদের ভাব বিনিময় করে। একমাত্র ইসলামই এমন একটি বাক্য শিক্ষা দিয়েছে যার তাৎপর্য অনেক। আর এ সালামের মধ্য দিয়ে পরস্পর সম্প্রীতির ভিত রচিত হয় এবং এটি একটি উত্তম ইবাদাতও বটে। বিভিন্ন দৃষ্টিকোণ থেকে চিন্তা করলে বুঝা যায় যে, ব্যবহারিক জীবনে হাদীসটির গুরুত্ব কতো বেশী।

### পটভূমি

গ্রাক ইসলামী যুগে আরবদের মধ্যে বিভিন্ন ধরনের সম্ভাষণের প্রচলন চিলো। কেউ কেউ বলতো **أَنْعَمَ اللَّهُ بِكَ عَيْنًا** (আল্লাহ্ আপনার চক্ষু ঠান্ডা করলেন) আবার কেউ বলতো **أَنْعَمَ صَبَاحًا** (সু প্রভাত) ইত্যাদি। ইসলামের আবির্ভাবের পর নবী করীম (সা) গ্রাক ইসলামী যুগে ব্যবহৃত শব্দগুলো বাদ দিয়ে পরস্পরকে অভিবাদন করতে **السَّلَامُ عَلَيْكُمْ** (আপনার উপর শান্তি বর্ষিত হোক) বাক্যটি ব্যবহার করতে নির্দেশ দেন। এটাকেই বলে সালাম (سَلَام) আধুনিক কালেও পরস্পরের ভাব বিনিময়ে এবং একে অপরের শান্তি কামনায় এর চেয়ে উত্তম কোন সম্প্রীতিমূলক শব্দ আবিষ্কৃতি হয়নি এবং সম্ভবও নয়। ইসলাম যেমন সার্বজনীন ধর্ম তাই এর প্রতিটি কাজই সার্বজনীন।

পবিত্র কুরআনে **السَّلَامُ** (আস্ সালামু) শব্দটি নবী রাসূলদের প্রতি আল্লাহর পক্ষ হতে সম্মান ও সুসংবাদ হিসেবে একাধিক স্থানে ব্যবহৃত হয়েছে। তাছাড়া **السَّلَامُ عَلَيْكَ أَيُّهَا النَّبِيُّ** বলে রাসূলে করীম (সা) এর প্রতি সালাম করতে মুমিনদেরকে (নামাজের মধ্যে) নির্দেশ দেয়া হয়েছে। আখিরাতে জান্নাতীদেরকে জান্নাতে প্রবেশের সময় “আস্ সালামু আলাইকুম” বলে সাদর সম্ভাষণ জানানো হবে। কতুতঃ পারস্পরিক সম্ভাষণে **السَّلَامُ عَلَيْكُمْ** বাক্যের চেয়ে উত্তম কোন বাক্য হতে পারে না।

تَسْلِيمُ ا.م - ل - س মূল অক্ষর হ'তে নিৰ্গত। শব্দটি سَلَام এর এসমে মাসদার। অর্থ শান্তি, নিরাপত্তা, আনুগত্য ইত্যাদি। এক মুসলমান অপর মুসলমানকে সালাম প্রদানের মাধ্যমে দু'টি কাজ সম্পাদন করে।

দুইঃ সালামের মধ্যে এক মুসলমান অপর মুসলমানকে পরস্পরের পক্ষ হ'তে জান, মাল, ইজ্জত, আক্ৰ ইত্যাদির গ্যারান্টি দেয় অর্থাৎ প্রত্যেকেই যেন এ ঘোষণা দেয় যে, “আমার নিকট হ'তে ভূমি সম্পূর্ণরূপে নিরাপদ।” কাজেই দেখা যাচ্ছে, যে সমাজে প্রতিটি মুসলমান একে অপরকে নিরাপত্তা দানের প্রতিশ্রুতি দিচ্ছে, সে সমাজে অন্যায়, জুলুম, হত্যা, লুণ্ঠন, পরস্বাপহরণ ইত্যাদি কিছুই থাকতে পারে না।

পরিচিত ও অপরিচিত প্রত্যেককেই সালাম দেয়া কর্তব্য। সালাম বিনিময়ের মাধ্যমে পরিচিত ব্যক্তির সাথে সম্পর্ক আরো গভীর হয়। এতে পারস্পরিক শত্রুতা ও মনোমালিন্য দূর হয় এবং বন্ধুত্ব সৃষ্টি হয়। পরস্পরের মধ্যে আত্মিক সম্পর্ক গড়ে তোলতে সাহায্য করে। সালাম আল্লাহর অনুগ্রহ লাভের একটি উত্তম উপকরণ। নবী করীম (সা) দেখা সাংস্কাতে সর্বাত্মে সালাম দিতেন। সুতরাং সালাম আদান-প্রদান রাসূলুল্লাহ (সা) এর সুনাত। কেউ সালাম দিলে প্রতি উত্তরে **وَعَلَيْكُمْ السَّلَامُ** (ওয়া আলাইকুমুস সালাম) বলতে হয়। এক ব্যক্তি নবী করীম (সা) কে জিজ্ঞেস করলো, ইয়া রাসূলুল্লাহ! ইসলামে কোন অভ্যাসটি উত্তম? রাসূলুল্লাহ (সা) বললেন:

تَطْعَمُ الطَّعَامَ وَتَقْرَأُ السَّلَامَ عَلَى مَنْ عَرَفْتَ وَمَنْ لَمْ تَعْرِفْ -

অপরকে খানা খাওয়ানো এবং পরিচিত-অপরিচিত প্রত্যেককে সালাম দেয়া।

(বুখারী, মুসলিম)

অপর হাদীসে আছে আগে সালাম প্রদানকারী ব্যক্তি আল্লাহর নিকট বেশী প্রিয়। নিজের ছেলে-মেয়ে স্ত্রী সবাইকে সালাম দেয়া সুন্নাত। নবী করীম (সা) বলেনঃ

إِذَا دَخَلْتُمْ بَيْتًا فَسَلِّمُوا عَلَى أَهْلِهِ وَإِذَا خَرَجْتُمْ فَلَا دُعَاءَ أَهْلِهِ سَلَامًا۔

যখন তোমরা গৃহে প্রবেশ করবে তখন গৃহবাসীকে সালাম করবে। আর যখন গৃহ ত্যাগ করবে তখনও গৃহবাসীকে সালাম দিয়ে বের হবে। (বায়হাকী)

অন্য হাদীসে আছেঃ

قَالَ يَا بَنِي إِدَا دَخَلْتَ عَلَى أَهْلِكَ فَسَلِّمْ يَكُونُ بَرَكَةً عَلَيْكَ وَعَلَى أَهْلِ بَيْتِكَ۔

[(হযরত আনাস (রা) কে উপদেশ দান করলে)] নবী করীম (সা) বলেছেনঃ হে বৎস! যখন তুমি তোমার ঘরে প্রবেশ করবে তখন গৃহবাসীকে সালাম করবে। তোমার সালাম তোমার ও তোমার ঘরের বাসিন্দাদের জন্য বরকতের কারণ হবে। (তিরমিযি)

সালাম সংক্রান্ত মাসায়েলঃ

(১) কোন মু'মিন যদি নামায, কুরান পাঠ, পানাহার ইত্যাদি কাজে নিগু না থাকে তবে অপর মু'মিনকে সালাম করা সুন্নাত। সালামের উত্তর দেয়া ওয়াজিব।

(২) পায়খানা প্রস্রাবরত অবস্থায় সালাম দেয়া অথবা তার উত্তর দেয়া উভয়ই মাকরুহ (অপছন্দনীয়), যদি কোন ব্যক্তি অজ্ঞতাবশত ঐ অবস্থায় সালাম দেয় তবে পায়খানা প্রস্রাব হতে অবসর হয়ে সালামের জবাব দিতে হবে। আর ঐ অজ্ঞ ব্যক্তিকে সালামের পদ্ধতি শিখিয়ে দিতে হবে।

(৩) সাথে সাথে সালামের জবাব দেয়া ঠিক নয় বরং সালাম দাতার সালাম প্রদান শেষ হলে তার জবাব দিতে হবে। সালাম দেয়া শেষ না হতেই জাবাব দিলে পুণরায় সালাম শেষে জবাব দিতে হবে।

(৪) **اَلْسَّلَامُ عَلَيْكُمْ** এর জবাবে **اَلْسَّلَامُ عَلَيْكُمْ** বলা ঠিক নয়। প্রতি উত্তরে **وَعَلَيْكُمُ السَّلَامُ** বলতে হবে।

(৫) কাফের মুশরিকদেরকে সালাম দেয়া জায়েয নয়। যদি কোথাও মুসলমান

ও কাফের একত্রে থাকে তবে **اَتَّبَعَ الْهُدَى** (আস্ সালামু আলা মানিন্তাবা আল হদা) বলে সালাম প্রদান করতে হবে এবং মনে মনে মুসলমানদের জন্য সালামের নিয়ত করতে হবে।

(৬) সালাম বলার সময় হাত উঠানো অথবা না উঠানো উভয়ই জায়েয। তবে অথবা আঙ্গুলের দ্বারা ইঙ্গিত করা জায়েয নয়। কারণ এটি ইহুদী ও খ্রীষ্টানদের রীতিনীতি।

(৭) এক দলের মধ্যে একজন সালাম দেয়া অথবা নেয়াই যথেষ্ট। সালাম দেয়া সূন্নাতে কেফায়া এবং উত্তর দেয়া ওয়াজিবে কেফায়া।

(৮) কোন অমুসলিম মুসলমানকে সালাম দিলে **وَعَلَيْكُمْ** (ওয়া আলাইকুম) বলে উত্তর দিতে হবে।

(৯) অপরিচিত যুবতী মহিলাকে সালাম দেয়া মাকরুহ। বৃদ্ধা মহিলাকে সালাম দেয়া জায়েয। যদি কোন বাড়ীতে প্রবেশের সময় সালাম দেয় তবে ঐ বাড়ীতে যারা আছে প্রত্যেককেই সালাম দেয়া হলো। এটি জায়েয।

(১০)। মুহরিম সমস্ত স্ত্রীলোককেই সালাম দেয়া এবং মুহরিম স্ত্রীগণও মুহরিম পুরুষকে সালাম দেয়া জায়েয।

(১১) আরোহী ব্যক্তি পায়ে হাঁটা ব্যক্তিকে সালাম দিবে। চালাচলকারী বসা ব্যক্তিকে সালাম দিবে এবং কম সংখ্যক লোক বেশী সংখ্যক লোককে সালাম দিবে।

(১২) ছোট বড়োকে এবং বড়ো ছোটকে সালাম দেয়া জায়েয।

(১৩) একই ব্যক্তির সাথে যদি বার বার দেখা হয় তবে তাকে প্রত্যেক বারই সালাম দেয়া উচিত।

### তথ্য সূত্র

- (১) মিশকাতুল মাসাবীহ আরাফাত পাবলিকেশন্স, ঢাকা
- (২) রিয়াদুস সালেহীন-ইমাম নবুবী (রহ)
- (৩) তিরমিযি
- (৪) আসান ফেকাহ
- (৫) বেহেশতী জেওর।

وَعَنْ أَبِي هُرَيْرَةَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ اتَدُون  
مَالِي فِيَّ قَالُوا اللَّهُ وَرَسُولُهُ أَعْلَمُ - قَالَ ذَكَرْتُ أَخَاكَ بِمَا يَكْرَهُ قِيلَ أَفَرَأَيْتَ  
إِنْ كَانَ فِيَّ أَخِي مَا أَقُولُ قَالَ إِنْ كَانَ فِيَّ مَا تَقُولُ فَقَدْ اغْتَبَيْتَهُ وَإِنْ لَمْ يَكُنْ  
فِيَّ مَا تَقُولُ فَقَدْ بَغَيْتَهُ - (مسلم، مشكوة)

“হযরত আবু হুরাইরাহ (রা) হ’তে বর্ণিত, একবার নবী করীম (সা) সাহাবীদেরকে জিজ্ঞেস করলেনঃ তোমারা কি জানো, গীবত কাকে বলে? সাহাবীগণ বললেন, আল্লাহ এবং তাঁর রাসূলই ভালো জানেন। হুজুর (সা) বললেন—তোমার মুসলমান ভাই সম্পর্কে এমন কথা বলা, যা সে অপছন্দ করে। জিজ্ঞেস করা হলো, যদি আমার ভাইয়ের মধ্যে সে ত্রুটি বর্তমান থাকে, যা আমি বলবো। হুজুর (সা) বললেন, তুমি যা বলবে তা যদি তার ভিতর পাওয়া যায় তবে সেটি হবে গীবত। আর যদি না পাওয়া যায় তবে তা হবে বুহতান (মিথ্যা অপবাদ)।” (মুসলিম, মিশকাত)

### শব্দার্থ

أَعْلَمُ - গীবত, পরনিন্দা - الْغَيْبُ? - কি? - مَا - তোমরা জান। - تَدْرُونَ? - কি? -  
- يَكْرَهُ - যা। - بِمَا - তোমার ভাইয়ের কথা। - ذَكَرْتُ أَخَاكَ - অধিক জানে।  
- أَفَرَأَيْتَ إِنْ كَانَ فِيَّ - বলো হলো (Passive Voice) - قِيلَ - অপছন্দ করে।  
- مَا تَقُولُ - আমার ভাই। - أَخِي - যদি তার মধ্যে সে ত্রুটি দেখা যায়? -  
- لَمْ يَكُنْ - না - إِنْ - এবং - وَ - তবে গীবত করলে। - فَقَدْ اغْتَبَيْتَهُ -  
- تَخَنَ - তখন বুহতান বা মিথ্যা অপবাদ দিলে। - فِيَّ - তার মধ্যে।



### রাবীর পরিচয়

হযরত আবু হুরাইরাহ (রা) এর ইসলাম পূর্ব নাম ছিলো ‘আবদে শামস’ অর্থ- ‘অরুণ দাস’। মুসলমান হবার পর রাসূলে করীম (সা) তাঁর নাম রাখেন আব্দুর রহমান অর্থ- রহমানের দাস। আবু হুরাইরাহ তার কুনিয়াত বা উপনাম। আবু হুরাইরাহ (রা) ৭ম হিজরীতে ইসলাম গ্রহণ করেন। তখন হতে মসজিদে নববীতেই অবস্থান করেছেন। তিনি ছিলেন ‘আহলে ছুফ্যাদের’ একজন। ঘর-সংসার, ব্যবসা-বাণিজ্য সবকিছু বিসর্জন দিয়ে সর্বক্ষণ মহানবী (সা) এর খেদমতে পড়ে থাকতেন। শুধুমাত্র রাসূলুল্লাহ (সা) কোথাও পাঠালে বা কোন দায়িত্ব দিলে তিনি তৎক্ষণাৎ তা পালন করতেন। তিনি মাত্র সাড়ে তিন (৩½) বৎসরের মতো নবী করীম (সা) এর সান্নিধ্য পান। এ সময়ের মধ্যেই তিনি যে হাদীস মুখস্ত করেছিলেন তা আর কোন সাহাবীই পারেননি। আব্দুল্লাহর রাসূল (সা) নিজেই বলেছেন, “আবু হুরাইরাহ জ্ঞানের আধার”।

তিনি হিজরী ৫৯ সনে ৭৮ বৎসর বয়সে ইন্তেকাল করেন। তাঁর বর্ণিত হাদীসের সংখ্যা মোট ৫,৩৭৪টি। তাঁর ছাত্রের সংখ্যা প্রায় ৮০০।

### হাদীসটির গুরুত্ব

গীবত ইসলামের দৃষ্টিতে মহাপাপ। এর মাধ্যমে ভ্রাতৃত্ববোধ বিনষ্ট হয় এবং সমাজে বিপর্যয় সৃষ্টি হয়। কেননা যতো বড়ো অপরাধীই হোক না কেন সে চায় না যে তার অনুপস্থিতিতে তার কোন ক্রটি নিয়ে অপর কোন ব্যক্তি আলোচনা করুক।

তাছাড়া একটি সুন্দর ও আদর্শ সমাজ গঠনের অন্যতম শর্ত হচ্ছে ভ্রাতৃত্ববোধ ও পরস্পর সহানুভূতি। কিন্তু গীবত একে অপরের সম্পর্কে বিমোক্ত করে তোলে এবং সমাজের ঐক্য ও শান্তির ভিত্তি ভেঙ্গে দেয়। তাই সমাজের ঐক্য ও শান্তি বজায় রাখতে হলে এ হাদীসের অনুসরণ করা একান্ত অপরিহার্য

### ব্যাখ্যা

গীবত একটি জঘন্য পাপ। আল কুরআন একে মৃত ভাইয়ের মাংস খাওয়ার

তুল্য অপরাধ হিসেবে গণ্য করেছে এবং হাদীসে যেনা বা ব্যভিচারের চেয়েও খারাপ কাজ বলা হয়েছে। মহান আল্লাহ বলেনঃ

لَا يَغْتَبُّ بَعْضُهُمْ بَعْضًا إِيَّابَ أَحَدِكُمْ أَنْ تَأْكُلَ لَحْمَ أَخِيهِ مَيْتًا  
فَكَرِهْتُمُوهُ۔ (المحجرات)

“কেউ কারো গীবত করো না। তোমরা কি কেউ আপন মৃত ভাইয়ের গোশত খাওয়া পছন্দ করবে? একে তো তোমরা অবশ্যই ঘৃণা করবে।” (সূরা আল হজুরাত)

নবী করীম (সা) বলেনঃ

الْغِيْبَةُ أَشَدُّ مِنَ الزِّنَا۔ قَالُوا يَا رَسُولَ اللَّهِ وَكَيْفَ الْغِيْبَةُ أَشَدُّ  
مِنَ الزِّنَا؟ قَالَ إِنَّ الرَّجُلَ لِيَزْنِي فَيَتُوبُ اللَّهُ عَلَيْهِ وَإِنَّ صَاحِبَ الْغِيْبَةِ  
لَا يُغْفَرُ حَتَّىٰ يَغْفَرَ هَالَهُ صَاحِبُهُ۔ (بيهقي، مشكوات)

“গীবত যেনার চেয়েও মারাত্মক। লোকেরা জিজ্ঞেস করলো, হে আল্লাহর রাসূল! গীবত কি করে যেনার চেয়ে মারাত্মক? তখন নবী করীম (সা) বললেন, কোন ব্যক্তি যেনা করার পর যখন তওবা করে আল্লাহ তার তওবা কবুল করেন। কিন্তু গীবতকারীকে যার গীবত করা হয়েছে সে যদি মা'ফ না করে আল্লাহ মা'ফ করবেন না।” (বায়হাকী, মিশকাত)

এই গীবতের কারণে পরকালে কতো ভয়াবহ আজাবের সম্মুখীন হতে হবে তার কিষ্টিত আভাস নবী করীম (সা) কে মি'রাজের রজনীতে দেখানো হয়েছে।

হযরত আনাস (রা) বর্ণনা করেন-

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَهَا عَرَجٌ فِي رِيٍّ مَرَرْتُ بِقَوْمٍ  
لَهُمْ أَظْفَرُ مِنْ نَحَاسٍ يَخْشَوْنَ وُجُوْهُهُمْ وَصُدُورُهُمْ فَقُلْتُ مَنْ

هُؤُلَاءِ يَاجِبْرِئِيلُ قَالَ هَؤُلَاءِ الَّذِينَ يَأْكُلُونَ لَحْمَ النَّاسِ وَيَقْعُونَ فِي أَعْرَاضِهِمْ۔  
(ابوداؤد)

—“নবী করীম (সা) বলেছেন, যখন আল্লাহ্ পরওয়ারদিগার আমাকে মি'রাজে নিয়ে গেলেন। আমি সেখানে এমন লোকদের নিকট দিয়ে গেলাম যাদের নখ আমার তৈরী। ঐ সব নখ দিয়ে তারা তাদের মুখমন্ডল ও বক্ষদেশ খামচিয়ে ঘা করছিলো আমি জিব্রাইল (আ) কে জিজ্ঞেস করলাম, এরা কারা? জিব্রাইল বললেন 'এরা ঐ সকল লোক যারা মানুষের মাংস খায় অর্থাৎ গীবত করে এবং মানুষের পিছনে (ইজ্জত নষ্ট করার জন্য) লেগে থাকে। (আবু দাউদ)

গীবতের আরেক রূপ হচ্ছে কুটনামী বা চোগলখোরী। চোগলখোরী বলা হয় একের কথা অপরকে বলে উভয়ের মধ্যে মনোমালিন্য ও ঝগড়া সৃষ্টি করা। ইসলামের দৃষ্টিতে এটিও একটি জঘন্য অপরাধ। নবী করীম (সা) বলেনঃ

مَنْ كَانَ ذَا وَجْهَيْنِ فِي الدُّنْيَا كَانَ لَهُ يَوْمَ الْقِيَامَةِ لِسَانٌ مِّنْ نَّارٍ۔  
(দারী)

“যে ব্যক্তি পৃথিবীতে দ্বিমুখী হবে (অর্থাৎ এখানে এক কথা ওখানে অন্য কথা বলে), কিয়ামতের দিন তার মুখে আগুনের জিহ্বা হবে।” (দারেমী)

অন্যত্র বলা হয়েছেঃ

لَا يَدْخُلُ الْجَنَّةَ نَمَامٌ۔  
(بخاری، مسلم)

“চোগলখোর কখনো বেহেশতে প্রবেশ করতে পারবে না। (বুখারী, মুসলিম)  
হযরত আবদুল্লাহ্ ইবনে উমর (রা) বলেনঃ

نَهَى رَسُولُ اللَّهِ صَلَّى اللَّهُ عَلَيْهِ وَسَلَّمَ عَنِ النَّيْمَةِ وَنَهَى عَنِ الْغِيَةِ وَالْإِسْتِمَاعِ إِلَى الْغِيَةِ۔  
(الموطأ، ১৭৬)

“নবী করীম (সা) চোগলখোরী থেকে বারণ করেছেন। অনুরূপভাবে গীবত করা এবং গীবত শোনা থেকে বিরত থাকতে বলেছেন। (রাহে আমল, ২য় খন্ড)

### ব্যতিক্রম

নিম্নলিখিত ক্ষেত্রসমূহে গীবত বলে গণ্য হয় নাঃ

(১) কারো সাক্ষাতে তাকে সংশোধনের উদ্দেশ্যে তার দোষ-ত্রুটি বর্ণনা করায় পাপ হবে না।

(২) কারো অগোচরে তাকে সংশোধনের নিমিত্তে কয়েকজন মিলে পরামর্শকালে তার কোন দোষ আলোচনা হ'লে তাতে কোন অপরাধ হবে না। তবে লোক সমাজে তাকে হয় প্রতিপন্ন করার উদ্দেশ্যে হলে সম্পূর্ণ হারাম।

(৩) খোদাদ্রোহী, ধোকাবাজ, বেদয়াতী অথবা দীনের ক্ষতিকারী কোন ব্যক্তির বিরুদ্ধে তার দোষ-ত্রুটি আলোচনা করে লোকদের সতর্ক করা কোন দোষের ব্যাপার নয়।

(৪) বিচারকের নিকট আসামীর দোষ-ত্রুটি তুলে ধরা অবৈধ নয়।

(৫) বিচারক, শাসক ও নেতা যদি অবিচার, অত্যাচার, স্বজনপ্রীতি, উৎকোচ গ্রহণ ইত্যাদি দোষে দোষী হয়। তবে জন সমাবেশে তার নিন্দা করা বৈধ।

(৬) বকধর্মিক, ভদ্ভপীর-দরবেশের ভদ্ভামী সম্বন্ধে জনগণের দৃষ্টি আকর্ষণ করা জায়েয।

(৭) বিয়ে শাদীর ব্যাপারে যদি কেউ পরামর্শ চায় তবে ছেলে-মেয়ের দোষ-ত্রুটি জানা থাকলে তাকে বলতে হবে এ ক্ষেত্রেও কোন পাপ হবে না। বরং ছেলে-মেয়ের কোন দোষ-ত্রুটি গোপন করা পাপ।

(৮) কোন মুনাফিক, ফাসিক অথবা মুরতাদের নিন্দা করা জায়েয।

### কৃত গীবতের হুকুম

যার গীবত করা হয়েছে যদি সেই ব্যক্তি জীবিত থাকে এবং সম্ভব হয় তবে তার নিকট মাফ চেয়ে নিতে হবে। আর যদি সে জীবিত না থাকে কিংবা সে ধরা ছোঁয়ার বাইরে থাকে তবে তার গুনাহ্ মাপের জন্য আল্লাহর নিকট দু'আ করতে হবে এবং নিজের জন্যও দু'আ করতে হবে।

عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَا كَذِبُ وَالظَّنَّ فَإِنَّ الظَّنَّ أَكْذَبُ الْحَدِيثِ وَلَا تَحَسُّسُوا وَلَا تَجَسُّسُوا وَلَا تَنَاجَشُوا وَلَا تَعَاْسِدُوا وَلَا تَبَاغُضُوا وَلَا تَدَابُرُوا وَكُونُوا عِبَادَ اللَّهِ إِخْوَانًا وَفِي رَوَايَةٍ وَلَا تَنَافَسُوا -

আবু হুরাইরা (রা) হ'তে বর্ণিত, তিনি বলেন—নবী করীম (সা) বলেছেনঃ তোমরা (কোন ব্যক্তি বা বস্তু সম্পর্কে) কুচিন্তা হ'তে বেঁচে থাকো। কেননা কুচিন্তা সব চেয়ে বড়ো মিথ্যা কথা। কারো দোষ অনুসন্ধান করে বেড়িও না। এমন কি ভালো বিষয়েও গোয়েন্দাগিরি করো না। (কোন জিনিস ক্রয় কালে) এক জনের দরের উপর দিয়ে দর করো না। পরস্পর হিংসা বিদ্বেষ ও শত্রুতা রেখো না। আর অপর ভাইয়ের গীবত করো না। তোমরা প্রত্যেকেই 'ইবাদুল্লাহ' (আল্লাহর দাস) এবং পরস্পর ভাই হয়ে যাও। অপর বর্ণনায় আছে— তোমরা কেউ কারো জিনিসের উপর লোভ করো না। (বুখারী, মুসলিম)

### শব্দার্থ

ظَنٌّ - খারাপ ধারণা করা, কুচিন্তা। أَكْذَبُ - বড়ো মিথ্যা تفصيل বা (Superlative Degree)। الْحَدِيثُ - কথাবার্তা, রাসূলের বাণী। تَحَسُّسُوا - ভালো খবরের অনুসন্ধান করা। تَجَسُّسُوا - দোষ অনুসন্ধান করে বেড়ানো। تَنَاجَشُوا - একজনের দরের উপর অপর জনের দর করা। تَعَاْسِدُوا - পরস্পর হিংসা করা تَبَاغُضُوا - পরস্পর গীবত করা। تَدَابُرُوا - একে অপরের পিছনে লেগে থাকা। كُنُوا - হয়ে যাও। عِبَادَ اللَّهِ - আল্লাহর ইবাদাতকারী, আল্লাহর দাস। إِخْوَانًا - ভাই-ভাই (এক বচনে أَخ - ভাই)। تَنَافَسُوا - পরস্পর লোভ করা।

## রাবীর পরিচয়

দারসে হাদীস ২য় খন্ডের ২ ও ৯নং হাদীস দ্রষ্টব্য।

## হাদীসটির গুরুত্ব

উক্ত হাদীসের লক্ষ্য হচ্ছে ইসলামী সমাজকে ঐক্য, সংহতি, সমবেদনা, সংবেদনশীলতা, প্রীতি ও সৌভ্রাতৃত্বের একটি সুন্দর অট্টালিকা রূপে প্রতিষ্ঠিত করা। যে সব কারণে ইসলামী সমাজের ভ্রাতৃত্ব নষ্ট হয়ে খন্ড-বিখন্ড হয় এবং একে অপরের উপর খড়্গহস্ত হয় অত্র হাদীসে সেই কারণ গুলোকে চিহ্নিত করে তার প্রতিকার বিধান করা হয়েছে। ব্যক্তির প্রতি খারাপ ধারণা রাখা, কারো গোপন বিষয় অনুসন্ধান করা, পরস্পর হিংসা-দ্বेष, একে অন্যের পিছনে তার দোষ-ত্রুটি গেয়ে বেড়ানো, এগুলো ঐক্য, ভ্রাতৃত্ব ও পারস্পরিক সম্প্রীতিকে নস্যাৎ করে দেয়। ফলে মুসলিম সমাজে ভাঙ্গনের সৃষ্টি হয়। ঝগড়া কলহ আবহাওয়াকে বিঘাণ্ড করে তোলে। পরিণামে সমাজ আত্মকেন্দ্রিক ও স্বার্থবাদিতায় ভরে ওঠে। সমাজের এসব ছোট-খাট ছিদ্রপথ বন্ধ করতে এ হাদীসটি অদ্বিতীয়।

## ব্যাখ্যা

আল-কুরআনে সূরা হুজুরাতে বলা হয়েছেঃ

يَا أَيُّهَا الَّذِينَ آمَنُوا اجْتَنِبُوا كَثِيرًا مِّنَ الظَّنِّ إِنَّ بَعْضَ الظَّنِّ إِثْمٌ  
وَلَا تَجَسَّسُوا-

হে ঈমানদারগণ! খুব বেশী খারাপ ধারণা পোষণ হতে বিরত থাকো। কেননা কোন কোন ধারণা পাপ। আর তোমরা কারো বিষয়ে অনুসন্ধান করে বেড়িও না।

(সূরা আল হুজুরাতঃ১৫)

উপরোক্ত আয়াতের দৃষ্টিতে চিন্তা করলে বুঝা যায়, ধারণা অনুমান একেবারে নিষিদ্ধ নয়। তবে প্রতিটি ব্যাপারে নিছক ধারণা অনুমানের ভিত্তিতে কথা বলা নিষিদ্ধ। ধারণা অনুমান কয়েক প্রকার হয়ে থাকে। সবগুলো পাপ নয়। যেমন-

একঃ আল্লাহ ও তাঁর রাসূল সম্পর্কে ভালো ধারণা রাখা এবং যে সমস্ত মু'মিনের সাথে সার্বক্ষণিক দেখা-সাক্ষাৎ, লেন-দেন, মেলামেশা, তাদের প্রতি ভালো ধারণা রাখা অত্যন্ত প্রশংসনীয় কাজ।

দুইঃ এক ধরনের ধারণা-অনুমান আছে যা প্রয়োগ ছাড়া উপায় নেই। যেমন আদালতে বিচারাচারের সময়। তাছাড়া আরও বহু ব্যাপার আছে, চিন্তা-ভাবনা, পরীক্ষণ-পর্যবেক্ষণের ক্ষেত্রে ধারণা অনুমান ছাড়া চলতে পারে না। চিন্তা জগতের প্রসারতা, উন্নতি ও উৎকর্ষতা এ ধারণা অনুমানের ভিত্তিতে সম্ভব হয়েছে।

তিনঃ এক প্রকারের ধারণা-অনুমান এমন যা খারাপ হলেও জায়েয। যেমন কোন ব্যক্তি বা দলের চরিত্রে, কাজ-কর্মে, লেন-দেনে, সম্পর্ক-সম্বন্ধ রক্ষায় এবং বাহ্যিক অন্যান্য আচার-আচরণে এমন নিদর্শন পাওয়া যায় যে, তার প্রতি ভালো ধারণা পোষণ করার আর কোন উপায় থাকে না, এমন অবস্থায়ও তার প্রতি শুধু ভালো ধারণাই পোষণ করতে হবে একথা ইসলাম বলে না।

চারঃ আরেক প্রকারের ধারণা-অনুমান হচ্ছে কারো সম্পর্কে অকারণে খারাপ ধারণা পোষণ করা। এমন কোন কথা বা কাজ যার দ্বারা ভালো অথবা খারাপ উভয়েই মনে করা যায়। এক্ষেত্রে ভালোর দিকটি উপেক্ষা করে শুধু খারাপের দৃষ্টি কোণ থেকে চিন্তা করা ঠিক নয়। এটাই পাপ। যেমন কোন ব্যক্তি মজলিস থেকে উঠে যাওয়ার সময় নিজের জুতার পরিবর্তে অপরের জুতা হাতে নেয়া। এ অবস্থায় সে জুতা চুরি করার জন্য হাতে নিয়েছে এ কথা বলা যায় না কেননা ভুলেও এরূপ ঘটনা স্বাভাবিক।

বস্তুত নিজের ধারণা-অনুমানকে নিরংকুশ, নিঃসন্দেহ বা শতহীন বানিয়ে নেয়া কেবলমাত্র সেই লোকদেরই কাজ হতে পারে যারা আল্লাহকে ভয় করে না এবং পরকালের শাস্তি সম্বন্ধে কোন খবরই রাখে না। অত্র হাদীসে এদিকেই ইঙ্গিত করা হয়েছে।

দ্বিতীয়ত বলা হয়েছে- একে অপরের দোষ-ত্রুটি খঁজে বেড়িও না। অর্থাৎ লোকদের গোপন তত্ত্ব ও তথ্য তালাশ করো না। অন্য হাদীসে বলা হয়েছে-

وَلَا تَتَّبِعُوا عَوْرَاتِهِمْ فَإِنَّهُ مَنْ يَتَّبِعْ عَوْرَةَ أَخِيهِ الْمُسْلِمِ يَتَّبِعِ اللَّهُ عَوْرَتَهُ وَمَنْ يَتَّبِعِ اللَّهُ عَوْرَتَهُ يَفْضَحْهُ وَلَوْ فِي جُوفِ رَحْلِهِ -

মুসলমানদের দোষ খুঁজে বেড়িও না; কারণ যে ব্যক্তি তার মুসলিম ভাইয়ের গোপন দোষ ও গুনাহ খুঁজতে থাকে তখন আল্লাহও তার গোপন দোষ ফাঁস করতে লেগে যান। আর আল্লাহ যার পিছে লেগে যান তাকে তিনি অপমান করেই ছাড়েন। সে তার ঘরের মধ্যে লুকিয়ে থাকুক না কেন। (তিরমিযি)

আবু বকর আল্ জাসসাস তাঁর আহকামুল কুরআনে এ ব্যাপারে যে সমস্ত হাদীস সংকলন করেছেন, সেখানে বলা হয়েছে: নবী করীম (সা) বলেন-

إِذَا ظَنَنْتُمْ فَلَا تَحْقُقُوا-

কোন লোক সম্পর্কে তোমার মনে খারাপ ধারণা সৃষ্টি হলে তা যাচাই করতে চেষ্টা করো না।

অপর হাদীসে বলা হয়েছে-

مَنْ رَأَى عَوْرَةَ نِسْتَرَهَا كَانَ كَمَنْ أَحْيَا مَوْتًا-

যে ব্যক্তি অপর ভাইয়ের গোপন ক্রটি দেখতে পেয়েও তা গোপন রাখলো, সে যেন একটি জীবন্ত প্রোথিত মেয়েকে মৃত্যুর হাত হতে রক্ষা করলো।

এক জনের দরের উপর দর করাঃ হাদীসে শব্দ ব্যবহার করা হয়েছে। অর্থাৎ কোন মাল ক্রয় বিক্রয়ের সময় বিক্রেতার সাথে ক্রেতার কথাবার্তা। কোন একটি মাল কেনার উদ্দেশ্যে কোন ক্রেতা দর কষাকষি করছে এমনতাবস্থায় অপর কোন ব্যক্তি একই সময়ে উক্ত মালের দর-দাম করা বৈধ নয়। ইয়া, যদি পূর্ব ব্যক্তির সাথে দর-দামে বনিবনা না হয় এবং সে স্থান ত্যাগ করে চলে যায় তবে ঐ মালের দাম করা যেতে পারে। এ ব্যাপারে ইমাম মুহাম্মদ (রাহ) এর মুয়াত্তায় হযরত আবদুল্লাহ ইবনে উমার (রা) এর বর্ণনায় নবী করীম (সা) হতে একটি হাদীস বর্ণিত হয়েছে। সেখানে বলা হয়েছে যে, রাসুলুল্লাহ (সা) বলেনঃ

لَا يَبِيعُ بَعْضُكُمْ عَلَى بَعْضٍ-



তোমাদের মধ্যে যেন কেউ কোন বস্তুর ক্রয়-বিক্রয়ের কথাবার্তা চলাকালীন সময়ে (একই বস্তুর) দর-দাম না করে। [মুয়াত্তা ইমাম মুহাম্মদ (রা) পৃঃ ৪৯৬ হাদীস ৭৮৬]

হিংসা-বিদ্বেষঃ হিংসার অপর নাম পরশ্রীকাতরতা। এটি একটি ঘৃণ্য ব্যাধি। একবার কারো ভিতরে প্রবেশ করলে সহজে এ ব্যাধিটি সারার নয়। এই ব্যাধির কবলে পড়ে শুধুমাত্র আন্তরিক সম্পর্কই নষ্ট হয় না ঈমানও বিপন্ন হয়ে পড়ে। নবী করীম (সা) বলেছেনঃ

رَبِّ إِلَيْكُمْ ذَا الْأُمَمِ قَبْلَكُمْ الْحَسَدُ وَالْبَغْضَاءُ إِلَى الْحَالِقَةِ لَا أَقُولُ تَحْلِقُ الشَّعْرَ وَلَكِنْ تَحْلِقُ الدِّينَ -

পূর্বকার উম্মতদের ব্যাধি তোমাদের মধ্যে প্রবেশ করেছে। আর এ ব্যাধি হচ্ছে হিংসা ও শত্রুতা যা মুন্ডন করে দেয়। অবশ্য চুল মুন্ডন করে দেয় একথা আমি বলছি না বরং দীনকে মুন্ডন করে দেয়। (তিরমিযি, আহমদ)

হিংসার সংজ্ঞা দিতে গিয়ে জনাব খুররম জাহ্ মুরাদ ‘ইসলামী আন্দোলনের কর্মীদের পারস্পরিক সম্পর্ক’ নামক বইতে বলেন-

“কোন মানুষের প্রতি আল্লাহ্ তা‘আলার দেয়া কোন নেয়ামত, যেমন- ধন-দৌলত, জ্ঞান-বুদ্ধি বা সৌন্দর্য- সুষমাকে পছন্দ না করা এবং তার থেকে এ নেয়ামতগুলো ছিনিয়ে নেয়া হোক, মনে মনে এটা কামনা করা। হিংসার ভিতর নিজের জন্যে নিয়ামতের আকাংখার চেয়ে অন্যের থেকে ছিনিয়ে নেবার আকাংখাটিই প্রবল থাকে।”

কারো উপর হিংসার পরিণতি কখনো কল্যাণকর হয় না, বরং ক্ষতির কারণ হয়ে দাঁড়ায়।

নবী করীম (সা) বলেনঃ

إِيَّاكُمْ وَالْحَسَدَ فَإِنَّ الْحَسَدَ يَأْكُلُ الْحَسَنَاتِ كَمَا تَأْكُلُ النَّارُ الْحَطَبَ -

তোমরা হিংসা হতে বেঁচে থাকো। কারণ আশুন যেমন লাকড়ীকে খেয়ে ফেলে, হিংসা ঠিক তেমনি নেকী ও পুণ্যকে খেয়ে ফেলে। (আবু দাউদ)

আল্লাহ রাসূল আলামীনও হিংসা এবং হিংসুক থেকে আল্লাহর আশ্রয় কামনার পরামর্শ দিয়েছেন। ইরশাদ হচ্ছে-

مِنْ شَرِّ حَاسِدٍ إِذَا حَسَدَ-

(আমি আশ্রয় চাচ্ছি) হিংসুকের অনিষ্ট হতে যখন সে হিংসা করে।

(সূরা আল ফালাকঃ ৬)

গীবত : (বিস্তারিত জানার জন্য ৯নং হাদীস দ্রষ্টব্য)

আল্লাহর বান্দা বা ইবাদুল্লাহঃ ইবাদালাহ শব্দের অর্থ হচ্ছে আল্লাহর দাস বা আল্লাহর ইবাদাতকারী। অন্য কথায় আল্লাহর নির্দিষ্টসীমা লংঘন না করে জীবন যাপনকারী। একজন ইবাদুল্লাহর প্রকৃতিই হচ্ছে সে প্রতিটি দুনিয়াদারী কাজকে দীনদারীতে রূপান্তরিত করে তার উপর প্রতিষ্ঠিত থাকে। যেমন বিয়ে- শাদী, ব্যবসা- বানিজ্য, গৃহকর্ম, প্রস্রাব- পায়খানা ইত্যাদি দুনিয়াদারী কাজ। কিন্তু যখনই এ সমস্ত কাজকে আল্লাহর নির্দেশ মোতাবেক সম্পাদন করা হয় তখন আর তা দুনিয়াদারী কাজ থাকে না; দীনদারীতে রূপান্তরিত হয়ে যায়।

পরস্পর ভাই-ভাই হয়ে জীবন-যাপন করাঃ এটিও মু'মিন জীবনের মূলনীতি। আল্লাহ স্বয়ং প্রত্যেক মুমিনের মধ্যে জাত সম্পর্ক স্থাপন করে দিয়েছেন। সূরা আলে ইমরানে বলা হয়েছে:-

فَأَصْبَحْتُمْ بِنِعْمَتِهِ إِخْوَانًا-

তোমরা আল্লাহর অনুগ্রহে পরস্পর ভাই হয়েছো। (সূরা আলে ইমরানঃ ১০৩)

অন্যত্র বলা হয়েছে-

إِنَّهَا الْمُؤْمِنُونَ إِخْوَةٌ-

“অবশ্যই মুমিনগণ একে অপরের ভাই ।”

এ রকম ভাইয়ের সম্পর্ক যখন মুসলমানের মধ্যে প্রতিষ্ঠিত হবে তখন কেউ কারো সম্পদের উপর লোভ তো করবেই না বরং আরেক ভাইয়ের কল্যাণের জন্য নিজেকে উৎসর্গ করে দিবে। যেমন ঘটেছিলো আনসার ও মুহাজির সাহাবাদের মধ্যে এবং ইয়ারমুকের যুদ্ধের ময়দানে।

উক্ত হাদীসের তাৎপর্য তখনই পরিস্ফুটিত হয়ে উঠবে যখন এমন একটি সমাজ বা রাষ্ট্র প্রতিষ্ঠিত হবে যেখানে প্রতিটি মানুষই উপরোক্ত হাদীসের আলোকে তাদের জীবন প্রবাহ নিয়ন্ত্রিত করবে।

### তথ্য সূত্র

- ১। মিশকাভুল মাসাবীহ-আরাফাত পাবলিকেশন্স
- ২। তাফহীমুল কুরআন- সাইয়েদ আবুল আ'লা মওদুদী (রহ)
- ৩। মুয়াত্তা-ইমাম মুহাম্মদ (রহ)
- ৪। তিরমিযি
- ৫। আবু দাউদ
- ৬। ইসলামী আন্দোলনের কর্মীদের পারস্পরিক সম্পর্ক- খুররম জাহ মুরাদ

عَنْ عَبْدِ اللَّهِ بْنِ عُمَرَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ  
الْمُتَبَايعَانِ كُلُّ وَاحِدٍ مِنْهُمَا بِالْخِيَارِ عَلَى صَاحِبِهِ مَا لَمْ يَتَفَرَّقَا الْأَبْعَ الْخِيَارِ  
(মুত্তা امام মুহাম্মদ)

“আবদুল্লাহ ইবনে উমার (রা) হ’তে বর্ণিত, রাসূলুল্লাহ (সা) বলেনঃ ক্রেতা এবং বিক্রেতা পরস্পর বিচ্ছিন্ন হওয়ার পূর্ব পর্যন্ত তাদের উভয়ের জন্য ক্রয় – বিক্রয় প্রত্যাখ্যান করার অবকাশ থাকে। কিন্তু ক্রয়-বিক্রয় প্রত্যাখ্যান করার অবকাশের শর্তারোপ করলে ভিন্ন কথা।” (মুয়াত্তা’ ইমাম মুহাম্মদ)

### শব্দার্থ

الْمُتَبَايعَانِ - ক্রেতা-বিক্রেতা। كُلُّ وَاحِدٍ - প্রত্যেক। مِنْهُمَا - তাদের দু জনের  
مَا لَمْ يَتَفَرَّقَا - মধ্য হতে। بِالْخِيَارِ - অবকাশ। عَلَى - উপর। صَاحِبِهِ - তার সঙ্গী।  
الْبَيْعُ - বিক্রি।

### রাবীর পরিচয়

হযরত আবদুল্লাহ (রা) ছিলেন দ্বিতীয় খলিফা হযরত উমার (রা) এর পুত্র এবং হুজুরে পাক (সা) এর সাহাবী। তিনিও পিতার মতো উঁচু স্তরের একজন আলেম এবং বুজুর্গ ব্যক্তি ছিলেন। তিনি ছিলেন ফকীহ মুফাছির ও মুহাদ্দিস। তিনি মর্যাদা ও পূর্ণতার উচ্চ আসনে সমাসীন ছিলেন। তাঁর এ মর্যাদায় অনেকে ঈর্ষা করতেন। ইলমে ফিকাহর বিভিন্ন মাসয়ালা -মাসায়েল সংক্রান্ত ব্যাপারে অত্যন্ত দূরদর্শিতার পরিচয় দিয়েছেন। এমনকি বিশিষ্ট সাহাবা কেরামগণও হযরত আবদুল্লাহ ইবনে উমার (রা) এর ইজতিহাদকৃত মাসয়ালায় উপর আমল করতেন। সত্যি কথা বলতে কি, ইমাম মালেক (রা) এর মালেকী মাযহাব

মূলত হযরত আবদুল্লাহ ইবনে উমার (রা) এর উদ্ভাবিত মাসয়ালা এবং ফতোয়ার উপর ভিত্তি করেই প্রতিষ্ঠিত হয়েছে। ইমাম মালেক (রাহ) এর মুয়াত্তায় বর্ণিত আছে যে, হযরত আবদুল্লাহ ইবনে উমার (রা) শুধু সূরা বাকারার নিয়েই ১৪ বৎসর গবেষণা করেছেন।

হিজরী ৭০ সনে ৮০ বৎসর বয়সে তিনি ইস্তিকাল করেন। তাঁর বর্ণিত হাদীসের সংখ্যা মোট ১০৩৬টি মতান্তরে ১৬৩০টি। বুখারী, মুসলিমের ঐক্যমতের হাদীস ১৭০টি। তাছাড়া বুখারী ৮১টি এবং মুসলিম ৩১টিতে ভিন্ন মত পোষণ করেছেন। (আরও জানতে হ'লে দেখুন দারসে হাদীস ১ম খণ্ড)

### হাদীসটির গুরুত্ব

মানুষ সমাজে বসবাস করতে হলে লেন-দেন, আদান-প্রদান এবং বেচা-কেনা এগুলো ছাড়া কোন মতেই চলতে পারে না। তাই বলে কোন নিয়মনীতির পরওয়া না করে স্বৈচ্ছাচারিতাও করতে দেয়া যায় না। এজন্যই মহান আল্লাহ রাব্বুল আ'লামীন মানুষকে কিছু নিয়মনীতি বেঁধে দিয়েছেন মানুষ এগুলোকে মেনে চললে প্রভূত কল্যাণ লাভ করবে। অত্র হাদীসে কোন জিনিস কেনা-বেচা করলে ঐ জিনিস সম্বন্ধে ক্রেতা এবং বিক্রেতা কতোক্ষণ পর্যন্ত অভিযোগ করতে পারে তার সময় সীমা বেঁধে দেয়া হয়েছে।

### ব্যাখ্যা

ক্রয়- বিক্রয় প্রত্যাখ্যান করার ক্ষেত্রে বিভিন্ন কারণে ক্রেতা- বিক্রেতা উভয়ের জন্য অবকাশ রয়েছে। মাওলানা নূর মুহাম্মদ আজমী সাহেব অনুদিত মিশকাত শরীফ ৬ষ্ঠ খণ্ডে নিম্নলিখিত কারণগুলো উল্লেখ করেছেন। যেমন-

(১) ক্রেতা পণ্য না দেখে শুধুমাত্র মৌখিক বর্ণনার উপর ভিত্তি করে তা ক্রয় করেছে। এক্ষেত্রে পণ্যের কোন দোষত্রুটি না থাকলেও শুধু পূর্বে না দেখার অজুহাতে সে ক্রয়চুক্তি প্রত্যাখ্যান করতে পারে। এক্ষেত্রে বিক্রেতা, ক্রেতার সাথে কোন অভদ্র আচরণ করতে পারবে না। করলে গুনাহ্‌গার হবে। ইসলামে বানিজ্য আইনের পরিভাষায় এটিকে 'খয়ার الرُّيَاة' (خيار الرُّيَاة) বলা হয়।

(২) ক্রয় বিক্রয়ের চুক্তি সম্পাদিত হওয়ার পর এমনকি মূল্য পরিশোধ করার পর পণ্যের মধ্যে কোনরূপ ত্রুটি পরিলক্ষিত হলে (যে সম্পর্কে পূর্বে কোন মীমাংসা হয়নি) ক্রেতার জন্য এ চুক্তি প্রত্যাখ্যান করার অবকাশ থাকে। এতে বিক্রেতা কোন আপত্তি করতে পারবেনা। ইসলামী পরিভাষায় এটিকে ‘খিয়ারুল আয়েব’ (خيار العيب) বলা হয়।

(৩) ক্রেতা বিক্রেতা উভয়েই অথবা যে কোন একপক্ষ যদি চুক্তি সম্পাদনের সময় নির্দিষ্ট সময়ের মধ্যে তা ভঙ্গ করার শর্ত রাখে তবে সেক্ষেত্রেও শর্তারোপকারী ক্রয় বিক্রয় প্রত্যাখ্যান করতে পারে। এটিকে বলা হয় ‘খিয়ারুল শর্ত’ (خيار الشرط)।

(৪) বিক্রেতা কোন পণ্য নির্দিষ্ট মূল্যে বিক্রি করার প্রতিশ্রুতি দিয়েছে। ক্রেতা ঐ পণ্য নির্ধারিত মূল্যে বিক্রি করার জন্য বিক্রেতাকে বাধ্য করতে পারে। যদি তারা ক্রয়-বিক্রয় চূড়ান্ত হওয়ার পূর্বে পরস্পর পৃথক হয়ে না যায়।

(৫) অনুরূপভাবে ক্রেতা কোন পণ্য নির্দিষ্ট মূল্যে ক্রয় করার প্রতিশ্রুতি দিলো। তবে বিক্রেতা ঐ পণ্য নির্ধারিত মূল্যে ক্রয় করার জন্য ক্রেতাকে বাধ্য করতে পারে। তবে শর্ত হচ্ছে যদি তারা ক্রয় বিক্রয় চূড়ান্ত হওয়ার পূর্বে পরস্পর বিচ্ছিন্ন না হয়।

উল্লেখিত ক্ষেত্রদ্বয়ে যদি ক্রেতা-বিক্রেতা পরস্পর পৃথক হয়ে যায় তবে একে অপরকে প্রতিশ্রুতির ব্যাপারে বাধ্য করতে পারবে না। ইসলামী পরিভাষায় এটিকে বলা হয় ‘খিয়ারুল আকদ’ (خيار العقد)।

(৬) ক্রয় বিক্রয়ের কথাবার্তা চূড়ান্ত হয়ে গেছে, কিন্তু ক্রেতা-বিক্রেতা এখনো পরস্পর থেকে পৃথক হয়নি, স্ব স্ব স্থানে আছে। এমতাবস্থায়ও ক্রেতা অথবা বিক্রেতা কোন কারণ ব্যতিরেকে এই ক্রয়-বিক্রয় প্রত্যাহার করতে পারে। এ অবকাশকে বলা হয় খিয়ারুল মজলিস (خيار المجلس)।

কিন্তু শর্ত হচ্ছে যদি একজন অপর জনকে বলে, আমার মাল গ্রহণ করলেন তো? অথবা আপনার মাল আমাকে দিলেন তো? উত্তরে অপরজন বললো, দিলাম অথবা নিলাম। তবে এক্ষেত্রে পরস্পর বিচ্ছিন্ন না হলেও ক্রয় বিক্রয় প্রত্যাহার করার অবকাশ থাকে না।

এছাড়াও বিক্রি বৈধ অবৈধ হওয়ার অনেক গুলো কারণ হাদীসে উল্লেখ করা

হয়েছে। নিম্নে কিছু আলোচনা করা হলোঃ

(ক) বাকীতে ক্রয় বিক্রয়ের পর নির্দিষ্ট মেয়াদের পূর্বে যদি ক্রেতা প্রস্তাব দেয় যে, ধার্যকৃত টাকার চেয়ে কম নিলে নগদ পরিশোধ করে দিবো। তবে বিক্রেতা এবং ক্রেতার কারো জন্যই এ প্রস্তাব মেনে নেয়া বৈধ নয়। ইমাম মুহাম্মদের মুয়াত্তায় আবু সালেহ ইবনে উবায়দ থেকে এর সমর্থনে এক হাদীস বর্ণিত হয়েছে।

عَنْ أَبِي صَالِحٍ بْنِ عَبْدِ مَوْلَى السَّفَاحِ أَنَّهُ أَخْبَرَنَا أَنَّهُ بَاعَ بَزًّا مِنْ أَهْلِ دَارِ النَّخْلَةِ إِلَى أَجَلٍ ثَمَرًا دَوًّا الْخُرُوجَ إِلَى كُوفَةٍ فَسَلُّوهُ أَنْ يَنْقَدُوهُ وَيَضَعُ عَنْهُمْ فَسَلَّ زَيْدُ بْنُ ثَابِتٍ فَقَالَ لَا أَمْرُكَ وَإِنْ تَأْكُلَ ذَلِكَ وَلَا تُؤْكَلُ-

আবু সালেহ বিন উবায়দ (রা) (সাফাহের আজাদকৃত গোলাম) থেকে বর্ণিত, একবার তিনি দারুণ নাখলার লোকদের নিকট নির্দিষ্ট সময়ের জন্য ধারে (বাকী) কাপড় বিক্রি করলেন। এর কিছুদিন পর তারা কুফায় স্থানান্তর হবার প্রস্তুতি নিলো এবং তাঁকে বললো, কিছু কম নিলে নগদ মূল্য পরিশোধ করে দিবো। আবু সালেহ (রা) এ সম্পর্কে হযরত যায়েদ বিন সাবিতের নিকট পরামর্শ চাইলেন। তিনি (যায়েদ বিন সাবিত) বললেন, আমি তোমাকে তা ভোগ করার জন্য বা করানোর জন্য অনুমতি দিতে পারি না।

(খ) গাছের ফল খাওয়ার বা কাজে লাগার উপযোগী হওয়ার পূর্বে বিক্রি করা ঠিক নয়। নবী করীম (সা) এটি নিষেধ করেছেন।

نَهَى عَنْ بَيْعِ الثَّمَرِ حَتَّى يَبْدُوَ وَصْلَاحُهَا نَهَى الْبَائِعَ وَالْمَشْتَرِيَ -

গাছের ফল (খাওয়ার বা কাজে লাগার) উপযোগী হওয়ার পূর্বে ক্রয় বিক্রয় করতে নবী করীম (সা) নিষেধ করেছেন।

অবশ্য হানাফী মাযহাব অনুযায়ী ফুল থেকে ফল বের হয়ে যাওয়ার পর যে কোন অবস্থায়ই তা বিক্রি করা যেতে পারে। তবে ক্রয় বিক্রয়ের সময় ফল পাকা

পর্যন্ত গাছে রাখার শর্তারোপ করা অবৈধ। কিন্তু যদি এরূপ কোন শর্তারোপ না করে এবং ঝগড়া বিবাদের আশংকা না থাকে তবে প্রচলিত প্রথা অনুযায়ী তা পাকা পর্যন্ত গাছে রেখে দেয়ায় কোন দোষ নেই। [মুয়াত্তা ইমাম মুহাম্মদ (রহ) বাংলা সংস্কারণের পাদটীকা হাওয়ালা ফাইদুল বারী]

ইমাম মুহাম্মদ (রহ) বলেনঃ ফল পরিপক্ব হওয়া পর্যন্ত গাছে থাকার শর্ত সহ বিক্রি করা অবৈধ। তবে তা পাকার কাছাকাছি গেলে অথবা দু'একটি পাকলে এরূপ শর্তারোপে কোন দোষ নেই। কাজেই ফল যদি সবুজ থাকে তাতে হলুদ কিংবা লাল রং না এসে থাকে তবে তা শর্ত দিয়ে ক্রয় বিক্রয় ঠিক নয়। বরং গাছে রেখে কেটে কেটে অথবা কিছু কিছু ছিড়ে নিয়ে বিক্রি করার শর্তারোপ করা যেতে পারে। হাসান বসরী (রহ) হতেও অনুরূপ মতের সমর্থন পাওয়া যায়।

(গ) অনেকে গাছের অথবা বাগানের ফল বিক্রি করে। কিছু অংশ নিজেদের জন্য রেখে দেয়। এতে কোন দোষ নেই। “আবদুর রহমান কন্যা আমরাহ নিজের বাগান বিক্রি করতেন এবং তা থেকে কিছু ফল বাদ রাখতেন” (মুয়াত্তা, মুহাম্মদ)

(ঘ) অনিশ্চিত বস্তুর ক্রয় বিক্রয় করা অবৈধ। যেমন মাছ ধরার পূর্বে, পাখী শিকারের পূর্বে বিক্রি করা ইত্যাদি। কোন কোন এলাকায় অগ্রিম টিকেট কিনে ছিপ ফেলে মাছ ধরার জন্য যে প্রথা চালু আছে তা সম্পূর্ণ অবৈধ। হাদীসে বর্ণিত আছে **نَهَى عَنْ بَيْعِ الثَّغْرِ** “অনিশ্চিত বস্তুর ক্রয় বিক্রয় করতে নবী করীম (সা) নিষেধ করেছেন।

আবুদাউদ, তিরমিযি, নাসায়ী, ইবনে মাজাহ্, মুসনাদে আহমদ ইত্যাদি গ্রন্থে নবী করীম (সা) হতে বর্ণিত হয়েছে যে, রাসূলুল্লাহ্ (সা) বলেছেন- “এমন কোন বস্তু বিক্রি করবে না যা (প্রকৃত পক্ষে) তোমার নিকট নেই।”

এছাড়াও এতদসংক্রান্ত হাদীস হযরত আবু হুরাইরাহ্, ইবনে আব্বাস, সাহল ইবনে সা'দ, আনাস ইবনে মালেক, আলী ইবনে আবি তালিব, ইমরান ইবনে হুসাইন, আবদুল্লাহ্ ইবনে উমার (রাদি আল্লাহ তা'আলা আনহুম) প্রমুখ সাহাবাগণ কর্তৃক মুসলিম, মুসনাদে আহমদ, ইবনে হিব্বান, ইবনে মাজাহ্, দারাকুতনী, তাবারানী, আবু দাউদ, বায়হাকী ইত্যাদি গ্রন্থে বর্ণিত হয়েছে।

(ঙ) কোন খাদ্য দ্রব্য ক্রেতার হস্তগত হবার পূর্বে তা বিক্রি করা যাবে না। কেননা নবী করীম (সা) বলেন-



مَنِ ابْتَاعَ طَعَامًا فَلَا يَبِيعُهُ حَتَّى يَقْبِضَهُ.

“যে ব্যক্তি খাদ্যদ্রব্য ক্রয় করেছে সে যেন তা হস্তগত করার পূর্বে বিক্রি না করে।” হযরত ইবনে আব্বাস (রা) বলেন- “সব জিনিস ক্রয় বিক্রয়ের ক্ষেত্রে এ নীতি প্রযোজ্য বলে আমি মনে করি।”

(চ) তৈলবীজের বিনিময়ে তৈল এবং গোশ্বতের বিনিময়ে গরু, মহিষ, ছাগল ইত্যাদি ক্রয় বিক্রয় করা হারাম-

إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ نَهَى عَنْ بَيْعِ الْحَيَّاتِ وَاللَّحْمِ -  
(شريعة)

“নবী করীম (সা) গোশ্বতের বিনিময়ে পশু ক্রয়- বিক্রয় করতে নিষেধ করেছেন”। (শরহে সুন্নাহ)

এ হাদীসের ব্যাখ্যায় ইমাম আবু হানিফা (রহ) এর সুযোগ্য ছাত্র ইমাম মুহাম্মদ (রহ) বলেন- আমরা (হানাফীগণ) এ হাদীসের উপর আমল করি।

কারণ কোন ব্যক্তি জীবিত ছাগলের বিনিময়ে গোশ্বত বিক্রি করলো। তার জানা নেই যে, বিক্রিত গোশ্বতের পরিমাণ বেশী হবে, না ক্রয়কৃত ছাগলের গোশ্বতের পরিমাণ বেশী হবে। এ ধরনের ক্রয়-বিক্রয় বাতিল এবং নাজায়েয। এটি মুযারানা<sup>১</sup> ও মুহাইলারই<sup>২</sup> অনুরূপ।

(ছ) কোন বস্তু ক্রয়-বিক্রয়ের উদ্দেশ্যে দুই পক্ষের কথাবার্তা হচ্ছে এমনতাবস্থায় কোন তৃতীয় পক্ষ সেখানে ক্রয়-বিক্রয় সংক্রান্ত আলোচনা করা ঠিক নয়। আর যদি দাম বাড়ানোর উদ্দেশ্যে অথবা দালালীর উদ্দেশ্যে হয় তবে তা সম্পূর্ণরূপে হারাম। তবে প্রথম ক্রেতা খরিদ করার পর অথবা চলে যাওয়ার পর দর কষাকষি করা যেতে পারে। নবী করীম (সা) বলেন-

لَا يَبِيعُ بَعْضُكُمْ عَلَى بَعْضٍ -

(১) মুযারানা হচ্ছে গাছের মাথায় ঝুলন্ত ফল তরুণ ফলের বিনিময়ে বিক্রি করা।

(২) ক্ষেতের গম সংগৃহীত গমের বিনিময়ে বিক্রয় করা অথবা নির্দিষ্ট পরিমাণ শস্যের বিনিময়ে জমি চাষাবাদ করতে দেয়া।

একইভাবে তৈলবীজের পরিবর্তে তৈল বিক্রি করাও এই নির্দেশের আওতাভুক্ত অর্থাৎ না জায়েয।

“তোমাদের কেউ যেন অপর কারো ক্রয়-বিক্রয়ের কথাবার্তার সময় একই বস্তুর দরদাম না করে।”

(জ) কোন ব্যক্তি বাকী বিক্রয় করার পর ক্রেতা দেউলিয়া হয়ে গেলো অথবা মারা গেলো। এ অবস্থায় বিক্রেতা সন্ধান করে দেখবে যে, ক্রেতার নিকট তার পণ্য অবিকৃত অবস্থায় আছে কিনা? যদি থাকে তবে ঐ পণ্য ফেরৎ পাবার ব্যাপারে তার দাবী অগ্রগণ্য। আর যদি অবিকৃত না থাকে তবে অন্যান্য পাওনাদারের মতই সে একজন পাওনাদার হিসাবে গণ্য হবে। নবী করীম (সা) বলেন-

إِذَا رَجُلٌ بَاعَ مَتَاعًا فَلَسَّ الَّذِي إِيْتَاَعَهُ وَلَوْ يَقْبِضُ الَّذِي بَاَعَهُ  
مِنْ ثَمَنِهِ شَيْئًا فَوَجَدَهُ بِعَيْنِهِ فَهُوَ أَحَقُّ بِهِ وَإِنْ مَاتَ الْمَشْتَرِي فَصَاحِبُ  
الْبَيْعِ فِيهِ أَسْوَدُ الْفَرَمَاءِ - (موطأ امام محمد)

“কোন ব্যক্তি বাকীতে পণ্যদ্রব্য বিক্রি করলো। অতঃপর ক্রেতা দেউলিয়া হয়ে গেলো এবং বিক্রেতা তার পণ্যের কোন মূল্য আদায় করতে পারলো না। কিন্তু

বিক্রেতার পণ্য তার কাছে অবিকৃত অবস্থায় পাওয়া গেলো। এক্ষেত্রে সে তার পণ্য ফেরৎ পাওয়ার ব্যাপারে (অন্যান্য পাওনাদারের তুলনায়) অগ্রাধিকার পাবে। আর মূল্য পরিশোধের পূর্বেই যদি ক্রেতা মারা যায়, তবে সে (বিক্রেতা) অন্যান্য পাওনাদারের সমতুল্য গণ্য হবে। (মুয়াত্তা, ইমাম মুহাম্মদ)

(ঝ) অনেক সময় দেখা যায়, কোন দ্রব্য বিক্রি হলো, কিন্তু ক্রেতা বিক্রেতা উভয়ের মধ্যে মতভেদ সৃষ্টি হলো তাহলে সিদ্ধান্ত কার পক্ষে যাবে?

عَنْ عَبْدِ اللَّهِ بْنِ مَسْعُودٍ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ  
إِذَا بَاعَ بَعْضُكُمْ بَعْضًا فَالْقَوْلُ قَوْلُ الْبَائِعِ أَوْ يَتَرَادَانِ - (موطأ امام محمد)

“আবদুল্লাহ্ ইবনে মাসউদ (রা) থেকে বর্ণিত। রাসুলুল্লাহ্ (সা) বলেনঃ ক্রেতা বিক্রেতার মধ্যে মতভেদ সৃষ্টি হলে বিক্রেতার কথাই গ্রহণযোগ্য বিবেচিত হবে অথবা উভয়ে ক্রয়-বিক্রয় প্রত্যাহার করবে। (মুয়াত্তা, ইমাম মুহাম্মদ)

উক্ত হাদীসের প্রেক্ষিতে হানারী মাযহাবের মত হচ্ছে-পণ্যের মূল্য নিয়ে ক্রেতা-বিক্রেতার মাঝে মনোমালিন্য হলে উভয়কেই শপথ করতে হবে এবং উভয়ই ক্রয়-বিক্রয় প্রত্যাহার করবে। তবে শর্ত হচ্ছে বিক্রিত দ্রব্য অবিকৃত থাকতে হবে। অন্যথায় উভয়ের কসমের পর ক্রেতাকে মূল্য ফেরৎ দিবে এবং ক্রেতা পণ্য ফেরৎ দিবে।

(ঞ) একজন অপর জনের নিকট যদি কিছু বিক্রি করে এবং এই শর্ত দেয় যে, “আপনার ক্রয়কৃত বস্তু পূণঃ বিক্রি করলে আমার নিকট বিক্রি করতে হবে। যে পরিমাণ মূল্যই চান দিব।” এ ধরনের শর্তযুক্ত ক্রয়-বিক্রয় বাতিল বলে গণ্য হবে। একবার আবদুল্লাহ ইবনে মাসউদ (রা) তাঁর স্ত্রীর নিকট হাতে একটি বাদী ক্রয় করলেন। স্ত্রী শর্ত দিল আপনি যদি একে পুনরায় বিক্রি করেন তবে যে পরিমাণ মূল্যই চান আমার নিকট বিক্রি করবেন। এ ব্যাপারে তিনি [আবদুল্লাহ ইবনে মাসউদ (রা)] হযরত উমর (রা) এর নিকট ফতোয়া চাইলেন। প্রতিউত্তরে হযরত উমর (রা) বললেন-

لَا تُقَرِّبُهَا وَفِيهَا شَرْطٌ لِأَحَدٍ

“এই বাদীর সাথে সহবাস করো না। কেননা এর সাথে অন্যের শর্ত যুক্ত রয়েছে।”

(ট) কোন ব্যক্তি জমিতে বীজ বপন করলো কিন্তু ফসল উঠার পূর্বেই ঐ জমি বিক্রি করার মনস্থ করলো। তখন যে ক্রেতা ঐ জমি খরিদ করবে সে তার ফসল পাবে না। হ্যাঁ, যদি ক্রয়-বিক্রয়ের সময় এ ধরনের শর্তারোপ করা হয়ে থাকে তবে ভিন্ন কথা। এর সমর্থনে নবী করীম (সা) এর বাণী-

مَنْ بَاعَ نَخْلًا قَدْ ابْرَتْ فَتَبَرَّتْهَا لِلْبَائِعِ إِلَّا أَنْ يَشْتَرِيَهَا الْمُبْتَاعُ

(মুওয়ামা মুহাম্মদ)

“ভাবীর করা খেজুর গাছ বিক্রি করলে তার ফল বিক্রেতা পাবে। তবে ক্রেতা যদি (নিজের জন্য) ফলের শর্তারোপ করে তবে স্বতন্ত্র কথা।” (মুয়াত্তা)

- (১) কোন কিছুর সাহায্যে পুরুষ খেজুর গাছের ফুলের পরাগ স্ত্রী খেজুর গাছের ফুলের মধ্যে প্রবেশ করানোকে ভাবীর বলা হয়। হজুরে পাক (সা) প্রথমত নিষেধ করলেও পরে তা করার অনুমতি দেন। এ পদ্ধতিতে খেজুরের ফলন বেশী হতো।

উপরোক্ত আলোচনা হতে স্পষ্ট হয়ে গেলো যে, ইসলাম ক্রয়-বিক্রয়ের ব্যাপারেও ইনসাফ ভিত্তিক সমাধান পেশ করেছে। যাতে ক্রেতা এবং বিক্রেতা উভয়েরই কল্যাণ হয়। কেউ যেন ক্ষতিগ্রস্ত না হয়।

عَنِ بْنِ عَبَّاسٍ رَضِيَ اللَّهُ عَنْهُ قَالَ مَظْهَرُ الْقُلُوبِ فِي قَوْمٍ قَطُّ إِلَّا أَلَيْ فِي  
قُلُوبِهِمُ الرِّبَا وَلَا فَشَا الزِّنَى فِي قَوْمٍ قَطُّ إِلَّا كَثُرَ فِيهِمُ الْمَوْتُ وَلَا نَقَصَ  
قَوْمٌ الْبِكْيَالَ وَالْبِيزَانَ إِلَّا قُطِعَ عَلَيْهِمُ الرِّزْقُ وَلَا حَكَمَ قَوْمٌ بِغَيْرِ الْحَقِّ إِلَّا  
فَشَا فِيهِمُ الدَّمُ وَلَا خَتَرَ قَوْمٌ بِالْعَهْدِ إِلَّا سَلِطَ عَلَيْهِمُ الْعَدُوُّ.

(মুওয়া. امام محمد)

“আবদুল্লাহ ইবনে আব্বাস (রা) বর্ণনা করেছেন: (১) যে জাতির মধ্যে যুদ্ধলব্ধ সম্পদ (গনীমাত) চুরি করার প্রবণতা দেখা দেয় সে জাতির অন্তরে আল্লাহ তা’আলা ভয়-ভীতি ও কাপুরুষতা সৃষ্টি করে দেন। (২) যে জাতির মধ্যে যেনা- ব্যাভিচারের বিস্তৃতি ঘটে তাদের মধ্যে মৃত্যুর হার বেড়ে যায়। (৩) যে জাতি ওজন পরিমাপে কম দেয় তাদের রিজিক কমতে থাকে। (৪) আর যে জাতি ন্যায্য বিচার ফায়সালা করে না, তাদের মধ্যে বিবাদ বিশৃঙ্খলা, অরাজকতা, রক্তপাত ও খুন-খারাবী বৃদ্ধি পায়। (৫) যে জাতি চুক্তি ও প্রতিশ্রুতি ভঙ্গ করে, তাদের উপর শত্রুদের বিজয়ী করে দেয়া হয়।

মুয়াত্তা, ইমাম মুহাম্মদ)

### শব্দার্থ

ظَهَرَ - যে, যা। قَالَ - বলেছেন। سَوِيَ - নিশ্চয়ই। إِنَّ - হ’তে। عَنْ -  
قَطُّ - জাতি, সম্প্রদায়। فِي - মধ্যে। فِي - আত্মসাৎ। الْقُلُوبُ - প্রকাশ পায়।  
فِي قُلُوبِهِمُ - তাদের অন্তরে। أَلَيْ - ব্যতীত। إِلَّا - কখনো।  
وَلَا فَشَا الزِّنَى - এবং যেনা-ব্যাভিচারের। الرُّعْبُ - ভয়-ভীতি, কাপুরুষতা।  
مُتَّحَنٌ - মৃত্যু। الْمَوْتُ - তাদের মধ্যে। فِيهِمْ - অধিকাংশ। كَثُرَ -

-নষ্ট করা, কম দেয়া। الْمِكْيَالُ - পরিমাপ। الْحِزَانُ - নিক্তি, পরিমাপক।  
 -কর্তন করা হয়। الْيَدْقُ - রিজিক। حَكَمَ - বিচার-ফায়সালা করা।  
 -অন্যায়ভাবে। فَشًا - বিস্তৃতি লাভ করে। أَلْتَمَ - রক্ত, রক্তপাত।  
 -বিশ্বাসঘাতকতা। بِالْعَهْدِ - চুক্তিপত্র, প্রতিশ্রুতি। سَلَطَ - আধিপত্য  
 বিস্তার করে। عَلَيْهِم - তাদের উপর। أَلْعَنُوا - শত্রুপক্ষ।

### রাবীর পরীচয়

হরত আবদুল্লাহ ইবনে আব্বাস (রা) নবী করীম (সা) এর মদীনায়ে হিজরতের তিন বৎসর পূর্বে মক্কায় জন্মগ্রহণ করেন। তিনি নবী করীম (সা) এর চাচাতো ভাই। আব্বাস ইবনে আবদুল মুত্তালিবের পুত্র। মাত্র তের বৎসর তিনি হুজরে আকরাম (সা) এর সাহচর্য লাভ করেছেন। যদিও তিনি সর্ব কনিষ্ঠ সাহাবী ছিলেন বিধায় নবী করীম (সা) এর সাহচর্য বেশীদিন লাভ করতে পারেননি তবু অত্যন্ত মেধা ও প্রচেষ্টার বলে তিনি একজন শ্রেষ্ঠ আলেম হিসেবে পরিগণিত হয়েছিলেন। মাত্র দশ বৎসর বয়সেই পবিত্র কুরআন কণ্ঠস্থ করেন। হযরত আবদুল্লাহ ইবনে আব্বাস (রা) বিভিন্ন সাহাবা কেবালের নিকট দীনের বিভিন্ন বিষয়ে শিক্ষা গ্রহণ করতেন। তাঁর কুরআনী জ্ঞানের সাক্ষ্য স্বরূপ হযরত ইবনে উমর (রা) বলেন- “কুরআনের শানে নুযূল সম্বন্ধে ইবনে আব্বাস ছিলেন শ্রেষ্ঠ জ্ঞানী।” এজন্যই তাফসীর সংক্রান্ত এত হাদীস আর কোন সাহাবী বর্ণনা করতে পারেননি। আবদুল্লাহ ইবনে মাসউদ (রা) বলেন- “আবদুল্লাহ ইবনে আব্বাস হলেন আল কুরআনের শ্রেষ্ঠ ভাষ্যকার (মুফাচ্ছের)।” তিনি যেমন ছিলেন মুফাচ্ছিরে কুরআন তেমনি ছিলেন শাইখুল হাদীস। এমনকি বড়ো বড়ো সাহাবী পর্যন্ত তাঁর শিষ্যত্ব গ্রহণ করেছিলেন।

হিজরী ৬৮ সনে ৭১ বৎসর বয়সে তায়েফ নগরীতে তিনি ইন্তেকাল করেন। তাঁর বর্ণিত হাদীসের সংখ্যা মোট ১৬৬০টি। তবে অধিকাংশ হাদীস হচ্ছে আল কুরআনের তাফসীর সংক্রান্ত।

### হাদীসটির গুরুত্ব

অত্র হাদীসটি একটি ‘মওকুফ’<sup>১</sup> হাদীস। কারণ এটি সরাসরি আবদুল্লাহ ইবনে আব্বাস (রা) বর্ণনা করেছেন তবু এ ধরনের হাদীস ‘মারফু’<sup>২</sup> হাদীসের মতোই গুরুত্বের দাবীদার। কেননা সাহাবা কেরামগণের শিক্ষাই ছিলো ইসলামের সত্যিকার শিক্ষা। তাছাড়া নবী করীম (সা) এর সাহচর্যের কারণে সাহাবা কিরামগণ ছিলেন ইসলামের মূর্ত প্রতীক। তাই তাদের কথা ও কাজ ছিলো আল্লাহর রাসূল (সা) এর ব্যাখ্যার অনুরূপ। অত্র হাদীসে যে সমস্ত বিষয়ে আলোচনা করেছেন তা কুরআন ও অন্যান্য সহীহ হাদীসেও এর সমর্থন পাওয়া যায়। সমাজ দেহে পচন ধরনের জন্য যে ক্রটিগুলো ভাইরাসের মতো কাজ করে সেই মৌলিক ক্রটিগুলোর কথা অত্র হাদীসে স্পষ্ট করে বলে দেয়া হয়েছে। তাই সুন্দর সমাজ গঠনে হাদীসটির গুরুত্ব অপরিমীম।

### ব্যাখ্যা

হাদীসে আল্লাহ প্রদত্ত বালা মুছিবতের কথা বলা হয়েছে। পৃথিবীর যে সমাজেই হোক না কেন ঐ ক্রটিগুলো বিস্তৃত হ’লে তার অনুরূপ শাস্তি ভোগ করতে হবে। একথা অবশ্য ঠিক যে, পৃথিবীতে যতো বিপর্যয় সৃষ্টি হয় তা মানুষের নিজেদের কৃতকর্মের ফল ছাড়া আর কিছুই নয়। মহান আল্লাহ বলেন-

ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ - (الرُّوم)

পৃথিবীতে যতো রকম বিপর্যয় সৃষ্টি হয়-জলে বা স্থলে-সমস্তই মানুষের নিজ হাতে উপার্জিত কর্মফল। (সূরা রুম)

তবে একথাও ঠিক যে, কোন রকম মুছিবতই আল্লাহর অনুমতি ছাড়া পৃথিবীতে আসে না। আল্লাহ বলেনঃ

مَا أَصَابَ مِنْ مُصِيبَةٍ إِلَّا بِإِذْنِ اللَّهِ - (التَّغَابُ)

- (১) মওকুফঃ যে হাদীসের বর্ণনা পরস্পরা (সনদ) উর্ধ্বতন পর্যায়ে কোন সাহাবা পর্যন্ত গিয়ে শেষ হয়ে গিয়েছে।
- (২) যে হাদীসের বর্ণনা পরস্পরা (সনদ) হজুরে আকরাম (সা) পর্যন্ত পৌছেছে এবং নবী করীম (সা) এর রেকায়েনে হাদীস বর্ণনা করা হয়েছে।

পৃথিবীতে কোন মুছিবতই আল্লাহর অনুমতি ছাড়া আসে না।

(সূরা আত্ তাগাবুন)

শুধুমাত্র চারটি কারণে মুছিবত পৃথিবীতে আসে। যথা-

(ক) আল্লাহর গজব হিসাবে: কোন মানুষ বা কোন জাতি যখন আল্লাহর আইনের প্রতি শ্রদ্ধা হারিয়ে বেপরওয়া হয়ে বেচ্ছাচারিতায় লিপ্ত হয়, বার বার তাদেরকে তাকিদ দেয়া সত্ত্বেও যখন নিজেদের কর্ম পদ্ধতি পরিবর্তন না করে, তখন আল্লাহর চূড়ান্ত ফায়সালা হিসেবে তাদের উপর নেমে আসে বিচিত্র ধরণের আজাব বা গজব। ইতিহাস সাক্ষী, আল্লাহর আজাব শুরু হবার পর নিকৃতি পাওয়া অসম্ভব।

পৃথিবীতে আল্লাহ অনেক জাতি বা কওমকে গজব দিয়ে ধ্বংস করে দিয়েছেন। যেমন কওমে নূহ, কওমে লুত, কওমে হুদ, কওমে আদ, কওমে সামুদ ইত্যাদি।

সবচেয়ে লক্ষ্যণীয় ব্যাপার হলো আল্লাহ বিভিন্ন জাতির উপর বিভিন্ন ধরণের আজাব অবতীর্ণ করেছেন। সব জাতির জন্য আজাবের ধরণ এক ছিলো না।

(খ) সতর্কতার জন্য: অনেক সময় মানুষ পাপাচারে লিপ্ত হয়। তখন আল্লাহ তাদেরকে সতর্কতার জন্য মাঝে মাঝে ছোট ছোট বিপদাপদ দিয়ে সতর্ক করে দেন। কিন্তু এ সতর্কতার সৌভাগ্য একমাত্র ঈমানদারগণই লাভ করেন।

(গ) ঈমানদারদের গুনাহের কাফ্ফারা স্বরূপ: আল্লাহ তাঁর প্রিয় বান্দা ঈমানদারগণের ছোট-খাট ভুল-ত্রুটি মার্জনার নিমিত্তে কিছু কষ্ট দেন। যেমন হাদীসে বলা হয়েছে- “কোন ঈমানদারের পায়ে একটি কাঁটাও ফুটে না তার গুনাহ মার্ফের কারণ ছাড়া।” এজন্যে কিছু বালা মুছিবত অবতীর্ণ হতে পারে।

(ঘ) ঈমানদারদের পরীক্ষার নিমিত্তে: মুমিনদেরকে নানা রকম পরীক্ষার নিমিত্তে বিপদ-আপদ অবতীর্ণ করেন। যেমন আল্লাহ বলেছেন:-

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ

(البقرة)

وَالثَّمَرَاتِ

অবশ্য আমি (আল্লাহ) তোমাদেরকে ভয়-ভীতি, ক্ষুধা-দরিদ্রতা, ধন-সম্পদের



বিনাশ, ফল-ফসলের ধ্বংস এবং নিজেদের জীবনের উপর বালা মুছিবত অবতীর্ণ করে পরীক্ষা করবো।  
(সূরা আল-বকারা)

অন্যত্র বলা হয়েছেঃ-

أَحْسِبَ النَّاسَ أَنْ يَتْرَكُوا أَنْ يَقُولُوا آمَنَّا وَهُمْ لَا يُفْتَنُونَ - (العنكبوت)

মানুষ কি মনে করেছে যে, তারা বলবে আমরা ঈমান এনেছি আর এমনই তাকে ছেড়ে দেয়া হবে অথচ কোন পরীক্ষা করা হবে না?

(সূরা আল-আনকাবুতঃ ২)

আলোচ্য হাদীসে প্রথম প্রকারের শান্তির হুমকী দিয়েছেন।

(১) হাদীসে গনীমতের মাল চুরির কথা বলে খেয়ানতের দিকে ইঙ্গিত দিয়েছেন। কারণ যুদ্ধলব্ধ সমস্ত সম্পদ বন্টনের পূর্ব পর্যন্ত আল্লাহর তরফ থেকে তা আমানত। তাই কোন অবস্থাতেই খেয়ানত করা উচিত নয়। তাছাড়া চুরি বা খেয়ানতের কারণে অন্তর সংকীর্ণ হয়ে যায়। ফলে মনের মধ্যে কাপুরুষতা স্থায়ীভাবে আসন গ্রহণ করে। এগুলো হচ্ছে ইহকালীন শান্তি। পরকালীন শান্তিতে আরও ভয়াবহ।

(২) কোন সমাজে যেনা-ব্যভিচার বৃদ্ধি পেলে মৃত্যুর হার বেড়ে যায় অর্থাৎ সমাজ যৌন উচ্ছৃংখলতার স্বীকার হ'লে বিভিন্ন প্রকার ঘাতক ব্যাধি আক্রমণ করে ঐ সমাজকে ধ্বংস করে দেয়। যেমন গণোরিয়া, স্টিফিলিস, এইডস ইত্যাদি। তাছাড়া অন্যভাবেও মৃত্যুর হার বাড়িয়ে দিয়ে সমাজের ভারসাম্য নষ্ট করে দেন। বস্তুত ঐ সমাজের শান্তি চিরতরে বিদায় নেয়। মানুষ প্রতিটি মুহূর্তেই শান্তির অবেষায় পাগলের মতো ঘুরে বেড়ায় কিন্তু ব্যর্থ হয়ে হতাশার সাগরে নিমজ্জিত হয়ে তিলে তিলে মৃত্যুর দিকে ধাবিত হয়।

(৩) পরিমাপে কম দেয়া ইসলামের দৃষ্টিতে জঘন্য অপরাধ। কেননা আল্লাহ বলেনঃ-

وَيْلٌ لِّلْمُطَفِّفِينَ - الَّذِينَ إِذَا أَكْتُلُوا عَلَى النَّاسِ يَسْتَوْفُونَ - وَإِذَا كَالُوا  
هُمْ أَوْزَنُوا هُمْ يَخْسِرُونَ -

‘ধ্বংস ঐ সকল পরিমাপকারীদের জন্য যারা লোকের কাছ থেকে পরিমাপে পুরোপুরি গ্রহণ করে কিন্তু তাদেরকে দেয়ার বেলায় পরিমাপে কম দেয়।’

(সূরা আল মুতাক্বিফীন ১-৩)

অন্যত্র বলেছেনঃ-

وَأَوْفُوا الْكَيْلَ إِذَا كِلْتُمْ وَزَنُوا بِالْقِسْطَاسِ الْمُسْتَقِيمِ (بن اسرئيل)

‘যখন তোমরা পরিমাপ করবে তখন পাত্র পূর্ণ করে পরিমাপ করবে এবং ওজন করলে সঠিকভাবে ওজন করবে।’

(সূরা বনী-ইসরাঈল)

আল্লাহ্ রাক্বুল আ‘লামীন এত করে বলার পরও যদি কোন জাতি বা সম্প্রদায়ের মধ্যে এ রোগ সংক্রামিত হয়; তখন আল্লাহ্ ঐ জাতির রিজিক কমিয়ে দেন। তখনো যদি তারা তওবা করার সিদ্ধান্ত নেয় তবে আল্লাহ্ মা‘ফ করতে পারেন। অন্যথায় পরকালে এর চেয়েও ভয়াবহ আজাবের সম্মুখীন হতে হবে। অত্যন্ত পরিতাপের বিষয়, মানুষ কোনরূপ বিপর্যয়ের মুখোমুখি হলেই প্রাকৃতিক দুর্যোগ বলে উড়িয়ে দিতে চায়। কখনো খরায় কখনো বান-বন্যায়, আবার কখনো নানা রকম পোকা-মাকড়ের আক্রমণে ফসলের ক্ষতি হয়। পরিণতিতে দেশ দুর্ভিক্ষের করাল গ্রাসে পতিত হয়। এগুলো অবশ্যই প্রাকৃতিক দুর্যোগ। কিন্তু প্রকৃতিকে নিয়ন্ত্রণ করেন কে? এর প্রতিউত্তরেই নিহিত আছে হাদীসে বর্ণিত বক্তব্যের তাৎপর্য।

(৪) অতঃপর হাদীসে ন্যায় বিচার বা আইনের শাসন কার্যকর করার জন্য বলা হয়েছে। এটি ধনী-গরীব, উঁচু-নীচু, শাসক-প্রজা, মনিব চাকর-সকলের জন্যই কল্যাণকর। আল্লাহ্ বলেনঃ-

وَإِذَا حَكَمْتُمْ بَيْنَ النَّاسِ أَنْ تَكُونُوا بِالْعَدْلِ إِنَّ اللَّهَ نِعِمَّا يَعِظُكُمْ بِهِ (النساء)

‘মানুষের পরস্পরের মধ্যে যখন কোন ব্যাপারে তোমরা ফায়সালা করবে, তখন পূর্ণ সুবিচার ও নিরপেক্ষতার সাথে ফায়সালা করবে। আল্লাহ্ তোমাদেরকে অত্যন্ত ভালো কাজের উপদেশ দিচ্ছেন।’

(সূরা আন-নিসা)

অপরাধীকে যথাযোগ্য শাস্তি প্রদান করতে কোনরূপ দুর্বলতা প্রকাশ অথবা পক্ষপাতিত্ব করা হারাম। সর্বাবস্থায় ন্যায় বিচার করতে হবে এমনকি তা যদি কোন নিকটাত্মীয় অথবা স্বয়ং নিজের বিরুদ্ধেও যায়। আল্লাহ্ বলেনঃ-

يَا أَيُّهَا الَّذِينَ آمَنُوا كُونُوا قَوَّامِينَ بِالْقِسْطِ شُهَدَاءَ لِلَّهِ وَلَوْ عَلَىٰ أَنْفُسِكُمْ  
أَوَ الْوَالِدَيْنِ وَالْأَقْرَبِينَ ۚ إِنْ يَكُنْ غَنِيًّا أَوْ فَقِيرًا فَلِلَّهِ أَوْلَىٰ بِهِمَا فَلَا تَتَّبِعُوا  
الْهَوَىَٰ أَنْ تَعْدِلُوا ۚ وَإِنْ تَلَوْا أَوْ تَعْرَضُوا فَإِنَّ اللَّهَ كَانَ بِمَا تَعْمَلُونَ خَبِيرًا  
(النساء)

“হে ঈমানদারগণ। ইনসাফের উপর মজবুত হয়ে দাঁড়িয়ে থাকো, আল্লাহর জন্য সত্যের সাক্ষ্যদাতা হও। সে সাক্ষ্য যদি তোমাদের নিজেদের, পিতা-মাতার কিংবা নিকটাত্মীয়দের বিরুদ্ধেও হয়। সে ধনীই হোক অথবা দরিদ্রই হোক না কেন (সত্যের সাক্ষ্য দিতে কুষ্ঠিত হবে না)। তাদের প্রতি আল্লাহ তোমার চেয়ে অধিক সহানুভূতিশীল। কাজেই তোমরা কুপ্রবৃত্তির দাসত্ব করে ইনসাফ ও ন্যায় বিচার পরিত্যাগ করোনা। তবুও যদি তোমরা সত্যের সাক্ষ্য দাও অথবা সঠিক দায়িত্ব পালনে অবহেলা কর; তবে জেনে রাখো, আল্লাহ তোমাদের সমস্ত কৃতকর্মের খবর রাখেন।”

(সূরা আন-নিসা)

ইনসাফ কায়মের জন্য এটিই ইসলামের চরম ও অমোঘ নির্দেশ। নবী করীম (সা) এর সময়ে মদীনার এক সম্ভ্রান্ত পরিবারের একটি মেয়ে চুরি করে ধরা পড়ে। বিচারের জন্য যথারীতি নবী করীম (সা) এর নিকট আনা হলো। উসামা বিন যায়েদ আসামীর পক্ষে সুপারিশ করলেন। রাগত স্বরে আল্লাহর রাসূল (সা) ঘোষণা করেনঃ-

أَتَشْفَعُ فِي حَدٍّ مِنْ حُدُودِ اللَّهِ - إِنِّي أَهْلِكُ الَّذِينَ قَبْلَكُمْ إِنَّهُمْ كَانُوا  
إِذَا سَرَقَ فِيهِمُ الشَّرِيفُ تَرَكُوهُ وَإِذَا سَرَقَ فِيهِمُ الضَّعِيفُ أَقَامُوا  
عَلَيْهِ الْحَدَّ وَإِيْمَ إِلَهُ لَوْ أَنَّ فَاطِمَةَ بِنْتَ مُحَمَّدٍ سَرَقَتْ لَقَطَعْتُ يَدَهَا -

(মুজায়েদ মুসলিম)

আল্লাহর আইনের ব্যাপারে সুপারিশ করো? পূর্ববর্তী মানুষ ঠিক তখনই ধ্বংস হয়ে গেছে, যখন কোন সম্ভ্রান্ত বংশের লোক চুরি করতো তখন তাদেরকে মা'ফ

করে দিতো এবং নীচু বংশের কোন লোক কিংবা দুর্বল কোন লোক যদি চুরি করতো তবে তাদেরকে শাস্তি দেয়া হতো। আল্লাহর কসম! আমার কন্যা ফাতিমাও যদি চুরি করে তবে আমি তারও হাত কেটে দেবো। (বুখারী, মুসলিম)

আসামীদের পক্ষে অবৈধ সুপারশকারীদের ব্যাপারে আল্লাহ বলেনঃ-

هَٰؤُلَاءِ جَادَلْتُمْ عَنْهُمْ فِي الْحَيَاةِ الدُّنْيَا فَمَنْ يُجَادِلِ اللَّهَ عَنْهُمْ  
يَوْمَ الْقِيَامَةِ أَمْ مَنْ يَكُونُ عَلَيْهِمْ وَكِيلًا

(النساء)

“শোন, তোমরা দুনিয়ার জীবনে তো অপরাধীদের পক্ষে উকালতী করলে কিন্তু কিয়ামতের দিন তাদের পক্ষে কে উকীল হবে? (সূরা আন-নিসা)।

এর পরও যদি কোন সামাজ্য ন্যায় বিচার কায়েমে ব্যর্থ হয় তবে হাদীসে বর্ণিত শাস্তি তাদেরকে ভোগ করতেই হয়। এটি তো সাধারণ কথা যে, যদি ন্যায় বিচার না করা হয় তবে ক্ষমতা প্রয়োগের মাধ্যমে এক শ্রেণীর লোক সমাজের হর্তা-কর্তা সেজে বসে। আবার ঐ শ্রেণীকে পরাস্ত করতে আরেক শ্রেণীর তৎপরতা শুরু হয় পেশী শক্তির মাধ্যমে। তাছাড়া আইনের শাসন কায়েম না থাকলে আইন লংঘনকারীদের দুঃসাহস সীমা অতিক্রম করে যায়। এভাবেই সামাজ্য থেকে শান্তি-শৃংখলা বিতাড়িত হয়।

(৫) চুক্তি করে প্রথম চুক্তি ভঙ্গকারীদের আল্লাহ কঠোরভাবে ভরসনা করেছেন। সূরা বারা'তে আল্লাহর পক্ষ হ'তে চুক্তি ভঙ্গকারীদের বিরুদ্ধে যুদ্ধ ঘোষণা করা হয়েছে। বিশ্বাসঘাতক সম্প্রদায়ের উপর তার শত্রুদের বিজয়ী করে দেয়া এটি আল্লাহর একটি নির্ধারিত নীতি। হাদীসে এদিকেই দৃষ্টি আকর্ষণ করা হয়েছে।

عَنْ حَذِيفَةَ ابْنِ الْيَمَانِ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
لَتَأْمُرَنَّ بِالْمَعْرُوفِ وَلَتَنْهَوْنَ عَنِ الْمُنْكَرِ وَلَتَحَاضُنَّ عَلَى الْخَيْرِ وَلَيَسْجُتَنَّ  
لِلَّهِ جَمِيعًا بِعَذَابٍ أَلِيمٍ مَرَنَ عَلَيْكُمْ شَرَّكُمْ ثُمَّ دَعَا خِيَارَكُمْ  
فَلَا يَسْتَجَابُ لَهُمْ۔

হযরত হুযাইফা ইবনে ইয়ামান (রা) হতে বর্ণিত, নবী কারীম (সা) বলেছেনঃ  
“তোমরা অবশ্যই মা’রুফ এর আদেশ করবে, মুনকার হতে নিষেধ করবে এবং  
তাদেরকে কল্যাণময় ইসলামী কাজ করার জন্য উৎসাহিত ও উদ্বুদ্ধ করবে।  
অন্যথায় আল্লাহ যে কোন আজাবের মাধ্যমে তোমাদেরকে ধ্বংস করে দেবেন  
অথবা তোমাদের মধ্য থেকে সর্বাধিক পাপাচারী, অন্যায়কারী ও জানিম  
লোকদেরকে তোমাদের উপর শাসনকর্তা নিযুক্ত করে দেবেন। তখন তোমাদের  
মধ্য হতে সৎ লোকেরা মুক্তি লাভের জন্য আল্লাহর নিকট দু’আ-প্রার্থনা ও  
কাল্লাকাটি করবে; কিন্তু তা আল্লাহর দরবারে কবুল করা হবে না।”

(মুসনাদে আহমদ, তিরমিযি)

## শব্দার্থ

لَتَأْمُرَنَّ -অবশ্যই তোমরা নির্দেশ দিবে। لَتَنْهَوْنَ -অবশ্যই তোমরা নিষেধ  
করবে। لَتَحَاضُنَّ -তোমরা অবশ্যই উৎসাহিত করবে। لَيَسْجُتَنَّ  
-তোমাদেরকে ধ্বংস করে দেবেন। أَوْ -অথবা। لَيُؤْمَرَنَّ -অবশ্য শাসক  
নিযুক্ত করবেন। ثُمَّ -অতঃপর। شَرَّكُمْ -তোমাদের মধ্যে নিকৃষ্ট ব্যক্তি। دَعَا  
-দোয়া করবে। خِيَارَكُمْ -তোমাদের মধ্যে উত্তম ব্যক্তিগণ।  
فَلَا يَسْتَجَابُ لَهُمْ -কিন্তু তাদের দোয়া কবুল করা হবে না।

নাম হুযাইফা। লকব আবু আব্দুল্লাহ। পিতা হুসাইল ইবনে জাবের, মা রাবাব বিন্তে কা'ব। হযরত হুযাইফা (রা) এর পিতা স্বীয় গোত্রের একজন লোককে হত্যা করে মদীনায গিয়ে আশহাল গোত্রের মিত্রতায় সেখানেই বসবাস করেন। হুযাইফা (রা) এর পিতার আদি বাসস্থান ছিলো ইয়েমেন। এজন্য তাদের সব ভাই-বোনকে এলাকার সাথে সম্পর্কযুক্ত করে 'ইয়েমেনের সন্তান' বলা হতো। হুযাইফা (রা) এর পিতা-মাতা এবং তাঁরা দু'ভাই মাত্র মুসলমান হয়েছিলেন। তাঁর মুসলমান ভাইয়ের নাম সাফওয়ান (রা)।

উহ্দের যুদ্ধের সময় মুসলমানগণ হযরত হুযাইফা (রা) এর পিতাকে মুশরিকদের কাছাকাছি দেখে ভুলক্রমে তাঁকে হত্যা করে। হুযাইফা দূর থেকে চিৎকার করে নিষেধ করেছিলেন কিন্তু সে চিৎকার মুসলমানদের কর্ণে পৌঁছেনি। পিতার নিহত হবার ঘটনাটি স্বচক্ষে অবলোকন করেও ধৈর্যের চরম পরাকাষ্ঠা দেখিয়ে বলেন, “আল্লাহ তোমাদেরকে ক্ষমা করুন।” যা হোক ঘটনাটি নবী কারীম (সা) শুনে নিজ হাতে তাঁকে ক্ষতিপূরণ দান করেন এবং তাঁর ধৈর্যের প্রশংসা করেন।

হযরত হুযাইফা (রা) ছিলেন শীর্ষস্থানীয় আলেমদের অন্যতম। শুধু তাই নয়, কিয়ামত পর্যন্ত সংঘটিত হবে এমন কিছু সম্বন্ধে রাসুলে আকরাম (সা) যা ভবিষ্যত বাণী করেছিলেন তার সবটুকুই ছিলো তাঁর স্মৃতিপটে গাঁথা। হজুরে পাক (সা) এর অনেক গোপনীয় বিষয় গোপন রাখতেন এজন্য সাহাবাগণ তাকে 'সাহিবুস্ সিররি'- গোপনীয়তার রক্ষক'-বলে ডাকতেন।

হজুরে আকরাম (সা) তাঁকে খুব ভালোবাসতেন। তাঁকে রাসূলুল্লাহ (সা) এর পবিত্র মুখে জান্নাতের সুসংবাদ প্রদান করা হয়েছে। তিনি খুব কমই রাগ করতেন, তবে শরীয়ত বিরোধী কোন কাজ দেখলে অগ্নিশর্মা হয়ে যেতেন। তিনি নির্লোভ, সাদাসিধা জীবন-যাপন করতেন এবং দান করতে কার্পণ্য করতেন না। এমনকি খাবার সময় কেউ এসে পড়লে তাকে সাথে নিয়েই খানা খেতেন।

নবী কারীম (সা) এর সময় হতে খোলাফায়ে রাশেদীনের তৃতীয় খলিফা হযরত উসমান (রা) এর সময়কাল পর্যন্ত বিভিন্ন গুরুত্বপূর্ণ পদে সমাসীন ছিলেন এবং দক্ষতার সাথেই দায়িত্ব পালন করেছেন। হযরত উসমান (রা) এর সময়

ইয়েমেনের শাসন কর্তা ছিলেন। তিনি বাবের যুদ্ধ শেষে মাদায়েনে প্রত্যাবর্তন করেই উসমান (রা) এর শাহাদাতের ঘটনা শুনে এবং এর ৪০ দিন পরে হিজরী ৩৬সনে ইস্তেকাল করেন। তাঁর বর্ণিত হাদীসের সংখ্যা একশ'র চেয়ে কিছু বেশী।

### হাদীসটির গুরুত্ব

মুসলমান একটি মিশনারী জাতি। এ জাতির দায়িত্ব ও কর্তব্য কি এবং তা যথাযথভাবে পালন না করলে তার পরিণতি কতো ভয়াবহ হ'তে পারে অত্র হাদীসে তার কিছু ইঙ্গিত দেয়া হয়েছে। ইসলামী নীতিতে রাজনীতি, অর্থনীতি, শিল্প ও সাংস্কৃতিক কাজকর্মকে প্রতিষ্ঠিত করার প্রচেষ্টা এবং ইসলামের বিপরীত আদর্শের মত ও পথ, শিক্ষা ও সংস্কৃতি ইত্যাদিকে মূলোৎপাটনের চেষ্টা করাই হচ্ছে ঈমানের দাবী, মুসলমানের কর্তব্য। সে কর্তব্য কাজে অবহেলা করলে তার পরিণতি এমন ভয়াবহ রূপ ধারণ করে যা প্রতিরোধ করার ক্ষমতা কোন মানুষেরই নেই। তাই বিপর্যয়ের পূর্বেই করণীয় কাজের নির্দেশ দেয়া হয়েছে। প্রতিটি মুসলমানের জীবনে এ হাদীসটির গুরুত্ব অপরিসীম।

এ হাদীসটি আমার ইবনে আবু আমার (রা) এর সনদে ইমাম ইবনে মাজা এবং তিরমিযি বর্ণনা করেছেন। ইমাম তিরমিযি (রহ) বলেন- হাদীসটি উত্তম। তাছাড়া সামান্য পার্থক্য সহকারে এ ধরনের আরেকটি হাদীস হযরত আয়েশা (রা) থেকে মুসনাদে আহমদ ও ইবনে মাজায় বর্ণিত হয়েছে।

### ব্যাখ্যা

'আমর বিল মারুফ' ও 'নাহি আনিল মুনকার' আল-কুরআনের নিজস্ব দু'টি পরিভাষা। আভিধানিক অর্থ হচ্ছে- সৎ ও ন্যায় কাজের আদেশ দান এবং অসৎ ও অন্যায় কাজের প্রতিরোধ করা। কিন্তু ইসলামী পরিভাষায় এর অর্থ ব্যাপক ও সর্বাঙ্গিক। ইসলামী পরিভাষায় মারুফ হলো ইসলামী জীবন ব্যবস্থা **دين اسلام** এবং আমর হচ্ছে তার পূর্ণাঙ্গ বাস্তবায়ন ও কার্যকরীকরণ। মুনকার বলতে বুঝায় যা ইসলামী জীবন ব্যবস্থার বিপরীত ও সাংঘর্ষিক।

চাই তা আকিদা-বিশ্বাস, চিন্তা-চেতনা, আদর্শ-মতাদর্শ, শিক্ষা-সংস্কৃতি ইত্যাদি যে কোন নামেই হোক না কেন।

হাদীসে ব্যবহৃত শব্দ দু'টিকে লাম 'ل' এবং 'ن' দিয়ে একই সাথে তাকিদ বা নির্দেশ দেয়া হয়েছে। আরবী ব্যাকরণে একে

لَام تَاكِيدٌ بِا نُونٍ تَاكِيدٌ (লাম বা নুনে তাকিদ ছাকিলাহ) বলা হয় আরবী ব্যাকরণের নিয়মানুযায়ী যখন কোন ক্রিয়ার প্রথম এবং শেষে যথাক্রমে লাম 'ل' এবং নুন 'ن' দিয়ে তাকিদ দেয়া হয় তখন ঐ ক্রিয়া অবশ্যই করণীয় বলে বিবেচিত হয়। হাদীসের শেষের দিকের কথাগুলো প্রমাণ করে দিয়েছে যে, এ দায়িত্ব কত গুরুত্বপূর্ণ। একটু শিথিলতা প্রদর্শনের পরিণতিতেই হয় প্রাকৃতিক আজাব না হয় অসং লোকের দুঃশাসন।

মহান আল্লাহ বলেনঃ

وَلْتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَوْنَ  
عَنِ الْمُنْكَرِ ۚ وَأُولَٰئِكَ هُمُ الْمُفْلِحُونَ ۚ وَلَا تَكُونُوا كَالَّذِينَ تَفَرَّقُوا وُتُّ  
مِنْ بَعْدِ مَا جَاءَهُمُ الْبَيِّنَاتُ ۚ وَأُولَٰئِكَ لَهُمْ عَذَابٌ عَظِيمٌ

আর তোমাদের মধ্যে এমন একটি দল অবশ্যই থাকতে হবে, যারা কল্যাণের (ইসলামের) পথে মানুষকে ডাকবে এবং সং কাজের নির্দেশ দিবে ও অসং কাজের প্রতিরোধ করবে। তারাই সফলকাম। সুস্পষ্ট নিদর্শনাবলী আসার পরেও যারা মতভেদ করেছে এবং বিভক্ত হয়েছে, তোমরা তাদের মতো হয়ো না। কেননা তাদের জন্য বিরাট শাস্তি রয়েছে। (সূরা আলে-ইমরানঃ ১০৪-১০৫)

যারা মতভেদ করেছে এবং বিভক্ত হয়েছে— এ আয়াতের ব্যাখ্যায় আল্লামা ইবনে কাসীর (রহ) বলেন, “এখানে আল্লাহ তা‘আলা পূর্ববর্তী উম্মতের মতো পরস্পর বিছিন্ন হওয়া এবং মতানৈক্য সৃষ্টি করা ও তাদের মতো সংকাজের আদেশ ও অসংকাজের নিষেধ করা পরিত্যাগ করার পরিণতি সম্পর্কে আমাদেরকে সতর্ক করেছেন।” (তাফসীরে ইবনে কাসীর ২য় খণ্ড ৫৩২ পৃঃ,



ইসলামিক ফাউন্ডেশন কর্তৃক প্রকাশিত)

উপরোক্ত আয়াত হ'তে বুঝা যায় যে, এটি এমন একটি সুফলদায়ক কাজ যা সঠিকভাবে পালন করলে মর্মান্তিক ও দুর্ভাগ্যজনক অবস্থার সৃষ্টি হবে না। তবে এ কাজটি একাকী করার কোন সুযোগ নেই। করতে হবে সদলবলে- সংঘবদ্ধ ভাবে। যে সমাজে একাজ অব্যাহত থাকে সে সমাজকে আল্লাহ ধ্বংস করেন না। এ ব্যাপারে আল্-কুরআনে বলা হয়েছেঃ

জালিম লোকদের শাসন সম্পর্কে এ হাদীসে যদিও পৃথক ভাবে কথাটি বলা হয়েছে তবু তা আল্লাহর আজাবেরই একটি ধরণ মাত্র। সম্ভবত একথাটি পৃথক করে বলার কারণ হচ্ছে, আল্লাহর আইন ও সৎলোকের শাসন প্রতিষ্ঠা করা সৎ কাজের আদেশ ও অন্যায় কাজের নিষেধের চূড়ান্ত রূপ। আর এ কাজে যখন সমাজের প্রতিটি লোকই ব্যর্থতার পরিচয় দেবে তখন সৎলোক সৃষ্টির ধারা বন্ধ হয়ে যাবে। ফলে স্বাভাবিকভাবেই নেতৃত্ব অসৎ খোদাদ্রোহী শক্তির হাতে চলে যাবে। এটি নিঃসন্দেহে দেশ ও জাতির জন্য একটি বিপর্যয়। (এ ব্যাপারে আল্লাহই ভালো জানেন)

এ কথা কয়টিই আল্লাহ রাব্বুল আ'লামীন সূরা রা'দে অন্যভাবে বলেছেন

وَمَا كَانَ رَبُّكَ لِيُهْلِكَ الْقُرَىٰ بِظُلْمٍ ۖ وَأَهْلُهَا مُصْلِحُونَ

যে জনপদের অধিবাসীগণ সংশোধন মূলক কাজে ব্যাপৃত থাকে তোমার আল্লাহ তাদেরকে জুলুম বা গুনাহর কারণে ধ্বংস করেন না। (সূরা হুদঃ ১১৭)

হাদীসে আল্লাহর আজাবের কথা বলা হয়েছে। কিন্তু আজাবের ধরন বলা হয়নি। তা সে আজাব বিভিন্ন প্রকার প্রাকৃতিক দুর্যোগের মাধ্যমে হতে পারে, আবার অর্থনৈতিক দূরাবস্থা, নৈতিক অবক্ষয় অথবা মহামারীর আকারে কোন ঘাতক ব্যাধিও হতে পারে। তখন আল্লাহর রহমত নাযিল হওয়া বন্ধ হয়ে যাবে। এ অবস্থা থেকে মুক্তির জন্য সমাজের সৎলোকগণ আল্লাহর নিকট দু'আ ও কান্নাকাটি করবে কিন্তু কিছুই কবুল করা হবে না।

إِنَّ اللَّهَ لَا يَغَيِّرُ مَا بِقَوْمٍ حَتَّىٰ يُغَيِّرُوا مَا بِأَنفُسِهِمْ

‘প্রকৃত কথা এই যে, আল্লাহ্ কোন জাতির অবস্থা পরিবর্তন করেন না যতোক্ষণ পর্যন্ত জাতির লোকেরা নিজেদের অবস্থা পরিবর্তন না করে।’

(সূরা রাদঃ ১১)

উক্ত আয়াতটি খুবই তাৎপর্যপূর্ণ। কেননা আম গাছে যেমন কাঁঠাল ফলে না তেমনিভাবে অসৎ লোককে ক্ষমতায় বসিয়ে ভালো কিছু আশা করা যায় না। মজার ব্যাপার হচ্ছে- আমরা আম গাছে কাঁঠাল না চাইলেও অসৎ লোকের কাছে ভালো কিছু চাই। যার কারণে দেখা যায় ভোটের সময় যারা চোর-বাটপার, অসৎ হিসেবে সমাজে পরিচিত তারাই দল পাল্টে এবং বোল পাল্টে জনগণের কাছে আসে ভোট ভিক্ষা করতে। জনগণও মনে করে এবার অমুক প্রার্থী বা অমুক দল ক্ষমতায় গেলে দুধের নহর বইয়ে দেবে। ক’দিন পরই তাদের ঘোর কেটে যায়। তখন কপালে করাঘাত করা ছাড়া আর কিছুই করার থাকে না। তারা মুখে যতই ভালো কথা বলুক না কেন তারাও স্বীকার করে যে, তাদের সমস্ত কাজকর্মই চাতুরীপূর্ণ। যেমন ধরুন যখন কোন সৎলোক নেতৃত্বে এগিয়ে আসে তখন উক্ত নেতারাই চিৎকার করে বলতে থাকে উনার মতো ভালো মানুষ, সৎ মানুষ এ খারাপ কাজে কেন এলো? উনিতো এখানে এলেই খারাপ হয়ে যাবেন। তাদের কথায়ই প্রমাণ হয় তারা ভালো মানুষ নয়। ব্যস! জনগণও না বুঝে তার সুরে সুর মিলিয়ে বলতে থাকে হুজুর আপনি আলেম মানুষ, আপনাকে ভক্তিপ্রদা করি। আপনি খারাপ কাজে যাবেন না। একটু চিন্তা করে দেখুন কাজটি যদি এতই খারাপ হতো তবে নবী করীম (সা) করলেন কেন? সম্মানিত সাহাবাগণ কেন নেতৃত্ব দিলেন? জবাবে বলবেন সে কথা আলাদা। তখনকার সমাজই ছিলো অন্য রকম। তবে আমি প্রশ্ন করবো ইসলামের আবির্ভাবের পূর্বে সেখানকার সমাজে কোন ভালো লোকটি নেতৃত্বে ছিলো? সত্যি কথা বলতে কি, কাজটি খুবই মহৎ এতে কোন সন্দেহ নেই কিন্তু অসৎ নেতৃত্ব সে পদে সমাসীন হয়ে তাকে কলুষিত করেছে। তাই এ অবস্থার পরিবর্তনের জন্য একটিমাত্র রাস্তাই খোলা আছে। তা হচ্ছে- সৎলোকদেরকে নেতৃত্বে প্রতিষ্ঠিত করা। অর্থাৎ সৎ লোকের শাসন কায়েম করা। এ কথাগুলোই উপরোক্ত আয়াতে সংক্ষেপে বলা হয়েছে। মানুষের সিদ্ধান্তের উপরই নির্ভর করেছে তার সুখ অথবা দুঃখ। এখন তারা যা সিদ্ধান্ত নিবে আল্লাহ্ তাই তাদের জন্য সহজ করে দেবেন। অবস্থা পরিবর্তন করে কল্যাণের চেষ্টা করলে আল্লাহ্ কল্যাণের পথ তাদের জন্য সহজ করে দেবেন।

অকল্যাণের চেষ্টা করলে তাও তাদের জন্য আল্লাহ সহজ করে দেবেন। তবে পরিণতি কি হবে তা পূর্বেই ঘোষণা করে দেয়া হয়েছে।

অন্য হাদীসে বলা হয়েছে, হযরত জারীর ইবনে আবদুল্লাহ বলেনঃ আমি নবী করীম (সা) কে বলতে শুনেছি, তিনি বলেছেনঃ

مَا مِنْ رَجُلٍ يَكُونُ فِي قَوْمٍ يَعْمَلُ فِيهِمْ بِالْبُعَاثِ يَقْدِرُونَ عَلَى أَنْ يَغْيِرُوا عَلَيْهِمْ وَلَا يَغْيِرُونَ إِلَّا أَصَابَهُمُ اللَّهُ مِنْهُ يُعْقَابُ قَبْلَ أَنْ يَمُوتُوا -

‘যে জাতিতে কোন লোক পাপে লিপ্ত থাকে আর ঐ লোককে পাপের পথ হতে ফেরানোর ক্ষমতা ঐ জাতির লোকদের থাকা সত্ত্বেও না ফেরায় তবে মৃত্যুর পূর্বেই তাদের (সকল) কে আল্লাহ শাস্তি দিবেন।’ (আবু দাউদ, ইবনে মাজাহ)

অন্যত্র বলা হয়েছে-

إِنَّ اللَّهَ تَعَالَى لَا يُعَذِّبُ الْعَامَّةَ بِعَمَلِ الْخَاصَّةِ حَتَّى يَرَوْا الْبُكَرْبَيْنِ فَهَرَبِيَهُمْ وَهُمْ قَادِرُونَ عَلَى أَنْ يَنْكُرُوهُ فَلَا يَنْكُرُوا فَإِذَا فَعَلُوا ذَلِكَ عَذَّبَ اللَّهُ الْعَامَّةَ وَالْخَاصَّةَ -

‘আল্লাহ কোন জাতিকে তাদের বিশেষ কোন লোকের পাপের কারণে শাস্তি প্রদান করেন না, যতোক্ষণ না ঐ জাতির অধিকাংশ লোক ঐ পাপের কথা জানতে পারে যে, তাদের মধ্যে খারাপ কাজ করা হয়েছে কিন্তু তা প্রতিরোধ করার ক্ষমতা থাকা সত্ত্বেও প্রতিরোধ করেনি। যখন তারা এরূপ (নীরবতা অলঙ্ঘন) করে, তখন আল্লাহ ঐ জাতির সবাইকে সমানভাবে শাস্তি প্রদান করেন।’

(শরহে সুন্নাহ)

### তথ্য সূত্র

- ১। তাকসীরে ইবনে কাসীর -২য় খণ্ড (বাংলা) ইসলামিক ফাউন্ডেশন, ঢাকা
- ২। তাফহীমুল কুরআন- সাইয়েদ আবুল আ'লা মওদুদী (রহ)
- ৩। হাদীস শরীফ (১ম খণ্ড) -মাওঃ আবদুর রহীম (রহ)
- ৪। সাহাবা চরিত (৫ম খণ্ড) -ইসলামিক ফাউন্ডেশন, ঢাকা
- ৫। ইসলামে জিহাদ- মাওঃ আবদুর রহীম (রহ)

عَنِ الْحَارِثِ الْأَشْعَرِيِّ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَمْرُكُمْ بِخَيْرٍ (وَفِي رِوَايَةٍ أَنَا أَمْرُكُمْ بِخَيْرٍ وَاللَّهُ أَمَرَنِي بِهِنَ) بِالْجَمَاعَةِ وَالسَّبِيحِ وَالطَّاعَةِ وَالْهَجْرَةِ وَالْجِهَادِ فِي سَبِيلِ اللَّهِ - وَرَأَيْتُ مَنْ خَرَجَ مِنَ الْجَمَاعَةِ قَيْدَ شَيْبٍ فَقَدْ خَلَعَ رِبْقَةَ الْإِسْلَامِ مِنْ عُنُقِهِ إِلَّا أَنْ يَرْجِعَ وَمَنْ دَعَا بِدَعْوَى الْجَاهِلِيَّةِ فَهُوَ مِنْ جُتَي جَهَنَّمَ وَإِنْ صَامَ وَصَلَّى وَزَعَمَ أَنَّهُ مُسْلِمٌ

হযরত হারিছ আল্ আশয়ারী হতে বর্ণিত, নবী করীম (সা) ইরশাদ করেছেনঃ আমি তোমাদেরকে পাঁচটি বিষয়ে আদেশ দিচ্ছি, (অন্য বর্ণনায় আছে আমার আল্লাহ আমাকে এ পাঁচটি বিষয়ে আদেশ দিয়েছেন) (১) জামা'য়াত গঠনের, (২) আদেশ শ্রবণের (প্রস্তুত থাকা), (৩) আনুগত্য করার (নিয়ম-কানুন মেনে চলা), (৪) হিজরত করার ও (৫) আল্লাহর পথে জিহাদ করার (জন্ম)। আর যে ব্যক্তি জামা'য়াত হতে এক বিঘত পরিমাণ বাইরে চলে গেলো, সে অবশ্যই ইসলামের রশি তার গলা হতে খুলে ফেললো। অবশ্য যদি জামা'য়াতে ফিরে আসে তবে ভিন্ন কথা। আর যে ব্যক্তি জাহেলী কোন মতবাদ ও আদর্শের দিকে লোকদেরকে আহবান করবে। সে জাহান্নামী। যদিও সে রোযা রাখে, নামায পড়ে এবং নিজেকে মুসলিম বলে মনে করে।

(তিরমিযি, মুসনাদে আহমাদ, মিশ্কাত)

### শব্দার্থ

بِالْجَمَاعَةِ - পাঁচটি বিষয়ে। بِخَيْرٍ - আমি তোমাদেরকে নির্দেশ দিচ্ছি। أَمْرُكُمْ - সংগঠন। السَّمْعُ - নির্দেশ শুনা। الطَّاعَةُ - আনুগত্য। الْهَجْرَةُ - হিজরত। مَنْ - এক। قَيْدَ شَيْبٍ - বের হয়ে গেল। مِنَ الْجَمَاعَةِ - সংগঠন হ'তে। خَرَجَ - বিঘত। مِنْ عُنُقِهِ - ইসলামের রশি। رِبْقَةُ الْإِسْلَامِ - সে খুলে ফেললো।

-গলা হ'তে (রূপক অর্থে) أَنْ يُرَاجِعَ - যদি ফেরৎ আসে। -যে আহবান করবে। يَدْعُوَ الْجَاهِلِيَّةِ - জাহেলী মতবাদের দিকে। -তবে সে। صَلَّى - যদি রোযা রাখে। مِنْ جُنَى جَهَنَّمَ - জাহান্নামের ইন্ধন হবে। -যদি রোযা রাখে। -সে মুসলমান। أَنْتَ مُسْلِمٌ - ধারণা করে। زَعَمَ - নামায পড়ে।

### হাদীসটির গুরুত্ব

এ হাদীসটি দিয়ে ইসলামের এমন পাঁচটি গুরুত্বপূর্ণ বিষয়ে নির্দেশ দেয়া হয়েছে যা বাদ দিলে ইসলামী সমাজের অস্তিত্বই কল্পনা করা যায় না। ইসলামের যে লক্ষ্য ও উদ্দেশ্য তাও ব্যর্থ হ'তে বাধ্য। কেননা ইসলামকে পরিপূর্ণভাবে বাস্তবায়নের চেষ্টা রাষ্ট্রীয়ভাবে ইসলাম বাস্তবায়ন না হওয়া পর্যন্ত সফল হয়না। আবার রাষ্ট্রীভাবে বাস্তবায়ন করতে হলে এবং তা প্রতিষ্ঠিত রাখতে হলে অত্র হাদীসে বর্ণিত নেতৃত্ব, আনুগত্য ও সংগঠন ছাড়া কিছুতেই সম্ভব নয়। নামায, রোযা, হজ্জ, কালেমা ও যাকাতকে যেমন ইসলামের ভিত্তি বলা হয়েছে ঠিক তেমনিভাবে ঐ হাদীসে উল্লেখিত পাঁচটি বিষয় হচ্ছে ইসলামী রাষ্ট্র বা ইসলামী সমাজের ভিত্তি। এ পাঁচটি ভিত্তি ছাড়া ইসলামী রাষ্ট্র প্রতিষ্ঠিত হতে পারে না এবং তা কয়েম থাকতেও পারেনা। এর আরেকটি দিক হচ্ছে কোন মুসলমান এ পাঁচটি কাজকে অবজ্ঞা করলে সে মুসলমানই থাকতে পারেনা। কারণ এ পাঁচটি কাজ সরাসরি ঈমান ও আমলের সাথে জড়িত। তাই বুঝা যায় প্রতিটি মুসলমানের জীবনে হাদীসটির গুরুত্ব কত অপরিসীম।

### ব্যাখ্যা

হাদীসের শুরু হয়েছে اَمْرُكُمْ শব্দটি দ্বারা। শব্দটির অর্থ হচ্ছে “আমি তোমাদেরকে নির্দেশ দিচ্ছি।” আবার অন্য বর্ণনানুযায়ী বুঝা যায় যে, এ নির্দেশ নবী করীম (সা) নিজে থেকে দেননি বরং আল্লাহ কর্তৃক আদিষ্ট হয়েই দিয়েছেন। হাদীস ভাভারে সম্ভবত এটিই একমাত্র হাদীস যা উপরোক্ত (নির্দেশ বাচক) শব্দ দিয়ে শুরু করা হয়েছে। যা হোক বর্ণনার ধরন এবং বিষয়বস্তু হতে স্পষ্ট প্রতীয়মান হয় যে, এ হাদীসটিকে পাশ কাটানো মানেই ইসলাম থেকে পাশ

কাটানোর প্রচেষ্টা মাত্র।

(১) الْجَمَاعَةُ (আল্ জামা'য়াত): মূল শব্দ হচ্ছে جَمْعٌ - ৬ - ৫ - ৮ অর্থ-  
বিক্ষিপ্ত কোন বস্তুকে একত্র করা। جَمْع শব্দ হ'তে গঠিত হয়েছে جَمَاعَةٌ।  
এর অর্থ হচ্ছে দল, জামা'য়াত, সংগঠন। জামা'য়াতের ইংরেজী প্রতিশব্দ হচ্ছে  
Organisation ইংরেজীতে Organisation বলা হয় যা সমস্ত Organ  
(অংশ) কে একত্রিত করে। জামা'য়াতের আরেকটি কুরআনী পরিভাষা  
হচ্ছে-উম্মাতুন। أُمَّة যেন সূরা আলে ইমরানে বলা হয়েছে:

وَلْتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ ..

'তোমাদের মধ্যে এমন একটি দল থাকতেই হবে, যারা মানব জাতিকে  
কল্যাণের পথে আহ্বান করবে।' (সূরা আলে ইমরানঃ১০৪)

### ইসলামী সংগঠন ও নেতৃত্ব:

ইসলামী সংগঠনের বা জামা'য়াতের বৈশিষ্ট্য হচ্ছে তিনটি: (ক) ইসলামী  
নেতৃত্ব (খ) ইসলামী কর্মী বাহিনী ও (গ) ইসলামী পরিচালনা বিধি।

(ক) ইসলামী নেতৃত্ব: ইসলামী নেতৃত্বকে খলিফা, ইমাম ও আমীর হিসেবে  
আখ্যায়িত করা হয়। অর্থ ও তাৎপর্যের দিক দিয়ে এক, যদিও শব্দ তিনটি। এ  
ছাড়া আরেকটি কুরআনী পরিভাষা হচ্ছে উলিল আমর। এখানে উল্লেখ্য যে, কেউ  
ইসলামের নামে একটি দল গঠন করে নিজে প্রধান হয়ে বসলেই তাকে ইসলামী  
নেতৃত্ব বলে না। ইসলামী নেতৃত্ব মনোনীত কোন পদের নাম নয় বরং এটি হচ্ছে  
জনসাধারণ বা ইসলামী কর্মীবাহিনী কর্তৃক নির্বাচিত একটি পদ। যিনি ইসলামী  
সংগঠনের নেতৃত্ব দিবেন তার মধ্যে নিম্ন লিখিত বৈশিষ্ট্যগুলো থাকা একান্ত  
অপরিহার্য। যেমন:

১। জ্ঞানের ক্ষেত্রে শ্রেষ্ঠত্ব: নবী করীম (সা) বলেছেন:

يَوْمَ الْقَوْمِ أَقْرَأَهُمْ لِكِتَابِ اللَّهِ -

জনগনের ইমাম বা নেতা হবে সে, যে আল্লাহর কিতাব সম্বন্ধে সর্বাধিক ইলম (জ্ঞান) রাখে। (মিশকাত)

২। উন্নত আমলঃ মহান আল্লাহ রাক্বুল আ'লামীন বলেনঃ

بَنَ اَكْرَمَكُمْ عِنْدَ اللَّهِ اتَّقَاهُ۔

তোমাদের মধ্যে সে- ই সম্মানী যে আল্লাহকে বেশী ভয় করে।

৩। নম্র ব্যবহারঃ রাসূলে আকরাম (সা) বলেনঃ

مَنْ كَانَ يَوْمًا بِاللهِ وَالْيَوْمِ الْآخِرِ فليقل أو ليصمت۔

যে ব্যক্তি আল্লাহ ও পরকালের উপর ঈমান রাখে সে যেন ভালো কথা বলে অথবা চুপ থাকে। (বুখারী)

অন্যত্র বলা হয়েছেঃ

إِنَّ شَرَّ النَّاسِ مَنْزِلَةً عِنْدَ اللَّهِ مَنْ تَرَكَ أَوْدَعَهُ النَّاسُ اتِّقَاءَ نَحْسِهِ۔

আল্লাহর নিকট সেই ব্যক্তিই নিকট, যার অশালীন ও অশোভন আচরণ হতে বাঁচার জন্য লোকজন তাকে এড়িয়ে চলে। (বুখারী)

৪। ধৈর্য্যঃ আল্লাহর বাণী- **إِنَّ اللَّهَ مَعَ الصَّابِرِينَ**

অবশ্যই আল্লাহ ধৈর্য্যশীলদের সাথে থাকেন (সূরা আল-বাকারাহ)

৫। সাহসিকতাঃ নবী করীম (সা) বলেছেনঃ

‘যে ব্যক্তি আল্লাহকে ভয় করে দুনিয়ার সবকিছু তাকে ভয় করে। পক্ষান্তরে যে আল্লাহকে ভয় করে না দুনিয়ার সব কিছু তাকে ভয় দেখায়।’

৬। পরিশ্রম প্রিয়তাঃ নেতাই যদি কাজ না করে তবে কর্মীগণ উৎসাহ পাবে কোথেকে? এ জন্যই নবী করীম (সা) এক যুদ্ধে নিজে কাঠ কাটার দায়িত্ব নিয়েছিলেন। খন্দকের যুদ্ধে নিজে দু'জনের সমান মাটি বহন করেছেন।

৭। কর্মীদের মাঝে ইনসাফ কায়মঃ নেতার কর্তব্য সবাইকে ভালোবাসা। তিনি তাদের সবাইকে এজন্য ভালোবাসবেন যে, তারা আল্লাহর বান্দা এবং আল্লাহর সন্তোষ লাভের উদ্দেশ্যে নিবেদিত প্রাণ। রাসূলে আকরাম (সা) বলেনঃ

اللَّهُمَّ مَنْ وَلِيَ مِنْ أَمْرِي شَيْئًا فَشَقَّ عَلَيْهِ فَاشُقْ عَلَيْهِ وَمَنْ  
وَلِيَ مِنْ أَمْرِي شَيْئًا فَارْفُقْ بِهِ فَارْفُقْ بِهِ-

হে খোদা! যে ব্যক্তি আমার উম্মতের কোন প্রকার দায়িত্বশীল হয়ে তাদেরকে অশান্তি ও দুঃখ কষ্টে নিপতিত করলো তুমি তার উপর দুঃখ কষ্ট ও সংকীর্ণতা চাপিয়ে দাও। আর যে ব্যক্তি আমার উম্মতের দায়িত্বশীল হয়ে তাদের প্রতি ভালোবাসা ও অনুগ্রহ প্রদর্শন করে তুমি তার প্রতি দয়া ও অনুগ্রহ প্রদর্শন করো।

(মুসলিম, কিতাবুল ইমারাহ)

অন্যত্র বলা হয়েছেঃ

مَا مِنْ أَحَدٍ مِنْ أُمَّةٍ وَلِيَ مِنْ أَمْرِ الْمُسْلِمِينَ شَيْئًا لَمْ يَحْفَظْهُمْ بِهَا  
يَحْفَظْ بِهِ نَفْسَهُ وَاهْلَهُ إِلَّا لَمْ يَجِدْ رَاحَةَ الْجَنَّةِ-

আমার উম্মতের কেউ যদি মুসলমানদের দায়িত্বশীল হয়ে ঠিক সেভাবে তাদেরকে হিফাজত না করে যেভাবে সে নিজের ও পরিবারের সদস্যদের হিফাজত করে তবে সে (জান্নাতে যাওয়া তো দূরের কথা) জান্নাতের সুগন্ধিও পাবে না।

(তাবারানী)

৮। পরামর্শ ভিত্তিক সিদ্ধান্তঃ নেতা কোন বিষয়ে হুট করে কোন সিদ্ধান্ত দিবেন, সে অধিকার ইসলামী নেতৃত্বে নেই। এ ব্যাপারে আল্লাহ্ নিজেই সীমা নির্ধারণ করে দিয়েছেন। ইরশাদ হচ্ছেঃ

وَشَاوَرَهُمْ فِي الْأَمْرِ فَإِذَا عَزَمْتَ فَتَوَكَّلْ عَلَى اللَّهِ-

সৎকর্মে তাদের সাথে পরামর্শ করো। কোন বিষয়ে তোমার মত সুদৃঢ় হয়ে গেলে আল্লাহ্র উপর ভরসা করো।

(সূরা আলে ইমরান)

৯। ইসলামী নেতৃত্বের জবাবদিহিতাঃ নেতা তার কাজ কর্মের জবাবদিহি দু'জায়গায় করতে বাধ্য। (ক) জনসাধারণ, কর্মী বাহিনী অথবা নির্বাচক মন্তলীর নিকট এবং (খ) আদালতে আখিরাতে স্বয়ং আল্লাহ্ রাক্বুল আ'লামীনের নিকট।

(খ) ইসলামী কর্মী বাহিনীঃ ইসলামী সংগঠনের দ্বিতীয় বৈশিষ্ট্য হচ্ছে



ইসলামী কর্মী বাহিনী। ইসলামী কর্মী বাহিনীর বৈশিষ্ট্য দু'টি। যা উল্লেখিত হাদীসের ২ ও ৩ নং এ বলা হয়েছে। (ক) আদেশ শ্রবণে প্রস্তুত থাকা ও (খ) আনুগত্য করা। তবে এ শ্রবণ ও আনুগত্য শর্তহীন নয়। অবশ্যই শর্তযুক্ত। সে শর্তটি হচ্ছে যতোক্ষণ আল্লাহ ও রাসূলের আইন বিধানের অধীন হবে ততোক্ষণ আনুগত্য করা। কিন্তু যখনই আল্লাহ ও রাসূলের বিধানের বিপরীত নির্দেশ জারী করা হবে তখনই তার প্রতিবাদ করা এবং ঐ কথার উপর আনুগত্য প্রকাশ না করা। ইরশাদ হচ্ছে:

وَلَا تُطِيعُوا أَمْرَ الْمُسْرِفِينَ الَّذِينَ يَفْسِدُونَ فِي الْأَرْضِ وَلَا يَصْلَحُونَ.

‘যারা পৃথিবীতে সংশোধনের পরিবর্তে ফিতনা ফাসাদ সৃষ্টি করে, এ ধরনের সীমা লংঘনকারীদের তোমরা অনুসরণ ও আনুগত্য করবে না।’ (সূরা আশ শুর অন্যত্র বলা হয়েছে:

وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ.

‘তোমরা একে অপরকে সাহায্য ও সহযোগিতা করো ন্যায়নীতি ও তাকওয়া ভিত্তিতে। (সাবধান!) পাপিষ্ট, শাস্তি-শৃংখলা ও সামাজিক জীবনে বি. সৃষ্টিকারীকে কখনো সমর্থন বা সাহায্য করো না।’ (সূরা আল মায়িদা: নবী করীম (সা) বলেছেন:

عَلَى الْمَرْءِ الْمُسْلِمِ السَّمْعُ وَالطَّاعَةُ فِيمَا أَحْبَبَ وَكَرِهَ إِلَّا أَنْ يُؤْمَرَ بِمَعْصِيَةٍ  
وَأَنْ أَمْرٍ بِمَعْصِيَةٍ فَلَا سَمْعَ وَلَا طَاعَةَ.

প্রতিটি মুসলিম ব্যক্তির কর্তব্য হচ্ছে শ্রবণ করা ও আনুগত্য করা এমন সব ব্যাপারেই যা সে পছন্দ করে এবং যা সে পছন্দ করে না। কিন্তু যদি কোন নাফরমানী ও গুনাহর কাজের আদেশ করা হয়, তবে তা শুনা যাবে না এবং মানাও যাবে না। (বুখারী, মুসলিম)

অন্য হাদীসে বলা হয়েছে আমীর যদি কালো কুৎসিত হাবশী ক্রীতদাসও হয় যার মাথা আঙ্গুরের মতো সে যদি নির্দিষ্ট সীমার ভিতর থেকে নেতৃত্ব দেয় তবে অবশ্যই তার আনুগত্য করতে হবে।

(গ) ইসলামী পরিচালনা বিধিঃ ইসলামী সংগঠনের তৃতীয় বৈশিষ্ট্য হচ্ছে সংগঠনের অথবা রাষ্ট্রের পরিচালনা করতে হলে তা ইসলামী বিধি অনুযায়ী করতে হবে। ইসলামী বিধানের মৌলিক উৎস হবে দু'টি, কুরআন এবং সুন্নাহ। এ দু'টি ব্যাপারে আল্লাহ্ রাসুল আ'লামীনের ঘোষণা হচ্ছেঃ

إِن الْحُكْمَ لِلَّهِ طَامِرًا لَا تُعْبَدُ إِلَّا إِيَّاهُ -

হুকুম- শাসনের অধিকার একমাত্র আল্লাহ্‌র। তাঁর নির্দেশ, তোমরা আল্লাহ্‌ ছাড়া আর কারো দাসত্ব ও আনুগত্য করতে পারবে না। (সূরা ইউসুফঃ ৪০)

আল্লাহ্‌ তা'আলার যাবতীয় আদেশ নির্দেশের একমাত্র ব্যাখ্যা তা রাসূলে আকরাম (সা)। তাই তাঁর নির্দেশাবলী মানাও আল্লাহ্‌র নির্দেশ মানার অন্তর্ভুক্ত।

ইরশাদ হচ্ছেঃ

وَمَا تَأْكُمُ الرُّسُولُ فَخُذُوهُ وَمَنْهَاكُمْ عَنْهُ فَأْتُوا -

এবং রাসূল তোমাদের জন্য যেসব বিধি ব্যবস্থা ও আইন-কানুন এনেছেন তা গ্রহণ কর এবং যে সব বিষয়ে নিষেধ করেছেন তা থেকে দূরে থাকো।

(সূরা আল হাশরঃ ৭)

অন্যত্র বলা হয়েছেঃ

مَنْ يَطِيعِ الرُّسُولَ فَقَدْ اطَّاعَ اللَّهَ -

যে রাসূলের আনুগত্য করলো সে প্রকৃতপক্ষে আল্লাহ্‌রই আনুগত্য করলো।

(সূরা আন-নিসাঃ ৮০)

উপরোক্ত বৈশিষ্ট্য গুলো যে দল বা সংগঠনের থাকবে তাকে ইসলামী দল বা ইসলামী সংগঠন অথবা ইসলামী জামা'য়াত বলা হবে। অন্যথায় তাকে ইসলামী সংগঠন বা জামা'য়াত বলা যাবে না। কুরআন ও হাদীসে জামা'য়াত সংক্রান্ত যা বলা হয়েছে তা উক্ত বৈশিষ্ট্যমণ্ডিত জামায়াতকেই বলা হয়েছে। এবার আমরা প্রমাণ করতে চেষ্টা করবো যে, ঈমান ও ইসলামের সাথে জামা'য়াতের সম্পর্ক কতটুকু।

মহান আল্লাহ্‌ রাসুল আ'লামীন ইরশাদ করেনঃ

وَلَا تَكُونُوا كَالَّذِينَ تَقَرَّوْا وَاتَّقَلَوْا مِنْ بَعْدِ مَا جَاءَهُمُ الْبَيِّنَاتُ وَ  
أُولَئِكَ لَهُمْ عَذَابٌ شَدِيدٌ۔

তোমরা সে সব লোকদের মতো হয়োনা, যারা বিভিন্ন ক্ষুদ্র ক্ষুদ্র দলে বিভক্ত হয়ে গিয়েছে এবং স্পষ্ট ও প্রকাশ্য নির্দেশ পাওয়ার পরও মত বিরোধে লিপ্ত রয়েছে, তাদের জন্য আছে কঠোর শাস্তির ব্যবস্থা। (সূরা আলে-ইমরানঃ ১০৫)

আরো বলা হয়েছেঃ

وَمَنْ يَعْصِمْ بِاللَّهِ فَقَدْ هَيَّأَ إِلَى صِرَاطٍ مُسْتَقِيمٍ۔

যে ব্যক্তি আল্লাহর রক্ষাকে শক্তভাবে ধারণ করবে সে অবশ্যই সিরাতে মুস্তাকিমের সন্ধান পাবে। (সূরা আলে-ইমরানঃ ১০১)

আবার বলা হয়েছেঃ

وَإِذْ كُنَّا نَبْعَثُ إِلَيْكُمْ رَسُولًا إِذْ كُنْتُمْ أَعْدَاءُ فَلَفَّ بَيْنَ قُلُوبِكُمْ فَأَصْبَحْتُمْ  
بِنِعْمَتِهِ إِخْوَانًا۔

আল্লাহর সেই অনুগ্রহের কথা স্মরণ করো, যখন তোমরা ছিলে পরস্পরের ঘোরতর দুশমন তখন তিনিই তোমাদের হৃদয়কে জুড়ে দিলেন এবং তোমরা তাঁর অনুগ্রহে ও মেহেরবানীতে ভাই ভাই হয়ে গেলে। (সূরা আলে ইমরানঃ ১০৩)

সূরা শুরায় বলা হয়েছেঃ

شَرَعَ لَكُمْ مِنَ الدِّينِ مَا وَصَّى بِهِ نُوحًا وَالَّذِي أَوْحَيْنَا إِلَيْكَ وَمَا  
وَصَّيْنَاهُ إِبْرَاهِيمَ وَمُوسَى وَعِيسَى أَنْ أَقِيمُوا الدِّينَ وَلَا تَتَفَرَّقُوا فِيهِ۔

আল্লাহ তোমাদের জন্য সেই দীনকে নির্ধারিত করেছেন যা তিনি নূহ এর প্রতি নির্দিষ্ট করে দিয়েছিলেন আর তোমার প্রতি যে ওহী নাযিল করেছে তা আমরা ইব্রাহিম, মুসা ও ইসাকে একই নির্দেশ দিয়েছিলাম। (তা ছিলো) এ দীনকে

প্রতিষ্ঠিত করো। বিচ্ছিন্ন হয়ে নয়, সংঘবদ্ধভাবে।

(সূরা আশ-শুরাঃ১৩)

জামা'য়াতবদ্ধ জীবন যাপনের প্রতি গুরুত্বারোপ করে নবী করীম (সা) বলেছেনঃ

عَلَيْكُمْ بِالْجَمَاعَةِ وَإِيَّاكُمْ وَالْفِرْقَةَ -

জামা'য়াতকে ভালোভাবে আকড়ে ধরো এবং পৃথক পৃথক দলে বিভক্ত হওয়া থেকে দূরে থাকো। (তিরমিযি)

فَعَلَيْكَ بِالْجَمَاعَةِ فَإِنَّمَا يَأْكُلُ الذِّبُّ الْقَبْصَةَ -

অতএব জামা'য়াতবদ্ধ হয়ে থাকা তোমাদের কর্তব্য। কেননা পাল হতে বিচ্ছিন্ন ছাগলকে নেকড়ে সহজেই খেয়ে ফেলে। (আবু দাউদ)

يُدُّ إِلَهُهُ مَعَ الْجَمَاعَةِ وَمَنْ شَذَّ شَذَّ إِلَى النَّارِ -

জামা'য়াতের প্রতি আল্লাহর রহমতের হাত প্রসারিত থাকে। যে জামা'য়াত ছাড়া একা চলে সে তো একাকী দোজখের দিকেই ধাবিত হয়। (তিরমিযি)

মুসলিম শরীফের এক হাদীসে আরো কঠোর ভাষায় বলা হয়েছেঃ

مَنْ خَرَجَ مِنَ الطَّاعَةِ وَفَارَقَ الْجَمَاعَةَ فَهَاتَ مِثْلَ جَاهِلِيَّةٍ -

যে নেতার আনুগত্য পরিহার করে নেয় এবং জামা'য়াত হতে বিচ্ছিন্ন হয়ে যায়, সে জাহেলিয়াতের মত্য়বরণ করবে। (মুসলিম)

আরো বলা হয়েছেঃ

مَنْ سَرَّ أَنْ يَسْكُنَ مَجْبُوحَةَ الْجَنَّةِ فَلْيَلْزِمِ الْجَمَاعَةَ -

যে ব্যক্তি জান্নাতের আনন্দ উপভোগ করতে চায় তাঁর অবশ্যই জামা'য়াতের অন্তর্ভুক্ত হওয়া উচিত।

এ ব্যাপারে হযরত উমর (রা) এর একটি বক্তব্য প্রশিধানযোগ্য। তিনি বলেছেনঃ

لَا إِسْلَامَ إِلَّا بِجَمَاعَةٍ وَلَا جَمَاعَةٌ إِلَّا بِإِمَارَةٍ وَلَا إِمَارَةٌ إِلَّا بِطَاعَةٍ -

জামা'য়াত ছাড়া ইসলাম হ'তে পারে না। আবার নেতৃত্ব ছাড়া জামা'য়াত হতে পারে না। আর আনুগত্য ছাড়া নেতৃত্ব (প্রতিষ্ঠিত) হতে পারে না।

(জামিউল বয়ান)

জামা'য়াতবদ্ধ জীবন যাপনে অনেক বালা মুসিবত হতে রক্ষা পাওয়া যায় এবং মুনাফিকী হতে আল্লাহ্ হিফাজতে রাখেন। নবী করীম (সা) বলেছেনঃ

ثَلَاثٌ لَا يَفْعَلُهُنَّ عَلَى قَلْبٍ مُسْلِمٍ إِخْلَاصُ الْعَمَلِ لِلَّهِ وَمَنَاصَحَةُ وَلَا إِلَا الْأَمْرِ وَلِزُومُ الْجَمَاعَةِ فَإِنَّ دَعْوَتَهُمْ تُحِيطُ مِنْ دَرَاهِمِهِمْ -

তিনটি জিনিস এমন- তার বর্তমানে কোন মুসলমানের অন্তরে মুনাফেকী সৃষ্টি হতে পারে না।

(ক) যা করবে আল্লাহর সন্তুষ্টির জন্য করবে।

(খ) যারা দায়িত্বশীল (নেতা) তাদের সাথে সৌজন্য মূলক ব্যবহার করবে।

(গ) জামা'য়াতের সাথে একান্তভাবে জড়িত থাকবে, জামা'য়াতের অন্যদের দু'আ তাকে রক্ষা করবে। (আবু দাউদ, তিরমিযি, নাসায়ী, ইবনে মাজা, বাইহাকী, ইবনে হাক্বান)

হিজরতঃ

হিজরতের আভিধানিক অর্থ হচ্ছে ত্যাগ করা। যেমন রাসূলে আকরাম (সা) বলেছেনঃ

أَنْ تَهْجَرَ مَا كَرِهَ رَبُّكَ

হিজরত অর্থ আল্লাহর অপছন্দনীয় ও নিষিদ্ধ কাজ পরিত্যাগ করা। এছাড়া ইসলামী পরিভাষায় এর আরেকটি অর্থ হচ্ছে ইসলামী আদর্শের অনুকরণে জীবন

যাপন করতে কোথাও বিঘ্ন সৃষ্টি হলে অপেক্ষাকৃত ভালো দেশে বা জায়গায় স্থানান্তর হওয়া। এ হাদীসে উপরোক্ত দু'টি অর্থই গ্রহণীয়।<sup>১</sup>

### আল্লাহর পথে জিহাদঃ

জিহাদ **جِهَاد** শব্দের আভিধানিক অর্থ হচ্ছে কোন লক্ষ্যে পৌছার জন্য ব্যাপক প্রচেষ্টা। ইসলামী পরিভাষায় জিহাদ বলা হয় আল্লাহর দীনকে পরিপূর্ণভাবে বাস্তবায়নের জন্য প্রচেষ্টাকে। আল্লাহর পথে জিহাদ কথাটি আল কুরআনের একটি নিজস্ব পরিভাষা।

এর তাৎপর্য হচ্ছে, আল্লাহর দীনকে পূর্ণাঙ্গভাবে প্রতিষ্ঠিত করার এবং যদি তা প্রতিষ্ঠিত হয়ে যায় তবে প্রতিষ্ঠিত রাখার জন্য সর্বশক্তি নিয়োগ করা। প্রয়োজনে যুদ্ধ করা। এটা ফরজ। সময় ও অবস্থার প্রেক্ষিতে এই ফরজ কখনো 'ফরজে আইন' (ব্যক্তিগত অবশ্য করণীয়)<sup>২</sup> আবার কখনো 'ফরজে কেফায়া' (সমষ্টিগত অবশ্য করণীয়)<sup>৩</sup> হিসেবে পরিগণিত হয়। যখন রাষ্ট্রীয় ভাবে পরিপূর্ণ

দীন কায়েম হয়ে যায় তখন বিভিন্ন শক্তি তাকে ধ্বংস করে দেয়ার জন্য তৎপর হয়ে উঠে। এমতাবস্থায় একদল লোক এর মুকাবেলা করলেই যথেষ্ট। সমস্ত জনশক্তির প্রয়োজন হয় না। এ অবস্থাকে বলা হয় ফরজে কেফায়া। আর যদি কোন কাফের অথবা মুশরিক শক্তি সশস্ত্র সংগ্রামে লিপ্ত হয় এবং ইসলামী শক্তির সৈন্য বাহিনী পূর্ণভাবে মুকাবেলা করতে সমর্থ না হয় তবে ঐ রাষ্ট্রের প্রতিটি মুসলমানের উপর জিহাদ অপরিহার্য হয়ে পড়ে। এ অবস্থার নাম ফরজে আইন। তাছাড়া জিহাদ ফরজে আইন হবার আরেকটি শর্ত হচ্ছে, যেখানে ইসলাম পরিপূর্ণভাবে কায়েম নেই এবং ইসলামী আদর্শ অনুযায়ী জীবনযাপন করাও সম্ভব নয় সেখানে ইসলামকে পূর্ণাঙ্গভাবে বাস্তবায়নের প্রচেষ্টা করা।

- (১) হিজরত সম্পর্কে আরো জানতে হলে দেখুন দরসে হাদীস ১ম খণ্ড ৫পৃঃ
- (২) যা পৃথক পৃথক ভাবে সব মুসলমানের উপর ফরজ এবং যা প্রতিটি মুসলমানের নিজ দায়িত্বে আদায় করা কর্তব্য তাকে ফরজে আইন বলে। যেমন নামায, রোজা, হজ্জ ইত্যাদি।
- (৩) যা পৃথক পৃথক ভাবে সব মুসলমানের উপর ফরজ কিন্তু তাদের মধ্য হতে যদি কিছু লোক তা আদায় করে দেয় তবে সকলেই দায়িত্ব মুক্ত হয়ে যায়। তাকে ফরজে কেফায়া বলা হয়। যেমন জানাখার নামায ইত্যাদি।

তাই জিহাদ না করার পরিণতি নবী আকরাম (সা) এর একটি বাণীতে স্পষ্ট করে বলা হয়েছে:

مَنْ مَاتَ وَلَمْ يُغْزِرْ وَلَمْ يَحْدِثْ بِهٖ نَفْسَهُ مَاتَ عَلَى شُعْبَةٍ مِّنْ

যে ব্যক্তি মারা গেল অথচ সে জিহাদ করেনি বা জিহাদের কোন চিন্তা, সংকল্প ও ইচ্ছা করেনি সে যেন মুনাফিকের মতো মৃত্যুবরণ করলো। (মুসলিম)

উপরোক্ত আলোচনায় বুঝা গেল, জিহাদের যে লক্ষ্য ও উদ্দেশ্য তা একক প্রচেষ্টায় লাভ করা সম্ভব নয়। তাই আল্ কুরআনে এবং হাদীসে অত্যন্ত জোরালো ভাষায় জামা'য়াত গঠনের নির্দেশ দেয়া হয়েছে। আবার এ হাদীসের শেষ দিকে বলা হয়েছে জামা'য়াত থেকে বিচ্ছিন্ন থাকার অর্থই হচ্ছে ইসলাম থেকে সরে যাওয়া অর্থাৎ ইসলামী আদর্শের অনুকূলে জীবনযাপন করা তার জন্য আদৌ সম্ভব নয়।

পরিশেষে বলা হয়েছে ইসলাম বিরোধী মতবাদ, আদর্শ, দর্শন ও চিন্তা-বিশ্বাসের প্রচার-প্রসার হারাম। কেননা সে এর দ্বারা যে শুধু ইসলামের বিরোধিতা করে শুধু তাই নয় এবং তার এ প্রচেষ্টার ফলে ইসলামী জামা'য়াত বা সমাজ ভেঙ্গে চূর্ণ-বিচূর্ণও হয়ে যেতে পারে। এই কারণেই এ কাজের পরিণামে জাহান্নামের শাস্তি অবধারিত। আরো বলা হয়েছে যে, সে যদি সুবিধা মতো কিছু ইবাদাত বন্ধেগী করেও তবু তা এ কঠিন আজাব থেকে তাকে মুক্তি দিতে পারবে না এবং তার মুসলমান দাবীও কোন কাজে আসবে না।

### তথ্য সূত্র

- (১) হাদীস শরীফ ১ম খণ্ড- মাওঃ আবদুর রহীম
- (২) ইসলামী আন্দোলন ও সংগঠন- মাওঃ মতিউর রহমান নিজামী
- (৩) ইসলামের পূর্ণাঙ্গরূপ-মাওঃ সদরুদ্দীন ইসলামী

عَنْ عُبَادَةَ بْنِ صَامِتٍ رَضِيَ اللَّهُ عَنْهُ وَكَانَ شَهِيدًا بِدِرْأٍ وَهُوَ أَحَدُ النَّبَاةِ لَيْلَةِ الْعَقِيَّةِ  
 أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ وَحَوْلَهُ عِصَابَةٌ مِنْ أَصْحَابِي يَمِيعُونَ  
 عَلَيَّ أَنْ لَا تُشْرِكُوا بِاللَّهِ شَيْئًا وَلَا تَسْرِقُوا وَلَا تَزْنُوا وَلَا تَقْتُلُوا أَوْلَادَكُمْ  
 وَلَا تَأْتُوا بِبَهْتَانٍ تَفْتَرُونَهُ بَيْنَ يَدَيَّكُمْ وَأَرْجُلَكُمْ وَلَا تَعْصُوا فِي مَعْرُوفٍ  
 فَمَنْ وَفَى مِنْكُمْ فَاجْزَوْهُ عَلَى اللَّهِ وَمَنْ أَصَابَ مِنْ ذَلِكَ شَيْئًا فَعُوقِبَ فِي  
 الدُّنْيَا فَهُوَ كَفَّارَةٌ لَهُ وَمَنْ أَصَابَ مِنْ ذَلِكَ شَيْئًا ثُمَّ سَتَرَهُ اللَّهُ فَهُوَ إِلَى  
 اللَّهِ أَنْ شَاءَ عَاقَبَتْهُ وَإِنْ شَاءَ عَاقِبَهُ فَبِأَعْيُنِنَا ذَلِكَ. (بخاری)

“হযরত উবাদা ইবনে সামিত (রা) হ'তে বর্ণিত— তিনি বদর যুদ্ধে অংশ গ্রহণকারী এবং আকাবা রাত্রিতে নিযুক্ত নেতাদের অন্যতম—তিনি বলেন, নবী করীম (সা) বলেছেন—তখন তাঁর চারদিকে একদল সাহাবী উপস্থিত ছিলেন—তোমরা আমার নিকট এ কথার উপর ‘বাইয়াত’ করো যে, ‘তোমরা আল্লাহর সাথে কোন জিনিসের শরীক করবে না। চুরি করবে না, যেনা—ব্যাভিচার করবে না, তোমাদের সন্তানদেরকে হত্যা করবে না, তোমরা পরস্পর পরস্পরের উপর অপবাদ দিবে না এবং ভালো কাজের ব্যাপারে কখনো নাফরমানী করবে না। তোমাদের মধ্যে যে ব্যক্তি এই ‘বাইয়াত’ যথাযথভাবে পালন করবে তার বিনিময় ও পুরস্কার স্বয়ং আল্লাহ দিবেন। আর যে ব্যক্তি নিষিদ্ধ কাজগুলোর মধ্যে কোন একটি কাজও করবে এবং এজন্য পৃথিবীতে কোন শাস্তি ভোগ করতে বাধ্য হবে, তবে তা তার গুনাহর কাফ্ফারা হিসাবে পরিগণিত হবে। আর যদি কোন নিষিদ্ধ কাজ কেউ করে ফেলে এবং আল্লাহ তা ঢেকে রাখেন, তবে এ ব্যাপারটি সম্পূর্ণ আল্লাহর উপর বর্তাবে। তিনি ইচ্ছে করলে তাকে মা'ফ করে দিবেন অথবা ইচ্ছে করলে তাকে শাস্তি দিবেন। বর্ণনাকারী বলেনঃ



অতঃপর আমরা কথাগুলো মেনে নবী করীম (সা) এর ‘বাইয়াত’ গ্রহণ করলাম।”  
(বুখারী)

### শব্দার্থ

আকাবা - الْعَقَبَةُ - রাত্রি - لَيْلَةً - প্রতিনিধিবর্গ - الْقَبَائِلُ - উপস্থিত ছিলো - شَهِدَ  
 (মিনা নামক স্থানে অবস্থিত একটি পাহাড়) - حَوْلَهُ - তাঁর চতুর্দিকে - بِأَيْعُونِي  
 - আমার নিকট ‘বাইয়াত’ করো। - لَتُشْرِكُوا - শরীক করোনা। - بِاللَّهِ - আল্লাহর  
 সাথে - لَتُسْرِقُوا - তোমরা চুরি করো না। - لَا تَزْنُوا - ব্যাভিচার করোনা  
 - لَا تَقْتُلُوا - হত্যা করোনা। - أَوْلَادَكُمْ - তোমাদের সন্তান। - لَا تَأْتُوا  
 আরোপ করে না। - بُهْتَانٍ - মিথ্যা অপবাদ। - بَيْنَ أَيْدِيكُمْ وَأَرْجُلِكُمْ -  
 - সামনা-সামনি। - لَا تَعْصُوا - সীমা লংঘন করোনা। - أَجْرُهُ - তার বিনিময়।  
 - آصَابَ - আঘাত উপর। - فَتَعَوَّقِبَ - সম্পাদন করা। - عَلَى اللَّهِ -  
 (নির্দিষ্ট শাস্তি) জারী করা হয়। - سَتَرَهُ اللَّهُ - আল্লাহ তাকে গোপন রাখলেন।  
 - اِنْشَاءً - যদি চান। - عَفَا عَنْهُ - তা মাফ করবেন। - عَاقِبَةُ - তাকে শাস্তি দিবেন।

### বর্ণনাকারীর (রাবীর) পরিচয়

নাম উবাদা। ডাক নাম আবুল ওয়ালিদ। পিতা সামেত ইবনে কয়েস। মাতা কুররাতুল আইন। মদীনার খাজরাজ বংশের সালেম গোত্রের লোক। তিনি ছিলেন আনসার সাহাবী।

তিনি সাহাবাদের মধ্যে দু’টি বিষয়ে সৌভাগ্যের অধিকারী ছিলেন। একটি হচ্ছে, আকাবার প্রথম শপথে অংশগ্রহণ সহ মদীনা হতে ক্রমাগত তিন বৎসরে মক্কায় আগত প্রত্যেকটি প্রতিনিধি দলের সংগে তিনি শামিল ছিলেন। দ্বিতীয়টি হচ্ছে, তিনি ছিলেন বদর যুদ্ধে অংশগ্রহণকারী সাহাবী। তাছাড়া তিনি নবী করীম (সা) এর সাথে সবগুলো যুদ্ধেই অংশগ্রহণ করেছেন এবং ‘বাইয়াতে রিদওয়ান’ এর সময়ও তিনি রাসুলে করীম (সা) এর হাতে বাইয়াত গ্রহণ করেছেন। হযরত

উবাদা (রা) উটু স্তরের একজন সাহাবী ছিলেন। তিনি শুদ্ধরূপে কুরআন পাঠ করতেন এবং পবিত্র কুরআনের হাফিজ ছিলেন। আহলে সুফ্যাদেরকে শিক্ষা দেয়ার জন্য যে মাদরাসা প্রতিষ্ঠিত হয়েছিলো তিনি ছিলেন তার তত্ত্বাবধায়ক ও শিক্ষক। মহানবী (সা) তাঁকে যাকাত আদায়ের কর্মকর্তা নিযুক্ত করেছিলেন। তাছাড়া তিনি হযরত উমর (রা) এর সময় বিভিন্ন গুরুত্বপূর্ণ দায়িত্ব পালন করেন। সিরিয়া ও হোমসের শাসনকর্তা এবং ফিলিস্তিনের প্রধান বিচারপতি হিসেবে দক্ষতার সাথে দায়িত্ব পালন করেছেন। হিজরী ৩৪ সনে ৭২ বৎসর বয়সে তিনি ইন্তেকাল করেন। তাঁর বর্ণিত হাদীসের সংখ্যা ১৮১টি। তারমধ্যে ৬টি হাদীস বুখারী ও মুসলিম উভয়ে বর্ণনা করেছেন।

### হাদীসটির গুরুত্ব

বুখারী শরীফে হাদীসটি পাঁচ জায়গায় বর্ণনা করা হয়েছে। তাছাড়া মুসলিম, তিরমিযি ও নাসায়ী শরীফেও সামান্য শাস্তিক পার্থক্য সহকারে বর্ণিত হয়েছে।

ইসলামী রাষ্ট্র কায়েমের পূর্বে কি ধরনের নেতৃত্ব সৃষ্টি করা প্রয়োজন এবং তাদের নৈতিক ও তাকওয়ার মান কিরূপ হওয়া উচিত তা অত্র হাদীসে স্পষ্ট করে তুলে ধরা হয়েছে। আরও তুলে ধরা হয়েছে একটি ইসলামী সমাজ কিভাবে ধ্বংস হয় সেই চোরা পথগুলো। যেহেতু আল্লাহর রাসূল (সা) একটি ইসলামী রাষ্ট্রের স্বপ্ন দেখছিলেন সেহেতু নিষিদ্ধ রাস্তাগুলোর প্রবেশ দ্বারে অর্গল এঁটে দেয়ার ব্যবস্থা করেছেন। যেন একটি সুখী-সমৃদ্ধ সুন্দর সমাজ দেহে কোন ক্রমেই পঁচন না ধরে।

### ব্যাখ্যা

বাইয়াতঃ ‘বাইয়াত’ শব্দটি আরবী بَيْعَةٌ শব্দ থেকে গঠিত। অর্থ বিক্রি করা, ক্রয় করা, চুক্তি, শপথ, অংগীকার, শ্রদ্ধা প্রদর্শন আনুগত্য স্বীকার করা ইত্যাদি।<sup>১</sup>

---

(১) বাইয়াতের হাকিকত ২য় প্রচা দ্রষ্টব্য

প্রতিটি মু'মিন স্বৈচ্ছায় এবং সন্তুষ্টির সাথে নিজের জান এবং মালকে আল্লাহর নিকট বিক্রি করে দেয়; তাঁর সন্তোষ ও জান্নাতের বিনিময়ে। আর আল্লাহ ও শুধুমাত্র মু'মিনদের নিকট হতে জান-মাল খরিদ করেন। আল্লাহ মুমিন ছাড়া আর কারো সাথে ক্রয়-বিক্রয় করেন না। করা সম্ভবও নয়। কেননা বিক্রিত বস্তু ক্রেতার নিকট চাহিবা মাত্র হস্তান্তর করতে বিক্রেতা বাধ্য। এ মূলনীতি অনুসরণ করা একমাত্র মু'মিনদের পক্ষে সম্ভব। কারণ প্রতিটি মু'মিনের অন্তরে এ অনুভূতি সর্বদা জাগ্রত থাকে যে “আমার জান এবং মালের মালিক আমি নই। আল্লাহ মেহেরবানী করে তা আমার নিকট আমানত রেখেছেন মাত্র। কাজেই তিনি যেভাবে চান সেভাবেই এর ব্যবহার করতে হবে। পক্ষান্তরে একজন মুনাফিক, কাফের কিংবা মুশরিক তা মনে করে না। এজন্য আল্লাহ তাদের সাথে কেনা বেচাও করেন না। এটা তো একটি সাধারণ কথা যে, যে বিক্রেতা ক্রেতার নিকট হতে মূল্য আদায় করতে চায় কিন্তু তাকে বিক্রিত মাল হস্তান্তর করতে চায় না তার সাথে কোন বুদ্ধিমানই ক্রয়-বিক্রয় করবে না। সূরা তওবায় বলা হয়েছে-

إِنَّ اللَّهَ اشْتَرَىٰ مِنَ الْمُؤْمِنِينَ أَنفُسَهُمْ وَأَمْوَالَهُمْ بِآلِهِمُ الْجَنَّةَ  
يَقَاتِلُونَ فِي سَبِيلِ اللَّهِ فَيَقْتُلُونَ وَيُقْتَلُونَ وَعَدًا عَلَيْهِ حَقًّا فِي التَّوْرَةِ وَالْإِنْجِيلِ وَالْقُرْآنِ

নিশ্চয় আল্লাহ মুমিনদের জান মাল জান্নাতের বিনিময়ে কিনে নিয়েছে। তাহা আল্লাহর পথে লড়াই করে, (দুশমনকে) হত্যা করে এবং নিজেরাও নিহত হয়। তাওরাত, ইঞ্জিল ও কুরআনে তাদের জন্য (জান্নাত দেবার এ ওয়াদা) আল্লাহর দায়িত্বে একটি পাকা ওয়াদা -বটে। (তাওবাঃ ১১১)

কাফেরদের সাথে এ বেচা-কেনা এজন্য সম্ভব নয় যে তারা পরকালকেই অস্বীকার করে। আর মুশরিক এবং মুনাফিকেরা যদিও পরকালকে পুরোপুরি বিশ্বাস করে না তবুও তারা অস্বীকার করার মতো ধৃষ্টতাও প্রদর্শন করে না। এরা দুনিয়ার জীবন এবং ভোগ বিলাসকে সব কিছুর উপর প্রাধান্য দেয়। পক্ষান্তরে একজন মুমিন দুনিয়ার চেয়ে আখিরাতের জীবনকে প্রাধান্য দেয়। এজন্য পৃথিবীর

লোভ-লালসা, মায়্যা-মোহ, কোন কিছুই তাকে পিছনে টানতে পারে না। প্রয়োজনে সর্বাধিক প্রিয়বস্তু জীবনটাও আল্লাহর সন্তুষ্টির জন্য তাঁর দ্বীনের পথে উৎসর্গ করে দেয়।

বিক্রিত জান-মাল আল্লাহ নিজে এসে গ্রহণ করেন না। আবার নিজে নিজেও তা সঠিক ভাবে প্রয়োগ করা সম্ভব হয় না। এজন্য আল্লাহ কর্তৃক ক্রয়কৃত জান-মাল তাঁর আদিষ্ট পথে ব্যয় করার জন্য একজন প্রতিনিধির প্রয়োজন। আর সেই প্রতিনিধি হচ্ছেন নবী-রাসূলগণ। কিন্তু যেহেতু হযরত মুহাম্মদ (সা) এর পরে আর কোন নবী ও রাসূল নেই তাই মুমিনদের নির্বাচিত খলিফা বা নেতাই হচ্ছেন সেই প্রতিনিধি। তাঁর নিকট বাইয়াত করা প্রতিটি মুমিনের কর্তব্য। তবে নবী করীম (সা) এর হাতে বাইয়াত এবং অন্য ইমাম বা নেতার হাতে বাইয়াতের মধ্যে মৌলিক পার্থক্য আছে। নবী করীম (সা) এর আনুগত্য হচ্ছে বিনা শর্তে কিন্তু অন্য নেতাদের আনুগত্য হচ্ছে শর্ত সাপেক্ষে। অর্থাৎ সর্বাবস্থায় আল্লাহ ও তাঁর রাসূলের আনুগত্য করতে হবে কিন্তু রাসূল (সা) ছাড়া আর কারো আনুগত্য অন্ধভাবে করা যাবে না। সে আনুগত্য হতে হবে আল্লাহ ও তাঁর রাসূলের (সা) অধীন। বাইয়াতের মাধ্যমে যে দাবীগুলো পরোক্ষভাবে স্বীকার করে নেয়া হয়, সেগুলো হচ্ছেঃ

(১) জান-মাল আল্লাহর নিকট যে বিক্রি করা হয়েছে তা বাইয়াতের মাধ্যমে তাঁর নিকট সোপর্দ করা, যেন তিনি জান ও মাল আল্লাহ ও রাসূল প্রদত্ত নিয়মে আল্লাহর পথে ব্যয় করতে পারেন।

(২) বাইয়াত গ্রহণকারী ব্যক্তির পক্ষ হতে তাকে সে নির্দেশ দেয়া হবে তা যদি কুরআন সুন্নাহ বিরোধী না হয় তবে বিনা দ্বিধায় তা মানতে হবে। এ ব্যাপারে পার্থিব কোন ক্ষয় ক্ষতির পরওয়া করা যাবে না।

(৩) যদি বাইয়াত গ্রহণকারী ব্যক্তির কোন নির্দেশ সঠিক নয় বলে মনে হয় তবে এ ব্যাপারে তাঁর সাথে আলাপ আলোচনার মাধ্যমে মীমাংসায় পৌঁছতে হবে। কিন্তু নিজে নিজে সিদ্ধান্ত নিয়ে নির্দেশ না মানা কোনক্রমেই ঠিক নয়।

(৪) কোন বিশেষ কারণে যদি নির্দেশ পালন করা সম্ভব না হয় তবে তাঁকে অবহিত করতে হবে এবং তাঁর সিদ্ধান্তকে চূড়ান্ত মনে করতে হবে।

ইকামাতে দ্বীনের দায়িত্ব পালন করতে গেলেই প্রথমে প্রয়োজন একটি সুসংঘবদ্ধ জামায়াতের। দীন কায়ম করা যেমন ফরজ ঠিক তেমনি জামায়াত

বন্ধ হওয়াও ফরজ। কেননা জামায়াতদ্ধ প্রচেষ্টা ছাড়া কোন ক্রমেই আল্লাহর দীন প্রতিষ্ঠিত হতে পারে না। আবার জামায়াতবদ্ধ হবার বন্ধনসূত্রই হচ্ছে বাইয়াত।

এজন্যেই ইসলামে বাইয়াতের গুরুত্ব এত বেশী।

আকাবার ১ম, ২য়, ৩য় বাইয়াত এবং হুদাইবিয়ার সন্ধির সময় যে বাইয়াত সংঘটিত হয়েছিল যাকে “বাইয়াতে রিদওয়ান” বলা হয়, এ সমস্ত বাইয়াত ছাড়াও নবী করীম (সা) বিভিন্ন সময় পুরুষ ও মহিলা সাহাবীদের নিকট হতে ভিন্ন ভিন্ন বিষয়ে বাইয়াত গ্রহণ করেছেন। সাহাবীগণ বাইয়াতকে ঈমানের রুহ মনে করতেন। তাই দেখা যায় কোন পুরুষ অথবা মহিলা সাহাবী যদি কখনো কোন ভুল করে ফেলতেন সাথে সাথে নবী করীম (সা) এর নিকট এসে পুণরায় বাইয়াত করানোর অনুরোধ করতেন। যদি আল্লাহর রাসুলের (সা) নিকট কালেমা পড়াই যথেষ্ট হতো তবে বাইয়াতের ব্যাপারে এমন পেরেশানী তাদের মধ্যে থাকতো না। এ সমস্ত ঘটনা থেকেও বুঝা যায় যে, ইসলামে বাইয়াতের গুরুত্ব কতটুকু।

শিরক না করাঃ শিরক হচ্ছে আল্লাহ ছাড়া অপর কাউকে এমন মনে করা যা একমাত্র আল্লাহরই হওয়া বা করা সম্ভব। এ রকম ধারণা বা কর্ম করা যাবে না। অর্থাৎ কোন কল্যাণ বা অকল্যাণ যাই হোক না কেন আল্লাহ ছাড়া কেউই তা করতে সক্ষম নয়। প্রয়োজন পূরণকারী, বিপদ মোচনকারী, প্রার্থনা শ্রবণকারী, রিজিক প্রদানকারী, বিপদাপদে আশ্রয়স্থল একমাত্র আল্লাহ। তাছাড়া কাউকে এ রকম প্রভাবশালী মনে না করা যার সুপারিশে আল্লাহর ফায়সালা পরিবর্তন হতে পারে। বৈষয়িক, ইহলৌকিক ও পারলৌকিক যে কোন বিষয়েই হোকনা কেন আল্লাহ ছাড়া আর কারো দ্বারস্থ হওয়া যাবে না। আল্লাহ ছাড়া আর কারো আইন-কানুন মানা যাবে না। চাই, রাজনৈতিক, পারিবারিক, সামাজিক অথবা অর্থনৈতিক যাই হোকনা কেন। এসব সিদ্ধান্ত মনে প্রাণে গ্রহণ করে তার উপর অবিচল থাকাই হচ্ছে তৌহিদের দাবী বা শির্কমুক্ত জীবন-যাপন।

চুরি না করাঃ চুরি হচ্ছে কোন বস্তু তার মালিকের অগোচরে ও অসম্মতিতে নিজে ভোগ করা বা এর মালিক হয়ে যাওয়া। ইসলামী বিধানে এটা একটি গুরুতর ফৌজদারী অপরাধ। শরীয়তের পরিভাষায় কবিরা গুনাহ। তবে মানুষ যাতে খেতে পরতে না পেয়ে চুরি করতে বাধ্য না হয় সে ব্যাপারে সম্পূর্ণ দায়িত্ব

হচ্ছে ইসলামী রাষ্ট্রের সরকারের। যদি কোন চোর ধরার পর প্রমাণিত হয় যে জীবন বাঁচানোর জন্য চুরি ছাড়া আর কোন বিকল্প ব্যবস্থা তার ছিলো না; তবে তাকে শাস্তি দেয়া তো দূরের কথা সরকারের প্রতিটি ব্যক্তিই উল্টা তার কাছে জবাবদিহি করতে বাধ্য।

ব্যাভিচার না করাঃ আল্লাহ্ জাল্লাহ ইরশাদ করেনঃ

وَلَا تَقْرُبُوا الزَّانِيْنَ اِنَّهٗ كَانَ فَاحِشَةً وَّسَاءَ سَبِيْلًا (اسرئ)

তোমরা ব্যাভিচারের ধারে কাছেও যেও না কেননা তা অত্যন্ত নির্লজ্জ কাজ ও অতীব নিকৃষ্ট পথ। (সূরা বনী ইসরাইলঃ৩২)

উপরোক্ত আয়াতে স্পষ্ট করে বলে দেয়া হয়েছে যে, ব্যাভিচার করা তো দূরের কথা এমন কাজ বা আচরণ করাও হারাম যা প্রত্যক্ষ অথবা পরোক্ষভাবে ব্যাভিচারের জন্য উদ্বুদ্ধ করে। যে সব কাজ মানুষকে যৌন সুড়সুড়ি দেয় সেগুলোও উপরোক্ত আয়াতের আদেশের আওতাভুক্ত। যেমন অশ্লীল যৌন আবেদনমূলক পত্র-পত্রিকা, যৌন সুড়সুড়িমূলক সাহিত্য, নারী দেহের বিভিন্ন অঙ্গ ভঙ্গির অশ্লীল চিত্র, নগ্ন ও অর্ধনগ্ন চিত্র ইত্যাদি। এ সমস্ত কাজে যারা প্রত্যক্ষ অথবা পরোক্ষ ভাবে অংশগহণ করবে তাদের ব্যাপারে ইরশাদ হচ্ছে

اِنَّ الدِّیْنَ یُحِبُّوْنَ اَنْ تَشِیْعَ الْفَاحِشَةُ فِی الدِّیْنِ اَمْنُوْلَهُمْ عَذَابُ اَلِیْمٍ فِی الدُّنْیَا وَ الْاٰخِرَةِ -

যারা চায় যে, মুসলমানদের মধ্যে নির্লজ্জতা ও বেহায়াপনার প্রচার হোক, তাদের জন্য দুনিয়া এবং আখিরাতে রয়েছে যন্ত্রনাদায়ক শাস্তি।

সন্তান হত্যা না করাঃ মানুষ প্রধানত দুই কারণে সন্তান হত্যা করতে উদ্বুদ্ধ হয়।

এক— বেশী সন্তান হলে তাদেরকে ঠিকমত খাওয়ানো পরানো যাবে না এবং তাদেরকে মানুষ করা যাবে না। অভাব অনটনে নিমজ্জিত হওয়ার আশংকা।

মহান আল্লাহ্ বলেনঃ

وَلَا تَقْتُلُوْا اَوْلَادَكُمْ خَشِیْةً اِمْلَاقٍ

অভাব অনটনের ভয়ে তোমরা তোমাদের সন্তানদের হত্যা করো না।

(বনী ইসরাইল)

দুই— কন্যা সন্তান হলে সমাজে তাদের নিরাপত্তা নেই। বয়োঃসন্ধিকালে উপযুক্ত পাত্র ক্রয়ের অসামর্থ্যতা। মেয়ে সন্তানের জনক জননীকে সমাজে হয়ে মনে করা এবং তাদেরকে মানসিক পীড়া দেয়া।

এখন প্রশ্ন হতে পারে ক্রণ হত্যা সন্তান হত্যার আওতাভুক্ত কিনা? হ্যাঁ। অবশ্যই ক্রণ হত্যা সন্তান হত্যারই শামিল। কেননা ক্রণ হত্যা করা হয় সন্তানের জন্মকে ঠেকানোর জন্যেই। এ প্রবণতা অত্যন্ত মারাত্মক। আমি বাসে উঠছি আর কউকে উঠতে দেবো না, এ রকমই যেন এক স্বার্থপর মনোভাব একাজে উদ্ভূত করে। স্বার্থপরতা নামক বিষবৃক্ষ হতেই এর অংকুরোদগম হয়।

কাউকে দোষারোপ না করাঃ কাউকে দোষারোপ করার প্রবণতা একটি নৈতিক ব্যাধি। এ ব্যাধি যখন মাহামারীর আকার ধারণ করে তখন সমাজ তিজ্ততায় জর্জরিত হয়ে যায়। তখন সমাজ হতে ভালোবাসা, সম্প্রীতি, স্নেহ-মমতা ইত্যাদি নির্বাসিত হয়। ইসলামী সমাজ এটাকে কোন ভাবেই মেনে নিতে রাজী নয়। তাই শরীয়ত এটাকে শাস্তি মূলক অপরাধ বলে গণ্য করেছে।

ভালো কাজের নাফরমানী না করাঃ এ ব্যাপারে ইসলামের মূলনীতি হচ্ছেঃ

تَعَاوَنُوا عَلَى الْبِرِّ وَالتَّقْوَىٰ ۖ وَلَا تَعَاوَنُوا عَلَى الْإِثْمِ وَالْعُدْوَانِ ۚ

তোমরা একে অপরকে সাহায্য ও সহযোগিতা করো ন্যায়নীতি ও তাকওয়ার ভিত্তিতে। (সাবধান) যা গুনাহ ও সীমা লংঘনের কাজ তাতে কারও এক বিন্দু সাহায্য ও সহযোগিতা করো না।

(সূরা আল মায়দাঃ২)

নবী করীম (সা) ইরশাদ করেনঃ

السَّمْعُ وَالطَّاعَةُ عَلَى كَثْرِ الْمُسْلِمِ فِي مَا أَحَبَّ وَكَرِهَ مَا لَمْ يُؤْمَرْ

بِمَعْصِيَةٍ فَإِلَّا فَرِيضَةً فَلَا سَمْعَ وَلَا طَاعَةَ

‘মুসলমানদের কর্তব্য হচ্ছে নিজেদের সামাজিক ও সামগ্রিক দায়িত্ব সম্পন্ন ব্যক্তি (উলিল আমর) দের কথা শোনা ও মানা। তা পছন্দ হোক বা না হোক।

যতোক্ষণ না অন্যায় কাজের আদেশ দিবে। আর যখন কোন অন্যায় বা পাপ কাজের আদেশ দিবে তখন তা শোনা কিংবা মানা মুসলমানদের কর্তব্য নয়।'

(বুখারী, মুসলিম)

পরিশেষে বলা হয়েছে, এর পরও যদি কেউ উল্লিখিত অপরাধসমূহের কোন একটি করে এবং ধৃত হয় তবে অবশ্যই তাকে শরীয়তের দণ্ড ভোগ করতে বাধ্য করা হবে।

বিভিন্ন হাদীস ও আসার<sup>২</sup> হতে একথা প্রমাণিত যে কোন অপরাধীকে শরীয়তের দণ্ড প্রদানের পর তার অপরাধকৃত পাপের কাফফারা হয়ে যায়। আল্লাহ্ রাক্বুল আলামীন তাকে ঐ অপরাধের জন্য পুনরায় শাস্তি দিবেন না। যেমন হযরত আলী (রা) হতে বর্ণিত হয়েছে যে-

وَمَنْ أَصَابَ ذَنْبًا فَعُوقِبَ بِهِ فِي الدُّنْيَا فَاللَّهُ أَكْرَمُ مِنْ أَنْ يُنْشَى بِالْعَقِيبَةِ  
عَلَى عَبْدٍ فِي الْآخِرَةِ۔

কোন অপরাধীকে যদি পৃথিবীতে তার কৃত অপরাধের জন্য দণ্ডিত করা হয় তবে পরকালেও তাকে আল্লাহ্ দ্বিতীয় বার শাস্তি দিবেন-আল্লাহ্ এ সবার উর্ধে।

আর যদি অপরাধ করে ধৃত না হয় এবং আল্লাহ্ তা গোপন রাখেন তবে সে অপরাধের দায়-দায়িত্ব কোন ইসলামী সরকারের নয়। আল্লাহ্ ইচ্ছে করলে তাকে মা'ফ করবেন অথবা শাস্তি দিবেন। অথবা তাকে প্রথমে জাহান্নামে নিক্ষেপ করে নির্ধারিত শাস্তি দিয়ে পরে জান্নাতে প্রবেশ করাবেন। এ ব্যাপারটি সম্পূর্ণরূপে আল্লাহ্র ইচ্ছাভিত্তিক।

২। সাহাবাদের কথা, কাজ ও অনুমোদনকে হাদীসের পরিভাষায় 'আসার' বলা হয়।

### তথ্য সূত্র

- ১। তাকহীমুল কুরআন-সাইয়েদ আবুল আ'লা মওদুদী (রহ)
- ২। হাদীস শরীফ ২য় খণ্ড- মাওঃ আবদুর রহীম (রহ)
- ৩। বাইয়াতের হাকীকাত-অধ্যাপক গোলাম আযম
- ৪। সাহাবা চরিত-৫ম খণ্ড, ইসলামিক ফাউন্ডেশন বাংলাদেশ, ঢাকা
- ৫। মাসিক পৃথিবী-বিভিন্ন সংখ্যা।



عَنْ أَبِي سَعِيدٍ الْخُدْرِيِّ وَعَنْ أَبِي هُرَيْرَةَ عَنِ النَّبِيِّ صَلَّى  
اللَّهُ عَلَيْهِ وَسَلَّمَ قَالَ مَا يُصِيبُ الْمُسْلِمَ مِنْ نَصَبٍ وَلَا هِمٍّ وَلَا  
حَزَنٍ وَلَا أَذًى وَلَا غَمٍّ حَقَّ الشُّوْكَهَ يَشَاكُهَا الْكَفْرُ اللَّهُ بِهَا مِنْ خَطِيئَةٍ  
(بخاری)

“আবু সাঈদ খুদরী ও আবু হুরাইয়াহ (রা) হতে বর্ণিত। নবী করীম (সা) বলেছেনঃ যখন কোন মুসলমান মুসিবতে পড়ে, চাই তা কোন যাতনা, অথবা কোন রোগ যন্ত্রনা অথবা কোন উদ্বেগ-দুচ্চিন্তা বা নির্যাতন অথবা মনোকষ্ট যা-ই হোক না কেন, এমনকি তার একটি কাটাও যদি ফুটে এর বিনিময়ে আল্লাহ তার সব গুনাহ মাফ করে দেন। (বুখারী)

### শব্দার্থ

حَزَنٌ - রোগ যন্ত্রনা। نَصَبٌ - যাতনা। مَا يُصِيبُ - যে মুসিবত হয়। أَذًى - দুচ্চিন্তা। شَوْكَةٌ - কীট। غَمٌّ - শোক, মনোকষ্ট। يَشَاكُهَا - যখন-তা ফুটে। الْكَفْرُ - আল্লাহ মাফ করে দেন। خَطِيئَةٍ - তার গুণাহসমূহ।

### রাবীর পরিচয়

আবু হুরাইরার (রা) পরিচয় দারসে হাদীস ১ম খন্ড ও অত্রপুস্তকের ২নং ও ৯নং হাদীস দ্রষ্টব্য।

আবু সাঈদ খুদরী (রা) : উহদ যুদ্ধের মুজাহিদ রিক্রুট হচ্ছে। তের বছরের এক বালক। পিতা তার সন্তানের জন্য সুপারিশ করছেন রাসূলে আকরাম (সা) এর নিকট। হজুর (সা) বয়সের স্বল্পতার কারণে অনুমতি দিলেন না। পুনরায় ঐ বালকের পিতা বললেন, ‘ইয়া রাসূলুল্লাহ! তার শরীরতো বেশ হুটপুট। তাছাড়া হাড়গুলোও বেশ মোটাসোটা। এতো কিছুর পরও ঐ বালকের যুদ্ধে যাবার

অনুমতি পাওয়া গেলো না। তখন পিতা ছেলেকে না নিতে পেরে একাই যুদ্ধের প্রস্তুতি নিয়ে যুদ্ধে গেলেন এবং শাহাদাত বরণ করলেন। এ বালকই ছিলেন হযরত আবু সাঈদ খুদরী (রা)। আবু সাঈদ কুনিয়াত। নাম সা'দ ইবনে মালেক। মদীনার খাজরায় গোত্রের বনু খুদর গোত্রের লোক। এজন্য খুদরী বলা হয়। আনসার সাহাবী। উহ্দের পরবর্তী সকল যুদ্ধেই তিনি অংশগ্রহণ করেছিলেন।

তার পিতার শহাদাতের খবর শুনে রাসূলুল্লাহ্ (সা) এর নিকট এলেন কিছু প্রার্থনার উদ্দেশ্যে। তখন হুজুর (সা) দেখে বললেন-‘যে সবার চায় তাকে আল্লাহ সবার দান করেন। যে আল্লাহর নিকট পবিত্রতা প্রার্থনা করে আল্লাহ তাকে পরিব্রততা দান করেন। যে ব্যক্তি ধনঐশ্বর্য্য প্রার্থনা করে তাকে আল্লাহ ধন-ঐশ্বর্য্য দান করেন।’ একথা শুনে তিনি কিছু না চেয়ে ফিরে আসলেন। বিনিময়ে মহান আল্লাহ তাকে জ্ঞানের ঐশ্বর্য্য দান করেছিলেন। কেননা তখন তরুণ ও যুবক সাহাবীদের মধ্যে তার জ্ঞানের তুলনা ছিলোনা। তিনি রাসূলুল্লাহ্ (সা) আবুবকর, উমর, উসমান, আলী এবং য়ায়েদ ইবনে সাবিতের (রা) কাছ থেকে হাদীস বর্ণনা করেছেন। আবার তার নিকট হ’তে ইবনে আব্বাস, ইবনে উমার, জাবির, মাহমুদ ইবনে লাবীদ, আবু উমামা, আবু তুফায়েল (রা) প্রমুখ সাহাবীগণ এবং অনেক তাবয়ীনগণ হাদীস বর্ণনা করেছেন। তিনি মোট ১১৭০টি হাদীস বর্ণনা করেছেন। ৮৪ বৎসর বয়সে ৭৪হিঃ মতান্তরে ৬৪হিঃ তিনি ইন্তেকাল করেন।

### গুরুত্ব

মানুষকে পৃথিবীতে জীবনের সফরে বিভিন্ন প্রকার চড়াই-উৎরাই, ঘাত-প্রতিঘাত, বিপদ-আপদের সম্মুখীন হতে হয়। আর এ প্রতিকূলতার মধ্যেই পথ করে নিতে হয় জীবনের। হয়তো সে পথ কখনো হয় সুগম এবং কখনো হয় দুর্গম। ঈমানদারদের জন্য এ সফরের পথ দুর্গম হওয়াই স্বাভাবিক। তাই কোন ঈমানদার যেন দুর্গম পথের ক্লান্তিতে বিভ্রান্ত হয়ে লক্ষ্যস্থলে পৌঁছতে ব্যর্থ না হয় এজন্য তাদেরকে অগ্রিম সান্ত্বনা বাণী শুনানো হচ্ছে। কবির ভাষায়:-

আসছে পথে আঁধার নেমে-

তাই বলে কি রইবি থেমে;

বারে বারে জ্বালবি বাতি-

হয়তো বাতি জ্বলবে না,  
তা বিলে তোর ভীষ্মের মতো  
বসে থাকলে চলবে না।  
বস্তুত হাদীসটি বিপদগ্রস্ত মুমিনের জন্য আঁধারের আলোকবর্তিকা স্বরূপ।

### ব্যাখ্যা

পৃথিবীতে মাত্র চারটি কারণে বিভিন্ন ধরনের বালা মুসিবত আসতে পারে। যথা (১) গজব, (২) সতর্কতা, (৩) পরীক্ষা, (৪) গুনাহের কাফ্ফারা স্বরূপ। তারমধ্যে প্রথম দুটি শুধুমাত্র কাফেরদের জন্য নির্দিষ্ট এবং শেষোক্ত দু'টি মুমিনদের জন্য। এছাড়া অন্য কোন কারণে পৃথিবীতে কোন বালা মুসিবত আসে না। আর আল্লাহর অনুমতি ছাড়াও কোন মুসিবত আসতে পারে না। অন্য কথায় যে ধরণের মসিবতই আসুক না কেন তা অবশ্যই আল্লাহ্ জানেন। সূরা আত্ তাগাবুনে বলা হয়েছেঃ

مَا أَصَابَ مِنْ مُصِيبَةٍ إِلَّا بِإِذْنِ اللَّهِ

কোন বিপদ কখনো আসে না কিন্তু (যখন) আসে (তখন) আল্লাহর অনুমতি ক্রমেই আসে।

(সূরা আত্ তাগাবুনঃ১১)

সূরা আল হাদীদে বলা হয়েছেঃ

مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ مِّنْ قَبْلِ أَنْ نَّبْرَأَهَا

“এমন কোন বিপদ নেই যা পৃথিবীতে কিংবা তোমাদের নিজেদের উপর আপতিত হয়, যা আমরা তা সৃষ্টি করার পূর্বে একটি কিতাবে লিখে রাখিনি।”

(সূরা আল-হাদীদঃ ২২)

উক্ত আয়াতে কিতাব বলতে ভাগ্যলিপি-তাকদীরকে বুঝানো হয়েছে। অর্থাৎ প্রত্যেকটি বস্তুই কিতাবে চলবে বা ব্যবহৃত হবে তার নিয়মনীতি। আবার যদি ঐ

বস্তু ঠিকমত না চলে বা ব্যবহৃত না হয় তবে কোন ধরণের বিপর্যয় ঘটবে ইত্যাদি বিষয় আল্লাহ্ তার নির্দিষ্ট দণ্ডের লিপিবদ্ধ করে রেখেছেন।

সত্যি কথা বলতে কি, অবিশ্বাসীগণ বিপদের মুহুর্তে পেরেশান হয়ে যায়। কিংকর্তব্যবিমূঢ় হয়ে দিকবিদিক ছুটাছুটি করে। তবু তারা আশার কোন আলো দেখতে পায় না। পক্ষান্তরে মুমিনগণ বিপদকে আল্লাহুর তরফ হতে পরীক্ষা অথবা গুণাহের কাফফারা স্বরূপ মনে করে। ফলে তাদের মনোবল বেড়ে যায় এবং স্বস্তির সাথে ধৈর্য্য ধারণ করতে পারে। আল্লাহ্ বলেছেনঃ

وَمَنْ يُؤْمِنْ بِاللَّهِ يَهْدِ اللَّهُ قَلْبَهُ

“যে ব্যক্তি আল্লাহুর প্রতি ঈমান এনেছে (বিপদের মুহুর্তে) আল্লাহ্ তার দিলকে হেদায়েত দান করেন।” (সূরা আত্ তাগাবুনঃ১১)

অর্থাৎ তাকে ধৈর্য্যধারণের উপযোগী একটি দিল আল্লাহ্ উপহার দেন। হাজারো বিপদ মুসিবতেও যে দিল প্রকম্পিত হয় না। এজন্যই নবী করীম (সা) বলেছেনঃ

عَجَبًا لِمُؤْمِنٍ إِنْ أَمْرَهُ كُلُّهُ خَيْرٌ وَلَيْسَ ذَلِكَ إِلَّا لِلْمُؤْمِنِ  
إِنْ أَصَابَتْهُ ضَرَاءٌ صَبَرَ فَكَانَ خَيْرًا لَهُ وَإِنْ أَصَابَتْهُ سَرَاءٌ شَكَرَ فَكَانَ  
خَيْرًا لَهُ -

মুমিনের সকল কাজই বিস্ময়কর। তার প্রতিটি কাজই তার জন্য কল্যাণ বয়ে আনে। আর (এ সৌভাগ্য) মু'মিন ছাড়া আর কেউই লাভ করে না। দুঃখ কষ্টে সে সবর করে, এটি তার জন্য কল্যাণ ডেকে আনে। আবার সুখ শান্তি লাভ করলে সে শোকর আদায় করে। আর এটিও তার জন্য কল্যাণই বয়ে আনে।” (মুসলিম)।

তিরমিযি শরীফের এক হাদীসে বলা হয়েছেঃ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَا يَزَالُ الْبَلَاءُ بِالْمُؤْمِنِ

وَبِالْمُؤْمِنَةِ فِي نَفْسِهِ وَوَلَدِهِ وَمَالِهِ حَقٌّ يَلْقَى اللَّهَ تَعَالَى وَمَا عَلَيْهِ  
خَطِيئَةٌ.

“রাসূলুল্লাহ (সা) বলেছেন, মুমিন নর নারীর উপর সময় সময় বিপদ ও পরীক্ষা এসে থাকে। কখনো সরাসরি তার উপর বিপদ আসে। কখনো তার সন্তান মারা যায়, আবার কখনো তার ধন সম্পদ ধ্বংস হয় (আর এ সকল মুসিবতে ধৈর্য্যধারণ করার ফলে তার কাল্ব পরিষ্কার হতে থাকে এবং পাপ পংকিলতা হতে মুক্ত হতে থাকে), অবশেষে সে এমন অবস্থায় আল্লাহর সাথে মিলিত হয় যে, তার আমলনামায় আর কোন গুণাহ অবশিষ্ট থাকে না।

(তিরমিযি)

পরীক্ষা ছাড়া যেমন কোন ছাত্র/ছাত্রীর মূল্যায়ন করা যায় না, ঠিক তেমনি ভাবে পরীক্ষা ছাড়া ঈমানের মূল্যায়ন করা যায় না। এজন্য মুমিনদেরকে আল্লাহ বিভিন্ন ধরনের আপদ বিপদ, বালা মুসিবত দিয়ে পরীক্ষা করে থাকেন। একথাটি স্বয়ং আল্লাহ রাক্বুল আলামীন নিজেই বলেছেন:

أَحْسِبِ النَّاسُ أَنْ يَتْرَكُوا أَنْ يَقُولُوا آمَنَّا وَهُمْ لَا يُفْتَنُونَ

“মানুষ কি মনে করে- আমরা আল্লাহর উপর ঈমান এনেছি- একথা বললেই তাদেরকে ছেড়ে দেয়া হবে? অথচ কোন পরীক্ষাই তাদেরকে করা হবে না।”

(সূরা আনকাবুত: ২)

অতঃপর আল্লাহ বলেনঃ

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَ  
الْأَنْفُسِ وَالْثَّمَرَاتِ وَبَشِيرِ الصَّابِرِينَ-

আমরা অবশ্যই তোমাদেরকে পরীক্ষা করবো ভয়-ভীতি ও ক্ষুধা-দারিদ্র্য দিয়ে এবং ধন সম্পদ, ফল-ফসল ইত্যাদি নষ্ট করে দিয়ে। এমনকি তোমাদের নিজেদের জীবনের উপরও বিভিন্ন ধরনের মুসিবত দিয়ে। (এ অবস্থায় যারা ধৈর্য্য অবলম্বন করে, হে নবী) আপনি ঐ সমস্ত ধৈর্য্যশীলদেরকে সুসংবাদ দিন।”

(সূরা আল বাকারাহ: ১৫৫)

তবে ঈমানের পক্ষে যেমন পরীক্ষা দিতে হবে তেমনিভাবে সে পরীক্ষায় কিভাবে উত্তীর্ণ হওয়া যাবে তার পথও বাতলে দিয়েছেন। ইরশাদ হচ্ছেঃ

وَأَسْتَعِينُوا بِالصَّبْرِ وَالصَّلَاةِ -

(যখন তোমরা বিপদাপদে নিপতিত হও, তখন তোমরা) নামায ও ধৈর্যের বিনিময়ে (বিপদ থেকে উত্তীর্ণের জন্য) আমার নিকট সাহায্য চাও।

(সূরা আল বাকারা)

নবী করীম (সা) বলেছেনঃ

مَنْ يَتَصَبَّرْ يَصْرِفْهُ اللَّهُ وَمَا عَطَى أَحَدٌ عَطَاءَ خَيْرٍ وَأَوْسَعٍ مِنَ الصَّبْرِ -

“যে ব্যক্তি ধৈর্য্য ধারণের চেষ্টা করবে আল্লাহ তাকে ধৈর্য্যের শক্তি প্রদান করবেন। ধৈর্য্য হ’তে অধিক উত্তম ও কল্যাণকর কোন বস্তু আর কাউকে দান করা হয়নি।

(বুখারী, মুসলিম)

পরীক্ষা যতো কঠিন হবে তার প্রতিদানও হবে ততো মূল্যবান। যেমন নবী রাসূলদের মধ্যে হযরত ইব্রাহিম (আ) ছাড়া আর কাউকে আল্লাহ এত কঠিন পরীক্ষায় ফেলেননি। তাই তার মর্যাদাও সবচেয়ে বেশী বাড়িয়ে দিয়েছেন। তাকে ‘মুসলিম জাতির পিতা’ বানিয়ে চির স্মরণীয় করে রেখেছেন। শুধু তাই নয়, নবী করীম (সা) পর্যন্ত বলেছেন যে, ইব্রাহিম (আ) ও তাঁর পরিবার বর্গের উপর আল্লাহ যে ধরনের রহমত ও বরকত অবতীর্ণ করেছিলেন আমার উপর সেই ধরনের রহমত ও বরকত অবতীর্ণের জন্য দু’আ করো। যার প্রেক্ষিতে আমরা সালাতেও দরুদে ইব্রাহিম পড়ে থাকি।

নবী করীম (সা) বলেছেনঃ

إِنَّ عَظَمَ الْجَزَاءِ مَعَ عَظَمِ الْبَلَاءِ وَإِنَّ اللَّهَ تَعَالَى إِذَا أَحَبَّ قَوْمًا ابْتَلَاهُمْ فَمَنْ رَضِيَ فَلَهُ الرِّضَى وَمَنْ سَخِطَ فَلَهُ السَّخَطُ -

বিপদ ও পরীক্ষা যতো কঠিন হবে তার প্রতিদানও হবে ততো মূল্যবান। (এ

শর্তে যে মানুষ বিপদে ধৈর্য্যাহারা হয়ে হক পথ থেকে যেন পালিয়ে না যায়)। আর আল্লাহ্ যখন কোন জাতিকে ভালোবাসেন তখন-অধিক যাচাই ও সংশোধনের জন্যে তাদেরকে বিপদ ও পরীক্ষার সম্মুখীন করেন। অতঃপর যারা আল্লাহ্‌র সিদ্ধান্তকে খুশী মনে মেনে নেয় এবং ধৈর্য্য ধারণ করে, আল্লাহ্ তাদের উপর খুশী হন। আর যারা এ বিপদ ও পরীক্ষায় আল্লাহ্‌র উপর অসন্তুষ্ট হয় আল্লাহ্‌ও তাদের প্রতি অসন্তুষ্ট হন।” (তিরমিযি)।

অনেক দুর্বল ঈমানের লোক পরীক্ষার সময় বিভ্রান্ত হয়ে যায়। তাদের কথাও আল্লাহ্ বলেছেন। সূরা আল ফজরে বলা হয়েছে:

فَإِذَا الْإِنْسَانُ إِذَا مَا ابْتَلَاهُ رَبُّهُ فَأَكْرَمَهُ وَنَعَّمَهُ فَيَقُولُ رَبِّي أَكْرَمَنِ ۖ وَإِذَا مَا ابْتَلَاهُ فَقَدَّرَ عَلَيْهِ رِزْقَهُ فَيَقُولُ رَبِّي أَهَانَنِ ۖ

“মানুষের অবস্থা এই যে, তার রব যখন তাকে পরীক্ষায় ফেলেন এবং তাকে সম্মান ও নিয়ামত দান করেন, তখন সে বলে, আমার রব আমাকে সম্মানিত করেছেন। আর যখন তিনি তাকে (পরীক্ষা মূলক) বিপদের সম্মুখীন করেন এবং তার রিজিক তার জন্য সংকীর্ণ করে দেন, তখন সে বলে, আমার রব আমাকে লাঞ্ছিত অপমানিত করেছেন।” (সূরা আল ফজরঃ ১৫-১৬)

বস্তুত একজন ভালো ছাত্র যেমন সর্বদা তার পরীক্ষার জন্য প্রস্তুত থাকে তদ্রূপ একজন মু'মিনও পরীক্ষার মাধ্যমে তার মর্যাদা মহান রবের দরবারে উঁচু করার জন্য তথা রবের সন্তুষ্টি হাসিলের জন্য সদা তৎপর থাকেন। যে সমস্ত গুণের কারণে একজন মুমিন জান্নাতে যেতে পারে তার মধ্যে ধৈর্য্য অবলম্বন করাও একটি গুণ। সূরা রা'দে স্পষ্ট করে বলে দেয়া হয়েছে:

وَالَّذِينَ صَبَرُوا ابْتِغَاءً وَجْهِ رَبِّهِمْ وَأَقَامُوا الصَّلَاةَ وَآتَوُا الزَّكَاةَ وَاتَّقُوا اللَّهَ يَوْمَ لَاقُوا اللَّهَ ۚ سَيُجْزَوْنَ أَجْرًا كَثِيرًا ۚ وَلَهُمْ عِشْرَتُ أضعافٍ فَرْحَانًا ۚ

“ তারা রবের সন্তুষ্টির জন্য বিপদে ধৈর্য্য ধারণ করে, সালাত কায়েম করে। আমাদের দেয়া রিজিক থেকে প্রকাশ্যে ও গোপনে দান করে, আর অন্যায়কে

‘ন্যায় দ্বারা প্রতিরোধ করে। বস্তুত পরকালের ঘর এই লোকদের জন্যই নির্দিষ্ট।’

(সূরা আর রাদঃ ২২)

সূরা আদ দাহুরে বলা হয়েছেঃ

وَجَزَّاهُمْ بِمَا صَبَرُوا جَنَّةً وَحَرِيرًا

“আর তাদের ধৈর্য্য সহিষ্ণুতার বিনিময়ে তাদেরকে জান্নাত ও রেশমী পোশাক দান করবেন।”

(সূরা আদ-দাহরঃ ১২)

### শিক্ষাবলী

- (১) রোগ, শোক, বিপদাপদ-এগুলো আল্লাহর তরফ থেকে আসে।
- (২) বালা-মুসিবত, দূঃখ-কষ্ট, ঈমানদারের জন্য আল্লাহর তরফ থেকে হয় পরীক্ষা না হয় গুণাহ্ মাফের কাফফারা স্বরূপ।
- (৩) বিপদের মুহূর্তে সালাত (নামায) ও ধৈর্য্যের বিনিময়ে আল্লাহর নিকট সাহায্য চাইতে হবে।
- (৪) আল্লাহ্ সর্বদা ধৈর্য্যশীলদের সাথে থাকেন এবং ধৈর্য্যের বিনিময়ে তার গুনাহ্ সমূহ মাফ করে জান্নাত দিবেন।
- (৫) যেহেতু বিপদের মুহূর্তে ধৈর্য্য না ধরে অন্য কোন প্রতিকার আমাদের হাতে নেই, তাই ধৈর্য্য ধারণ করাই বুদ্ধিমানের কাজ।

### তথ্য সূত্র

- (১) তাক্বীমুল কুরআন-সাইয়েদ আবুল আ'লা মওদুদী (রহ)
- (২) মিশকাত শরীফ
- (৩) সাহাবা চরিত্র ৫ম খণ্ড-ইসলামিক ফাউন্ডেশন, ঢাকা
- (৪) বুখারী শরীফ।



عَنْ عَبْدِ اللَّهِ بْنِ مُغْفَلٍ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ  
يَا رَسُولَ اللَّهِ وَاللَّهِ إِنِّي لِأُحِبُّكَ فَقَالَ أَنْظُرْ مَاذَا تَقُولُ قَالَ وَاللَّهِ إِنِّي  
لَأُحِبُّكَ ثَلَاثَ مَرَّاتٍ فَقَالَ إِنْ كُنْتَ تُحِبُّنِي فَأَعِدْ لِفَقْرٍ تَجْفَأُ فَإِنَّ الْفَقْرَ  
أَسْرَعُ إِلَيَّ مِنْ يَحِبُّنِي مِنَ السَّبِيلِ مُنْتَهَى-

“হরত আবদুল্লাহ ইবনে মুগাফ্ফাল (রা) হ'তে বর্ণিত, এক ব্যক্তি নবী করীম (সা) এর খেদমতে হাজির হয়ে বললো: ইয়া রাসূলুল্লাহ! আল্লাহর কসম, আমি আপনাকে ভালোবাসি। রাসূলুল্লাহ (সা) বললেন: তুমি কি বলছো তা একবার ভেবে দেখো। সে বললো: আল্লাহর কসম, আমি আপনাকে ভালোবাসি। সে কথাটি তিনবার উচ্চারণ করলো। তখন আল্লাহর রাসূল (সা) বললেন: তুমি যদি সত্যিই আমাকে ভালোবাস তবে দরিদ্রতার কষ্ট সহ্য করার জন্য প্রস্তুত হয়ে যাও। কেননা, যে ব্যক্তি আমাকে ভালোভাসে সে নিম্ন ভূমির দিকে পানি যেভাবে তীব্রগতিতে প্রবাহিত হয় তদাপেক্ষাও দ্রুত গতিতে দরিদ্রতার দিকে অগ্রসর হতে বাধ্য হয়।” (তিরমিযি)

### শব্দার্থ

إِنِّي -আল্লাহর কসম। وَ (ওয়াও)-কসম হিসাবে ব্যবহৃত হয়েছে।  
-নিচয় আমি। لِأُحِبُّكَ -অবশ্যই আমি আপনাকে ভালোবাসি। এখানে 'ل' (লাম) তাকিদের জন্য বা গুরুত্ব দেয়ার জন্য ব্যবহৃত হয়েছে। উপরোক্ত শব্দটি তিনটি শব্দের সমন্বয়ে গঠিত। (যথা 'ل' অবশ্যই 'أُحِبُّ' আসি ভালোবাসি এ আপনাকে) فَقَالَ -অতঃপর তিনি বললেন। أَنْظُرْ -দেখ, চিন্তা  
ثَلَاثَ مَرَّاتٍ -তুমি বলছো। تَقُولُ -যা, مَاذَا -ইত্যাদি।

-তিনবার। -আমাকে ভালোবাস। تُحِبُّنِي -তুমি থাক। كُنْتَ -যদি। اِنْ -  
 (এখানে দু'টি শব্দ تُحِبُّ -ভালোবাস, نِي -আমাকে।) فَأَعِدْ -তবে তৈরী হয়ে  
 যাও। -নীর مِنَ السَّبِيلِ مُنْتَهَاءً -তীর গতিতে। أَشْرَعُ -দরিদ্রতার জন্য। لِفَقْرٍ -  
 ভূমির দিকে প্রবাহিত হয়।

### হাদীসটির গুরুত্ব

নবীকে ভালোভাসার দাবী শুধুমাত্র মৌখিকভাবে স্বীকৃতি দেয়াই যথেষ্ট নয় এবং নবী যে আদর্শ ও মিশন নিয়ে পৃথিবীতে এসেছিলেন এবং যে পদ্ধতিতে তা বাস্তবায়নের প্রচেষ্টা চালিয়েছেন, সে আদর্শকে নিজে গ্রহণ করা এবং রাসূল (সা) এর মতো করে জীবন পরিচালনা করাই হচ্ছে ভালোভাসার তাৎপর্য। অন্যথায় এ ভালোভাসার দাবী অর্থহীন ও অসার।

নবীর পথে চলতে গেলে বহু বাধা বিপত্তির সম্মুখীন হতে হবে। এমনকি জীবনের ঝুঁকি পর্যন্ত নিতে হবে। তাছাড়া পৃথিবীতে বহুজীবী জীবন যাপন ও আরাম আয়েশের সমস্ত পথই তার জন্য বন্ধ হয়ে যাবে। তখন সাধারণ ভাবে জীবন যাপনের প্রয়োজনীয় সামগ্রীও হালাল উপায়ে সংগ্রহ করা তার জন্য কঠিন হয়ে দাঁড়াবে। একথাগুলো ভালোভাবে বুঝে শুনে মনে প্রাণে গ্রহণ করে তবেই রাসূলের (সা) ভালোভাসার দাবী করা যেতে পারে। অন্যথায় তা হবে মুনাফিকী। কাজেই ভালোভাসার মৌখিক দাবী করে মুনাফিকের কাতারে না গিয়ে গভীর ভাবে চিন্তা করে সিদ্ধান্ত নেয়াই হচ্ছে এ হাদীসের দাবী। সত্যি কথা বলতে কি, অত্র হাদীসে নবী প্রেমের স্বরূপ উদ্ঘাটন করা হয়েছে। এ দৃষ্টিকোণ থেকে হাদীসটির গুরুত্ব অপরিসীম।

### ব্যাখ্যা

এক হাদীসে বলা হয়েছে, নবী করীম (সা) বলেছেনঃ

لَا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ وَالنَّاسِ  
أَجْمَعِينَ -

“তোমাদের কেউ ঈমানদার হতে পারবে না, যতোক্ষণ না তার নিকট তার পিতা, সন্তানাদি ও সমস্ত মানুষ অপেক্ষা আমি অধিকতর প্রিয় হবো।”

(বুখারী, মুসলিম)

উপরোক্ত হাদীস ছাড়াও এ অর্থের আরো বেশ ক’টি হাদীস অন্যান্য হাদীস গ্রন্থে আছে। সব হাদীসের মূল প্রতিপাদ্য বিষয় হচ্ছে আল্লাহর রাসূল (সা) এর ভালোবাসা। মুসলিম জাহানের উজ্জ্বল জ্যোতিষ্ক আল্লামা কাজী ইয়ায ভালোবাসার সংজ্ঞা দিতে গিয়ে বলেনঃ “রাসূল (সা) কে ভালোবাসার অর্থ হচ্ছে তার আদর্শ গ্রহণ, পালন ও রক্ষা করা। রাসূল প্রদত্ত শরীয়তকে বিলয় হতে রক্ষা করা। প্রয়োজনে তার জন্য জীবন উৎসর্গ করা। তাছাড়া ঈমান কখনো পূর্ণত্ব লাভ করতে পারে না।”

বস্তুত পিতা-মাতা সন্তানাদি এবং অন্যান্য মানুষকে যেভাবে ভালোবাসা যায় তার চেয়েও গভীরভাবে আল্লাহর রাসূল (সা)কে ভালোবাসতে হবে। যদি কখনো অন্য মানুষের ভালোবাসার সাথে নবী করীম (সা)এর ভালোবাসার দ্বন্দ্ব দেখা দেয়, হোক সে পিতা-মাতা, কিংবা আদরের সন্তান অথবা প্রিয়তমা স্ত্রী বা অন্য কোন মানুষ-তবে সবকিছুকে উপেক্ষা করে নবী প্রেমে অটল থাকা ও তাঁর মর্যাদা এবং দাবীকে যথাযথভাবে রক্ষা করে চলাই ঈমানের দাবী।

প্রকৃতিগত টান এবং নফসের প্ররোচনাই হলো পার্থিব ভালোবাসার চালিকা শক্তি। এ দু’টোর প্রভাব বলয় হ’তে মুক্ত না হওয়া পর্যন্ত এবং রাসূল (সা) এর উপস্থাপিত আদর্শের উপর প্রতিষ্ঠিত না হওয়া পর্যন্ত ঈমানের দাবীও অসার। কেননা হুজুরে পাক (সা) নিজেই বলেনঃ

لَا يُؤْمِنُ أَحَدُكُمْ حَتَّىٰ يَكُونَ هَوَاهُ تَبَعًا لِأَمْرِي بِهِ -

“তোমাদের মধ্যে কেউই পূর্ণ মু’মিন হতে পারে না, যতোক্ষণ না তার নফস বা কামনা বাসনা আমার উপস্থাপিত আদর্শের অনুগত ও অনুগামী হবে।”

(শরহুস সুন্নাহ)

এ কথার সাক্ষ্য আল্লাহ্ রাক্বুল আ'লামীন নিজেই দিয়েছেন। ইরশাদ হচ্ছেঃ

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ  
وَاللَّهُ غَفُورٌ رَحِيمٌ

“হে নবী। লোকদেরকে বলে দাও। তোমরা যদি প্রকৃতই আল্লাহর ভালোবাসা পোষণ করো তবে আমার অনুসরণ কর; তবে আল্লাহ তোমাদেরকে ভালোবাসবেন এবং তোমাদের গুনাহ মা'ফ করে দিবেন। তিনি বড়োই ক্ষমাশীল ও দয়াবান।”  
(সূরা আলে ইমরানঃ ৩১)

রাসুলের আনুগত্য আল্লাহর আনুগত্যের সমান মর্যাদা সম্পন্ন। আল্লাহ বলেন-

مَنْ يُطِيعِ الرَّسُولَ فَقَدْ أَطَاعَ اللَّهَ.

‘যে ব্যক্তি রাসুলের অনুসরণ করলো সে যেনো স্বয়ং আল্লাহর অনুসরণ করলো’  
(সূরা আন-নিসাঃ ৮০)

সূতরাং নবী করীম (সা) এর অনুসরণ করে চলা যে কত গুরুত্বপূর্ণ তা উপরোক্ত আয়াত হতেই স্পষ্ট হয়ে যায়। বাস্তবে নবীর অনুসরণ অনুকরণ না করা নবীকে অস্বীকার করার শামিল। মুখে যতো দাবীই করা হোক না কেন তার কোন মূল্যই হতে পারে না যতোক্ষণ না নবীর আনুগত্য ও অনুসরণ করা যায়। এমন কি জান্নাতে যাওয়া অথবা না যাওয়ার ফায়সালা ও নবীর অনুসরণের উপর নির্ভরশীল। নবী করীম (সা) বলেছেনঃ

كُلُّ مَنِّي يَدْخُلُونَ الْجَنَّةَ إِلَّا مَنْ أَبَى قِيلَ وَمَنْ أَبَى قَالَ مَنْ أَطَاعَنِي دَخَلَ الْجَنَّةَ وَمَنْ عَصَانِي فَقَدْ أَبَى.

“আমার উম্মতের প্রত্যেকই জান্নাতে যাবে কিন্তু যে (আমাকে) অস্বীকার করেছে, (সে জান্নাতে যেতে পারবে না।) জিজ্ঞেস করা হ'লোঃ ইয়া রাসূলান্নাহ! কে অস্বীকার করেছে? উত্তরে নবী করীম (সা) বললেনঃ যে আমার অনুসরণ করলো সে জান্নাতে যাবে, আর যে ব্যক্তি অনুসরণ করলোনা সে-ই অস্বীকার করলো।” (বুখারী)

বস্তুতঃ এতায়াত বা অনুসরণই হচ্ছে নবী প্রেমের একমাত্র মাধ্যম। যদি কেউ এ মাধ্যম অবলম্বন করে তবে তা রাষ্ট্রীয় ও সামাজিক জীবনে প্রতিষ্ঠিত করার জন্য সংগ্রামে নিয়োজিত হয়; তবে সেটা এত কঠিন ও দূরূহ কাজ যে, তার সমস্ত সামর্থ্য ও কর্মক্ষমতা এ পথেই নিয়োজিত করতে হয়। ফলে জীবিকা অর্জনের সময়টুকুও ঠিকমত জোটেনা। তাই বাধ্য হয়েই তাকে দরিদ্রতার জীবন যাপন করতে হয়।

তাছাড়া ইসলাম তথা নবীর শিক্ষাই হচ্ছে ইহকালের চেয়ে পরকালের গুরুত্ব দেয়া। কেননা দুনিয়ার চাকচিক্য, মায়া-মোহ, লোভ-লালসা মানুষকে পরকালের চিন্তা হতে উদাস করে দেয়। সামান্য ক'দিনের সুখ ভোগ অনন্তকালের শান্তির কারণ হয়েও দাঁড়াতে পারে। তাই পরকালের শান্তি থেকে বাঁচার আশায় দুনিয়ায় দুঃখ কষ্টকে স্বীকার করে নেয়াই হচ্ছে বুদ্ধিমানের কাজ। কারণ পরকালীন সুখ শান্তিই হচ্ছে চিরন্তন ও শ্বশত। তাই আলোচ্য হাদীসে বলা হয়েছে রাসূল প্রেম কোন মৌখিক দাবী বা বিলাসিতার বিষয় নয় বরং কঠিন পরীক্ষা ও দুঃখ কষ্টের জন্য প্রতুতির অঙ্গীকার মাত্র।

## শিক্ষাবলী

(১) রাসূল (সা) কে ভালোবাসার অর্থ হচ্ছে তাঁর আদর্শকে ভালোবাসা ও তাঁর অনুসরণ করা।

(২) নবী প্রেমকে বাস্তবে রূপ দিতে গেলে বহু বাধা বিপত্তির সম্মুখীন হতে হবে। এমনকি জীবনের ঝুঁকি পর্যন্ত নিতে হবে।

৩। পিতা-মাতা, আদরের সন্তান অথবা প্রিয়তমা স্ত্রী বা অন্য যে কোন মানুষের ভালোবাসার উর্দে রাসূলের ভালোবাসার স্থান ও মর্যাদা দিতে হবে।

(৪) নিজের ইচ্ছা কামনা-বাসনা সবকিছুকে রাসূল (সা) প্রদত্ত আদর্শের ছাঁচে ঢেলে সাজাতে হবে।

(৫) রাসূল (সা) এ অনুসরণ-অনুকরণ করাই হচ্ছে আল্লাহর ভালোভাসা ও অনুগ্রহ লাভের একমাত্র মাধ্যম। এমন কি রাসূল (সা) এর অনুসরণ আল্লাহকে অনুসরণের সমতুল্য।

(৬) রাসূল (সা) কে অনুসরণ অনুকরণ করা না করার মাধ্যমেই জান্নাত-জাহান্নামের ফায়সালা নিহিত।

(৭) রাসূল (সা) প্রদত্ত মিশনকে বাস্তবায়নের জন্য অবিরাম প্রচেষ্টা অব্যাহত রাখা।

(৮) ইহাকালের চেয়ে পরকালের গুরুত্ব বেশী দিতে হবে এবং পৃথিবীতে সাদাসিধা জীবন যাপন করতে হবে। এমনকি দরিদ্রতাকে হাসিমুখে বরণ করে নিতে হবে।

### তথ্য সূত্র

- (১) তাফহীমুল কুরআন-সাইয়েদ আবুল আলা মওদুদী (রাহ)
- (২) হাদীস শরীফ ১ম খণ্ড-মাওঃ আবদুর রহীম
- (৩) বুখারী শরীফ-
- (৪) মুসলিম শরীফ-
- (৫) ইসলামের পূর্ণাঙ্গ রূপ-মাওঃ সদরুদ্দীন ইসলামী।



প্রফেসর'স পাবলিকেশন্স

৪৩৫/ক, ওয়ারেন্স রেলগেইট, বড় মগবাজার  
ঢাকা-১২১৭, ফোন: ৮৩৫৮৭৩৪, ০১৭১১-১২৮৫৮৬



9843114260